

6
40-c
45



bliotheca
Coll. Rom.
Societ. Jesu

23. 7. 20.

~~23~~
~~20~~
20

6-40.e.45





R. P. D. ANTONII

DE GVEVARA

EPISCOPI MONDINI
ENSIS, CAROLI V. IMPERATO-

RIS QVONDAM CONCIONATORIS

aulici, Confessarij & Historio-
graphi,



EPISTOLÆ:

IN QVIBVS ALIQVAMVLTA

S. Scriptura loca explicantur, antiquitates illustrantur,
præcepta tam publica quam priuata rei administranda
saluberrima traduntur, reprehenduntur vitia, & ad
virtutem stimuli adduntur; quidquid denique fere in

Bibl:

vita occurrit, graphice quasi depictum
exhibetur.

Secr:

OB SVMMVM DICENDI LEPOREM, OB
lectissimorum verborum elegantiam, admirabilem acutissi-
marum sententiarum vbertatem, & multiplicem varietate.

Coll: rudiuonis copiam & ornatum, lectu non minus
vtilis quam iucundæ. *Rom:*

Ex Hispanica Lingua in Latinam traducta

Joc: A GASPARE ENS L. *Lesu*

ex legato



Mari Coccin.


COLONIAE,

Apud Conradum Butgenium;

ANNO MDCXIV.

Sub signo Arberis.







GENEROSO,
NOBILISSIMO,
AC OMNI VIRTVTVM
GENERE AC RERVVM EXPERIEN-


tia & scientia præstantissimo viro, ac

D. D. Iosepho Geitzkoflero, à

Geilenbach & Reiffeneck,

&c.

S. P. D.



ôsti, IOSEPH
NOBILISSIME, du-
abus potissimum
rebus hominem à
brutis animanti-



bus discerni, Ratione scilicet,
& Oratione: quæ um illa re-
cte intelligendi, hæc intelle-
cta cum alijs communicandi

(:) 2 est

EPISTOLA

est instrumentum; vtrique;
quum in hominibus per se ru-
des quodammodo sint atque
inchoatæ, expoliendæ, variæ
artes ac scientiæ quæsitæ sunt;
quibus qui præcellerunt, ij
quanto homo ceteris animã-
tibus præstat, tanto ceteris
hominibus præstatiores me-
rito semper fuerunt existima-
ti. Vt enim de illis scientijs ni-
hil dicam, quibus animus ve-
lut alis quibusdam subnixus,
& ad cœlestium rerum con-
templationem se se eleuat, &
suauissima rerum naturalium
& à vulgi captu remotarum
cognitione pascitur: magna
certè semper laus fuit eorum,
qui

DEDICATORIA.

qui ornate copioseque dicendi facultate instructi, linguis suis maiora fere quam alij manibus & armis confecerunt. Herculem illum non corporis modo viribus, verum eloquentia etiam tot tantasque res gessisse, Poetæ & historici testantur. Illis enim corpora resistantium constringebat; hac animos audientium vinciebat: illis in inuitos, hac in volentes sibi imperium vindicabat. Dies me citius deficiat quam exempla eorum, qui solius eloquentiæ armis instructi, omnibus triumphis maiorem adepti lauream esse dicuntur.

(:) 3

Quor-

EPISTOLA

Quorsum hæc (dicat aliquis) quum alijs, tum præsertim tibi, *Iosephe Nobilissime*, satis superque nota? Nempe eò, vt munusculum quod iam ad te mitto, verbis, vt ille apud Terentium suo fieri petit, ornem, tantoque tibi commēdatius reddam; mole quidem illud exiguum, sed rerum pondere nequaquam, vt mihi videtur, contemnendum. Epistolæ sunt, fateor: sed Epistolæ eius viri, quem præter summas, quæ homini diuinitus contingere possunt dotes, admirabilis eloquentia, cum incredibili cōiuncta parrhesia, iam dudum
supra

supra omnē euexit inuidiam,
 & immortalitatis premio do-
 nauit. Et per Deum immorta-
 lem, quid, quæso, tam in pri-
 uata quā publica vita est, cu-
 ius non hic vel saluberrima,
 præcepta tradita, vel clarissi-
 ma exempla proposita legan-
 tur? Sed malo hæc legentium
 permittere iudicio, quam soli
 lucem velut mutuādo, inep-
 tus videri. Illud tantum addo,
 me postquam animaduerte-
 rim quum alia huius Aucto-
 ris, tum hunc etiam Epistola-
 rum librum in varias linguas
 translatum, non sine fructu
 passim teri ac legi: eiusdem in
 Latinū sermonem traducēdi,

EPISTOLA

homini in ista palæstra non, in exercitatu negotium dedisse, ut ita unus omnium gentium, quarum communitas huius linguæ potissimum usu continetur, commodis inservire posset.

Eum vero tuo potissimum nomini, *Josephe Nobilissime*, inscribere volui. Nobilitatem spectro? Quis Geitzkoflerorum nobilissimum in Tirolensi Comitatu genus nescit? E quo multi tam belli quam pacis aribus spectatissimi viri Carolo & Ferdinando fratribus, necnon Maximiliano II. Rudolpho II. & ei qui iam Imperij habenas moderatur,

deratur, Inuictissimo Cæsari
 Matthiæ fortem ac fidelem
 operam nauarunt, & adhuc
 nauant, quum de toto Impe-
 rio, tum de Serenissima domo
 Austriaca optime meriti, &
 magnos honores ab ijsdem
 cōsequuti. Vt maternū tuum
 Gesvvindorum Interamna-
 tium genus taccam, quod in
 Carinthia tam auctoritate &
 opibusquam rerum gestarum
 gloria meritissime celebra-
 tur, quique hodie etiam & Se-
 renissimi Principis Archidu-
 cis Ferdinandi, & c. & Pro-
 uincialium Ordinum, in quo-
 rum numero & ipsi sunt, ho-
 nori & emolumentis inserui-

(:) s re non

EPISTOLA

re non cessant. Hæc quidē
ut sunt, ita magna alijs vide-
antur. Equidem in te ego a-
lia ac tibi magis propria ad-
mirari soleo: ingenium ma-
gnum & ad omnia aptum,
iudicium rectum ac suba-
ctum, eruditionem non vul-
garem, raram modestiam, a-
nimum denique omnibus i-
sta tua fortuna & ætate dig-
nis virtutibus exornatum,
quarum commendatione in
Imperatorū, Regum & Prin-
cipum aulas iamdudum ac-
ceptus esses, nisi te summa
pietas & Religiosus animus
potius ad Regem Regum, &
Dominum dominantium,
quam

EPIST. DEDICAT.

quam ad huius mundi caducam traheret gloriam & magnificentiam. Sed non dubitandum quin tempus aliquādo venturum sit, quo tuæ præclaræ virtutes & inuictus in laboribus animus te aliquādo etiam inuitum ad magna negotia Imperatoris, Regum & Principum pertracturus sit. Plura hoc loco de te dicere superſedeo, veritus ne in os laudare te videar: à qua tamen ſuſpicionē quum mea natura, tum rei ipſius euidētia facile me vindicabit.

Quod ſuper eſt, *Joſephe Nobiliſſime*, etiam atque etiam rogo, vt propenſiſſimi hunc
animi

EPIST. DEDICAT.

animi mei affectum bonam,
in partem accipias, & in cli-
entum tuorum albo vel ex-
trema saltem linea hæerere me
patiaris, vt qui sum, atque æ-
ternum manebo

*Tuæ Nobilitatis
obseruantissimus,*

Conradus Butgenius.

Coloniæ XII. Martij 1614.

Candi-

Candido Lectori
S. P.



Ecte Horatius:

*Omne tulit punctū, qui miscuit utile dulci.
Id si de villo, certe de nostro Au-
ctore; ac si de villo, certe de hoc
Epistolarū libro dici potest. Ad
ipsum Auctorem quod attinet,
satis ille iam superque notus,
quum ex antiqua generis nobi-
litate (quod ille una harum E-
pistolarum breuiter commemo-
rat) tum varijs scriptis, in Ita-
licam, Gallicam, Belgicam, &
Germanicam linguā ex Hispa-
nica translatis. Inter maximas
vero huius viri dotes, nullas ego
magis*

magis admiror & suspicio,
quam incredibilem quavis vi-
tia reprehendendi libertatem,
cum pari lepore coniunctam:
vbi ex ipsa lectione facile de-
prehendes. Hoc autem te mo-
nitū volo, beneuole Lector,
Auctorem hunc nostrum in
efferendis suo arbitratu, vel
etiam fingēdis hominum, gen-
tium & Scriptorum nomini-
bus, vbi etiam in locis ac tem-
poribus designandis, licentia
quadam vti: quā à Germa-
nico interprete vbiq̃ue fere ex-
pressam, nos, quantum fieri
potuit, emendare, & vera ex
Auctoribus nomina petere
studuimus.

Non

Non abnuerim quoque,
elegantiam illam quæ in Ca-
stellana lingua & ipsius Au-
ctoris stilo mirifice elucet, pa-
ri felicitate forte me non as-
sequutum esse: id tamen ope-
ram dedi, ut ex Hispanicis
optimis, Latina non pessima
facerem; & sicubi fortè à ver-
bis, numquam tamen à genu-
ino Auctoris sensu longius abs-
cederem: quod quidem bo-
ni & fidelis Interpretis est
munus. Cæterum, ordinem in
in collocandis Epistolis sequu-
tus sum, qui aptissimus mihi
videbatur.

Quæ vero supersunt Episto-
læ, eas Deo bene iuvante, ad se-
quente

quentes nundinas tibi hac eā-
dē, id est, Latina lingua loquē-
tes, daturi sumus: ut & alia
quædam ijsdem ab Auctore ad-
nexa. Interim fruerere his, Lector;
& sicubi forte siue typographi-
carum operarū, siue etiam nō-
strū (qui enim sæpius collineat,
fieri non potest quin aliquando
oberret) occurrat erratum, hu-
maniter emendare ne graueris:
ut sic animus ad cetera quo-
que pertexenda nobis ad-
datur. Vale.



AVCTOR CAROLO
V. IMPERATORI DE
VICTORIA AD TICINVM,
*capto Francisco Galliarum Rege par-
tula gratulatur: eundemque ad clementiam
erga subditos qui rebellauerant
adhortatur, &c.*

BIBLIOTHECA NAZ.
ROMA
VITTRIO. EMANUELE.



OLONIS inter leges,
quibus Atheniensium
Rempublīcā is consti-
tuerat, & hæc fuit, vt
eum diem quo victo-
riam ab hostibus ef-
sent consequuti, &
Deorum sacrificijs,

Dei benefi-
cia grata
manu acci-
pienda.

& eorum qui fortiter ac strennue in præ-
lio sese gessissent, honoribus ac præmijs
concelebrarent, vti scilicet posthac & illis
tanto magis propitijs, & his tanto ad quæ-
uis erga patriam obsequia promptioribus vi-
derentur: Iidem, Plutarcho teste, Xerxis
exercitu in campis Marathonijs profliga-
to, Dianæ Ephesinæ tantam auri & argenti
vim donariorum nomine obtulerunt, vt
vniuersæ Græciæ opes eò congestæ viderentur.
Etruscis & Volscis à Camillo vi-

Etis, Romanæ matronæ Apollini Delphiæ
 co ornamenta sua aurea atque argentea, at-
 que adeo omnem mundum muliebrem
 dono miserunt. Sylla quidem, bello con-
 tra Mithradatem feliciter confecto, non
 manubias tantum, sed etiam pateram san-
 guine suo plenam Marti obtulit & conse-
 crauit. Inclytus Hebræorum dux Iephthes
 votum fecit, se parta de hostibus victoriæ,
 filiam suam Deo immortalī immolaturum;
 idque exsoluit.

Quæ omnia cō pertinent, vt Reges,
 Principes ac duces intelligant, quam gratis
 animis quum omnia Dei dona, tum in pri-
 mis præclaræ eiusmodi victoriæ, è Dei ma-
 nu accipiendæ sint atque agnoscendæ. Vt
 enim illis in procliui est bellum susci-
 pere ac gerere; ita solius Dei est victo-
 riam cui velit, largiri. Deo quidē nihil tā
 exosum est quam animus pro acceptis be-
 neficijs ingratus. Hominum beneficia be-
 neficijs compensari æquum est; at pro om-
 nibus quæ benigne nobis Deus facit, nihil
 aliud quam gratum animum postulat. Be-
 neficio certe indignus est qui beneficiū non
 agnoscit. Ingrato homini nec Deus au-
 xilium, nec homines operam & seruitium
 præstare dignantur. Quæ quidem cō à me
 dicuntur, inuictissime Imperator, vt tanto
 melius intelligas quantum Deo Opt. Max.
 pro nupera hac præclarissima & admirabi-
 li vi-

*Pro omni-
 bus Deus
 nihil nisi
 nisi gratum
 poscit ani-
 mum.*

!! victoriâ, quâ Galliarum rex captus, & in
 suis ipsius tîremibus in Hispaniâ captiuus
 abductus est, debeas; tû vt fortissimos duces
 ac milites, quorû virtute ea victoriâ parta
 est, quâ par est gratia & fauore prosequaris.
 Illud quoq; perpendas, atque ex hoc ipso
 colligas moneo, quâ dubij atq; incerti sint
 bellorû exitus. Quid enim? Annon Galliarum rex ipse, quû suorû tum complurium
 Italicorû Principû corona cinctus, & omniû
 fere auxilijs & fauore adiutus, prælio inter-
 fuit, & tã boni militis quâ imperatoris offi-
 cio functus, nihilominus victus & captus est,
 præcipua Nobilitate & militû roborẽ amissis.

*Dubia Mar-
 tis alea.*

Erras profecto, Imperator, si victoriâ hâc
 tuâ vel prudentiæ vel felicitati fers accep-
 tã. Istiusmodi enim euentus nõ à cæcæ For-
 tunæ arbitrio vel temeritate, sed à certâ om-
 ni potētis Dei prouidentia dependēt. Quod si
 diuinus vates idēque rex ac vir Deo accep-
 tissimus, Dauid inquam, diuinorum erga se
 beneficiorû magnitudine quasi obstupescēs,
 exclamare nõ dubitauit: *Quid retribuā Domino
 pro omnibus quæ retribuit mihi?* quid miseris no-
 bis peccatoribus faciundū erit, qui nec satis
 scimus quid agamus, nec quid quâ habemus
 quod Deo demus? Tanta est naturæ nostræ
 imbecillitas, tantâ conditionis vilitas, tãta
 rerum omnium inopia, vt nisi illud ipsum
 quod Deo debemus, Deus nobis dederit,
 nihil omnino quod demus, habituri simus.

*à Deo vi-
 soria.*

Atqui maius ille nobisque melius dare nihil potest, quam gratiam omnibus vitæ nostræ diebus ipsi seruiendi, omnesque peccandi illecebras & occasiones vitandi. Equidem tibi, ô Imperator, nequaquam auctor sum, vt Romanorum exemplo ciuilia tua & res preciosissimas Deo, in grati animi testimonium, offeras, aut, quod Græcos fecisse dixi, aurum & argentum templis inferas; multo minus vt sanguine tuo, velut Sylla, Deo sacrifices; aut liberos ex te natos, ceu Iephthes, immoles. Vnum, vnum est quod vt facias moneo, hortor ac rogo, vt scilicet subditorum Castulonensium, qui prauis consilijs impulsæ tibi rebellarunt, insolentiam & contumaciam bona fide ex animo deleas atque obliuiscaris, eiusque vltionem Deo commendes. Neque enim vllum supremo Numini gratius offerri potest sacrificium quam animus ad ignoscendum facilis. Munera quæ homines sibi inuicem mittunt, ex arca depromuntur; at iniuriarum obliuio ac venia ex intimis cordis penetralibus proficiscitur. Neque enim quidquam altius animo insidere solet quam iniuria & contumelia: quæ animum acutissimis stimulis assidue fodiunt, & in diuersas partes distrahunt, dum ratio eas contemnendas, cupiditas vlciscendas suadet. Meo quidem consilio si vti velint Principes, id operam dabunt, vt obman-

*Gratissima
Deo est iniuriarum
obliuio.*

mansuetudinem amentur potius à subditis quam ob seueritatem metuantur. Multos enim metuat necesse est, quem multi metuunt. Sed tanto faciliorem miseris his qui arma contra Maiestatem Tuam ceperunt, veniam largiri debes, quod eorum alij iam mortui, alij in exilium pulsi, alij grauissimis incommodis & calamitatibus immergi, satis pœnarum iam dedisse videntur. Annon satius fuerit, miseris ignoscendo, æternam clementiæ laudem, quam eosdem ulterius exagitando, crudelitatis opinionem conciliare, adeoque omnium odio & conuicijs sese exponere? Aspice miserorum illorum vxores desolatas, & ad extremam redactas inopiam; aspice filias ipsorum de pudicitia periclitantes; aspice cognatos & amicos, quorum animis incertum est an miserorum illorum fortuna maiorem luctum, an fronti pudorem imprimat: aspice parentes liberis, liberos parentibus orbos: quibus si tu clementer ignoscas, ipsius quidem beneficij sensus ad paucos, at fructus cum immortalis nominis tui laude coniunctus, ad omnes pertinebit. Semper quidem & in omnibus tutior est contumeliæ obliuio quam ultio: cuius cupiditas immane quam multos pessum dedit! Iulio Cæsari non tantam erga omnes eos qui Pompeij partes sequuti fuerant, vsurpata clementia beneuolentiam

*Sit modus
pœnæ.*

*Titius est
obliuisci
quã vlcisci
iniurias.*

conciliauit, quantum vnus Pompeij cæ-
des odium & inuidiam conflauit. Illum ta-
men nullius rei tam facile obliuisci soli-
tum ferunt quam iniuriarum; nec vllas
vniquam rationes accuratius subdixi sse,
quam vt pro beneficio accepto gratiam re-
ferret. Inter Romanos Imperatores duo
numerantur, vt nomine ita moribus plane
diuersi, Nero & Antoninus: quorum illius
obnefaria scelera & inaudita crudelitatem,
nomen æterna detestabilis tyranni infamia
notatur, hodieque omnibus abominatio-
ni atque horrore est; huius vero ob incredi-
bilem animi mansuetudinem ac clementi-
am, Pij cognomento condecorati, memo-
ria, singulari cum omnium amore & bene-
uolentia etiamnum vsurpatur. Cetera vi-
tia, vt auaritia, inconstantia, secordia,
profusio, in principe id efficiunt vt ad po-
pulos regendos minus aptus videatur; at ni-
mia seueritas, cupiditas vltionis, &, vt vno
verbo dicam, crudelitas vix ac ne vix qui-
dem in tyranno Deo hominibusque exo-
so tolerantur. Neque enim qui aliena di-
ripit, sed qui crudelitatem in ciues, adeo-
que omnes exercet, Tyrannus censetur.
In mperatorum catalogo quatuor Caro-
li numerantur, Carolus Magnus, Caro-
lus Bohemicus, Carolus Caluus, & Caro-
lus Crassus: his tu Quintus accedis, quem
multo pulchriori, eodem scilicet quo An-
toni-

*crudelitas
Deo ho-
nibusque
inuisa.*

toninum, elogio & cognomento, pij nimirum, insigniri ac cohonestari, & non minus quam illum ab omnibus subditis amari optamus. Sed iam Callisthenes mihi aurem vellicat, illud insusurrans, Consilium quod magnatibus demus, paucis verbis, sed solidis rationibus comprehendere debere. Quare dicendi finem facio, vnum hoc prius tamquam è tripode effatus: neque ad promerendam Dei gratiam, neque ad conciliandum subditorum amorem quidquam efficacius esse quam Clementiam, & summum in rerum potestate omnium modum.

DE REGII ET IMPERATO-
rj nominis origine : tum de Regum
munere & virtutibus.

DISSERTATIO:

*Ad Carolum V. Imperatorem
habita.*

*Principes
obsequio
magis quā
consilio de-
lectantur.*

IN festo tribus Regibus sacro,
in Regis palatio, & præsente
quidem Rege dicturus, quid
potius quam de Regibus eo-
rumque officio dicere pos-
sim aut debeam? quamvis non ignorem,
vt iam sunt mores, obediendi magis & in-
seruiendi quam docendi aut commonefa-
ciendi officium ac studium Reges hodie
requirere. Quum vero apud eum mihi
verba facienda sint, qui non Regia solum,
sed & Imperatoria dignitatē fulget; non
abs re facturus mihi videor, si vtriusque
tamquam supremi inter homines gradus
nomen atque originem explicuero; vt &
imperandi officium, & parendi disciplina
tanto melius cognoscatur.

Primo quidem apud varias gentes varia
Regum fuit appellatio. Ægyptij Pharaon-
es, ac deinde Ptolemæos, Parthi Arsaci-
das, Latini Tarquinius, Albani Syluios, Si-
culi

culi Tyrannos, Argiui vero Basileas eos appellabant qui apud eos rerum potiebantur: qui hodie ut plurimum Reges dicuntur. Primus Regum, si Argiuis credimus, *Regum ap. Phoroneus fuit; quamuis Græci Laomedontem prodant. pelassio origo.* Vtra sententia vera sit, nouit qui omnia. Etsi vero illud quis primus fuerit, ut nec illud quis postremus futurus sit, pro certo satis scimus: scimus tamen eos omnes qui fuerunt, iam olim mortuos esse, & qui posthac futuri sunt, itidem morituros: quum Parcæ illæ nemini parcant; & inexorabilis Mors, ut Poeta ait, sceptrâ ligonibus æquet. Olim quidem Regium nomen non dignitatis, sed officij & publici erat muneris; nec perpetui erant Reges, sed noui quotannis eligebantur, non secus ac hodie ijs qui pro Regibus rempublicam administrant, successor dari solet. Tyranni vox non honesta tantum sed splē *Tyrannus quis.* dida olim fuit, adeoque omnib; penes quos summa erat imperij tribuebatur: posteaquâ vero animaduersum est alios melius ac iustius alijs imperare, ij quidem qui moderate imperio uterentur, Reges; qui vero cupiditatibus suis indulgerent, ac proculcatis legibus, sua voluptate atq; utilitate omnia metiebantur, Tyranni appellari cœperunt. Ex quo intelligitur Regum appellatione eos tantum vere dignos esse qui Rempublicam bene & laudabiliter administrant. Quo

iure rex dicatur, qui Regendi artem nec tenet, nec exercet?

Deus in Aegypto sibi domicilio & ecclesie constitutæ atque inde eductæ non Reges, sed duces vel iudices præfecit, qui populo ius dicerent, & contra vim præsidio essent: quales fuerunt Moyſes, Iosua, Gedeon, Iephthes & Samson, qui populo non vt seruis, aut subditis, sed vt fratribus utebantur. Et hæc quidem forma Reipublicæ ad Samuelis vsque tempora durauit, sub quo Israelitæ Regem sibi dari petierunt, à quo, ad instar ceterarum nationum, regerentur ac propugnarentur: quorum precibus Deus, etsi inuitus quodammodo annuens, Saulem Regem renunciari iussit.

Romani initio administrandæ Reipublicæ Reges, bellis vero gerendis Duces adhibuerunt: sed illorum imperia tam grauius tulerunt, vt septem tantum omnino Reges apud eos commemorantur. Nihilominus quum è vatium & aruspicum responsis intellexissent, Regium nomen sacrosanctum esse, ac dijs peculiare; ne Reges destituerentur, Regem Sacrorum dixerunt primarium Iouis sacerdotem, qui Regis quidem nomen gerebat, at sacerdotis officium ac munus exsequebatur.

Rex SACRO-
rum.

Explicato Regis nomine, consequens est vt Imperatorium quoque siue Cæsareum nomen

nomen ac dignitatem, quæ præcipua hodie est, & ardentissimis etiam summorum Principum studiis expetitur, paucis enucleemus atque indicemus. Scythæ quidem, Assyrij, Persæ, Medi, Græci, Troiani, Palæstini, & Ægyptij duces habuerunt ac Principes non bellicosos tantum ac strenuos, verum etiam Reipublicæ administrandæ peritissimos; quorum tamen nemo Imperatoris siue supremi Monarchæ nomine à suis cohonestatus, multo minus id sua sponte sibi sumere ausus fuit. Priscis enim illis & adhuc aureis temporibus non inanibus verborum titulis, sed fortiter ac præclare factis verus honor atque dignitas æstimabatur. Romani nomen hoc non quidem summis in Reipublicæ Principibus aut magistratibus, sed supremo belli siue exercitus duci, primi tribuerunt. Idem annuos habebant magistratus: ac primum quidem Rex Sacrorum siue summus Sacerdos dicebatur, inde Dictator, Consules, Tribuni plebis, Imperator, Censores, atque Aediles creabantur. Ex quo perspicuum est Imperatorium nomen non dignitatis, sed muneris tantum, siue magistratus, & quidem annui fuisse. Hinc Q. Cincinnatus, Furius Camillus, Mavrus Marcellus, Q. Fabius, Annius Fabricius, Lucius Metellus, Sempronius Gracchus, Scipio Africanus, & alij omnes qui Reipublicæ

copijs

*Imperato-
res qui di-
ci solent.*

copijs siue exercitibus summo cum imperio præerant, Imperatores dicti fuerunt: quo tamen nomine vnà cum magistratu eodem momento sese abdicabant, gentilitio contenti. Post victoriam Pharsalicam, deuicto Pompeio & oppressa Republica, Iulius Cæsar, non ignarus quam odiosum Romanis esset Regis nomen, de amicorum sententia, quamvis Regiam dignitatem inuasisset, Imperator tamen siue exercitus dux appellari maluit: à quo, vt & successore eius Octauiano Augusto, ceteri deinceps omnes, Tiberius, C. Caligula, Claudius, Nero, &c. ad hæc vsque tempora Augusti, Cæsares ac Imperatores sunt denominati.

*Magne vir-
tutis magnus
homo de-
betur.*

Ex ijs quæ hætenus dicta sunt, satis, opinor, constat, vnde Regium nomen deductum sit, & vnde Imperatoria dignitas orta sit: restat iam vt quomodo Rex regnum, Imperator imperium administrare debeat, edisseramus. Ac primo nemini dubium est, quin vt summa hæc vtraque est dignitas, ita summæ vtraque virtuti debeatur. Absurdum sit immo turpe reique publicæ perniciosum, si aratro dignus sceptrum, & sceptrum dignus aratrum teneat. Parum est dignitatem quantamcunque obtinere, nisi ea quis dignus sit. Quod si in eo singularis virtus requiritur qui Rex esse velit; quanto maior in eo qui simul Rex est & Imperator.

Malus

Malus Princeps nullum beneficium fert acceptum; at apud bonum etiam minimi ratio constat, Ingrati erga Deum & homines Principis consilia plerumque videas male succedere, & ditionem multis miseris affligi: sic ut quæ unus peccat, multi luere cogantur.

Ne vero quis dicis tantum caussa hæc à me dici, aut è meo cerebro confingi existimet, locum aliquem S. Scripturæ proponam atque excutiam, qui Regis aut Principis tam publicum quam priuatum munus describat. Neque enim in Principe sufficit ut bonus sit, verum etiam requiritur ut bene Rempublicam administret. sed nec hoc sine altero satis est. Deuteronomij xvi. capite Deus Mosis hæc ferè loquitur: *Ex fratribus tuis eliges tibi Regem super te, non peregrinum. Is vero Rex factus, nec multos equos alet, nec populum ad Aegyptum conuertet. Sed nec multas vxores ducet, ne cor ipsius auersum, ad illas trahatur. Superfluum etiam argentum & aurum non colliget, nec in superbia cor super fratres suos eleuabit, nec a lege vel ad dextram vel ad sinistram deflectet.* Quæ verba si pro materiæ dignitate atque vbertate explicare velim, nullum equidem dicendi finem sim reperturus. Paucis ergo tantum singula capita perstrin- gam.

Primo vult Deus ut Rex Israelitici populi indigena sit, id est, Hebræus & circumcissus, non

*Rex ex Dei
prescripto
qualis esse
debeat.*

qui Chri-
stianus.

non gentilis. Neque enim ferrè poterat Deus ut populus qui ipse seruiret, ab eo qui idola coleret regeretur. Sic ergo æquum est & nunc, ut qui Christianus imperat, & ipse tam re quam nomine Christianus sit. At Christianus nulla re magis dignosci potest, quam in Deo factas contumelias & blasphemias seuerissime vlciscatur, suas obliuiscatur. Indigena is cēsendus est qui verbum Dei amat & seruat, & Ecclesiam defendit. Audacter dico, Regno dignus non est qui non summo diuinæ legis studio & zelo flagrat.

In aula plus
perditur
quā consti-
tuitur.

Iubet etiam Deus, ne Rex futurus multos aliat equos, id est, ne regni aut publicas opes luxu prodigat, numerosam familiam & onerosum inprimis equitatum alendo. Hoc quidem ij sumtus minime prohibentur, qui vel hospitibus excipiendis, vel alēdis ministris, vel benemeritis remunerandis, vel denique Principi tam magnificentiæ quam munificentie tuendæ sunt necessarij: sed illud tantum monentur Principes, ut inutiles sumtus fugiant, opesque ita dispensent ut liberales, non prodigi videantur.

Tertio, quod futurus Rex prohibere, iubetur ne populus in Ægyptū reuertatur, sic intelligendum est ut ne populum deos alienos colere, aut Pharaoni seruire amplius permittat. Quum enim solus Deus
suos

suo nutu omnia creavit, & sua potentia
 omnia moderetur ac regat; sibi quoque so-
 li debitum cultum præstari vult, ut scilicet
 solus adoretur atque inuocetur. Aegypto
 egredi est peccata fugere; at in Aegyptum
 reuertitur, qui in peccatum relabitur. Ad
 boni ergo Principis officium pertinet non
 solum pios defendere & præmijs afficere,
 verum etiam impios punire, & à malo de-
 terrere. In Aegyptum reuertitur quisquis
 non clam sed palam peccat, & malos mo-
 res ultro profitetur ac præ se fert: quod ge-
 nus hominum Princeps nequaquam ferre,
 sed modis omnibus coercere debet. Occul-
 ta enim peccata ad Dei; at manifesta, ad
 Regis seu Principis tribunal pertinent. In
 Aegyptum quoque reverti subditos Prin-
 cipes permittit, quando ipso conniunte,
 mutua exercent odia, aliena ad se rapiunt,
 egenorum facultates usuris exhauriunt, li-
 bidinibus indulgent, & quæcumq; flagitia
 palam perpetrant. Qui enim ad ista con-
 niunt Principes, etiamsi culpæ socij hic
 non sint, ibi tamen pœnæ socij sunt futuri.
 Ut vero Rempublicam recte atque utili-
 ter administrent, necesse est ut non modo
 non amentur, verum etiam ab improbis
 metuatur. Quod si quem in delicijs habeat
 arrogantem, superbum, libidinosum; aut
 buscumque alijs vitijs laborantem, ei
 eadem de facultatibus quantum videbi-
 tur

*Manifesta
 qui fert delicta
 facit.*

tur communicabunt, at eius caussa ne minimam quidem labem conscientiae suae inurent.

*Vage libidines Principi
fugiendae.*

Quartum quod Deus hic praecipit, est, ne Rex multas habeat vxores, sed ut una Regina contentus, alienos omnes amores auerfetur & fugiat: eam praecipue ob causam, ne subditis scandalum praebet. Magis enim exemplo quam facto peccant Reges, Deumque & homines offendunt. In S. Scriptura non tam Daudis, Achabi, Assae, & Ieroboami peccata ab ipsis commissamquam scandalum alijs data exaggerantur. Paucos enim subditos ad frugem redire videas, ubi Princeps ipse non est frugi. Et tanto magis ab omnibus observatur Princeps, quanto in altiori dignitatis loco est constitutus. Laudantur à profanis scriptoribus Alexander Magnus, Scipio Africanus, Octavianus Augustus, Traianus, M. Aurelius, quod non modo non cuiusquam pudicitiam intulerint, verum etiam captivas mulieres aspicere noluerint, ne scilicet forma ipsorum ad libidinem accenderentur. Et quis horum virtutem non laudet, non admiretur? Maioris enim est animi atque operae parato resistere vitio, quam hostilem aciem perrumpere.

Quinto Regibus populi sui Deus multos colligere thesauros vetat, id est, iubet ne auari sint. Mercatorum est pecuniam accu-

accumulare; Principum, dispensare. Alexandri Magni liberalitas verioribus laudibus ornatur quam incredibilis fortitudo. Econtra Vespasianus ceteroqui bonus Imperator reliquarum virtutum suarum laudes vno avaritiæ crimine contaminavit; quæ tanta in ipso fuit, ut è lotio etiâ & foricis tributum exegerit. Plato eis Reipublicæ gubernacula tradenda censeret, qui in iudicijs iusti sint, in verbis & promissis veraces, in actionibus & factis constantes, in consilijs taciturni, in dando liberales. Ob potentiam Reges & Principes timentur; ob liberalitatem iidem amantur. In Regum servitio non eorum virtutem, sed emolumentum spem plerique omnes sequuntur. Quod ergo Deus Principem thesauros colligere prohibet, eo monet ut ei ultro omnes serviant, ipse vero qua par est erga omnes liberalitate utatur. Neque enim cum agrum quis facile consequerit, ubi nullâ spes sit messis.

*Avaritia
Principi
vitanda.*

Sexto iubet Deus futurum populi sui Regem Superbiarum fugere: ac denique Deuteronomium seu divinam legem assidue legere ac ruminari. Sed quia materia hæc amplior est quam ut hoc loco explicari possit, ea in aliud tempus dilata, vela iam contraho. Deum venerans comprecansque, ut Cæsarem V. Maiestatem incolumem nobis cōseruet, nobisque omnibus gratiam suam & æternam tandem gloriam largiatur: ad

B

quam

quam nos perducatur, Iesus CHRISTVS
Amen.

DE LYCVRGO ET LEGIBVS AB EO LATIS

DISSERTATIO,

Ad Reginam Germanam habitã.

Roxime elapso die Dominico, quum de excidio vrbis Hierosolymitanę concionem habuissẽ, misisti ad me, qui mandaret tuis verbis, vti, quis fuisset ille Philosophus Lycurgus, cuius toties leges allegassẽ, & vitam commẽdassẽ, vel voce vel scripto tibi significarem: & in huius operę compensationem, maioremque mei obligationem ad mensam tuã clementissimẽ inuitandũ me curasti, & horologij nõ exigui valoris dono ornatum voluisti. Qua tua tam clementi inuitatione, & larga munificentia, ob rem tam leuẽ, qualis hæc est, minime opus fuisset apud me, cui abunde est & delectationis & gratię, si, quod à me proficiscitur, gratum acceptumq; habes. Rogo autem, vt, quando voluisti virgines tuas & gynæceum, vna cū Nobilibus aulicis, orationi meę interesse, impetres illis clementissimẽ, vt tanti tẽporis silentium mihi præstent. Resciui enim, cõspiras

spirasse eos inter se mihi verba facienti, si queant, perturbationem iniicere atque obstrepere velle.

Priscis mundi seculis, tenente Assyriam rege Sardanapalo, Iudæam Olla, Telplione Macedoniam, Phoca Græciam, Italiam Alchimo, & Arthabano Ægyptum, natus est Lacedæmone Lyeurgus: non minus Philosophus, quam Rex, nec minus Rex, quam Philosophus. Nam illa ætate, adhuc aurea, aut. regnabant Philosophi; aut Reges philosophabantur.

Statura fuit, auctore Plutarcho, exigua, facie pallida, & parvus verborum. Valetudinis fuit illi parum, sed multum virtutum. Nullius vnquam criminis insimulatus fuit: rempublicam nunquam offendit aut turbavit: vindictæ minime cupidus: iniurius nemini; in victu temperans: in dando liberalis: somni & sermonis exigui: in negotijs cautus: in colloquijs affabilis & humanus: patiens in exaudiendo: in expeditionibus celer: in respondendo promptus atque expeditus: ad puniendum tardus & exorabilis; & facilis ad condonandum. Thebis educatus est: literas didicit Athenis. Vir, professionem suscepit in Indiam: senex demum regnum inijt Lacedæmoniorum, quos Spartiatis alio nomine appellamus, Græcos natione, sed moribus Barbaros. Laus viri est, quod scribitur nunquam con-

*De inter
Christianos
salem.*

*Alij ab
Hercule
instituta
volunt.*

spectus fuisse ociosus, abstinuisse vino, equum non conscendisse, litem nemini intendisse, erga hostes mitis fuisse, erga amicos benignus et gratus. Ipse dijs sacrificabat, in Academia docebat, afflictorum querelis aurem commo-
modabat, de jure respondebat, & fontes co-
ercebat. In bello magnanimus, in periculis
cautus, in consilijs promptus: seuerus erga re-
belles, diligens in omni re et prouidus, ocij
juratus hostis. Olympia primus instituit.
Ludi solennes hi erant, qui quarto quoque
anno ad urbem Olympiam celebrabantur,
hoc fine, vt studia artium liberalium ab om-
nibus excolerentur. Suam enim quisque
solertiam atque industriam in hoc conuen-
tu probare satagebat. Primus leges dedit
Spartiatibus, dictas postea (ante tamen So-
lonis & Numæ Pompilij ætatem) Lace-
dæmoniorum leges. Primus denique no-
socomia & xenodochia publico sumtu ex-
struxit, vbi curarentur ægroti, & quo se
reciperent egeni. Multum sudauit in incus-
tenda sui & Legum reuerentia genti Lace-
dæmoniorum, vtpote ante ipsius tempora in-
cultæ & barbaræ. Aliquândo duos eiusdem fœ-
tus canes iussit, alterum quidē in vrbe edu-
cari, delicateque haberi, alterum vero ruri
custodiendo ouium gregi destinari. Quibus
anno vertente in forum, inque conspe-
ctum totius ciuitatis productis, quum pati-
nam carnibus repletam vni illorum appo-
sisset,

fuiſſet, ſimulque leporem adhuc viuum di-
miſſet: euenit, vt qui ruri educatus fue-
rat, continuo in leporem irrueret, qui ve-
ro domi delitijs aſſueuerat, ad carnes pro-
peraret. Tum Lycurgus conuerſus ad La-
cedæmonios, Vos mihi teſtes eſtis, inquit,
ciues, ambos iſtos canes vno die, vna hora,
in vna domo, eodem partu eſſe editos, eo-
dem patre eademque matre genitos. Atqui
alter eorum, quum in agro educatus fue-
rit, leporem inſectatus fuit, alter contra,
quia perpetuo in culina latens gulæ deditus
fuit, propere ad patinam accurrit. Eadem
ratione ſciendum vobis eſt, ad virtutem cō-
ſequendam magnum momentum poſitum
eſſe in prima vitæ informatione. Fere enim
magis adhærent ea homini, quibus per e-
ducationem aſſueſcit, quam reliquæ propri-
etates, natura inſitæ. Senex iam, conuoca-
tis primoribus ſuæ ditionis, hiſ eos verbis
alloquutus fertur: Non me latet, ciues, quæ
fuerint iam ſæpius de me & legum mearum
rigore, querelæ veſtræ, negantium vide-
licet, vos eis ob nimiam ſeueritatem pare-
re poſſe. Nec vero ſum neſcius, auctorem
earum ſatis conſeſſurum, eundemque eius
& Legum quas tulit, finem futurum eſſe.
Attamen celare vos nolo, decretum mihi
eſſe Delphos proficiſci, conſulturum ora-
culum Apollinis, iuſtæne ſint leges à me vo-
bis latæ, an iniuſtæ: quodque ille reſpon-

*A teneris
aſſueſcere
multum eſt*

*Lycurgus
quomodo le-
ges ſuæ per-
petuas con-
firmariſ.*

derit, aut porro iusserit, id me bona fide
exsequuturum, per eiusdem Dei numen pu-
blice vobis nunc iuro. Vicissim autem vos
mihi iureiurando obligatos esse volo, ni-
hil vos de legibus mutaturos, nec eas abro-
gatos, priusquam reuertar, siue viuus,
siue mortuus, & tum quoque, siquid præ-
terea sancitum fuerit ab Apolline, ei vos
pari ratione morè sancte gesturos. Quibus
auditis, iurârunt Lacedæmonij, se sacra-
ros, quodcunque petisset, nec id vlla ex par-
te violaturos polliciti sunt. Erat autem pro-
positum Lycurgo, hac ratione æternitatem
legibus suis, & ad earum perpetuam obser-
uationem Lacedæmonios obstringere, ea-
que de causa profectum, nunquam postea
reuertere. Quod & fecit: delatus enim ad
Cretam insulam, quæ nunc Candia dicitur,
vitam cum morte commutauit. Hoc pacto
conseruatæ sunt à Lycurgo leges suæ, & iu-
reiurando Lacedæmoniorum sancitæ, nihil
magis in votis habentium, quàm vt reuersus
fuisset ad ipsos Lycurgus, non quod eius de-
siderarent præsentiam, sed vt legum ipsius
religione soluerentur. Quos vt præueniret
vir sapientissimus, correptus in mari lethali
morbo, iussit alligari corpori suo pragra-
uem plumbi massam, cū qua, iam vltimum
ducens spiritū, in mare deiectus est. Dignus
maxima laude Philosophus, qui bonarum
legū consuetudinumque inter subditos suos

Alij mortē
eius aliter
describunt

conser-

conseruationem regni sui iactura redimere non dubitauerit. Nec minore laudis præconio digni Lacedæmonij, qui tanta fide & cōstantia tam superstitè Lycurgo, quam de functo, promissis suis steterunt. Et hæc quidem de vita & morte viri & Philosophi huius eximij dicta sunt. Veniamus ad leges eiusdem: quarum, quum fuerint longe plures, nos præcipuas duntaxat perstringemus.

Leges Lycurgi.

MOntes, campos, pascua, ædificia, fundos, ad compescendam tyrannidem diuitum, & pauperum querelas, æqualiter inter omnes diuidi iussit. Si cuius in colendo agro suo negligentia & ignauia deprehenderetur, non licebat ei agrum alienare, nisi simul se quoque in seruitutem manciparet. Aurum, argentum, æs, cuprum, & plumbum dijs consecrabat, solius ferri vsum relinquēs, tam ad agriculturā, quam soli defensionem.

*F. rri vsum
ne: effariua.*

Partus vitiosos, mancos, cæcos, furdos, mutos, vel alia ratione monstrosos ab utero matris, dijs iubebat sacrificari, existimans, vel deos in horum productione, vel naturam aberrasse.

Conuiuia vetita erant inter ipsos, eo quod in his nimium bibendo pereat ingenium, nimium loquendo auctoritas minus.

minuatur, & valitudo lædatur nimium comedendo.

In honorem noueni Musarum chori nouenis vnà conuiuari permissum erat, sed hac lege, vt sermonem quidem inuicem cōferrent, sed abstinere à propinationibus mutuis, vel si silentium præstare vellent, liceret eis inuicem propinare.

Vini vsus ægrotis destinabatur, non autem integra valetudine vtentibus. Eamque ob causam non ex tabernis, sed pharmacopolijs vinum petebatur instar pharmaci.

Opificibus aduenis licebat artem suam facitare quidem, sed more patrio, non suo: quod si quid noui in arte inuenisset aliquis, reiecto inuento, artifex vrbe eijciēbatur.

*Summa
virtutis
capitula.*

Publico edicto quinque ista capita quotidie ciuibus suis proponebat: Deorum reuerentiam, patientiam in aduersis, obedientiam magistratum, laboris tolerantiam & fugam ocij, & denique vt in bello aut ocumberent aut vincerent.

Non amplius vna veste vti toto anno eis permissum erat: altera si cui omnino opus esset, ei venia impetranda, & simul docendum erat, precio dato esse pro ea à se satisfactum.

Statis annuis temporibus domatim Censores circumeuntes, sicubi deprehendissent
panem

panem à muribus arrosam, aut frumentum corruptum, aut vestem à tineis exesam, aut simile quid, non modo acerbè id dominis illarum rerum exprobrabant, sed pœnis etiam eos castigabant, eo quod satius esset ea dari egenis, quam vsui humano inutilia reddi.

Interrogatus, cur balneorum & vnguentorum vsum sustulisset, respondit, quod balneis vires corporis debilitentur, vnguentis autem libido & salacitas excitetur. Pastillos item, zibethum, muscum & cetera odoramenta magni precij prohibuit, dicens, tam esse probrosum viris, vnguenta olere, quam feminis, pudorem prostituere.

*Bene olet
qui nihil
olet.*

Iuuenes, qui nondum vel uxorem duxissent, vel annum tricesimum attigissent, stantes cibum capere, & nihil somni causa, præter stramen, substernere iussit, ne nimio cibo in vitia prolaberentur, aut somno immoderato contraherent ignauiam.

Senibus hoc priuilegij concessum erat, ut à iuuenibus forte obuijs factorum rationem exposcere non dubitarent, quos respondentes modestè dimittebant, sed immodestia vsos castigare & detinere, fas eis erat.

Si senex iuuenem, se præsentem aliquid agentem præter decorum, non reprehendisset, iuvene impuni dimisso, ipse plectebatur.

*Senum ob-
seruatio*

In graui aliquo flagitio deprehensum, à si-
no ad hoc destinato imponebant, cuius dor-
so insidens infelicem vitam finiret. Ferro
enim hominem trucidare, inhumanum;
at alia ratione morte afficere facinorosos,
æquum existimabant.

*Moner se-
mon.*

Patrem qui affecisset contemptu, aut alia
ratione contumax erga ipsum aut immo-
rigerus fuisset, pœnam dabat, & præterea
exheres erat.

Iuuenem seni assurgere, si quidem sedis-
set, & loco cedere oportebat, & stare, donec
præterijset; deducere præterea, si venis-
set absque comite: quod negligere depre-
hensum publica ignominia Censores nota-
bant.

Ea erat inter ipsos fraterna rerum com-
munio, ut suorum quisque liberorum pa-
ter, & seruorū dominus quum esset, nihilo-
minus horum etiā vicini potestatem haberet:
quorū alij aliorum liberos educare, & agros
colere auxiliatrici manu non grauabantur.

Puerum de plagis à sene aliquo acceptis
querelas ad parentes deferentem nō denuo
cædere, probrosum habebatur: propterea
quod plus fidei mereri iudicarent senum ca-
nos, quam lachrymas puerorum.

Furari Lacedæmonijs licitū erat, nō quod
furta approbarēt, sed ut cauti euaderent &
prouidi. Nam deprehensum in ipso facto,
iudicio sistebant, & pœna furti afficiebant:

illud

illud sibi propositum habentes, ut cui opes essent, in eis asseruandis prudens atque attē- tus; fur autem callidus in arte furandi & va- fer eo pacto euaderet; atque ita per negligē- tiam ille quidē rem perderet, hic vero, quod furatus esset, reddere compelleretur.

Frugae es in victu, non ad satietatem ci- bum capiebant, sed ad necessitatem. Nam *Parce viſq;
alitur
ingenium.* multi cibi homines Lyncurgus aiebat esse in- genio obtuso & corpore parum sano. Ide- oque contemptui habebantur, quibus cor- puserat obesum; quod arbitrarentur, cau- sam pinguedinis vel securitatem vel delici- as esse.

Magnum erat illis studium Musicae, ma- xime organicæ: cuius dulcedine recreari ingenium, & animum exhilarari deprehen- debant.

Carmina illis nulla erant, nisi quibus vel laudes hominum virtute ac factis clarorū, vel horum, quorum illaudata & infamis vi- ta fuisset, dedecora canebantur.

Noua inuenta in Musica sua nō tolerabāt: quam ob causam Terpādrum (clarissimum illius temporis Musicum) quod ad vsitatū numerum vnicam chordam adiecisset, con- fracta cythara, solum mutare coegerunt.

Ad compescendas supersticiosas sepul- turarum pompas, iussit non in campo, sed iuxta deorum templa mortuos inhuma- ri. Monumenta alicuius precij statui nullis permi-

miser, nisi qui vel rempublicam tranquille administrassēt, vel fortiter aduersus hostem pugnando occubuissent.

*Noxatio-
nes odiole
& periculo-
se.*

Novitatibus vsque adeo infensi erant, vt nec ciuibz exteras regiones, nec exteris La- cedæmoniorum diuionem adire liceret, metuentes, ne peregrinorum commercio, peregrinorum quoque morum contagio- ne inficerentur.

Si pater filium in aliqua arte instituendum non curasset, eum iam senem alere filius non tenebatur.

Trium rerum vigebat inter ipsos come- munio, mancipiorum ad laborem, canum ad venationem, & equorum ad belli vsum idoneorum: quibus vti cuiuis licebat, dum- modo legitimis possessoribus eis opus non esset.

Arborum hortorumque fructibus, tam- quam publici iuris, cuiuslibet vesci permis- sum erat, non tamen domum eisdem as- sportare.

Militari vestitu utebantur rubro, ne saui- ciati ab hoste, viso sanguine suo vesti diuersi coloris asperso, animi deliquium pateretur, aut animum desponderent.

*Voluntatis
summa.*

Deos hoc tantum rogabant, vt ipforum meritis digna retribuerent, ad peccata vero conuiuerent.

Ad bellum euntes vulpem; prælium cõ- missuri, taurum Marti sacrificabant, mo-
nente

nente Imperatore, non fortitudine tantum, qualis est tauri, sed astutia quoque, qualis est vulpis, ijs opus esse. Deorum effigies hac ratione repræsentabant, vt alij hastas ferro destitutas, alij autem nudos enses manu tenerent, innuentes, deos ab alijs pœnas sumere, alijs autem solummodo minitari.

Ea tantum votis alijs suis petebant, quæ maxime necessaria essent, rati, res leuiore non prece efflagitandas esse, sed comparandas labore.

*Dem. solum,
sem, cetera
sibi.*

Seruos ebrios publice cædebant virgis, suis pluriumque aliorum præsentibus liberis, vt pœna ad illos, ad hos vero pertineret exemplum.

Foris alterius vel saxo vel manu pulsare nulli permissum. Æquitati enim iudicabant consentaneum, vt quando habitatori alta voce respondendum esset, is quoque, qui foris stabat, clare eum inclamaret.

Disciplina domestica adeo stricte apud ipsos colebatur, vt nec foribus rapagula, nec claustra capsis addere opus esset.

Scurræ, mimi, tibicines, logodædali, & fanniones non inueniebantur inter ipsos. Non enim tolerabant eos, quibus præter mentiendi nugandique artes nullæ erant.

Post fugam reduces ex bello, morte pledebantur ab imperatoribus. Maius enim probrum cenlebant fugam, quam mortem.

Plures

Nemo bene
omnia.

Plures vna arte non licebat cuiquam ad-
discere. Itaque pulsus est ab illis Crisippon
Philosophus, quod gl'oriatus fuisset, se om-
nium rerum aliquam notitiã habere. Hinc
enim colligebant, parum illi superesse de
Philosophia.

Festo Dianæ, quod annuatim celebra-
bant, ea erat ipsis maxima festiuitas, quod
fese inuicem virgines cæderent; eratque illius,
qui plura verbera patientius tulisset, præ-
mium honos sacerdotij in illum annum.

Pecuniarũ & comparatio, & vsus, & pos-
sessio illicita erant. Mercaturam non emti-
one & venditione, sed commutatione mer-
cium exercebant, fruges carnibus, linteis
panibus, vinum panno, oleum aceto, fru-
mentum sale, & sic deinceps merces merci-
bus permutantes.

Post pugnam Marathoniam, quibusdam
anrum factum gestare conantibus, conclu-
sum est, vt in furcam isti agerentur, auro in
terram defosso. Responsum enim fuerat
Alcameni, ab Apollinis oraculo, exitium
Reipub. ipsorum non aliunde, quam ab aua-
ritia, imminere.

Nauigatione nec ad bella, nec ad com-
mercia utebantur; quod iudicarent, nauig-
antes Deos ritè colere non posse, nedum
legibus parere.

Virgines sine dote nubebant; quærebant
que opes in viris, & hirsus in vxoribus
vir/

virtutes. Ita fiebat, vt non ob inopiam, sed ob vitia innuptæ manerent.

Ad

ALPHONSV M
MANRIQVEM, ARCHIEPI-
scopum Hispalensem & Antonium
Manriquem, &c.

EPISTOLA.

*Qua qua vetus fuerit Numantia, &c.
ostenditur.*

EX litteris vtriusque vestrum, ab illustrissimo Iohanne Manrique mihi redditis, controuersia inter vos exortæ, & non sine acriter contentione agitatae arbitrium communi vtriusque consensu ad me delatum esse, intellexi. Equidem morem vobis gerere, littemque componere aggrediar; sed ea demum lege, vt ne à sententia mea appelletis, sed ei, sublati vtrimque sumtibus, obsequamini. Primum autem ambo reprehendendi mihi estis eo nomine, quod eo, quod dictum est, modo contentio inter vos mota fuerit. Conferre inuicem licet; rixari tam illustribus viris non licet. Nobilem esse, & contentiosum esse, Non bene conueniunt, nec in vna sede morantur, Sophistarum est.

*Contentio
vtrumque
nem non
debet.*

argu

argumentis thesin suam afferere: at Nobiles
lingare non decet. Ira accendi, nisi quum
manu capulo admouerit, forti viro & gene-
roso indecorum. Raro videas manu prom-
tum esse, qui lingua est.

Controuersiam ipsam quum inspicio, vi-
deo nullius precij esse. Queritis nimirum, vtra
harum sit Numantia, Seguntiane an Mon-
nedro: & præmium certaminis constituistis
mulum bene instructum, illi cessurum, qui
litem disernerit. Quæ quidem quæstio ves-
tra ita est comparata, vt nisi Reuerendissi-
mus Archiepiscopus Hispal. modum rite
precandi, & Illustrissimus D. Antonius
Manriques fortiter pugnandi artem exacti-
us calluerit, quam de historijs disserendi, al-
ter mihi habendus sit pro Archiepiscopo
imperito, alter pro parum strenuo duce Na-
charæ. Tantum interest inter Numantiam
& Saguntum, quantum inter Ilium & Ty-
rum, Byzantium & Memphim, Romam &
Carthaginem, Agrippinam & Gades. Nu-
mantia enim vetus in Regno Castiliæ sita
est, Saguntum haud longe à Valentia. Vtra-
que fuit antiqua & celebris admodum Hi-
spaniæ ciuitas, Numantia & Saguntum:
sed in separatis prouincijs sitæ fuerunt.

*Numantia
& Saguntum
vbi p. 4.*

Saguntum Græci, Numantiam condide-
runt Romani. Saguntum à Romanorum
aduersus Pœnos partibus semper fuit: at
Numantia neutri parti adhæsit, suo iure v-
tens,

tens. Saguntum quatuor millibus distitum
fuit à Valentia, quo loco hodie Monuiedro
conspicitur; ut Saguntiam Saguntum esse,
persuadere mihi nec debeam nec possim.
Quum Inquisitor degerem Valentiae, com-
meabam subinde Monuiedrum. Eam nunc
esse, quod olim fuit Saguntum, & fuisse o-
lim Saguntum, quod nunc est Monuiedrum *Monuiedro
olim Sa-
guntum.*
ex situ loci & rupium, ex mœniorum & ar-
cis antiquitate, ex ædificiorum palatiorum-
que magnificentia, ex fossarum denique la-
titudine, non incertis argumentis est colli-
gere. In asitis agris, & inter rudera ædifici-
orum passim hodieq; eruuntur sculpturæ
saxorum & antiqua Epitaphia Hannorum
& Asdrubalum, in obsidione Saguntinæ
urbis cælorum, quorum utriusque ex illustri-
bus familijs Carthaginienſium oriundi fue-
rant. Non longe absunt à Monuiedro, quos
hodie Torrestorres appellamus, dictos olim
Turdetanos. Hi quum iurati hostes essent
Saguntinorum, iunctis copijs suis cum
Carthaginienſibus, Saguntum obsidione
cinxerunt, & oppugnatum captumque solo
æquarunt, priusquam ad soluendam obsi-
donem adessent Romani.

Ex quibus non est difficile intelligere,
quodnam fuerit Saguntum, & quæ fuerit
Numantia. Inter Soriam & Zomoram illa
lis agitur, utra earum sit Numantia; at
inter Monuiedro & Seguntiam hoc contro-

uertitur, vtra fuerit Saguntum. Quamobrem
 expensis causæ circumstantijs, & vtriusque
 partis argumentis, pronuncio, Archiepisco-
 puni Seuiliæ causa cecidisse, & Ducein Na-
 charæ à veritate aberrasse: ideoque vtrique
 mulctæ loco mulum perelegantem pendē-
 dum esse, quem accipiat is, qui, quamnam sit
 Numantia, exposuerit. Quod ergo restat,
 quodnam fuerit oppidū ea, de qua agimus,
 Numantia, vbi locorum condita, quamdiu
 durauerit, qua denique ratione destructa
 fuerit, deinceps persequemur. Digna est hi-
 storia quæ legatur, & auditu iucunda, sed e-
 uentum habet tristem:

Vrbis Numantina Historia.

NUmantiam condidit Numa Pompi-
 lius, Romanorum Rex secundus, an-
 no ab vrbe condita octauo & quin-
 quagesimo, sed Regni sui octauo & decimo:
 & Numa quum diceretur, Numantiam ap-
 pellauit. Mos hic erat antiquis, vt quas con-
 didissent vrbes, de suo nomine denomina-
 rēt. Sic Hierusalem nuncupata est à Salem,
 Antiochia ab Antiocho, à Constantino
 Constantinopolis, & Roma à Romulo: Sep-
 tem omnino Reges Roma habuit: quorum
 Romulus primus fuit, vltimus Tarquinius.
 Omnium sapientissimus fuit Numa Pompi-
 lius. Ille enim deorum cultum primus Rō-
 mæ

mæ introduxit : ille collegium Virginum Vestalium instituit, dijs templa dedicauit, & Rempublicâ Romanorû legibus instruxit.

Numantia prope flumen Durium, modice edito in tumulo sita, sine muro, sine turribus, sola fossa cincta, plus minus quinque aut sex incolarum millia habuit : quorum duæ partes foris bellum gerebant, tertia domi operi intentâ erat. Temperamento erant magis vergente ad phlegmaticum, quam ad cholicum : corpore robusto, ingenio altuto & vafro, vt qui modo dissimularent, modo quod dissimulauerant, repente vlciscerentur. Vnicus erat in tota vrbe publicus opifex faber ferrarius; nam sartores, carminarios, piscatores, pistores, lanios, olitores, caupones, & horum similes non tolerabant, rati quæ hi facerent, vnicuique domo petenda esse, nec aliena opera in his vtendû. Fortitudo fuit illis tanta, vt nemo vmquam Numantinorum tergum vertere, aut saucius ex bello redire con'pectus fuerit. Plus enim gloriæ in morte, quam in fuga reponebant. Militiæ nomen dare nulli licebat, iniussu Magistratus. Stipendia facturi, plures simul exhibant, atque omnes sub vno duce merebant. Erat enim capitale, Numantinû à Numantino cædi.

Quatuor gentes Romani æstimabant superatu perdifficiles, Myrmidonû, quorû sedes fuit Meridâ vrbs: Gaditanorum, quorû

vrbs Caliz hodie dicitur, Saguntinorum; qui hodie sunt Monuedrenses: & Numantinorum qui hodie Sorienses. Sed hoc discrimine, vt Myrmidones bellicosi haberentur, Gaditani fortes, Saguntini felices, Numantini autem & bellicosi, & fortes, & felices. Numantinos nec Fabij, nec Metelli, nec Sertorij, nec Pompeij, nec Cæsares, nec Sexti, nec quicumque Romanorum imperatorum continuis c l x x x. annis in Hispania bellum gesserunt, potuerunt subigere. Sola Numantia ex totius orbis ciuitatibus superiorem accipere recusauit. Quamuis enim nec munimentis, nec viribus polletet, omnes tamen sociam & federatam, quam hostem experiri maluerunt. Bello quod inter Romanos & Carthaginenses; deinde bellis intestinis, quæ fuerunt inter Syllam & Marium, interque Cæsarem & Pompeium, nullus propemodum vel Rex vel Princeps fuit, qui non alteram factionem sequeretur, sola excepta Numantia, quæ auxilia petentibus respondit, non se imperium ab alijs accipere, sed alijs potius imperatorem dare velle. Ita quum Romanis ad Africanam expeditionem auxilia negassent, illi offensi statuerunt bellum in terra Numantinis, non metu, sed quadam emulatione fortunæ. Ceciderunt eo bello nouem Consules Romani, viri fortissimi, & militum magnus numerus. Tandem
post

post annorum duodecim obsidionem Cn. Fabricius cum Numantinis de federe inter ipsos & Romanos in perpetuum feriendo tranlegit, pactis in hunc finem, & ut res Romam perferretur, ad tempus satis longum indicijs. Romani, eam transactionem Numantinis honorificam, at sibi ignominiosam rati, fedus neutiquam approbarunt, & Fabritium, ruptis inducijs, bellum continuare iusserunt, submisso etiam paullo post Scipione cum nouis copijs. Is ubi primum venisset in castra, scorta & calones castris expulit, dicens id genus hominum in bello plus damni adferre, quam hostem ipsum. Annum & menses septem continuata obsidione, numquam urbem inuadendi copiam fecit, commeatum solummodo intercludens. Interroganti cuidam tribuno, cur Numantinis tam pertinaciter resistentibus, & continuas eruptiones facientibus, ipse nec manum conferret, nec urbem oppugnaret, respondit, eam esse vrbis & incolarum felicitatem, ut spes sit, hanc citius destitutam, quam illos certamine inferiores futuros. Numantini frequentibus excursionibus & assiduis velitationibus vires Romanorum atterebant; tantoque ardore aliquando vtrinque concursus est, ut iusto prælio non ablimilis esset velitatio, ita in fugam actis Romanis, & ordinibus ipsorum turbatis, ut, nisi Scipionis felicitas medicinam

attulisset, Romanorum vires in Hispania deletæ fuissent.

Itaque Scipio, quum animos crescere Numantinis animaduerneret, Romanis autem indies decrescere, ad mille passus cum exercitu ab vrbe recessit, vt à subitis Numantinorum eruptionibus deinceps castra immunia essent. Ad extremum deficiente cōmeatu, multisque suorum cæsis, sacramento se se obstrinxerunt Numantini, nullo ante meridiano tempore alium sibi cibum futurum, præter carnes Romanorum, nec potum alium præter eorundem sanguinem. Tum vero (res oculis auribusque horrenda) quotidie excurrentes, Romanos, tanquā feras, verabantur, carnibus eorum, non secus ac astra vitulina, magno cum appetitu vescētes, palabundi hinc inde discursitantes, Romanos ferinū in modum medios discerpebant: non vt hostes, sed vt desperati & furij acti pugnantes nullum Romanorum captiuum asseruabant, nulla sepultura dignabantur, sed vt quemque comprehendērant, in quatuor partes dissectum, in laniena appendebant, pluri veniente Romano mortuo, quam viuo. Scipio tamen, quamuis suadentibus tribunis militum & centurionibus, vt obsidionem solueret, non modo non obtemperauit, sed ne audire quidem sustinuit, responso monitus ante expeditionem vt eam susceptam minime omitteret, quan

quantumuis grauem & laboriosam sibi futuram: esse enim in fatis, Numantiæ felicitatem suę gloriæ initium futurum.

Quomodo Numantia à Scipione expugnata & capta sit.

INtelligens Scipio, nec lenitate nec armis urbem esse expugnabilem, fossa lata simul & profunda vndiquaque eam cinxit, vt nec exitus nec aditus vsquam pateret, co meatulque omnis intercluderetur: atque ita inclusos non destitit tamen de deditioe interpellare, vtque suę fidei salutem crederēt, rogare. Responsum est ab obsessis, quando iam per trecentos octo & triginta annos libertatem tutati essent, decretum sibi nequaquam in seruitute mori. Magnus audiebatur in vrbem mulierum planctus, magna erat sacerdotum consternatio, vota & sacrificia dijs offerētium. Ciues à Scipione multis precibus contendebant, ne iplis more pecudū intra stabulum moriendi necessitatem imponeret, sed tamquam viris prælij copiam inque eo fortiter occumbendi occasionem daret. Aetas tibi integra quum sit, aiebant, Scipio, & animus audax ac fortis, aut prudentia destitueris, aut consilio. Nam ista ratione nos circumdatos fame premere, felicitatis est, non virtutis in bello. Gloriā

*Libertas
vita
charior.*

Fortis non
 nisi à seipso
 vincitur.

consequi vis? prælio nos vince. Itaque de-
 ploratis iam omnibus, in vitimam rabiem
 furoremque conuersi, postremo mori hoc
 genere destinarunt. Duces suos, seque pa-
 triamque, ferro, & veneno, subiectoque
 vndique igne peremerunt. Ita urbem, tem-
 pla, domus, pecunias, opes, homines deni-
 que Numantinos omnes vna dies absumsit.
 Magna gesserunt Numantini viui: sed mo-
 rientes, prorsus horrenda patrarunt. Ni-
 hil prædæ superfuit hosti. ex omnibus v-
 nus non superfuit, qui in triumphum du-
 ceretur. Nam quum potius illis esset mori,
 quam captiuos abduci, ne vnus quidem to-
 to obsidionis tempore, vel intra vel extra
 urbem viuus in hostium potestatem ve-
 nit.

Scipio, viso eminus incendio, urbem in-
 gressus est: vbi quum incolas mortuos &
 omnia flammis absumta videret, tristis &
 lachrymans in hæc verba prorupit: O te
 felicem, Numantia, quum te deleri dii vo-
 luerunt, non vinci. Floruit Numantia an-
 nos CCCC LXVI. tot enim ab eius origi-
 ne ad excidium vsque numerantur. Trium
 urbium æmulatione illis temporibus Ro-
 ma flagrauit, Elidis in Asia, Carthaginis in
 Africa, & in Europa Numantiæ. Omnes
 istas Romani euerterunt, nulli imperarunt.
 Iugurtha, quum annum ætatis secundum &
 vicesimum excessisset, Scipioni Numanti-
 am obli-

obsidenti, subsidio veniens ex Africa, præclaris facinoribus magnā de se opinionem fecit Scipioni & Romanis. Quotquot Numantini belli historiam prodiderunt, testatur, nunquam Romanos tantum detrimenti passos, nunquam tantum hominum perdidisse, aut tantos sumtus fecisse, nunquam denique tantam ignominiam accepisse, quam in huius urbis obsidione. Reliqua enim bella iniurijs prouocati gesserunt, solū Numantinum inuidia ducti.

Fabulosum vero est & risu dignum, Zomoram olim Numantiam fuisse. Nam à condita iam Numantia, ad originem Zomoræ (si tamen historijs adhibenda est fides) anni fluxerunt DCCXXXVI. Nisi apud Plinium, Pomponium Melam, Ptolomæum & Strabonem existeret, prope flumen Durium sitam fuisse Numantiam, dubium esse posset, vtrum Soria, an Zomora, sit Numantia. Nunc quum diserte proditum sit ab historiarum scriptoribus, conditam fuisse Numantiam prope Durij fluminis originem: quumque ab hac quinque tantum millibus passuum Soria distet, consequens est, ut hæc, non vero Zomora, fuerit Numantia. Tres sunt de situ Numantiæ opiniones. Alij enim, vbi nunc Soria visitur, sitam fuisse existimant: alij trans pontem eam statuunt: alij rursus tertium locum illi assignant, mille passibus à Soria distantem, cui

*Numantia
hodie So-
ria.*

cui nomen hodie Garraij. Meo iudicio, quātum ex loci conditionibus perspicere mihi licuit, prima opinio ad verum proxime accedit. Argumento sunt ædificia aliaque antiquitatis monumenta non pauca quæ adhuc hodie circa Soriam conspiciuntur. Ceterum historiam huius vrbs Plinius, Strabo, Ptolemæus, Trogus Pompeius, Isidorus, Iustinus, & alij quorum labores interierunt, literis consignarunt.

Ad

INIGVM VE-
LASCVM, CASTILIAE
COMESTABILEM

EPISTOLA

Qua cum monet vt in Fontarabiensis oppidi obsidione non tam fortunam experiatur quam prudentia utatur.

Fontarabia
olim Flauio-
obriga.

LITTERAS tuas Petrus de Haro multa iam nocte mihi reddidit. Eas à quo essent, facile agnouì, quamuis nomen non subiecisses. Erant enim breues, at plenæ lituris. Quorum omnis cura est in re militari, ve-

niam merentur, etsi charta crassa, & atramento non bono utantur, sulcos inæquales faciant, & deformia elementa pingant. Magis est enim gloriosum militibus, hastam grauem & tortem vibrare, quam calamum subtilem temperare. Peris ut in precibus meis te commendatum habeam, quandoquidem ad obsidione cingendum oppidum Fontarabiam captū ab Galliarū rege, mandato Imperatoris profecturus sis. Adeo importune famulus, qui tuas attulerat, responsum à me efflagitauit, ut necesse sit non pro re, sed quam breuissime tibi respondere. Ut igitur ad rem accedam, facile mihi persuadeo, Galliarum Regem maiores sumtus hoc biēni o fecisse in occupando & tenendo isto oppido, quam facturū fuisset, si vel precio illud emisset, vel nouum exædificasset. Nec mirum. Pluris enim constat Principibus opinionis seu persuasionis quam iuris sui defensio. Nulla mihi videtur in toto orbe Christiano maioris periculi expeditio quam hæc tua. Etenim aut bello vincēdus est tibi Rex Galliarum, aut Imperator iratus experiundus. Illius tibi metuēda est potentia; & huius indignatio. Præclarum est & utile præfectum castrorum esse; sed idem munus multum periculi adiunctū habet. Nam quum omnia fecerit quæ in ipso sunt, si tamen Dei permissu, inque pœnam peccatorum suorum, succubu

Miles ferias non scribat.

Eventu confilia æli. manir.

succubuerit aut cæsus fuerit, quasi parum sit, vitam finisse, sermonibus etiam hominum traducuntur. Inauditum est, duces militiæ, quicumque tandem fuerit, & quacumque ratione bellum gesserit, prædantem habitum fuisse, si victus fuisset; aut remerarium, si vicisset. Prudentia requiritur & in imperatore & in medico; sed in utroque plus valet fortuna, ut quæ in utroque genere non raro superet artem. Fateor quidem causam belli huius iustam esse. Nec enim quisquam hominum meminit, unquam vel Gallum istud oppidum tenuisse, vel Reges nostros ullum in idius Gallicis concessisse. Ideoque illud nec Gallus potest iusto titulo retinere, nec nos sine ignominia nota non vindicare. Attamen videndum est tibi etiam atque etiam, ne tam iustam belli causam occulta aliqua culpa, quæ tibi forte incumbit, deteriorem efficias. Non enim ob solam iniquitatem causæ calamitas immitti solet, sed etiam eorum improbitatem, quorum ductu & ministerio bellum geritur. Bellum quod Iudæi gerebant contra Philistæos in monte Gilboæ, non dubium est, quin fuerit iustum: at quum Saul iniustus esset, singulari Dei permisso victi sunt, ac præcipue eam ob causam ut Rex quoque ipse ad necem traheretur. nã, ut sunt impervestigabilia Dei iudicia, & ab oculis nostris abscondita, non raro

*Prinam
culpam
publicares
sape luit.*

raro accidit, ut quum dominus aliquis cli-
enti suo munus militiæ imposuerit, illius
honorandi & euehendi causa, permittat De-
us, ut idem ille pro honore ignominiam re-
ferat, aut exitio se & alios inuoluat. Non est
quod existiment magnates, posse se pœnam
effugere & præ alijs immunes esse, quamuis
à probris vitæ suæ non abstinènt: quum se-
pe totius vitæ crimina vnica hora illis, diui-
no immisso, luenda sint. Apud Deum nun-
quam est, nunquam erit, ut quod bene actû
est, præmio, quod male, pœna sua destitua-
tuatur. Et ut non respondeat semper bene-
factis merces & malefactis supplicium, sit id
dissimulante Deo, non obliuiscente.

*Omnia ex-
periri prius
quam arma
J. pientem
oportet.*

Mareschallus Nauarræus cum copijs A-
gramantensium adfuturus dicitur ad Ibe-
randam oblidione & defendendam Fonta-
rabiam. Sed meo iudicio non inconsultum
fuerit, oblidionem quidem instituer, eat in-
terim obfessorum animos tentare, an forte
pellici possint ut relicto Gallo, ad nostri Re-
gis imperium redeant. Ad illum quod atti-
ner, ex lectione habeo, esse eum ex antiqua
& nobili admodum familia oriundum: vi-
deturque mihi verisimile facile & ipsum ad-
duci posse, ut Cæsaris potius quam Gallo-
rum Regis cliens esse velit. Scipio Africa-
nus dicere solitus fertur, omnia esse experi-
unda priusquam ad arma veniatur. Nulla
enim præclarior victoria est ea que sine
cade

cæde & sanguine obtnictur. Cicero ad Atti-
cum scribens, non minoris esse dicteum
qui consilio, quam qui ferro hostem vincit.
Sylla, Tiberius, Caligula, Nero, iubendo &
interficiendo imperauerunt: contra Augu-
stus, Titus, Traianus, rogando, & condo-
nando. Hi vicerunt clementia, illi armis.
Periti medici est, lenia medicamenta adhi-
bere; periti ducis, lenitate & modestia rem-
gerere. Ferrum enim potius ad agros co-
lendos à Deo est datum. Plutarchus auctor
est, Scipionem, quum Numantiam obsi-
deret, monitum, vt corona urbem inuade-
ret, respondisse, Malle se vnus ex Roma-
nis vitæ parcere, quam Numantinos vni-
uersos occidere. Nostri duces si hoc Scipi-
onis dictum observarent, non tam temere
milites suos periculo obijcerent: ex quo
non raro consequitur, vt, dum hosti dam-
num inferre & ab ipso vindictam sumere
student, sua it ipsi propria cute. Sed quor-
um hæc omnia? nimirum quamuis Impe-
ratori causa belli legitima sit, tamen mo-
nitum volo, vt legitimo modo illud geras:
hoc est, vt primum omnium Fontarabien-
sibus bellum denuncies. Sæpe enim plus
virium est in monitione amica, quam in
hostili gladio. Scribunt, Theodosium Im-
peratorem, quâdo oppidum aliquod obsi-
deret, prius se decem dies continuos in ca-
stris continuisse quam id oppugnet, aut
aliquod

*Multos per-
dit vindi-
ctæ cupienti-
as.*

aliquod detrimentum incolis inferret: ut
monerentur oblecti, bonitatem eius potius,
quam rigorem experiri. Videns Alexander
Magnus exanime cadauer Darij, Iu-
lius Cæsar caput Pompeij, Marcus Mar-
cellus Syracusarum incendium, & Scipio
Numantinam urbem deletam, à lachry-
mis temperare non potuerunt, quamui. hi
capitales ipsorū hostes essent. Afficit enim
generosos animos aliena miseria; quibus
vicisse sat est. Illud mihi credas licet, lenita-
tem atque clementiam nunquam hastæ aci-
em obtudisse: quum ex aduerso vindictæ
& sanguinis sitientem militem sæpe hostes
percutiant, & non raro amici è medio tol-
lant. Est enim cæca vindictæ cupiditas,
dumque alium vel vi vel insidijs aggredi-
tur, auctores, iniuriæ aliorum expo-
nit. Dignus est Iulius Cæsar illa laude,
quæ illi supra ceteros duces belli omnes
tribuitur, non quia eminuerit in illo vel
forma, vel robur, vel fortitudo, vel feli-
citas, sed quia longe pluribus hostium suo-
rum ignouit, quam vitam ademit. Nasset
excellenti virtute Imperator, qui Gallos
domuit, Gothos vicit, & Germanos sube-
git, numquam prælium inijsse fertur, nisi
prius vberes in tēplo lachrymas profudisset
Inter omnes Imperij prouincias Mauritania
Augusto Cæsari fuit acceptissima; idque eo
tantum nomine, quod ceteras armis, hanc
vero

*Victorem
deces leni-
tæ.*

vero animi lenitate & mansuetudine acquisisset.

Horum exemplo, si meo uti velis consilio, operam dabis ut in subigenda Fontarabia, omnia prius quam arma & fortunam experiaris. Cetera de quibus scribis, libenter ego tibi gratificabor, Deumque ut victoriam tibi quamfacilissimam largiatur, assiduus votis comprecabor. Victoriæ III. Ianuarij Anno MDXXII.

Ad

E P I S C O P V M
TVYENSEM, &c.

E P I S T O L A

*Gratulatoria, qua simul boni Præsidis partes
explicantur*



Ostquam mihi renunciatum est, te non ita pridem à Rege Granatam, ut Regij qui ibi est Senatus Præsidem ageres, accitum; equidem hac nouæ dignitatis tuæ accessione vehementer lætatus sum, eoque tam tibi quam Reipublicæ gratulandum esse duxi. Tibi quidem, quod virtuti tuæ honor habitus; Reipublicæ vero, quod præcipua eius pars tali viro commissæ esset, qui integritate, pru-

prudētia & doctrina pares paucos, superiorem neminem haberet. Quoniam vero, ut existimo, eius loci hominibus magis fama quam vitæ & moribus notus es; omni animi contentione eo tibi elaborandum est, vita ut famæ respondeat, atque spem de te conceptam non modo præclare sustineas, sed etiam vincas. Illud semper cogita, te quidem ad iudicandos alios eo proficisci; *Iudices ab alijs iudicantur.* interim te ipsum ab alijs iudicatum iri. & quidem non a paucis, sed à multis, non de ijs quæ ad fortunas sed quæ ad honorem & exultationem pertinent; nec publica tantum sed secreta etiam tua, adeoque vel minima quæ vel dicturus sis aliorum iudicijs fore exposita. Magnorum & in eiusmodi dignitate constitutorum virorum eam etiam ob causam laboriosa est conditio, quod non in facta eorum tantum & dicta, sed cogitationes etiam, nec in seria modo sed iocæ etiam inquiritur: adeo ut quidquid nō gravissime ab ipsis sit aut diciter, leuitati adscribatur. Nam & vinum Cimonis Athenienses, ut Plutarchus scribit, & somnum Scipionis, (quia nihil aliud inueniebant) Romaniculpaerunt: & Pompeio Magno inimici vitio verterunt quod caput vno digito scaberet. Catoni quoque ebrietas obiecta est; & Iulio Cæsari vestitus discinctus. Ex quo patet quanta sit humani ingenij perversitas & ociosorum hominum malitia, ut qui

longe oculatiores & promptiores sunt ad reprehendendum si quid forte à magnis viris minus decore factum est, quam res ab ipsis præclarissime gestas deprædicandas. Magis quidem par fuerat, Athenienses Cimonem quum propter patris Miltiadis Marathoniam victoriam, tum singularem ipsius liberalitatem, quæ tanta fuit, vt diuitis etiam agrorum & hortorum suorum sepibus, quiduis decerpenti ciuibus potestatem faceret, in oculis ferre ac laudare; Romanos quoque Scipionis meritis, Catonis virtutibus, Pompeij magnitudini, & Iulij Cæsaris felicitati omnem honorem ac debitam gratiam deferre multo æquius fuerat, quam in tam minuta inquirere ac censuram exercere. Verum ita comparatum est, vt nihil in excelsis positum latere possit. Et vulgus de magnis viris non id iudicat aut loquitur quod veritas dicat, sed quod inuidia exsculpit.

Oculata est inuidia.

Sed vt ad rem redeam, tibi etiam atque etiam cogitandum est, non magis præclarum quam difficile munus tibi esse demandatum. Plinius scribit, Romanos in Batiza prouincia quæ Andalusia hodie dicitur, quinque iuridicos habuisse Conuentus, Gaditanum scilicet, Hispalensem, Emeritanum, Astaginensem, & Cordubensem. Inter hos Gaditanus præcipuus fuit, quod ibi prouinciæ Præses degeret, at apud Emeritam

Et tam legionum stativa erant. Hæc eò tibi in memoriam reuocare volui, vt intelligeres tanto grauiora tibi constituta aduersaria, vt cui onus quod in multos olim diuisum fuit, vni sit impositum; adeoque vni omnium voces sint excipiendæ, reformidanda iudicia; & querelæ sustinendæ. Longe alio sunt ingenio alijsque moribus harum regionum incolæ quam vestrates. Sunt enim astuti, versipelles, acuti, vafri, qui tam simulare quàm dissimulare optime norunt: eoque suadeo tibi vt quotquot te accesserint, diligenter audias, sed caute & prudenter respondeas. Ipse enim experieris vnum tuum responsum tot ac tã varijs interpretationibus distractum iri, quot quaque varios S. Scriptura fere habet glossatores.

Consilium quoque meum est vt spreta omni nouitate, antiquis insistas consuetudinibus. Mutationes enim eiusmodi siue Nouationes auctori inuidiam & odium cōflant, & subditis quoque nouandi res occasionem præbent. Omnibus in rebus summa vtere cautione & prudentia: siquidem Iudicum limina à pluribus fere obseruandi quam serio aliquid agendi studio frequentantur. Domus Audientiæ (quam vocant) humida est, parua, vetus ac ruinosa, vt credam te vbi illam aspexeris, magis de restauranda illa quam inhabitanda cogitaturum: quãuis tam hoc quàm alia incōmoda amplio.

*Nouationes
odiosæ.*

& dignitatis & emolumentum spes facile leni-
et. Prædecessor quidem tuus Balearium erat
Episcopus quum eidem muneri admo-
ueretur; idem postea inde, Auilæ factus Episco-
pus discessit. Atque utinam ex Tuyensi epi-
scopo te nō multo post, laudabiliter decur-
so hoc spacio, Hispalensem Archiepiscopum
videamus? ut ita prædecessorum tuorum
non virtutes modo æmuleris, verum etiam
fortunam antegrediare, aut certe æques.

*Ab alijs ne
depende.*

Inter labores vero qui in hoc munere
capiundi tibi sunt, non leuissimus est quod
videndi atque affandi tui copiam amicis
denegare non poteris; at secreta cum iisdem
communicare non audebis. Vbi enim pa-
lam fuerit te quosdam ad secretiora tua
colloquia & consilia adhibere, cauere vix
poteris quin varias maleuolorum incurras
calumnias, aut æquitatem tuam infaman-
tium, aut aliena opera, quasi pueris scir-
pea quum induitur ratis, natare te & suste-
tari dicentium: adeo ut dignum potius qui
pareas quam qui imperes, ij qui minus ac-
curate te norunt, iudicaturi sint. In causis
tamen grauib; & arduis plurimum expe-
dit ut iudex fidelium amicorū utatur con-
silio, sed eorum qui nec priuati spe emolu-
menti ducantur, nec ullis alijs vehementio-
ribus animi motibus agitentur.

Causam suam apud te agentes caue aspe-
riori responso excipias aut dimittas. Tam
verbis

verbis quam ceteris rebus pro suo quem-
que statu & conditione tracta; sic enim fiet
vt & iustum te & ciuilem ac humanum o
mnes habeant. Iræ moderare; inuidiam,
odiu procul à te habe; iudicisque officium
puta suas patienter terre iniurias, alienas, vt
dignum est, vlisci. Si quandoque excan-
descas, ne tu in verba prorumpes; ne quibus
irasceris vel solo silentio cum existimatio-
nis tuæ detrimento sese vliscantur. Ad
Præsidis officium (breuiter dicam) perti-
net vt recte iudicet, innocenter viuat, cau-
sas quam potest celeriter expediat, inter-
pellationes & alia patienter ferat, pruden-
ter omnia excutiat, sapienter denique gu-
bernet: quæ omnia ita inter se nexa & con-
catenata sunt, vt si vel vnum horum desit,
maiores timere criminationem necesse
habeat quam ex reliquis omnibus laudem
sperare possit, &c.

*iudicis
officium.*

Vt de me quoque aliquid dicam, mihi
iamdiu lis est de Bassana Abbatia cum To-
letana Ecclesia, quæ in hac Curia agitur:
iamque pro me lata sententia, illud tantum
superest, vt ea à Iudicibus recognoscatur &
confirmetur. Quod quum absente Præsi-
de fieri non possit, rogo vt aduentum huc
tuum quantum fieri potest, matures,
& ponas manum super eam, & illico sana-
bitur. Propera fodes, & latus huc atque ala-
cris descende; vt qui positus es in ruinam

& resurrectionem multorum. Senatorum
tam veterum quam nouorum eximium hic
inuenies collegium, dignum profecto tali
viro, &c. Granatæ XII. Maij M D X X XI.

Ad

D I D A C V M
P A C I E C V M,
E P I S T O L A

*De priscorum hominum longæuitate,
eiusque causis.*



Vod pollicitus fueram, me cau-
sam tibi explicaturum esse, cur
prior ætas magis longæuos ho-
mines produxerit quam hæc no-
stra, simulque ostensurum, an eadem fue-
rit olim mensura annorum, quæ nunc est:
id vt exsequar, sententiã super ea re meam
tibi exponam.

*Ciborum
vis deterior
quam olim.*

Primum non ea vis est cibis nostris quæ o-
lim fuit, nec ea salubritas. Hinc fertur locus
esse in Creta editior, cuius habitatores eo-
usque vitam producant, vt tædio ætatis, ad
accelerandam mortem, locũ mutant. Cau-
sam tantę longæuitatis hanc assignant, quod
in illa regione (ob aeris temperiẽ) quotidie
panem tollunt, vino Maluatico (quod illic
prouenit præstantissimũ) tinctũ, comedant
tempore matutino, quæ res sufficiens sit resti-
tuendo

tuendo calnri natiuo, & viribus corporis re-
ficiendis. Aliam præterea rationē cōmini-
scūtur, quod is locus ob altitudinē à diluuiō
immunis fuerit. Quæ mihi ratio haud pro-
batur, eo quod vniuersalis fuerit illa aquarū
eluuio, & in genere omnes orbis terras inun-
darit. Sane, experiētia teste pro regionū pro-
uinciarūque diuersitate magis minusve lō-
gæui homines inueniuntur: estq; eius diuer-
situdinis causa, tū climatis ingeniū, tum aeris
temperamentū, tūm influentiarū qualitas &
ciborū. Sed ad quantācunque ætatem hodie
homines alicubi procedant, si tamen eā cum
priscorū hominū ætate cōparaueris, brevis
erit. Portus est in India, cui nomen Sio: eius *Indorum*
incolæ longē admodum ætate prouehūtur. *longæuitas.*
Quin ordinariū est in tota India, centesimū
annum excedere. Et sane in modo dicta vrbe
hodie adhuc vir quidā viuit, supra ducente-
simū octogesimalū annum agens. Eidē filius
est centenarius maior: & alter, septuagena-
rius. Quē virum Nobiles quidā Lusitani, fi-
de digni, mihi narrarunt à se visum fuisse,
seq; etiam cibum potumq; cum eo cepisse.
Quod plus est, ijdē mihi retulerunt pro re-
certissima & minime fabulosa, cognitos sibi
in eadē vrbe complures fuisse, qui barbæ &
capitis pilos secundum & certū mutassent,
secundum item tertiumque dentiuisent.

Sed vt redeā ad Cretenſe illud prolongā-
dę ætatis remedium, panē nimirum tostum

*Priscorum
hominum
vitam.*

vinò Cretico tinctum, meo iudicio, si quidem id valeret, quoniam in Hispania circa S. Martinum & Palacios optimum totius orbis vinum nascitur, horum longissimam vitam esse oporteret. Vtut sit, ego causam diminutæ à diluvio hominum ætatis hanc esse existimo, quod terra diluvio undique inersa atque emacerata, maiore ex parte vim suam amisit. Alteram causam arbitror, quoniam prisci illi non carnibus nec pane vescabantur, sed glandibus castaneisque, & ceteris fructibus vitam sustentabant: qui fructus, quoniam ad debitam perfectionem bonitatemque perveniebant, vim nutriendi integram habebant: hominesque ipsi ea utebantur circa victum moderatione & diætâ, ut quod alimenti assumerant, non corrumpere in corpore, sed in substantiam bonam totum converteretur. At nos, non contenti unius generis victu, varia ferculorum congerie stomachum oneramus. Quam varietatem stomacho noxiam esse, & valetudini adversam, Avicenna testatur his verbis: *Nihil deterius quam diversa alimenta in una mensa simul, & in comestione tempus prolongare.* Vitam enim abbreviat ista diuersitas, & putrefactionem intra corpus humanum adducit, ob concoctionis difficultatem.

Longevitas

Eiusdem rei hæc quoque, & manifestior quidem, causa est, quod prisci illi à prima rerum

rerum origine proxime aberant. Hinc Adam DCCCCXXX. annos, Mathusalem DCCCCLX. Cain DCCCCX. vixerunt. Nam quum ipse Deus Adamum & Euam manibus suis formauisset, tam præstans corporis temperamentum illis indidit, vt perpetua fere vterentur valetudine. Ex his tam sapientibus patribus & auis prognati, merito & temperamenti similitudinem attraxerunt, & vitæ modum formamque imitati sunt. Sed sequuta posterior ætas, à maiorum suorum laudabili more & temperantia, libidinum & voluptatum studio, degenerans, ætatem quoque suam ad breuiorem terminos redegit. Quam ad rem non parum etiam adiumenti attulerunt Planetarum aspectus coniunctionesque, & permutationes elementorum, ad corrumpendam decurtandamque vitam suam quoque momentum habentes. Iam terra quoque amissa per diluuium natua sua substantia, nō tam efficaces amplius vel fructus vel herbas valet producere.

Ad staturam autem corporis, & robur membrorum quod attinet, in vtroque genere veteres præstiterunt propterea, quod minus essent in Venerem proni. Nam & viri ad tricesimum vsque annum à coitu abstinebant, & femine non nubebant ante vicesimum. Nostriis autem temporibus, non exspectata ætatis iusta maturitate, viri

Statura & robur.

D s

feminis

feminis commifcentur; quo fit, vt quod nu-
 trimentum, ad incrementum corporis di-
 ftribuendum fuerat, alio auertatur. Nam &
 nimium rebus Venereis indulgent, & ante
 tempus, & ftatim à fumto cibo: quæ res mul-
 tis modis valetudini damnoſa eſt. D. Augu-
 ſtin. lib. de Ciuit. Dei, & Conciliator aucto-
 res ſunt, hanc ob cauſam priſcos illos ſtatu-
 ra & robore nobis præualuiſſe. Nicolaus,
 ſermone vi. de regimine prægnant. ſcribit,
 homines hoc tempore & ſtatura, & robore &
 ætate minoribus eſſe, quã olim fuerût. Nunc
 quum veteres illi (vt ſupra vidimus) ad ſex-
 centeſimum annum, & vltra ætate proceſſe-
 rint, hodie videmus centenarios moleſte æ-
 tatẽ ferre, & ad hunc terminum pauciſſimos
 peruenire. Quod videntes, conſiderantesq;
 eandẽ illam naturam, quæ hodie viget, tum
 quoq; vigiſſe, nõ detuerunt qui dicerent,
 non fuiſſe olim tã longos annos ac iam ſunt,
 ſed lunares, quorum vnus nouem & viginti
 diebus abſoluitur. Et hi quidẽ pro annis ve-
 terum noſtros mēſes ſubſtituunt, vt auctor
 eſt Marcus Varro. Alij affirmare audent no-
 ſtri tẽporis annum, veterum decennio parẽ
 eſſe. Plinius refert, Arcadibus trimēſtres an-
 nos fuiſſe: quam Arcadum ſupputandi rati-
 onem in calculandis veterum annis ſequen-
 dã eſſe, Eliconenſis opinio eſt. Ego vero, o-
 mnes iſtas opiniones erroneas eſſe, pronun-
 cio, planeq; falſum eſſe ſtatuo, veterum an-
 nos

*An menſu-
 ra annorum
 eadem quæ
 olim.*

nos nostris breuiores fuisse, ideoq; illos ad maiorē ætatē non peruenisse, quā nos hodie peruenimus, quum anni nostri, vt istis videtur, maiores sint annis veterum. Cōtrarium enim asserit D. August. in lib. quem modo citauī, validisque argumētis eorum opinio, nē euertit, qui veterum annos nostris breuiores fuisse, illorumq; decennium nunc annum cōstituere, sunt arbitrati. Quorum si vera esset oratio, omnino cōsequeretur, aut annum lunare, nouem & viginti diebus cōstantem, non fuisse diuisum in duodecim menses, aut si fuit, vix tridui istos menses fuisse. Sed præstat S. Scripturæ testimoniis sententiæ meæ fidem facere. Exstat in lib. Geneseos, vniuersale diluuiū cœpisse die xvi r. mensis secundi. Ex quo liquet, annos illos nostris pares fuisse. Præterea si nostri anni veterum annis essent decuplo maiores, cōsequēs esset, veteres illos septimo ætatis anno iam potuisse prolem procreare: id quod rationi repugnat. Nam Cainum anno 70. multos filios generasse, in Genesi memoriæ proditum est. Septimo igitur anno Cainum liberis operam dedisse, secundum istos necesse foret: quod fieri nequit.

Eadem falsitate secundā opinio laborat quæ statuit, annos veterum lunares fuisse, quorum duodecim vno nostrorū annorum nō fuerint maiores: & tertia quoq; qua asseritur, tres mēses olim annū cōstituisse, atq; i v. eiusmo,

Anni Lunares.

eiusmodi annos hodie vnicum constituere. Ex Scriptura enim, qua ego nitor, contrarium patet. Nam in Genesi scriptum est, Arcam Noachi, postquam aquis innataisset, septimo demum mense, subidentibus aquis, in sicco destitutam fuisse. Et in initio decimi mensis, Noachus dicitur culmina montium primum prospexisse. Vnde iam palpari potest eorum error, qui annos veterum nostris breuioresefficere conantur. Nam quum expressa, vt videmus, mentio existet in S. literis, & septimi & decimi mensis, nec non diei mensis xxv . constat, veterum annos pares nostris fuisse, & illos non minus, quam nos pro anno duodecim menses numerasse.

*Dies olim
quales.*

Ad dies quod attinet, eos illi quoque similiter vt nos, in horas $xxiv$. tum diurnas, tum nocturnas partiti fuerunt. Legitur enim in Genesi, loco citato, pluuisse dies xxx . & noctes xl . Vt nullum dubium relinquatur, meo quidem iudicio, hanc meam sententiam veritati esse consentaneam, nihil fuisse inter veterum annos, & nostros differentiae, omninoque etiam illos, xii . menses pro anno, & pro mense dies, plus minus, xxx . numerasse. Nam quum illa ætate præstantissimi Astrologi essent, maxime apud Hebræos & Ægyptios, consentaneum est, solis cursum in computando anno non minus illis, quam nobis, obserua

seruatum fuisse. Quamobrem dicendum est, quum Adam annos DCCCCXXX. vixerit, & Mathusalem DCCCC LX. illos, nec minus ceteros veterum annos totidem mensibus, totidemque diebus constitisse, quot nostri anni constant.

Sed tempus monet, vt & ipse ad quietem me componam, & calamum ferriari patiar: itaque finem hic faciam, existimans satisfactum esse & tuo desiderio & meæ promissioni. Simanca, xv. Iunij CCCCXL.

Ad

D I D A C V M

C A M I N A M,

E P I S T O L A

De latipatente Inuidia regnō.



CRIBIS, vehementer te irasci inuidis quibusdam, omnia à te dicta aut facta calumniantibus. Equidem quod moleste id fers, ignoscendum tibi puto; quod irasceris, minus recte te facere existimo. Multo satius est inuidiam hominum quam misericordiam experiri. Omnium vitio-
rum

vero animi lenitate & mansuetudine acqui-
liuisset.

Horum exemplo, si meo vti velis consi-
lio, operam dabis vt in subigenda Fontara-
bia, omnia prius quam arma & fortunam
experiaris. Cetera de quibus scribis, lu-
benter ego tibi gratificabor, Deumque vt victo-
riam tibi quamfacilissimam largiatur, assidu-
is votis comprecabor. Victorix III. Ianuarij
Anno MDXXII.

Ad

E P I S C O P V M
TVYENSEM, &c.

E P I S T O L A

*Gratulatoria, qua simul boni Præsidis partes
explicantur*

Estquam mihi renunciatum est,
te non ita pridem à Rege Grana-
tam, vt Regij qui ibi est Senatus
Præsidem ageres, accitum; equi-
dem hac nouæ dignitatis tuæ accessione ve-
hementer lætatus sum, eoque tam tibi quam
Reipublicæ gratulandum esse duxi. Tibi
quidem, quod virtuti tuæ honor habitus;
Reipublicæ vero, quod præcipua eius pars
tali viro commissæ esset, qui integritate,
pru-

prudentia & doctrina pares paucos, superiorem neminem haberet. Quoniam vero, ut existimo, eius loci hominibus magis fama quam vitæ & moribus notus es; omni animi contentione eo tibi elaborandum est, vita ut famæ respondeat, atque spem de te conceptam non modo præclare sustineas, sed etiam vincas. Illud semper cogita, te quidem ad iudicandos alios eo proficisci; interim te ipsum ab alijs iudicatum iri. & quidem non a paucis, sed à multis, non de ijs quæ ad fortunas sed quæ ad honorem & exultimationem pertinent; nec publica tantum sed secreta etiam tua, adeoque vel minima quæ vel dicturus sis aliorum iudicijs fore exposita. Magnorum & in eiusmodi dignitate constitutorum virorum eam etiam ob causam laboriosa est conditio, quod non in facta eorum tantum & dicta, sed cogitationes etiam, nec in seria modo sed iocæ etiam inquiritur: adeo ut quidquid non gravissime ab ipsis fit aut diciter, leuitati adscribatur. Nam & vinum Cimonis Athenienses, ut Plutarchus scribit, & somnum Scipionis, (quia nihil aliud inueniebant) Romaniculpauerunt: & Pompeio Magno inimici vitio verterunt quod caput vno digito scaberet. Catoni quoque ebrietas obiecta est; & Iulio Cæsari vestitus discinctus. Ex quo patet quanta sit humani ingenij peruersitas & ociosorum hominum malitia, ut qui

Iudices ab alijs iudicantur.

longe oculatiores & promptiores sunt ad res
prehendendum si quid forte à magnis viris
minus decore factum est, quam res ab ipsis
præclarissime gestas deprædicandas. Magis
quidem par fuerat, Athenienses Cimonem
quum propter patris Miltiadis Maratho-
niam victoriam, tum singularem ipsius li-
beralitatem, quæ tanta fuit, vt dirutis et-
iam agrorum & hortorum suorum sepibus,
quiduis decerpendi ciuibus potestatem fa-
ceret, in oculis ferre ac laudare; Romanos
quoque Scipionis meritis, Catonis virtuti-
bus, Pompeij magnitudini, & Iulij Cæsaris
felicitati omnem honorem ac debitam gra-
tiam deferre multo æquius fuerat, quam in
tam minuta inquirere ac censuram exerce-
re. Verum ita comparatum est, vt nihil in
excello positum latere possit. Et vulgus de
magnis viris non id iudicat aut loquitur
quod veritas dicat, sed quod inuidia ex-
sculpit.

*Oculata est
inuidia:*

Sed vt ad rem redeam, tibi etiam atque
etiam cogitandum est, non magis præcla-
rum quam difficile munus tibi esse deman-
datum. Plinius scribit, Romanos in Ba-
tica prouincia quæ Andalusia hodie dicitur,
quinque iuridicos habuisse Conuentus,
Gaditanum scilicet, Hispalensem, Emeri-
tanum, Astaginensem, & Cordubensem.
Inter hos Gaditanus præcipuus fuit, quod
ibi prouinciæ Præses degeret; at apud Eme-
ritam

Et tam legionum stativa erant. Hæc è tibi in memoriam reuocare volui, vt intelligeres tanto grauiora tibi constituta aduersaria, vt cui onus quod in multos olim diuisum fuit, vni sit impositum; adeoque vni omnium voces sint excipiendæ, reformidanda iudicia; & querelæ sustinendæ. Longe alio sunt ingenio alijsque moribus harum regionum incolæ quam vestrates. Sunt enim astuti, versipelles, acuti, vafri, qui tam simulare quàm dissimulare optime norunt: eoque suadeo tibi vt quotquot te accesserint, diligenter audias, sed caute & prudenter respondeas. Ipse enim experieris vnum tuum responsum tot ac tam varijs interpretationibus distractum iri, quot quæque varios S. Scriptura fere habet glossatores.

Consilium quoque meum est vt spreta omni nouitate, antiquis insistas consuetudinibus. Mutationes enim eiusmodi siue Nouationes auctori inuidiam & odium cõflant, & subditis quoque nouandi res occasiõnem præbent. Omnibus in rebus summa vtere cautione & prudentia: siquidem Iudicum limina à pluribus fere obseruandi quam serio aliquid agendi studio frequentantur. Domus Audientiæ (quam vocant) humida est, parua, vetus ac ruinosa, vt credam te vbi illam aspexeris, magis de restauranda illa quam inhabitanda cogitarurum: quâuis tam hoc quàm alia incõmoda amplio.

*Nouationes
odiosæ.*

& dignitatis & emolumenti spes facile leni-
ct. Prædecefflor quidem tuus Balearium erat
Epifcopus quum eidem muneri admouere-
tur: idem poſtea inde, Auilæ factus Epifco-
pus diſceſſit. Atque vtinam ex Tuyenſi epi-
ſcopo te nõ multo poſt, laudabiliter decur-
ſo hoc ſpacio, Hiſpalenſem Archiepiſcopum
videamus? vt ita prædeceſſorum tuorum
non virtutes modo æmuleris, verum etiam
fortunam antegrediare, aut certe æques.

ab alijs ne
depende.

Inter labores vero qui in hoc munere
capiundi tibi ſunt, non leuiſſimus eſt quod
videndi atque æffandi tui copiam amicis
denegare non poteris, at ſecreta cum iſdem
communicare non audebis. Vbi enim pa-
lam fuerit te quosdam ad ſecretiora tua
colloquia & conſilia adhibere, cauere vix
poteris quin varias maleuolorum incurras
calumnias, aut æquitatem tuam infaman-
tium, aut aliena opera, quaſi pueris ſcir-
pea quum induitur ratis, natate & ſuſte-
tari dicentium: adeo vt dignum potius qui
pareas quam qui imperes, ij qui minus ac-
curate te norunt, iudicaturi ſint. In cauſſis
tamen grauib; & arduis plurimum expe-
dit vt iudex fidelium amicorũ vtatur con-
ſilio, ſed eorum qui nec priuati ſpe emolu-
menti ducantur, nec vllis alijs vehementio-
rib; animi motibus agitentur.

Cauſſam ſuam apud te agentes caue aſpe-
riori reſponſo excipias aut dimittas. Tam
verbis

verbis quam ceteris rebus pro suo quemque statu & conditione tracta; sic enim fiet *iudicis officium.* ut & iustum te & ciuilem ac humanum omnes habeant, Iræ moderare; inuidiam, odiū procul à te habe; iudicisque officium puta suas patienter ferre iniurias, alienas, ut dignum est, vlcisci. Si quandoque excandesceas, ne tu in verba prorumpes; ne quibus irasceris vel solo silentio cum existimationis tuæ detrimento sese vlciscantur. Ad Præsidis officium (breuiter dicam) pertinet ut recte iudicet, innocenter viuat, causas quam potest celeriter expediat, interpellationes & alia patienter ferat, prudenter omnia excutiat, sapienter denique gubernet: quæ omnia ita inter se nexa & concatenata sunt, ut si vel vnum horum desit, maiorem timere criminationem necesse habeat quam ex reliquis omnibus laudem sperare possit, &c.

Ut de me quoque aliquid dicam, mihi iam diu lis est de Bassana Abbatia cum Toletana Ecclesia, quæ in hac Curia agitur: iamque pro me lata sententia, illud tantum superest, ut ea à iudicibus recognoscatur & confirmetur. Quod quum absente Præsi- de fieri non possit, rogo ut aduentum huc tuum quantum fieri potest, matures, & ponas manum super eam, & illico sanabitur. Propera fodes, & lætus huc atque alacris descende: ut qui positus es in ruinam

& resurrectionem multorum. Senatorum
tam veterum quam nouorum eximium hic
inuenies collegium, dignum profecto tali
viro, &c. Granatæ XII. Maij M D X X XI.

Ad

D I D A C V M
P A C I E C V M,
E P I S T O L A

*De priscorum hominum longæuitate,
eiusque causis.*



Vod pollicitus fueram, me cau-
sam tibi explicaturum esse, cur
prior ætas magis longæuos ho-
mines produxerit quam hæc no-
stra, simulque ostensurum, an eadem fue-
rit olim mensura annorum, quæ nunc est:
id vt exsequar, sententiã super ea re meam
tibi exponam.

*Ciborum
vis deterior
quam olim.*

Primum non ea vis est cibis nostris quæ o-
lim fuit, nec ea salubritas. Hinc fertur locus
esse in Creta editior, cuius habitatores eo-
usque vitam producant, vt tædio ætatis, ad
accelerandam mortem, locũ mutant. Cau-
sam tantę longæuitatis hanc assignant, quod
in illa regione (ob aeris temperiẽ) quotidie
panem tostum, vino Maluatico (quod illic
prouenit præstantissimũ) tinctũ, comedant
tempore matutino, quæ res sufficiens sit resti-
tuendo

tuendo calnri natiuo, & viribus corporis re-
ficiendis. Aliam præterea rationē cōmini-
scūtur, quod is locus ob altitudinē à diluui-
o immunis fuerit. Quæ mihi ratio haud pro-
batur, eo quod vniuersalis fuerit illa aquarū
eluuio, & in genere omnes orbis terras inun-
darit. Sane, experiētia teste pro regionū pro-
uinciarūque diuersitate magis minusve lō-
gæui homines inueniuntur: estq; eius diuer-
sitis causa, tū climatis ingeniū, tum aeris
temperamentū, tūm influentiarū qualitas &
ciborū. Sed ad quantācunque ætatem hodie
homines alicubi procedant, si tamen eā cum
priscorū hominū ætate cōparaueris, brevis
erit. Portus est in India, cui nomen Sio; eius
incolæ longē admodum ætate prouehūtur,
Quin ordinariū est in tota India, centesimū
annum excedere. Et sane in modo dicta vrbe
hodie adhuc vir quidā viuit, supra ducente-
simū octogesimū annum agens. Eisdē filius
est centenarius maior: & alter, septuagena-
rius. Quē virum Nobiles quidā Lusitani, si-
de digni, mihi narrarunt à se visum fuisse,
seq; etiam cibum potumq; cum eo cepisse.
Quod plus est, ijdē mihi retulerunt pro re-
certissima & minime fabulosa, cognitos sibi
in eadē vrbe complures fuisse, qui barbæ &
capitis pilos secundum & certū mutassent,
secundum item tertiumque dentiuisent.

*Indorum
longeuitas.*

Sed vt redeā ad Cretense illud prolongā-
dę ætatis remedium, panē nimirum tostum

*Priscorum
hominum
victum.*

vino Cretico tinctum, meo iudicio, si quidem id valeret, quoniam in Hispania circa S. Martinum & Palacios optimum totius orbis vinum nascitur, horum longissimam vitam esse oporteret. Vtut sit, ego causam diminutam à diluuiò hominum ætatis hanc esse existimo, quod terra diluuiò vndique inersa atque emacerata, maiore ex parte vim suam amiserit. Alteram causam arbitror, quoniam prisci illi non carnibus nec pane vesciebantur, sed glandibus castaneisque, & ceteris fructibus vitam sustentabant: qui fructus, quoniam ad debitam perfectionem bonitatemque perueniebant, vim nutriendi integram habebant: hominesque ipsi ea utebantur circa victum moderatione & diæta, ut quod alimenti assumerant, non corrumperetur in corpore, sed in substantiam bonam totum conuerteretur. At nos, non contenti vnius generis victu, varia ferculorum congerie stomachum oneramus. Quam varietatem stomacho noxiam esse, & valetudini aduersam, Auicenna testatur his verbis: *Nihil deterius quam diuersa alimenta in vna mensa simul, & in comestione tempus prolongare.* Vitam enim abbreviat ista diuersitas, & putrefactionem intra corpus humanum adducit, ob concoctionis difficultatem.

Longæuitas

Eiusdem rei hæc quoque, & manifestior quidem, causa est, quod prisci illi à prima
rerum

rerum origine proxime aberant. Hinc Adam D C C C C X X X. annos, Mathusalem D C C C C L X. Cain D C C C C X. vixerunt. Nam quum ipse Deus Adamum & Euam manibus suis formauisset, tam præstans corporis temperamentum illis indidit, vt perpetua fere vterentur valetudine. Ex his tam sapientibus patribus & auis prognati, merito & temperamenti similitudinem attraxerunt, & vitæ modum formamque imitati sunt. Sed sequuta posterior ætas, à maiorum suorum laudabili more & temperantia, libidinum & voluptatum studio, degenerans, ætatem quoque suam ad breuiorem terminos redegit. Quam ad rem non parum etiam adiuuenti attulerunt Planetarum aspectus coniunctionesque, & permutationes elementorum, ad corrumpendam decurtandamque vitam suam quoque momentum habentes. Iam terra quoque amissa per diluuium natua sua substantia, nõ tam efficaces amplius vel fructus vel herbas valet producere.

Ad staturam autem corporis, & robur membrorum quod attinet, in vtroque genere veteres præstiterunt propterea, quod minus essent in Venerem proni. Nam & viri ad tricesimum vsque annum à coitu abstinebant, & feminae non nubebant ante vicesimum. Nostreis autem temporibus, non expectata ætatis iusta maturitate, viri

*Statura &
robur.*

D 5

feminis

feminis commiscantur: quo fit, vt quod nu-
 trimentum, ad incrementum corporis di-
 stribuendum fuerat, alio auertatur. Nam &
 nimium rebus Venereis indulgent, & ante
 tempus, & statim à sumto cibo: quæ res mul-
 tis modis valetudini damnoſa est. D. Augu-
 stin. lib. de Ciuit. Dei, & Conciliator aucto-
 res sunt, hanc ob causam priscos illos statu-
 ra & robore nobis præualuisse. Nicolaus,
 sermone vi. de regimine prægnant. scribit,
 homines hoc tempore & statura, & robore &
 ætate minoribus esse, quàm olim fuerūt. Nunc
 quum veteres illi (vt supra vidimus) ad sex-
 centesimum annum, & ultra ætate proceſse-
 rint, hodie videmus centenarios moleſte æ-
 tatē ferre, & ad hunc terminum pauciſſimos
 peruenire. Quod videntes, considerantesq;
 eandē illam naturam, quæ hodie viget, tum
 quoq; viguisse, nō defuerunt qui dicerent,
 non fuisse olim tā longos annos ac iam sunt,
 sed lunares, quorum vnus nouem & viginti
 diebus absoluitur. Et hi quidē pro annis ve-
 terum nostros mēſes ſubſtituunt, vt auctor
 est Marcus Varro. Alij affirmare audent no-
 ſtri tēporis annum, veterum decennio parē
 eſſe. Plinius refert, Arcadibus trimēſtres an-
 nos fuiſſe: quam Arcadum ſupputandi rati-
 onem in calculandis veterum annis ſequen-
 dā eſſe, Eliconenſis opinio eſt. Ego vero, o-
 mnes iſtas opiniones erroneas eſſe, pronun-
 cio, planeq; falſum eſſe ſtatuo, veterum an-

nos

*Immensu-
 ra annorum
 eadem quæ
 olim.*

nos nostris breuiiores fuisse, ideoq; illos ad maiorē ætatē non peruenisse, quā nos hodie peruenimus, quum anni nostri, vt istis videtur, maiores sint annis veterum. Cōtrarium enim asserit D. August. in lib. quem modo citavi, validisque argumētis eorum opinio, nē euertit, qui veterum annos nostris breuiiores fuisse, illorumq; decennium nunc annum cōstituere, sunt arbitrati. Quorum si vera esset oratio, omnino cōsequeretur, aut annum lunarē, nouem & viginti diebus cōstantem, non fuisse diuisum in duodecim menses, aut si fuit, vix tridui istos menses fuisse. Sed præstat S. Scripturæ testimoniis sententiæ meæ fidem facere. Exstat in lib. Genesios, vniuersale diluuiū cōpisse die xvi. mensis secundi. Ex quo liquet, annos illos nostris pares fuisse. Præterea si nostri anni veterum annis essent decuplo maiores, cōsequēs esset, veteres illos septimo ætatis anno iam potuisse prolem procreare: id quod rationi repugnat. Nam Cainum anno 70. multos filios generasse, in Genesi memoriæ proditum est. Septimo igitur anno Cainum liberis operam dedisse, secundum istos necesse foret: quod fieri nequit.

Eadem falsitate secunda opinio laborat quæ statuit, annos veterum lunares fuisse, quorum duodecim vno nostrorū annorum nō fuerint maiores: & tertia quoq; qua asseritur, tres mēses olim annū cōstituisse, atq; i v. eiusmo-

Anni Lunares.

eiufmodi annos hodie vnicum conſtituere. Ex Scriptura enim, qua ego nitor, contrarium patet. Nam in Genefi ſcriptum eſt, Arcam Noachi, poſtquam aquis innataſſet, ſeptimo demum menſe, ſublidentibus aquis, in ſicco deſtitutam fuiſſe. Et in initio decimi menſis, Noachus dicitur culmina montium primum proſpexiſſe. Vnde iam palpari poteſt eorum error, qui annos veterum noſtris breuioreſeſſicere conātur. Nam quum expreſſa, vt videmus, mentio exiſtet in S. literis, & ſeptimi & decimi menſis, nec non diei menſis xxv . conſtat, veterum annos pares noſtris fuiſſe, & illos non minus, quam nos pro anno duodecim menſes numeraiſſe.

*Dies olim
quales.*

Ad dies quod attinet, eos illi quoque ſimiliter vt nos, in horas $xxiv$. tum diurnas, tum nocturnas partiti fuerunt. Legitur enim in Genefi, loco citato, pluuiſſe dies xxx , & noctes xl . Vt nullum dubium relinquatur, meo quidem iudicio, hanc meam ſententiam veritati eſſe conſentaneam, nihil fuiſſe inter veterum annos, & noſtros differentiarum, omninoque etiam illos, xii . menſes pro anno, & pro menſe dies, plus minus, xxx . numeraiſſe. Nam quum illa ætate præſtantiffimi Astrologi eſſent, maxime apud Hebræos & Ægyptios, conſentaneum eſt, ſolis curſum in computando anno non minus illis, quam nobis, obſerua

seruatum fuisse. Quamobrem dicendum est, quum Adamus annos DCCCLXXX. vixerit, & Mathusalem DCCCLX. illos, nec minus ceteros veterum annos totidem mensibus, totidemque diebus constitisse, quot nostri anni constant.


Sed tempus monet, vt & ipse ad quietem me componam, & calamum ferriari patiar: itaque finem hic faciam, existimans satisfactum esse & tuo desiderio & meæ promissioni. Simanca, xv. Iunij C. D. D. XL.

Ad

D I D A C V M
C A M I N A M,

E P I S T O L A

De latipatente Inuidia regnò.

 CRIBIS, vehementer te irasci inuidis quibusdam, omnia à te dicta aut facta calumniantibus. Equidem quod moleste id fers, ignoscendum tibi puto; quod iralceris, minus recte te facere existimo. Multo satius est inuidiam hominum quam misericordiam experiri. Omnium vitiorum

*Inuidia
venustum
malum.*

rum vetustissimum est Inuidia: de qua primi homines questi sunt, & vltimi etiam sub fine mundi querentur. Idem enim, mihi crede, Inuidiæ & Mundi finis erit; Intet Euam & serpentem, Abelem & Cainum; Iacobum & Esauum, Iosephum & fratres, Dauidem & Saulẽm; Iobum & Sathanam, Ahitophielem & Busium, Ammonem & Mardocheum dissidia & insidias quid aliud nisi Inuidia excitauit? Multo capitalior illa est inimicitia quæ ex Inuidia quam quæ ex despectu & contumelia promanat. Vbi enim vltima se fuerit contumelia quiescit; at inuidia ne exitio quidem explẽtur. Grauius longe & diuturnius bellum fuit inter Romanos & Pœdos, quam inter Græcos & Troianos. hoc enim ex Helenæ raptu contumelia; illud imperij æmulatio accenderat. Quid fuisse illud inter Pompeium & Cæsarem bellum conflauit nisi Inuidia? quod scilicet alter parem alter priorem ferre non posset; & Pompeius Cæsaris felicitati, Cæsar Pompeij auctoritati & magnitudini inuide-
ret.

Pauci, meo iudicio, sunt qui omnia vitia habeant; sed pauciores qui omnibus careant. Probo inuidetur; improbus alijs inuidet: sicut vitium hoc vix quisquam effugere possit, dum eo vel alios infestat vel ab alijs infestatur. A mendaci cauere tibi potes, si cum eo nihil loquaris; à superbo, si Iubens ei cesse-

ei cesseris; ab ignauo, si contemnas, à gulo-
lo & lurcone, si mensam eius fugias; ab
iracundo, si à iurgio abstineas; ab avaro, si
nihil ab eo petas: at Inuidiam vtrumque
fugias; nunquam tamen effugies, immo
quanto magis illam fugeris, tanto acius te
persequetur. Nulla arx tam munita est in-
quam non introrumpat, nullus tam excel-
sus murus quem non transcendat, nulli
tam angusti tamque profundi cuniculi ad
quos non penetret, nulla tanta potentia cui
non sese obijciat, nullus homo quem non
inuadere aulit. Esto, in vno homine om-
nia hæc insint, forma Absalonis, Salomonis
sapientia, Azaelis agilitas, Cræsi opulentia,
fortitudo Hectoris, Homeri eloquentia,
facundia Ciceronis, Iulij Caesaris felicitas,
Traiani iustitia, & quid non? Vere dico,
quanto plures & maiores in ipso dotes ag-
noscentur, tanto pluribus & validioribus
Inuidiæ telis impetetur. Lupus pecori in-
diatur, corui cadauera sectantur, apes flo-
res circumvolitant & populantur, homi-
nes pecuniam & opes quærunt; Inuidia fe-
licitatis est comes. Est enim natura fere ita
comparatum, vt quemadmodum miseris
& afflictis condolemus, ita fortunatis inui-
deamus; Non eicutæ Socratis sed virtuti, nõ
Ciceronis exsilio sed eloquẽtiæ; nõ Põpei
fugæ & cladi, sed immaturis honorib. & mag-
nitudini; nõ Catonis quo se trãffixit gladio,
sed

sed constantiæ, non furcæ Polycratis sed perpetuæ felicitati, non Cæsaris vulneribus sed dominationi quisquam inuidit. In eo mirum est quam se humani animi prodat malitia, quod pauci sunt qui afflictos subleuent; at multi qui suos ipsorum amicos deicere studeant & proculcare. Quisquis es quantumcumque felix, ne tibi umquam persuade, maiorem ad tuas opes quam ad vicinorum Inuidiam fore accessionem.

*Inuidorum
mores.*

Ecquid, mi Didace, huic tu quoque Inuidiæ collegio seu fraternitati nomen dare cupis? Age sis, appende libræ ceram, & in societatem hanc venire ne recusa; in qua fideles & infideles, præsentēs & absentes, diuites & pauperes, viui & mortui reperiuntur. Inuidorum enim præcipuum muus est, viuos sepelire, & exhumare sepultos. Quæ priuilegia ipsorum sint & consuetudines, quæris? Aliquot accipe. Non illis in facello aut alio certo loco conditus aut status est congenitus, sed domi suæ descendentes, aut ubicumque deprehensi sacris deæ suæ operantur. Non pauperibus illi, sed diuitibus dentem impingunt: non prosunt, sed nocent; non dant, sed rapiunt; non bene, sed male præcatur; non hostes, sed amicos vlciscuntur. Verbo dicam, hoc illis peculiare est ut nec alter alterum ferre, nec inter se nec apud alios verum dicere possit. Quâvis autem alicui forte displicere hæc possit fra-

terni

ternitatis. Quamuis autem fraternitas hæc
sue societas ob multas quas habet molestias
merito alicui displicere possit: mihi tamen
crede, miser est quisquis in eam non adscri-
bitur. Quem enim Invidia præterit, eum cer-
tum est à fortuna quoque negligi ac præter-
iri. Themistoclem ferunt, rogatum aliquā-
do, Ecquid tristis esset, respondisse, Eo quod
id ætatis nihil dum gessiciuium meorum in-
vidia dignum. Siciliam pessimi tyranni fere
continua serie male habuerunt: adeo ut ne-
sciam vtrum ob septem suos quos produxit
Sapientes beatior Græcia, an ob tot quos
passa est tyrannos infeliciores Sicilia habenda
sit. Ex ijs vnus moriens filium monuisse di-
citur, daret operam, si beatus esse vellet, ut
ipse nemini, sed omnes ipsi inuiderent. Non
tyranno, sed sapientissimo viro digna hæc
vox est. Id enim voluit, virtutem summo
studio sectandam, sed vitia fugienda es-
se:

Miser est
cui non in-
uidetur.

Ex his, opinor, intelligis causam tibi nul-
lam esse ut aliorum invidia doleas: multo-
que præstare ut illa te sequatur, quam felici-
tate fugiat, aut tu, cuius illa vtriusque comes
est, virtutē deferas, aut ab illa deferaris. No-
uarum rerū hic nihil est, nisi forte hoc scire
tua interest, quemadmodum apud vos Inui-
dia regnum tenet, ita calumniandi & maledi-
cendi libidinem adeo tyrannice apud nos
grassari, ut nec Regi, immo nec ipsi Deo par-
cat, Val-

cat. Vallidoleti xxvi. Octobris Anno
m c i d i c x x .


Ad

F E R D I N A N D V M

C O R T E S I V M , & c .

E P I S T O L A

*Qua causa explicantur, cur alij inter audiendum
somno opprimantur, alij non: itemque cur pro-
les alia patris, alia matris, &c.
vultum referat.*

 V O D ferius respondeam ad tuas,
culpam eius rei non negligentia
mea, sed occupationibus imputa-
bis, Princeps illustrissime, meque
eo nomine excusatum habebis. Respon-
sum autem ipsum æqui bonique consules.
Non enim à somniantē, aut non satis medi-
tato exaratum est. Debent enim quæ scri-
buntur ad amicos, maximè vero ad tam
illustres viros, non modo diligenter con-
siderari, sed & septies, immo septuagies sep-
ties ad iudicij trutinam examinari: siqui-
dem nihil est, quod æque conspiciendum
exhibeat hominis ingenium, ac sermo &
scriptio.

Quæris

Quæris, cur ita in concionibus aut lectionibus audiendis alij statim dormire incipiant, alij vero minime? Tum, quæ causa sit, cur proles modo patri, modo matri similior sit? item, cur quandoque etiam aui, aut alterius ex consanguineis vultum referat.

Ad primam questionem quod attinet, cur ex auditoribus alij alijs facilius obruantur somno, causa eius rei est, temperamentum diuersitas. Nam quos in concione aut lectione facile somnus occupat, is est cerebrum humidum, oneratum humoribus crassis & frigidis, ex quibus euaporationes exsistunt: quibusdam occupatus est spiritus hominis, si legendum audiendumve ipsi aliquid sit, sit, ut ex attenuatione istarum euaporationum fumi exsurgant, qui somnum homini inducunt, cerebrum frigefaciendo, aggravando & condensando spiritus, & sensuum officia suspendendo. Verum quibus temperamentum est calidum & cholericum, insomnes efficiuntur, ob vapores à spiritibus ascendentes. Hi enim duplicem motum in homine producant, unum spirituales & intellectus proprium, quo componunt & diuidunt: alterum in ipsis spiritibus residentem, eumque pro conditione materię, quā vel legendo vel audiendo percipiunt, variū. Nam si ingratum tædiosumque sit, quod oculis aut auribus hauritur, multoque magis si sit formidabile, tū spiritus ad interiora corporis sese recipiunt atque

retrahunt, quæ spirituum motuumque retractione somnus impeditur. Phlegmatici contra, quia spiritus eiiciunt & ad cerebrum propellunt, ob exhalationem atque evaporationem spirituum, continuo sopore corripuntur. Itaque quibus cholera est insigni siccitate & calore, legentes vigilant; si tamen id, quod legunt, intelligunt. Nam si non sit illis cordi lectio aut curæ, ipsi quoque somno ebruuntur. Quod si concio aut oratio nimia vel prolixitate, vel materiæ varietate laboret, quantumvis sit homo cholericus, non potest temperare à somno. At phlegmatici, quamvis intelligant, quod audiunt & legunt, nihilominus tamen ob causas, quas commemoravi, dormire compelluntur.

Ex ijs, quæ diximus, apparet, cholericos, quoniam alacrem vigilantemque habent vitalem spiritum, non facile somnum capere. Sunt enim curiosi admodum & cupidi ea legendi cognoscendique, quæ hactenus nec lecta nec visu audituve cognita ipsis fuerunt; & licet non sint ignari alicuius rei, tamen si eius vel utilitatem vel iucunditatem perspectam habeant, eius tenentur studio maiori; eoque operam dant, ut assequantur quod audiunt leguntve, maxime si id eiusmodi sit, cuius delectatione teneantur, & cuius scientiam se consequi posse non desperent. Et hac quidem ratione ut
pluribus

plurimum vigilant, soporemque ab oculis arcent. E contrario phlegmatici, hebetisque ingenij homines, mentem animumque in id, quod audiunt aut legunt, intendere non sistent, sed exhalationibus suis exitum indulgentes, somno vincuntur. Idemque illis evenit, qui argumentum aliquod legunt, aut audiunt concionem, cuius sensum non assequuntur. Qui si forte à somno abstineant, non aliam ob causam id facere existimandi sunt, quam quod pudore, ne risui sint alijs, prohibeantur. Tristitiam quoque videmus, & mœrorem, & metum impendentis mali, somnū discutare, & impedire. Vt si quis facinoroso aut captivo dormienti improuisus nuncius adsit, significās postridie moriendum ipsi esse, ideoque requiri, vt conscientiae salutisque suae curam habeat: subito miserum inuadet tanta consternatio & mortis formido, vt somnum capere oculis nulla ratione possit, sed continuis vigilijs extremum vitae finem expectet, versantibusque ante oculos cruciatuum imaginibus, animo angatur atque afflictor, mentem huc illuc diuidens, si quā elabendi, mortisque imminentis effugiendae rationem comminisci possit. Ob quam causam Auicenna monet, Lethargicos (qui perpetuo & inexpugnabili somno laborāt) ingrato aliquo nuncio, de morte hominis amicissimi, aut simili percellendos esse, vt

terrore metuque conlternati, à somno & morbo liberentur. Breues autem & iucundæ conciones ac narrationes somnum, vt diximus, non inducunt. Breuitas enim efficit, vt spiritus spacium non habeant frigus contrahendi, nec in eundem coeundi, nec somnum in homine procreandi. Eadem si fuerint prolizæ, nec leporis aliquo sale conditæ, tædium, & ex tædio somnum, resolutis spiritibus, in homine producunt. Quam obrem cui propositum est, veternum somnolento homini excutere, necesse est, huiusmodi aliquam auribus nouam & iucundam illi enarret, atque interim vocem paulatim attollat: si statuit somnum alicui inducere, in similis hiltoriæ narratione vocem sensim submittat.

Venio ad alteram quæstionem, cur infantes sæpe patribus, & nonnunquam matribus similiores nascantur. Notandum est igitur, si in congressu maris & femina virile semen efficacia, muliebri præstiterit, prolem, quæ ex ea coniunctione generatur, patri quam matri similiorem futuram: si viri semen à femine feminae superatum fuerit, matri similem euasuram. At si utriusque semen bonum validumque exstiterit, utrique parenti ex parte similis proles creabitur.

Quod vero nonnunquam etiam aui aut alterius ex consanguineis similitudinem referunt

ferunt nati, id ex inclinatione est, qua vel pater vel mater in ipso generationis actu erga parentes aut propinquos proprios afficitur. Nam hic affectus formam eorum, in quos fertur, imaginationi illorum repræsentat. Quæ etiam causa est, ut non raro alterius quoque qui sanguine iunctus non est, similitudo in liberis cōspiciatur. Exemplū eorum quæ diximus, luculentū nobis exhibet Iacobi Patriarchæ historia: qui, inita cū socero suo Labane pactione, ut pro pastura ovium eius mercedē acciperet omnes oves versicolores, hac arte usus est. Tempore aquationis baculos in aquas collocavit, imbutos ijs coloribus, quos in agnis produci cupiebat: quibus ante oculos positis quum oves concepissent, ob imaginationis vim, versicolores partus ediderunt. Ex quo patet quanta vis sit imaginationis, ut etiam ea quæ fiunt ijs quæ animo concipiuntur similia ac conformia reddat, &c. Madrici

x x. Ianuarij c13 13 xxxix.

Ad
A N T O N I V M
Z V N I G A M,
E P I S T O L A

*In qua ostendit, Nobilis esse, reprehensionem si non
 possit, saltim omnem à se turpitudinem & in-
 famiam amoliri.*



Esterno die, qui D. Luciae virgie
 ni sacer est, litteras tuas in castris
 ad Toletum scriptas à Lupo Osoe-
 rio accepi: quarum etiam primus
 aspectus summæ mihi voluptati fuit, tum
 quod ab eo essent, quem inter Nobilitatem
 nostram magni ego semper feci & facio;
 tum quia ex eo loco, quo nullus iam osten-
 tandæ virtuti aptior est. Tanto etiam mi-
 hi gratiores eadem, quanto minus exspe-
 ctatæ fuerunt. Equidem quum hæc tem-
 pora turbis & seditionibus plena aspicio,
 parum mihi Nobilis videtur qui domi iam
 desidet, vel uisitatibus sese oblectans, quū
 in aciem prodeundi & dimicandi sit tem-
 pus. Sacerdoti seu religioso cella conuenit,
 rustico casa, Nobili caltra. Vis apertius di-
 cam?

*Suum cuiq;
 officium
 faciendum.*

cū? Sacerdos oret, rusticus aret, Nobilis
 pugnet. Non propterea quis Nobilis aut E-
 ques dicitur, quod splendidis ortus sit na-
 talibus, & pecunia & facultatibus abundet,
 (hæc enim apud mercatores quoque repe-
 riuntur) sed is demum hoc nomine dignus
 censendus est, qui modestus & comis sit in
 sermone, in dando liberalis, in victu mode-
 ratus, in vita honestus, in negocijs sincerus,
 ad ignoscendum facilis, in periculis & be-
 lo animosus. Quid enim iuuat alto prog-
 natum esse genere? quid multas pollidere
 diuitias? quid, numerosos habere clientum
 & seruorum greges? si orationem contami-
 net rusticitas, mores inciuilitas, victus rati-
 onem ingluuiēs, vitam superbia & reliqua
 vitiorum sentina. Talem hominem, vt &
 auarum, ignauum & timidum quis non in-
 fra infimos homines potius amandandum
 quam Nobiliū nūmero adscribendum
 censeat? Malitia, ignauiā, leuitas, mentien-
 di libido, fraus, & quidquid harum rerum
 est, à Nobili quamlongissime abesse debet:
 qui licet suos quoque nēuos habeat, cauere
 tamen debet ne merito vlla infamiæ labe
 aspergatur. Hactenus virtutis suæ tam pa-
 triæ quam Regi probandæ non ita multas
 occasiones Nobilitas habuit: atiam Rege
 absente, Reginæ viribus parum firmis, fuga
 disperso Senatu regio, magistratibus metu
 percussis, prouinciarum Præsidibus in pro-
 E 5 cinctu

Nobilem
 virtutem facit

Ad
 A N T O N I V M
 Z V N I G A M,
 E P I S T O L A

*In qua ostendit, Nobilis esse, reprehensionem si non
 possit, saltim omnem à se turpitudinem & in-
 famiam amoliri.*



Esterno die, qui D. Luciae virgie
 ni sacer est, litteras tuas in castris
 ad Toletum scriptas à Lupo Osoe
 rio accepi: quarum etiam primus
 aspectus summæ mihi voluptati fuit, tum
 quod ab eo essent, quem inter Nobilitatem
 nostram magni ego semper feci & facio:
 tum quia ex eo loco, quo nullus iam osten-
 tandæ virtuti aptior est. Tanto etiam mi-
 hi gratiores eisdem, quanto minus exspe-
 ctatæ fuerunt. Equidem quum hæc tem-
 pora turbis & seditionibus plena aspicio,
 parum mihi Nobilis videtur qui domi iam
 desidet, vol uptatibus sese oblectans, quū
 in aciem prodeundi & dimicandi sit tem-
 pus. Sacerdoti seu religioso cella conuenit,
 rustico casa, Nobili caltra. Vis apertius di-
 cam?

*Suum cuiq;
 officium
 faciendum.*

cū? Sacerdos oret, rusticus aret, Nobilis
 pugnet. Non propterea quis Nobilis aut E-
 ques dicitur, quod splendidis ortus sit na-
 talibus, & pecunia & facultatibus abundet,
 (hæc enim apud mercatores quoque repe-
 riuntur) sed is demum hoc nomine dignus
 censendus est, qui modestus & comis sit in
 sermone, in dando liberalis, in victu mode-
 ratus, in vita honestus, in negocijs sincerus,
 ad ignoscendum facilis, in periculis & be-
 lo animosus. Quid enim iuuat alto prog-
 natum esse genere? quid multas pollidere
 diuitias? quid, numerosos habere clientum
 & seruorum greges? si orationem contami-
 net rusticitas, mores inciuilitas, victus rati-
 onem ingluuiēs, vitam superbia & reliqua
 vitiorum sentina. Talem hominem, vt &
 auarum, ignauum & timidum quis non in-
 fra infimos homines potius amandandum
 quam Nobiliū numero adscribendum
 censeat? Malitia, ignavia, leuitas, mentien-
 di libido, fraus, & quidquid harum rerum
 est, à Nobili quam longissime abesse debet:
 qui licet suos quoque nāuos habeat, cauere
 tamen debet ne merito vlla infamiæ labe
 aspergatur. Hactenus virtutis suæ tam pa-
 triæ quam Regi probandæ non ita multas
 occasiones Nobilitas habuit: atiam Rege
 absente, Reginæ viribus parum firmis, fuga
 disperso Senatu regio, magistratibus metu
 perculsis, prouinciarum Prælidibus in pro-
 pter

Nobilem
 virtutis facit

cinctu stantibus, populo per totum regnum ad rebellionem concitato, iam, inquā, iam tempus est, ut suum in reducendis ad obedientiam subditis regnoque pacando faciat officium Nobilitas, ac patriæ regique bonam ac plusquam necessariam operam nauet. Non odoramentis imbutæ, sed ferro rigentes chirothecæ Equiti iam sumendæ, non phaleratus mulus sed equus cataphractus conscendendus, non serica vestimenta sed panoplia induenda, non venationi indulgendum, sed sub pellibus excubandum, non bibliothecæ sed armarij cura habenda est. Ea sunt Reipublicæ tempora, ut non minus arma Nobilitatis quam sacerdotum preces requirant. Ut enim precibus peccata delentur, ita armis hostes propulsantur. Quod cum quidem in finem à me scribitur ut intelligas non ea tantum quæ in vestro exercitu fiunt, sed etiam quæ dicuntur, maxima minima iuxta nobis hic nota esse: quod tu quidem moleste ferre non debes, ut cuius singularem prudentiam & fortitudinem plerique omnes deprædicant, & fortunam faustis ominibus prosequuntur.

Inter fortissimos belli duces fortunam ducit Iudas Machabæus: qui ut fuga vitæ suæ consulere amicis monentibus (ut qui hoste tam viribus quam ceteris rebus longe esset inferior) Absit, inquit, ut nomini nostro,

nostro hoc inuramus dedecus : quin certum nobis est hoc ipso loco honestam potius mortem pro lege & fratribus nostris pugnando oppetere , quam ignominiosa fuga vitam seruare. Generosa & illa vox est Græci cuiusdam imperatoris, qui maximas hostium esse copias monitus, Tanto, inquit , nostra præclarior erit victoria. Et quidem, ut Cicero inquit , non singuli tantum duces, ut Decij , & alij , sed integri etiam exercitus voluntariæ pro patria, sed gloriosæ emorti sese obiecerunt. Certe apud Spartiatas fugæ perpetua ignominia , honestæ vero in prælio mortis æterna laus , publica lege erat proposita. Bias cum Iphicrate Atheniensium duce bellum gerens , quum improuiso ab hostibus circumuentus, à suis fugam circumspicientibus rogaretur quid faciendum esset, Vos, inquit, si vultis, viuis renunciate me purgentem fortiter occubuisse; ego turpis vestræ fugæ nuncius ad mortuos siue inferos profisciscar . Spartanus nescio quis cuidam dicenti tantam sagittarum multitudinem ab hoste effusum iri, ut solem ipsum obscuraturæ sint , lucendam, inquit, rem narras: in umbra ergo pugnabimus. Charilaus cuidam de hostium numero percunctasti, Non , inquit, quam multi, sed ubi sint hostes quærendum est. Alcibiades suis ad arma conclamantibus
& in

*Hostia dei
ciendum nota
inter adde*

& in hostium se manus incidisse dicentibus, Nequaquam ait, nos in hostium, sed hostes in nostras manus inciderunt. Hæc ego fortiter dicta & facta ex antiquis historijs hic repetere volui, vt posteritati notū facerē inter præstantissimos eiusmodi bellatores tibi quoque locum dāberis, vt quorum dicta & facta non æmulatus tantum fueris, verum etiam superaris. Audiuimus hic paucos ante dies, quum Tolētani eruptione facta, equitatus vestri partem ita aggressi fuissent vt non pauci iam fugere inciperent. Te altissima voce tuos his vocibus inelamasse: Adeste, adeste fortissimi milites, quò fugitis? Victoria, victoria. Aut vincentes voto nostro potiamur; aut moriētes fidem nostram Regi & patriæ probemus. O verba præclara, & digna quæ sepulcro tuo olim insculpantur! neque enim dixisse hæc contentus, sed in medios hostes inuectus, septem quidem tua manu cæcidisti, at septem millia fortitudine tua in fugam eo die compulisti. Certum est Romanos non tam viribus & militum numero quam ducum virtute tot tantasque victorias consequutos esse; quarum hodieq; laus non tam militibus quam imperatori ac ducibus tribui solet. Belum iactant Assyrij, Persæ Cyrum, Thebani Herculem, Achillem Græci, Hebræi Iudam Machabæum, Pyrrhū Epirotæ, Scipionem Romani, Pœni Hannibalem,

Hi-

Nota verba fortis ducis.

Hispani Viriatum : qui genere Lusitanus,
 pastor primum, deinde ex pastore latro, ac
 mox ex latrone militum dux atque impe- *Viriatum*
 rator, & vt Florus inquit, si fortuna accesi- *Lusitanus,*
 sisset, Hispaniæ Romanus, per quatuordecim
 annos populum Romanum varia vi-
 ctoria fatigauit; tandem per fraudem, in sin-
 dias & domesticos percussores interemptus
 fuit, hac post se relicta gloria, vt videretur
 aliter vinci non potuisse.

Huius hic exemplum ob oculos tibi
 ponere volui, vt tamquam alter quidam Vi-
 riatum, vel potius Iudas Machabæus hoc ci-
 uili bello ita te geras, vt nomen tuum ho-
 stes reformident, & amici ad cœlum laudi-
 bus ferant. Quod si certam ac plenam cu-
 ius victoriam consequi, age, vitis bellum
 indicito, ijsque animum penitus purgato
 memor paucis & vt in speciem videntur ex-
 guis tui similium virorum peccatis multas
 præclaras victorias sæpe impediri aut cor-
 rumpi : Quod per Ferdinandum Vegam
 te rogas vt in Historia quam præ manibus
 habeo, tui quoque memoriæ honorifice
 surpem; equidem lubens ac merito etiam
 o faxy vt Achilles hastæ Homeri tuba ne-
 cessit. Medinæ ad Riuum siccum xviii.

Februarij m d x x i i.

Ad

INIGVM VEL ASCVM
CASTILIAE COME-
STABILEM, &C:

EPISTOLA

*In qua inter alia Laconismus, seu Veterum
in scribendo breuitas indicatur.*



LITTERAE tuæ xxx. Septembris Villoradæ scriptæ, Vallidoleti i. v. Octobris mihi reditæ sunt, si locorum spectes distantiam; tam recentes vt truttas inderecentiores vix optare ausim. Cursores nuncios (quos Pegaseos merito quis appellare possit) Pyrrhus Epirotarum Rex primus instituisse, tantæque ea in re diligentia adhibuisse dicitur, vt Tarentum obsidens, Roma quotidie, biduo quoque è Gallijs, triduo è Germania, & quinto quoque die ex Asia rerum nouarum nuncia ad ipsum perferrentur. Natura homo nouitatis est audus: ac quanto vnumquodque rarius est magisque recens, tanto magis eo delectatur. Hac prærogatiua gaudetis vos magnates, quod de ijs quæ scire cupitis intra breue tempus
-etiam

etiam è longinquis locis certiores reddimur: ut si non dubito nonnumquam intra tri-
duū vos ea reserire, quæ nec intra triennium
aut forte numquam scire optaretis. Nullum
gaudium, nulla voluptas in hac vita tanta est
quæ non incommodum & dolorem habeat
admixtum: ita ut vna sæpe hora auferat quod
multis annis ægte partum est. Hoc eò dice-
re volui, ut Mosen Rubinum tanto pluris
facias, impigrum sane hominem & strenu-
um viatorem, quem nisi Pegasi aut Mercu-
rij alas habuerit, vix credibile est tam cito
huc peruenire potuisse. Sed iam ad litteras
ipsas respondebo:

Queris, quomodo ortu nobilis sim, statura
procerus, in Missis quas dico, tardus, in
cōcionibus quas habeo prolixus: quid causæ
sit quod in scribendo tam brevis sim, in
ijs præsertim litteris quas nuper è monaste-
rio Presano in Valle ad te dedi, quas ais;
vix quatuor periodis, & non totis sex li-
neis constare. Equidem hac tua quæstione
id video te spectare, ut ab instituto illo meo
discedendi ansam mihi præbeas, & prolixè
ad singula respondendi quasi necessitatem
quandam imponas. Quod faciam quidem;
sed magis quia id te velle intelligo, quam
quod necesse putem. Ad genus meum
quod attinet, auus mihi fuit Don Beltramus
de Guevara, & eiusdem nominis pater. Pa-
truus mihi fuit Don Latro de Guevara: mihi
verò

etiam è longinquis locis certiores reddimur: ut si non dubito nonnumquam intra triennium vos ea rescire, quæ nec intra triennium aut forte numquam scire optaretis. Nullum gaudium, nulla voluptas in hac vita tanta est quæ non incommodum & dolorem habeat admixtum: ita ut una sæpe hora auferat quod multis annis ægre partum est. Hoc è dicere volui, ut Mosè Rubinum tanto pluri facias, impigrum sane hominem & strenuum viatorem, quem nisi Pegasi aut Mercurij alas habuerit, vix credibile est tam cito huc peruenire potuisse. Sed iam ad litteras ipsas respondebo:

Quæris, quomodo ortu nobilis sim, statura procerus, in Missis quas dico, tardus, in cõcionibus quas habeo prolixus: quid causæ sit quod in scribendo tam brevis sim, in ijs præsertim litteris quas nuper è monasterio Presano in Valle ad te dedi, quas ais, vix quatuor periodis, & non totis sex lineis constare. Equidem hac tua quæstione id video te spectare, ut ab instituto illo meo discedendi ansam mihi præbeas, & prolixè ad singula respondendi quasi necessitatem quandam imponas. Quod faciam quidem; sed magis quia id te velle intelligo, quam quod necesse putem. Ad genus meum quod attinet, auus mihi fuit Don Beltramus de Guevara, & eiusdem nominis pater. Patrus mihi fuit Don Lator de Guevara: mihi vero

tam inuisæ fuerūt, vt non modo honorum
aditu prohibita verum etiam ex vrbe sint
eiecta. Maximum sane probrum est à maio-
rum virtute degenerare; ad generis vero lau-
dem propriam virtutem adiungere, duplex
est Nobilitas:

In bello strenuitas, in periculis constan-
tia, in donando liberalitas, in loquendo
urbanitas, in audendo fortitudo, in igno-
scendo facilitas, eiusmodi virtutes sunt quæ
plebeiiorum hominum fortunam fere super-
grediuntur, ac non nisi apud nobiles & ge-
nerosos reperiuntur. Et quoniam raro il-
lud quæri solet, Quis aut qualis quisque, sed
quo genere prognatus sit: non leue sane
homini decus esse existimo, si generis no-
bilitatem seu antiquitatem allegare possit,
multoq; maius, si proprijs illud virtutibus
cõhonestet.

*Genim sequi
tur proles.*

Quod ais statura me procerum, corpore
siccum & macilentum esse, equidem singu-
la hæc laudis mihi potius quam probri lo-
co duco. Nonne videmus ligna oblonga &
sicca maiori precio venire & ad vsum ma-
gis expeti quam breuia & humentia? Quod
si procera & robusta corporis statura Deo
displicuisset, non ille Pallantem, non Her-
culem, non Milonem Crotoniatem, non
Samsonem, non alios denique de quorū
vasta corporis mole tam sacræ quam pro-
phanæ testantur historiæ, creasset: quorū
F compa-

comparatione reliqui homines velut tipu-
 læ volitabant. Etiam Iulius Cæsar non e-
 normi, procera tamen corporis statura fu-
 isse perhibetur. Augustus quidem Cæsar
 ex altis quoque arboribus poma humi infi-
 stens facile decerpebat. Sylla tam altus
 fuit, ut portam quamcumque ingressu-
 rus (ne tamen anserum more) ceruices in-
 clinaret. Saulem certe è S. Scriptura no-
 uimus, vniuerso populo eminentiorem
 toto capite fuisse. Scipionem Liuius te-
 statur corporis magnitudine paucos; ani-
 mi, neminem parem habuisse. A rerum
 gestarum magnitudine Alexander Magni
 cognomentum adeptus esse dicitur: ei-
 dem tamen si non corpus (quamquam &
 hoc ei non defuit) cor tamen tam magnum,
 immo tam ingens fuit, ut quum ipse iam
 totum Mundum concepisset, Mundus ta-
 men totus eum vix caperet: ut mirum sit
 quomodo tam vasta res, qualis hominis
 est animus, tam angusto corpore concludi
 possit. E duobus si alterutrum eligendum
 sit, malim ego procerior esse alquanto,
 quam instar Pygmæi, breuior, & ut cum
 Poeta iocer, pede vix altior vno. E longa
 veste facile aliquid demas; sed non facile
 citra deformitatem aliquid assuas. Quo-
 ties Alphonsum Enricum, Aluarum Co-
 mesium, Salaïam, Valderauanum, Figue-
 roam, omnes, ut nosti, pusillæ staturæ ho-
 mines

*Homines
breues ad
irâ faciles.*

mines per aulam cursantes aspicio, numquam non tristes aut irati mihi videntur. Angusti enim camini difficilius fumum transmittuntquam laxi. Et parvæ ollæ igni appositæ, simul bulliunt, & quod habent funditus pæne effundunt. Memini quum olim ad monasterium Torreguisandam venissem, ac semel atque iterum fores pultassem, exiguæ staturæ monachum torue me intuentem, non sine stomacho quid vellem, rogasse. Tum ego, Bona verba, inquam, Domine frater: sane impatiens admodum mihi videris. Ille, quid tu? inquit. Sane parum civilis mihi tu videris. Ego, Mitte ilthac, inquam, & da mihi quod bibam. Ille vero, Non tu nosti me, inquit. Statura hæc meâ tibi forte contemptui est. Sed tu hoc scias, totum hoc corpusculum è mero ferro & chalybe conflatum esse. Mihi quidem proceri eiusmodi homines, qualis tu es, si interdiu sermonem mecum conferant, noctu per insomnia occurrunt. Nuper ego cor meum ipse mensus sum, & quinque vlnis corpore maius esse deprehendi. Facete narras, inquam, Domine Pater, & facile ego quinque vlnarum cor tibi esse credam, qui corpus tuum videam sesquivlna longum. Hæc audiens iratus ille abiit, sed frustra expectâtem me ad portam sitientem reliquit. Salopeta minora, ut tu ipse nosti, Domine, citius rumpuntur

quam maiora. Vibs parua facilius obfidetur ac capitur quam magna. Periculofiora etiam vt plurimum funt angufto alueo labentia flumina quam fpaciofa. In viarum anguftijs iter facientibus maius eft vitæ periculum. Parua animantia non tantas hominum vñibus adferunt vtilitates quãtas maiora fiue iumenta fiue armenta, qualia funt Elephantes, Cameli, equi, boues, bubali, &c. quin minuta illa, vt pulices, culices, cimices, mures, &c. ad hominẽs tantum vexandos nata videntur.

Ad dis profecundo, Me in Miffis legendis valde tardum eſſe & prolixum. Tu vero memineris, ſi ego in Miffis aut precibus recitandis prolixus ſim, te in ſermone non minus eſſe proſulum: vt quem ſæpe verba facere orſum, priuſquam exitum oratio inueniret, relinquere coactus fuerim. Sed quæſo an minus recte tibi facere videor quod delictorum meorum quæ feci pondera ad Miffarum quas dico momenta appendam & meſurem? Anne æquum eſt vt qui diu multumque peccauit, breuiter ac perfunctorie Deum deprecetur? Redemptor & D. N. Ieſus Chriſtus in ceteris rebus omnibus celer fuit & expeditus, ſed in oratione ad Patrem ſuum cæleſtem prolixus: id quod in horto Gethſemani facile apparuit, vbi quanto vehementiſſimus ille agôn magis ſeſe intendit, tanto acrius ille preces continuauit.

Tertium

Tertium quo pungere me conaris, illud est, quod ais, in concionibus itidem non minus quam statura longum & prolixum me esse. Ego vero aio ei qui vere pius sit, quique non curiosus potius quam Christianus sit, nullum de rebus sacris & ad salutem pertinentibus rebus sermonem nimis prolixum videri posse, aut certe debere. Annum ætatis iam ego tricesimum octauum ago, atque intra id tempus omnia tam priuatim fere quam publice in maius aucta video, præter sacros eiusmodi Sermones, quorum statura & veluti condita inter concionatorem & Auditores est mensura, à qua vel digitum discedere nefas est; aut si quis discedat, certe ab Auditoribus aut exhibebitur aut deferetur. Cibo parando hodie maiores sumtus, & fumendo plures horæ impenduntur: ædes magnificentius quam olim struuntur atque exornantur; ad vestium splendorem, vel luxum potius, indies aliquid additur: aucta sunt omnium rerum precia; & hominum in primis malitia quotidie magis magisque crescit. Quinetiam cærimoniarum multo plures & operosiores iam usurpantur, & prolixioribus verbis, sæpe tamen fucatis, deferitur beneuolentia, & quæcumque alia explicantur: at Concionum sacrarum hæc est conditio, vt quemadmodum dixi, extra statutam horam eam producere, nefas putetur.

terrore metuque consternati, à somno & morbo liberentur. Breues autem & iucundæ conciones ac narrationes somnum, vt diximus, non inducunt. Breuitas enim efficit, vt spiritus spacium non habeant frigus contrahendi, nec in eundem coeundi, nec somnum in homine procreandi. Eadem si fuerint prolixæ, nec leporis aliquo sale conditæ, tædium, & ex tædio somnum, resolutis spiritibus, in homine producunt. Quam obrem cui propositum est, veternum somnolento homini excutere, necesse est, huiusmodi aliquam auribus nouam & iucundam illi enarret, atque interim vocem paulatim attollat: si statuit somnum alicui inducere, in similis hystoriæ narratione vocem sensim submittat.

Venio ad alteram quæstionem, cur infantes sæpe patribus, & nonnunquam matribus similiores nascantur. Notandum est igitur, si in congressu maris & femina virile semen efficacia, muliebri præstiterit, prolem, quæ ex ea coniunctione generatur, patri quam matri similiorem futuram: si viri semen à femine semina superatum fuerit, matri similem euasuram. At si utriusque semen bonum validumque exstiterit, utrique parenti ex parte similis proles creabitur.

Quod vero nonnunquam etiam aui aut alterius ex consanguineis similitudinem referunt

ferunt nati, id ex inclinatione est, qua vel pater vel mater in ipso generationis actu erga parentes aut propinquos proprios afficitur. Nam hic affectus formam eorum, in quos fertur, imaginationi illorum repræsentat. Quæ etiam causa est, ut non raro alterius quoque qui sanguine iunctus non est, similitudo in liberis cõspiciatur. Exemplum eorum quæ diximus, luculentum nobis exhibet Iacobi Patriarchæ historia: qui, inita cum socero suo Labane pactione, ut pro pastura ouium eius mercedem acciperet omnes oves versicolores, hac arte usus est. Tempore aquationis baculos in aquas collocavit, imbutos ijs coloribus, quos in ignis produci cupiebat: quibus ante oculos positis quum oves concepissent, ob imaginationis vim, versicolores partus ediderunt. Ex quo patet quanta vis sit imaginationis, ut etiam ea quæ fiunt ijs quæ animo concipiuntur similia ac conformia reddat, & c. Madrici

X X. Ianuarij C13 13 XXXIX.

Ad
 A N T O N I V M
 Z V N I G A M,
 E P I S T O L A

*In qua ostendit, Nobilis esse, reprehensionem si non
 possit, saltim omnem à se turpitudinem & in-
 famiam amolari.*



Esterno die, qui D. Luciae virgie
 ni sacer est, litteras tuas in castris
 ad Toletum scriptas à Lupo Osoe
 rio accepi: quarum etiam primus
 aspectus summæ mihi voluptati fuit, tum
 quod ab eo essent, quem inter Nobilitatem
 nostram magni ego semper feci & facio;
 tum quia ex eo loco, quo nullus iam osten-
 tandæ virtuti aptior est. Tanto etiam mi-
 hi gratiores eadem, quanto minus exspe-
 ctatæ fuerunt. Equidem quum hæc tem-
 pora turbis & seditionibus plena aspicio,
 parum mihi Nobilis videtur qui domi iam
 desidet, vol upratibus sese oblectans, quū
 in aciem prodeundi & dimicandi sit tem-
 pus. Sacerdoti seu religioso cella conuenit,
 rustico casa, Nobili caltra. Vis apertius di-
 cam?

*Suum cuiq;
 officium
 faciendum.*

cām? Sacerdos oret, rusticus aret, Nobilis
 pugnet. Non propterea quis Nobilis aut Eques
 dicitur, quod splendidus ortus sit va-
 talibus, & pecunia & facultatibus abundet,
 (hæc enim apud mercatores quoque repe-
 riuntur) sed is demum hoc nomine dignus
 censendus est, qui modestus & comis sit in
 sermone, in dando liberalis, in victu mode-
 ratus, in vita honestus, in negocijs sincerus,
 ad ignoscendum facilis, in periculis & be-
 lo animosus. Quid enim iuuat alto prog-
 natum esse genere? quid multas possidere
 diuitias? quid, numerosos habere clientum
 & seruorum greges? si orationem contamine-
 ret rusticitas, mores inciuilitas, victus rati-
 onem ingluuiēs, vitam superbia & reliqua
 vitiorum sentina. Talem hominem, ut &
 auarum, ignauium & timidum quis non in-
 fra infimos homines potius amandandum
 quam Nobiliū numero adscribendum
 censeat? Malitia, ignauias, leuitas, mentien-
 dilibido, fraus, & quidquid harum rerum
 est, à Nobili quamlongissime abesse debet:
 qui licet suos quoque nauos habeat, cauere
 tamen debet ne merito vlla infamiæ labe
 aspergatur. Hactenus virtutis suæ tam pa-
 triæ quam Regi probandæ non ita multas
 occasiones. Nobilitas habuit: atiam Rege
 absente, Regina viribus parum firmis, fuga
 disperso Senatu regio, magistratibus metu
 percussis, prouinciarum prælidibus in pro-

Nobilem
 virtutis facit

cinctu stantibus, populo per totum regnum ad rebellionem concitato, iam, inquā, iam tempus est, vt suum in reducendis ad obedientiam subditis regnoque pacando faciat officium Nobilitas, ac patriæ regique bonam ac plusquam necessariam operam nauet. Non odoramentis imbutæ, sed ferro rigentes chirothecæ Equiti iam sumendæ, non phaleratus mulus sed equus cataphractus conscendendus, non serica vestimenta sed panoplia induenda, non venationi indulgendum, sed sub pellibus excubandum, non bibliothecæ sed armarij cura habenda est. Ea sunt Reipublicæ tempora, vt non minus arma Nobilitatis quam sacerdotum preces requirant. Vt enim precibus peccata delentur, ita armis hostes propulsantur. Quod eum quidem in finem à me scribitur vt intelligas non ea tantum quæ in vestro exercitu fiunt, sed etiam quæ dicuntur, maxima minima iuxta nobis hic nota esse: quod tu quidem moleste ferre non debes, vt cuius singularem prudentiam & fortitudinem plerique omnes deprædicant, & fortunam faustis ominibus prosequuntur.

Inter fortissimos belli duces fortunam ducit Iudas Machabæus: qui vt fuga vitæ suæ confuleret amicis monentibus (vt qui hoste tam viribus quam ceteris rebus longe esset inferior) Absit, inquit, vt nomini nostro

nostro hoc inuramus dedecus : quin certum nobis est hoc ipso loco honestam potius mortem pro lege & fratribus nostris pugnando oppetere , quam ignominiosa fuga vitam seruare . Generosa & illa vox est Græci cuiusdam imperatoris , qui maximas hostium esse copias monitus , Tanto , inquit , nostra præclarior erit victoria . Et quidem , ut Cicero inquit , non singuli tantum duces , ut Decij , & alij , sed integri etiam exercitus voluntariæ pro patria , sed gloriøsæ emorti sese obiecerunt . Certe apud Spartiatis fugæ perpetua ignominia , honestæ vero in prælio mortis æterna laus , publica lege erat proposita . Bias cum Iphicrate Atheniensium duce bellum gerens , quum improuiso ab hostibus circumuentus , à suis fugam circumspicientibus rogaretur quid faciendum esset , Vos , inquit , si vultis , viuus renunciate me purgentem fortiter occubuisse ; ego turpis vestræ fugæ nuncius ad mortuos siue inferos proficiscar . Spartanus nescio quis cuidam dicenti tantam sagittarum multitudinem ab hoste effusum iri , ut solem ipsum obscuraturæ sint , lucundam , inquit , rem narras : in umbra ergo pugnabimus . Charilaus cuidam de hostium numero percunctasti , Non , inquit , quam multi , sed ubi sint hostes querendum est . Alcibiades suis ad arma conclamantibus

& in

*Hostia dei
ciendam non
miserandam*

& in hostium se manus incidisse dicentibus, Nequaquam ait, nos in hostium, sed hostes in nostras manus inciderunt. Hæc ego fortiter dicta & facta ex antiquis historijs hic repetere volui, vt posteritati notū facerē inter præstantissimos eiusmodi bellatores tibi quoque locum dāberis, vt quorum dicta & facta non æmulatus tantum fueris, verum etiam superaris. Audiunus hic paucos ante dies, quum Toleant eruptione facta, equitatus vestri partem ita aggressi fuissent vt non pauci iam fugere inciperent. Te altissima voce tuos his vocibus inclamasse: Adeste, adeste fortissimi milites, quò fugitis? Victoria, victoria. Aut vincentes voto nostro potiamur; aut moriētes fidem nostram Regi & patriæ probemus. O verba præclara, & digna quæ sepulcro tuo olim insculpantur! neque enim dixisse hæc contentus, sed in medios hostes inuectus, septem quidem tua manu cæcidisti, at septem millia fortitudine tua in fugam eo die compulisti. Certum est Romanos non tam viribus & militum numero quam ducum virtute tot tantasque victorias consequutos esse; quarum hodieq; laus non tam militibus quam imperatori ac ducibus tribui solet. Belum iactant Assyrij, Persæ Cyrum, Thebani Herculem, Achillem Græci, Hebræi Iudam Machabæum, Pyrrhū Epirotæ, Scipionem Romani, Pœni Hannibalem, Hi-

Nota verba fortis ducis.

Hispani Viriatum : qui genere Lusitanus,
pastor primum, deinde ex pastore latro, ac
mox ex latrone militum dux atque impe- *Viriatum*
rator, & vt Florus inquit, si fortunâ accesse- *Lusitanus.*
isset, Hispaniæ Romulus, per quatuordecim
annos populum Romanum varia vi-
ctoria fatigauit; tandem per fraudem, insi-
dias & domesticos percussores interemptus
fuit, hac post se relictâ gloria, vt videretur
aliter vinci non potuisse.

Huius hic exemplum ob oculos tibi
ponere volui, vt tamquam alter quidam Vi-
riatus, vel potius Iudas Machabæus hoc ci-
uili bello ita te geras, vt nomen tuum ho-
stes reformident, & amici ad cælum laudi-
bus ferant. Quod si certam ac plenam cu-
pias victoriam consequi, age, vitijs bellum
indicto, ijsque animum penitus purgato
memor paucis & vt in speciem videntur ex-
iguus tui similium virorum peccatis multas
& præclaras victorias sæpe impediri aut cor-
rumpi. Quod per Ferdinandum Vegam
me rogas vt in Historia quam præ manibus
habeo, tui quoque memoriam honorifice
vsurpem; equidem lubens ac merito etiam
tuo faxo vt Achillesæ hastæ Homeri tuba ne-
desit. Medinæ ad Riuum siccum xviii.

Februarij m d x x i i.

etiam è longinquis locis certiores reddimini: vt si non dubito nonnumquam intra tri-
duũ vos ea reficere, quæ nec intra triennium
aut forte numquam scire optaretis. Nullum
gaudium, nulla voluptas in hac vita tanta est
quæ non incommodum & dolorem habeat
admixtũ; ita vt vna sæpe hora auferat quod
multis annis ægre partum est. Hoc eò dice-
re volui, vt Mosen Rubinum tanto pluris
facias, impigrum sane hominem & strenu-
um viatorem, quem nisi Pegasi aut Mercu-
rij alas habuerit, vix credibile est tam cito
huc peruenire potuisse. Sed iam ad litteras
ipsas respondebo.

Quæris, quum ortu nobilis sim, statura
procerus, in Missis quas dico, tardus, in
cõcionibus quas habeo prolixus: quid causæ
sit quod in scribendo tam brevis sim, in
ijs præsertim litteris quas nuper è monaste-
rio Presano in Valle ad te dedi, quas ais;
vix quatuor periodis; & non totis sex li-
neis constare. Equidem hac tua quæstione
id video te spectare, vt ab instituto illo meo
discedendi ansam mihi præbeas, & prolixe
ad singula respondendi quasi necessitatem
quandam imponas. Quod faciam quidem;
sed magis quia id te velle intelligo, quam
quod necesse putem. Ad genus meum
quod attinet, auus mihi fuit Don Beltramus
de Guevara, & eiusdem nominis pater. Pa-
trus mihi fuit Don Latro de Guevara: mihi
verò

etiam inuisa fuerunt, ut non modo honorum aditu prohibita verum etiam ex urbe sint eiecta. Maximum sane probrum est à maiorum virtute degenerare; ad generis vero laudem propriam virtutem adiungere, duplex est Nobilitas:

In bello strenuitas, in periculis constancia, in donando liberalitas, in loquendo urbanitas, in audendo fortitudo, in ignoscendo facilitas, eiusmodi virtutes sunt quæ plebeiorum hominum fortunam fere supergrediuntur, ac non nisi apud nobiles & generosos reperiuntur. Et quoniam raro illud queri solet, Quis aut qualis quisque, sed quo genere prognatus sit: non leue sane homini decus esse existimo, si generis nobilitatem seu antiquitatem allegare possit, multoq; maius, si proprijs illud virtutibus cohonestet.

*Genus sequi
surproles.*

Quod ais statura me procerum, corpore siccum & macilentum esse, equidem singula hæc laudis mihi potius quam probri loco duco. Nonne videmus ligna oblonga & sicca maiori precio venire & ad usum magis expeti quam breuia & humentia? Quod si procera & robusta corporis statura Deo displicuisset, non ille Pallantem, non Herculem, non Milonem Crotoniatem, non Samsonem, non alios denique de quorum vasta corporis mole tam sacræ quam prophætanæ testantur historiæ, creasset; quorum

comparatione reliqui homines velut tipu-
 læ volitabant. Etiam Iulius Cæsar non e-
 normi, procera tamen corporis statura fu-
 isse perhibetur. Augustus quidem Cæsar
 ex altis quoque arboribus poma humi infi-
 stens facile decerpebat. Sylla tam altus
 fuit, vt portam quamcumque ingressu-
 rus (nectamen anserum more) ceruices in-
 clinaret. Saulem certe è S. Scriptura no-
 uimus, vniuerso populo eminentiorem
 toto capite fuisse. Scipionem Liuius te-
 statur corporis magnitudine paucos; ani-
 mi, neminem parem habuisse. A rerum
 gestarum magnitudine Alexander Magni
 cognomentum adeptus esse dicitur: ei-
 dem tamen si non corpus (quamquam &
 hoc ei non defuit) cor tamen tam magnum,
 immo tam ingens fuit, vt quum ipse iam
 totum Mundum concepisset, Mundus ta-
 men totus eum vix caperet: vt mirum sit
 quomodo tam vasta res, qualis hominis
 est animus, tam angusto corpore concludi
 possit. E duobus, si alterutrum eligendum
 sit, malim ego procerior esse aliquanto,
 quam instar Pygmæi, breuior, & vt cum
 Poeta iocer, pede vix altior vno. E longa
 veste facile aliquid demas; sed non facile
 citra deformitatem aliquid assuas. Quo-
 ties Alphonsum Enricum, Aluarum Co-
 mesum, Salaiam, Valderauanum, Figue-
 roam, omnes, vt nosti, pusillæ statura ho-
 mines

*Homines
breues ad
irā faciles :*

mines per aulam cursantes aspicio, numquam non tristes aut irati mihi videntur. Angusti enim camini difficilius fumum transmittuntquam laxi. Et parvæ ollæ igni appositæ, simul bulliunt, & quod habent funditus pæne effundunt. Memini quum olim ad monasterium Torreguisandam venissem, ac semel atque iterum fores pultassem, exiguæ staturæ monachum torue me intuentem, non sine stomacho quid vellem, rogasse. Tum ego, Bona verba, inquam, Domine frater : sane impatiens admodum mihi videris. Ille, quid tu? inquit. Sane parum civilis mihi tu videris. Ego, Mitte ilthac, inquam, & da mihi quod bibam. Ille vero, Non tu nosti me, inquit. Statura hæc meâ tibi forte contemptui est. Sed tu hoc scias, totum hoc corpusculum è mero ferro & chalybè conflatum esse. Mihi quidem proceri eiusmodi homines, qualis tu es, si interdiu sermonem mecum conferant, noctu per insomnia occurrunt. Nuper ego cor meum ipse mensus sum, & quinque vlnis corpore maius esse deprehendi. Facete narras, inquam, Domine Pater, & facile ego quinque vlnarum cor tibi esse credam, qui corpus tuum videam sesquivlna longum. Hæc audiens iratus ille abiit, sed frustra expectâtem me ad portam sitientem reliquit. S. Iopeta minora, ut tu ipse nosti, Domine, citius rumpuntur

quam maiora. Vibs parua facilius obfidetur ac capitur quam magna. Periculofiora etiam ut plurimum sunt angufto alueo labentia flumina quam fpaciofa. In viarum anguftijs iter facientibus maius eft vitæ periculum. Parua animantia non tantas hominum vifibus adferunt vtilitates quâtas maiora fiue iumenta fiue armenta, qualia sunt Elephantes, Cameli, equi, boues, bubali, &c. quin minuta illa, ut pulices, culices, cimices, mures, &c. ad homines tâtum vexandos nata videntur.

Ad dis pro fecundo, Me in Missis legendis valde tardum esse & prolixum. Tu vero memineris, si ego in Missis aut precibus recitandis prolixus sim, te in sermone non minus esse profusum: ut quem sæpe verba facere orsum, priusquam exitum oratio inueniret, relinquere coactus fuerim. Sed quæso an minus recte tibi facere videor quod delictorum meorum quæ feci pondera ad Missarum quas dico momenta appendam & mensurem? Anne æquum est ut qui diu multumque peccauit, breuiter ac perfunctorie Deum deprecetur? Redemptor & D. N. Iesus Christus in ceteris rebus omnibus celer fuit & expeditus, sed in oratione ad Patrem suum cælestem prolixus: id quod in horto Gethsemani facile apparuit, ubi quanto vehementissimus ille agon magis sese intendit, tanto acrius ille preces continuauit.

Tertium

Tertium quo pun gere me conaris, illud est, quod ais, in concionibus itidem non minus quam statura longum & prolixum me esse. Ego vero aio ei qui vere pius sit, quique non curiosus potius quam Christianus sit, nullum de rebus sacris & ad salutem pertinentibus rebus sermonem nimis prolixum videri posse, aut certe debere. Annum ætatis iam ego tricesimum octauum ago, atque intra id tempus omnia tam priuatim fere quam publice in maius aucta video, præter sacros eiusmodi Sermones, quorum statura & veluti condita inter concionatorem & Auditores est mensura, à qua vel digitum discedere nefas est: aut si quis discedat, certe ab Auditoribus aut exhibebitur aut deferetur. Cibo parando hodie maiores sumtus, & sumendo plures horæ impenduntur: ædes magnificentius quam olim struuntur atque exornantur: ad vestium splendorem, vel luxum potius, indies aliquid additur: aucta sunt omnium rerum precia; & hominum in primis malitia quotidie magis magisque crescit. Quinetiam cærimoniarum multo plures & operosiores iam vsurpantur, & prolixioribus verbis, sæpe tamen fucatis, defertur beneuolentia, & quæcumque alia explicantur: at Concionum sacrarum hæc est conditio, vt quemadmodum dixi, extra statutam horam eam producere, nefas putetur.

Breuitatem in scribendo meam non excuso. Quantum ego intelligo, ad loquendum animi quædam viuacitas; ad scribendum vero & ingenium & prudentia requiruntur. Vis alicuius hominis experiri aut probare ingenium? Calcaria pedibus eius indue, & manui calamum subministra. Ego vero quam obijcis mihi breuitatem de industria sæpe affecto, ijs præsertim in rebus de quibus fari aut scribere non satis tutum est. Stultiores sunt qui quidquid in mentem venerit chartis illi nunt, quam qui quidquid in buccam venerit, effutiunt. Incaute commissum verbū aut corrigi statim aut retractari potest; at scriptura negari non potest. Qui verbum minus tutum loquitur, errat; qui scriptura sua idem obliuiscitur, insanit. Numquam Catilina & socij coniurationis conuinci potuissent, nisi sceleris indices litteræ fuissent prolatae. Non gladius modo, sed penna quoque multos occidit. Verum vt intelligas quam breuitatis eiusmodi amantes & præstantissimi viri & totæ gentes fuerint, exempla aliquam multa apponam.

*De Lac-
nismo vide
Erycium
Puteanum.*

C. Iulius Cæsar, in Persiam ad conficiendum bellum profectus, ad Consules & Senatum Romanum ita scripsit: *Veni, Vidi, Vici*. Octavianus Augustus C. Drulum ita monuit: *Quum in Illyrico iam sis, memento te è Caesarum familia esse ortum, à Senatu missum, atate iuuenem, mihi cognatum, & ciuem Romanum.*

num. Tiberius ad Germanicum epistolam hoc exemplo misisse dicitur: *Templa frequentantur, dii coluntur, Senatus pacificus est patria felix, Roma sana, fortunata tranquilla, annus fertilis: quæ itidem in Asia apud vos esse optamus.* Platonis ad Dionysium tyrannum circumfertur epistola his verbis concepta: *Fratrem interficere, populum tributis vexare, amicorum obliuisci, tyrannorum est.* Sed in hoc genere imprimis Spartani seu Lacedæmonij excelluerunt: ad quos quum Philippus Macedonum Rex minacem misisset epistolam his verbis: *Si exercitum in fines vestros duxero, stragem & vastitatem dabo,* illi vnica voceresponderunt: *Si.* Sic Archidamus Eleos à bello paucis his verbis deterruit: *Archidamus Eleis S. Bonum est quiescere.* Sed hæc

fatis, &c. Vallidoleti v l l l,

Octob, c i p l o x x v,

Ad
C O N V E N T V S
A L C A L E N S I S
 Præfectum

E P I S T O L A

In qua illud è Psalm. explicatur: *Descendant
 in infernum viuentes.*



Qvod me rogas vt concionem me-
 am qua verba Prophetæ regij,
 Descendant in infernum viuen-
 tes præfente toto nostro ordine
 explicui, ſcripto conſignatam ad te mittam;
 difficilem ſane rē rogas, mihiq; parum hæ-
 ctenus vlitatam. ſic enim ſentio eum qui hoc
 faciat, de exiſtimatione & fama non parum
 periclitari: quum multa dicta placeant,
 quæ ſcripta iacent & languent. Quid enim
 viua vox poſſit, experientia teſtatur, &
 multa vetuſtatis exempla, quæ tamquam
 nota hic non repeto. Ego tamen qui negare
 tibi nihil poſſum, neque hoc negabo; eorū
 que breuiter eorū quæ tum dixi capita
 conſignabo.

Primo mirum eſt, quomodo viuus in
 infernum quis deſcendere poſſit, quum
 idem vates regius alibi dicat: *Mortui non*
 lau-

*Viua vox
 afficit.*

laudabunt te, Domine, nec qui ad infernum descendunt. Quod ergo viui descendunt? Genetes Orilem, Orpheum, Herculem, Aeneam, &c. ad interos descendisse finxerunt, & rediit. Falso. Quem enim semel suscepit infernus, temper retinet; nec ibi vlla est redemptio. Qui in gloria surrexerit, noctem numquam videbit; qui vero in inferno pernoctabit, diem numquam aspiciet. Vitare infernum possumus, eadere inde nostris viribus non possumus. Et iustum sane est ut qui ex voluntate peccat, contra voluntatem plectatur. Cur ergo Propheta nos iubet Viuos in infernum descendere? Eo credo, ne postea descendamus morientes. Descendemus vero, æterna impijs ibi parata supplicia meditando. Descendamus ergo in timore, ne detrudamur in rigore. Descendamus ultro, ne eò præcipitemur inuiti. Descendamus de die, ne per noctem eò abripiamur. Descendamus soli, ne cum multis eò compellamur. Descendamus dum redeundi est facultas, ne æternum postea illic includamur. Descendamus denique viui, ne mortui descendamus. Illi vero quotidie in infernum descendunt, qui pœnas & supplicia peccatoribus ibi parata iugiter contemplantur. Nullum ad peccata vitanda efficacius est remedium quam æternorum suppliciorum meditatio. Pie faciunt, qui Romam, Compottellam siue sanum S.

F s

Iacobi,

Iacobi, Hierosolymas & alia sacra loca religionis ergo visitant: at non minus salutare ego existimo, infernum adire. Nam sicut Ss. reliquiarum & sanctorum locorum contemplatio ad pœnitentiam vitæque commendationem homines prouocat; ita, atque adeo multo magis pœnarum metus à peccatis deterrebit. Eant alij Compostellam, adeant Montem ferratum, visitent B. Virginem Guadalupæ, S. Lazarum Hispaniæ, mittant munera sua ad S. Sepulchrum & alia Sanctæ terræ loca, & indulgentias ibi propositas acquirant; equidem pietatem horum omnium laudabo, meque lubenter etiam comitem, si facere possim, ipsis adiungam: vnum tamen hunc locum mihi reseruatum volo, vt scilicet quotidie atque adeo omnibus momentis infernum visitem. Multum facit, multum laborat, multum itineris conficit, multum discit qui quotidie ad infernum descendit.

Iudæi semel tantū quotannis ad templum Hierosolymitanum, Sacrificij celebrandi causa, conueniebant; Romani quinto quoque fere anno lustrum condebant; Olympiadas Græci quarto quoque anno celebrabant; Isidis templum septimo anno renouabant Ægyptij: at qui vere Christianus est, singulis horis, immo momentis ad infernum descendet. Iugis enim supplicij iugis debet esse memoria.

In pere

In peregrinationibus religiosis sumtus faci-
undi, labores sustinendi, multa que pericula
adeunda sunt; ad hanc vnam vero nihil præ-
ter animum & memoriam requiritur. Hæc
siccopedæ, sed non siccis oculis conficienda
tibi datur. O beatos qui quotidie infernum
adeunt, ibique superbos deiectos, inuidos
emaciatos, lurcones fame enectos, iracun-
dos despectos, luxuriosos aliosque alijs sup-
plicijs exhaustos vident. *Descendant ergo in
infernum viuentes.* Quominus sanctam hanc
peregrinationem obeas, non morbus te ex-
cusabit, non paupertas aut viatici inopia im-
pediet. Nihil pedibus hic opus, sed mentis
alis. *Descendant ergo in infernum viuentes.* Ri-
deant quantumcunque velint qui sibi om-
nis elegantiae arbitri videntur, rideant, in-
quam, eos qui in oratorijs aut Museis suis
infernum depictum habent. Mihi certe ei-
usmodi picturæ aspectus valde utilis, immo
necessarius videtur, quum plures pœnæ for-
midine quam gloriæ cœlestis amore, à pec-
catis abstineant. Atque utinam ut hæc ma-
nu mea chartæ, ita eadem menti inscribere
possim. Madrici v. Ianuarij

MDXXIV.

*Ad*ABBATEM MONTIS
SERRATI

E P I S T O L A

In qua solitaria vite felicitas ostenditur.

itteras tuas Rogerius disciplinæ tuæ subditus, x i. Calendas Maij mihi reddidit: quas magna cum voluptate accepi, sed maiori legi, utpote ab eo scriptas cuius ego animi pietatem morumque integritatem veneror atque exosculor; & ab eo datas, quem ob easdem virtutes plurimi facio, Ferunt Aurelium Imperatorem à Domitio consule ad se scriptas epistolas vix aspicere, ne dum legere sustinuisse, sed dum ab alijs legentur auditas statim abijci iussisse; e contra quas Censor Annius Turinus scripserat, tam gratas habuisse, ut ad eas plerumque sua ipse manu responderet. Sane ita est: sunt quidam in loquendo tam inconditi, & in scribendo tam intricati aut inelegantes, ut non dico nauseam, sed vomitum audientibus aut legentibus ciere possint. Neque mirum hoc videri debet, quum pro naturæ suæ
genio

Genio quisque diuersis rebus capiat, atque etiam occulta quædam vis animos aut conciliet aut disiungat, vel inuitos velut torrens quidam, eos abripiens, sic vt multi oderint quod amare, aut ament quod odisse merito debebant. Deo meo sensu vt fatear, equidem quotiescumque aliquis de Monteferrato adesse nunciatur, statim aures mihi audiendi quæ ibi gerantur cupiditate pruriunt; & oculi litteras tuas incredibili desiderio requirunt; cuius rei aliam causam non facile inuenero quam quod & locum & te ipsum vehementer amen.

In epistola tua quæris, an apud gentiles olim itidem vt apud nos, monasteria, oratoria atque eiusmodi loca religioni consecrata fuerint. Huic tuæ quæstioni vt aliquo modo satisfaciam, ex antiquitate quæ mihi occurrerint repetam exempla. Siculi Liberum qui idem Bacchus, Rhodij Cererem, Dianam Ephesij, Osiridem Ægyptij, Numidæ Iunonem, Argiui Apollinem Delphicorum, Berecynthiam Romani, Cyprij Venerem, Proserpinam Hispani, in Cantabria præsertim, cuius hodie pars est Nauarræ regnum, præcipuis honoribus coluerunt, eisque delubra & stupendæ structuræ templa consecrarunt. Et vt apud nos, sed multo magis olim, in Ægypto præsertim, religiosi vt tranquillius viuerent, in solitudinibus vixerunt.

vixerunt, vnde Eremitæ dicti: ita olim quoque & memora passim & loci dijs sacri visebantur, & in locis fere solitarijs, vt in specu Dodonæo, antro Sibyllino, &c. oracula reddebantur. Et ad ipsa quidem penitralia nemini præter vatem & oraculum consulentes ingredi fas erat: ceteri vero sat habebant si vel parietes oscularentur, vel per transennam inspicerent. Circa ipsum oraculum arbores consitæ erant, in quibus lucernæ semper ardebant: tectum vero contra cœli iniurias è plumbo erat: Inibi area erat in qua hostiæ mactabantur; ante portam vero idoli statua erat conspicienda: & adiunctæ passim ædes ad superstitioni operantium vsum. Alexandrum Magnum laudat Plutarchus, quod multa passim templa & oratoria dedicarit. Antigoni multa ac sceda vitia religio quam sibi, frequenter in deorum templis excubans conciliarat, obtexit. Plato iam senex in secessu eiusmodi diuinis magis quam humanis studijs immortalus est, adeo vt defuncto ob religionem maior quam viuo ob doctrinam honos sit habitus. Delphis Apollinis erat oraculum toto orbe celeberrimum, ad quod vndique certatim dona congerebantur: cuius mentio apud Latinos & Græcos scriptores passim est obuia. Ex quo intelligitur, oracula quidem seu monasteria & religiosa loca etiam olim fuisse. At inter illa & nostra hoc discris

discrimen est, quod illa ab hominibus, hæc à Deo; illa superstitioni vel idololatriæ, hæc veri numinis cultui dedicata & consecrata sunt. Magnum sane est, quod Christiani omni quidem loco Deum adorare possunt, horum tamen quæ ille certis indicijs chariora sibi esse demonstravit, locorum religione & ad feruentiorem orationem & accenduntur, & in firmiorem spem exauditionis eriguntur

O si meo arbitrato vitam mihi agere liceret! Crede mihi, malletm ego apud vos in solitudine cum gemitu peccata deplorare, quam hic in aula summis honoribus perfrui.

In aula quisque facit quod vult, quod *Aula quibus apta:* potest, nemo quod debet: & nihilominus omnes certatim eò accurrunt. Mihi tamen illud certum est, aulicam vitam ambitiosis & avaris tantum convenire qui gratiam & commoda quærunt, aut adolecentibus, qui per ætatem incommoda nondum sentiunt. Vide liberalitatem meam. Age accipio conditionem, ut meum in aula, ego tuum in monasterio locum teneam: sed mihi crede, te citius aulicæ quam monasticæ vitæ pœnitebit. Pro ea quam semper erga monasterium vestrum tenui & adhuc teneo deuotione & affectu; DE VM coniunctis mecum votis deprecabimini, ut me ex turbulenta hac vitæ condit

conditione & irrequieto statu tandem liberet, gratiaque sua donet vt tranquille seruire ipsi possim; ac tandem æterna potius quiete.

A fratre Rogerio cochlearia mihi à te missa accepi: mitto librum vicissim à te desideratum: sic vt ego iam ad cibum corporis, tu ad cibum animæ sumendum vterique satis commodo instrumento instructi simus. In monasterij vestri promouendis negocijs tu deuoti Religiosi fac officium: ego quæ amici sunt non intermittam.

Vallidoleti v. i. Ianuarij

MDLXLV:

Ad

Ad

ILLVSTREM ET
MAGNIFICVM, DON
Enrique Enriques

EPISTOLA.

Qua ad quaesita nonnulla tam serio quam
iucose respondet.

Magnifice Domine, vetus amico:

A Valdiuia, qui negocia hic tua
gerit, reddite mihi sunt litte-
rae, quas à tua manu esse, sta-
tim agnoui: utpote paucis li-
neis, sed lituris quamplurimis
exaratas. Equidem si non in Nobilium, sed
Scribarum esses ordine, manum tuam pol-
quisque tingendo fuligine corio, quam
tersae & nitidae scripturae faciendae magis
aptam dixerit. Si me audis, dabis operam
posthac ut in epistolis quas ad amicos scrip-
turus es, lineae rectae sint, bene iunctae & ter-
sae litterae, distinctae periodi; tum papyrus
munda & limpida, atramentum nigrum,
pulcher character; plicae denique aequales,
& sigillum clarum atque expressum. Es ijs
enim quae quis scribit, ingenium hominis &
prudencia; at ex ipsa scripturae forma & mo-
do, mores sese produnt.

*Litterarum
scriptura
qualis esse
debeat.*

G

Sed

*Litigantiā
miseria.*

*In aula om-
nis doctis
plena.*

Sed qualisqualis sit, ingeniosa certe tua illa est epistola, ut in qua paucis verbis multa quæris; ad quæ tam multa, ut paria tecum faciam, paucis respondebo. Rogas quæ causa mihi in aulam veniendi fuerit? Respondeo, Necessitas, ac præsertim litis, quæ mihi cum Toletana intercedit Ecclesia, prosequendæ. Quid ibi agis? inquis. Omnia, inquam, quæ possum; nec tamen satago. Tantum enim negocij mihi aduersarij quotidie facessunt, ut velut trabali clauo defixus, præter votum hic detinear; ac nihil fere aliud efficiam quàm quod me ipsum consumo. Scire etiam cupis, quibus rebus tempus siue ocium fallam. Equidem si meo arbitrato mihi viuere liceret, efficerem profecto, ut etiam vel minimi ocij mihi constaret ratio. At hic in aula iam id vnum datum sibi negocij plerique existimant, ut alios calumnietur, decipiant, contemnant, ut ludant, mentiantur; ijs denique moribus viuunt, ut misere potius tempus perdant quam fallant. Quæris præterea, quorū hic consuetudine & familiaritate potissimū vtar? Sic habeto, eos esse aulæ mores, ut qui penitus eos perspectos habent, nec tamen ea carere possūt, nō tam amicos ut cum ijs cōuersentur, cōciliare, quàm inimicos ut ab eorum sibi caueant insidijs, noscere studeant. Quos inimicorū quotidianæ tech-

næ

næ & astutiæ respirare vix sinunt, quomodo ullam temporis partem in nouis parandis amicitijs collocabunt? In aulis personarum quidem frequentes videre licet conuersationes, sed animorum consensus rarum, vel potius nullum. Simulatio enim & fallacia aulæ propria sunt, at integritas procul inde extulatur: adeo ut nulli occultis magis odijs laborent quam qui frequentissime conueniunt; & nulli magis metuendi sint quam qui vultu & verbis amicissimos se ferunt. Ut verbo dicam, in aula multa sunt quæ admireris, sed plura quæ caueas. Ad Ithalasliarchi & Mirandæ Comitæ litem quod attinet, satis illa quidem superque negocij vtrique facessit, vulgi vero vobis vberem præbet materiam.

De alijs rebus hæc fere habemus, Turcas recessisse, Florentinos pacem fecisse, Ducem Insubriæ domum se recepisse, Venetos bellum mouere, inter Pontificem & Cæsarem factam esse concordiam, Status regni Neapolitani in factiones scissos, Cardinalem Columnam mortuum, Principem Arausinum interemptum, Vilæ Francæ Marchionem proximum à rege Neapolitano tenere locum, Cancellarium & Confessarium Cæsaris ad Episcopatum prouectos. Nunciantur & alia, quæ scire quidem nostra non magnopere interest,

terfit, ijs tamen ad quos pertinent, opido cerebrum, credo, turbatura sint: multos scilicet cum Cæsare in Italiam profectos, ad Veneris caltra transfugisse. Sed, mihi crede, non impune ferent. Si enim alienas ibi vxores prægnâtes reliquerint, suas hic puerperas inuenturi sunt.

Quæris præterea, quomodo nobis cum victu Quadragesimali hic conueniat.

Quadragesimalis male à nonnullis observata.

Nobis quidem hætenus nec pitces ad comedendum, nec peccata ad confitendum desuerunt. Carnibus enim per Quadragesimam vesci, Nobilitas non licere tantum sibi existimat, verum etiam honori ducit. Aliarum rerum precia quod attinet, domus meæ præfectus vix toto hoc semestri centum & quadraginta ducatos in ligna & carbones mihi expensos tulit. Hac enim in vrbe vt mira est omnis generis mercium abundantia, ita summa est lignorum inopia, adeo vt ligna quæ vruntur non minoris quam cibis qui ijscoquitur, constent. Ceteræ res vberime hic proueniunt, crassa scilicet mendacia, conficti rerum nouarum nuncij, mulieres perditæ, amicitia simulatæ, continua inuidia, versipellis malitia, verba vana, & spes inanes: quarum rerum si quis mercatum instituere velit, nã quamplurimis instruendis tabernis satis superque materiae hic sit habiturus.

In Ania que copiose produciuntur

Nego-

Negocia insuper quomodo hic, & an celerriter expediantur rogas. Qui sciam equidem quam difficulter & laboriose in aula omnia procedant, quantumque temporis & sumtum requirant, hoc sane audacter affirmare mihi posse videor, si decem ex animi sententia negocia sua expediuerint, nonaginta superesse quibus aqua hæreat, & oleum atque opera perierit. Illud frustra ex me queris, lucrosæne huius vrbs sint nundinæ. quum enim & aulam & lites sequar, merces sane nullas vanales, multo minus qua ab alijs eam, pecuniam habeo, ac proinde forenfes eiusmodi negociationes nec laudare, nec vituperare possum. Et vt tot pulcerimorum mercimoniorum aspectus mihi tabernas prætereunti voluptatem, ita quæ mercari me prohibet argenti inopia molestiam adfert. Imperatrix quidem non ita pridem in forum ad tabernas descendit, gynæceo prudenter, vt mihi videtur, domi relicto: vt scilicet aulicæ Nobilitatis, quæ rara hic est & ab argento inops, contra pedisequarum petacitatem, consuleret pudori.

Rogas denique, qua valetudine hic utamur. Scito ergo, à febribus & pestilentia lue aulam immunem; quæ Dei est gratia, adhuc esse; nuper tamen Alarconium in Senatu aliquid referentem, su-

*Expedi-
tio-
nes aulicæ
quales.*

*Aula mor-
bi.*

bito extinctum, cuius mors complures
aulicos consternavit, at ne vnum quidem
ad pœnitudinem & vitæ emendationem
perduxit. Alij tamen morbi ac multo gra-
uiores quàm illi in aula grassântur, odium, in-
uidia, æmulationes, calumnię, homici-
dia, & id genus.

Habes ad singula fere capita epistolæ
tuæ responsum: quę quanto sæpius à me
legitur, tanto magis non epistola, sed in-
terrogatorius libellus, qualis in iudicio
testibus proponi solet, mihi videtur. Et
sane lubens calamum pono, non tam scri-
bendo defessus, quam ad vitiosam & pe-
ne illegibilem manus tuę scripturam nau-
seabundus. Medina-Campi Anno
M D X X X I I.

AD ILLVSTRISSI-
MVM PISCARIAE
MARCHIONEM, &C.

EPISTOLA:

in qua de boni imperatoris officio
discritur.

Illustrissime Princeps, dux fortissime:



itteras tuas x x x. Januarij Mas-
tiliæ datas, x x i i. Martij Ma-
drici ac cepi: quæ vtinam non
Malliæ

Massiliæ, sed Hierosolymis scriptæ essent. Si enim non e Gallia, sed ex Asia usque allatæ essent, & nomen tuum illustrius, & expeditio quam instituiti, Deo multo acceptior futura erat. Titus Livius testatur inter M. Marcellum & Q. Fabium acres admodum de Consulatus fortitione cōtentiones exstitisse, quod Marcellus nullum bellum nisi iustum, Fabius nullum nisi graue & periculosum aggredetur. Vtrumque sane nō exiguo ornamento & præsidio Romanæ Reipublicæ fuisse non nego: maior tamen laus, meo quidem iudicio, Marcello ob iustitiam, quam Fabio ob animi magnitudinem debetur. Vix vlla res populi Romani honoris atque existimationi maiorem infamiam inussit quam Numantiæ obsidio; non quod bellum segniter administrasset, sed quod iniuste suscepissent. Solus Traianus, Ælio Spartiano teste, nullo umquam prælio victus fuit, eo quod nullum bellum susciperet, nisi cuius iustissimas causas haberet. Mithradates Ponti Rex ad Sullam, quicum bellum gerebat, epistolam hoc argumento misisse dicitur. Miror equidem, ò Sulla, audaciam tuam, ad tam longinquas regiones arma proferre, ac Fortunam, quæ numquam me deseruit, te vero numquam respexit, periclitari non dubitantis. Cui Sulla non mi-

I. maior iustitiae laus quam fortitudinis.

nus breuiter ita respondit: Vel procul ab vrbe Roma bellum gerere, ô Mithradates, nequaquam vereor, quum populus Romanus Fortunam omnibus in locis præsto habeat. Quod dicis Fortunam tibi numquam defuisse, me numquam respexisse, videbis pol illam, vti solet, moxte deserto, à meis partibus itantem. Sed & si illa me fugiat, neque à te tamen, neque ab illa quidquam mihi timeo; hac vna spe fretus, plus causæ meæ iustitiam quam Fortunæ tuæ fauorem apud deos valituram. Imperatorem Augustum dicere solitam ferunt, eius demum belli felicem exitum sperari posse, cuius initia à deorum immortalium veneratione ducta, causæ Sapientibus probatæ, administratio ducibus rei militaris peritis demanda esset. Quæ omnia, illustrissime Princeps, eò à me dicuntur, vt intelligas si bello isto, cuius gerendi cura iam tibi est imposita, non Massilia Galliæ, sed Hierosolyma Palæstinæ vrbs peteretur, ei probando nec meum calculum defuturum, Cor Regis in manu Dei esse, S. Scriptura testatur. Quod si ita est, vt certe est: quis arcana diuini iudicij, non sine ipsius numinis offensione, perscrutari aulit? Hoc quidem tempore nullum fere bellum nisi inter Christianos geritur: qui dum mutuis sese conficiunt lanienis, Mahumetanis

*Arcana Dei
indicia.*

nis non in pace tantum viuendi, sed crescendi etiam & imperium longe lateque proferendi dant copiam. Quam quidem rem quanto magis magisque apud animum considero, tanto magis abditissima Dei iudicia obstupeſco, Christianorum in quibus pure colitur templa paſſim violari atque euerti permittentis, & impia Mahumetanorum ſana ſartatctæ conſeruantis. Sed mirari hæc potius & ſilentio venerari, quam intelligere aut verbis explicare licet. Tu quidem quum religione ſis Chriſtianus, conditione Nobilis, cognatione mihi propinquus, ſtudio & fauore amicus, vel ob vnumquodque horum facere non poſſum, quin laboris tui & periculi aliquo ſenſu afficiar. Laborem dico corporis, ſiquidem imperatorem honoris ſui & exiſtimationis tenaciſſimum, vitæ vero prodigum eſſe oportet: periculum animæ intelligo, quod inter Chriſtianos nullum bellum tam iuſtum videri poſſit, quod non ſcrupulum aliquem in animo vera pietate imbuto relinquat. Quapropter rem ab vtriuſque profeſſione & neceſſitudine nõ alienam facturum mihi videor, ſi meam de boni imperatoris virtutibus & officio ſententiam paucis tibi explicaro.

*Bella Chri-
ſtianorum
periculofa,*

Boni imperatoris eſt damna iniuſta, quantum fieri poteſt, auertere, coercere

*Boni impe-
ratoris offi-
cium.*

¶

blaſphe-

blasphemantes, innoxios tueri, castigare
 cōtumaces, stipendia militibus sine fraude
 soluere, subditis cōtra vim & iniurias præ-
 sidio esse, ac fidē etiā hosti datam seruare.
 Illud pro certo statue, tēpus fore quum &
 regi & Deo inprimis, non de ijs tantū quæ
 ipse fecisti, verum etiā quæ ab alijs fieri pas-
 sus, rationē sis redditurus. Sed nihil æque
 fugiendum tibi suadeo, quā aliena rapiēdi
 cupiditatē. Apud Romanos quidē, vt Cice-
 ro ad Atticū scribit, nō ei qui magnas opes
 congefferat, sed qui multas nationes sube-
 gerat, triumphus decerni aut statua poni
 solebat. Frustra maiorum iactāt nobilita-
 tē qui virtutes non imitātur: immo quāto
 illustrius est parentum nomen, tanto tur-
 pius haberi debet degenerantium filiorū
 secordia. Et maiorum imaginibus, & pro-
 prijs factis gloriari vanum est, ac viro cor-
 dato indignum: facilius tamē ignoscitur ē
 sua quā aliena virtute laudē captātī. Quū
 inter militares homines de rebus bellicis
 fermo habetur, Nobilis conditioni & di-
 gnitati conuenit, nō quæ legerit aut audi-
 uerit, quod Philosophorum potius est &
 de schola hominū, sed quæ ipse viderit ac
 gesserit narrare. C. Marius nataliū obscu-
 ritatē sibi exprobrātes ita refutare solebat:
 Generis ignobilitatē quod mihi obijciūt,
 fateor equidē maiorū imagines ostentare
 nō posse: sed nunquid maius est quod vulnera
 auer-

*Veram no-
 bilitatem
 quæ deceat.*

aduerso corpore excepta fortitudinē, hostium vexilla domine fixa victorias, statuz in templis deorum positæ, mea in Rempublicam merita loquuntur? Me quidem non à maioribus accepta hæreditas, sed hostib. detracta spolia nobilitarūt. Vobis (inquit ad Nobiles) maiores copiosam pecuniam ad vsum, ædes & palatia magnifica ad habitationem, seruatorum greges ad operas & seruitia, hortos ad voluptatem, illustre nomē ad laudem & gloriam, arma ad defensionem reliquerunt; virtutem tamen, quā solā hæc omnia vere æstimantur, hæreditario tradere non potuerunt. At qui virtutem non habet, si vel omnia habet, nihil habere cēsendus est. Et hæc quidē, illustris Domine Marchio, eū in finem inculcare tibi hoc loco volui, vt *Vere nobilitatis in-* non tam arma & insignia maiorum tuorū *signia.* passim alijs ad ostentationem, quam res præclare gestas tibi ipsi ad imitandum ab oculos ponas. Memini olim nescio quē in aula Cæsaris me vidisse, qui quāvis multa milia in censu haberet, nec vnū tamē equū alebat, nec gladiū nisi breuē interdū pugionculū, gestabat, idē tamen quoties in maiorū suorū memoriā delaberetur, res ab eis gestas tā ambitiose ac strenue deprædicabat, vt ijs quib. notus nō erat, multarum vrbiū expugnator, & quasi alter Hānibal videretur. Et certe his morib. fere hodie vuitur,

uirur, vt plerique maiorũ arma & insignia in parietibus depicta, aut annulis insculpta, vel aulicis ac puluinariis intexta ostentare, quam rebus fortiter ac præclare gestis noua sibi comparare aut vetusta ornare malit.

Conſilia ſecreta habenda.

Verumenimvero vt promiſſo ſatisficiam, & muneris vobis demandati onus, cuius recte & cum plaude perferendi rationem commonſtrando, aliqua ex parte leuem, ante omnia moneo, vt ſecreta omnia tam inter ipſos præfectos quam milites habere ſtudeas. neque enim eius conſilij felix eſſe poteſt euentus, quod vixdũ natum diſpaleſcit, luſum Cæſarem numquam dixiſſe ferunt ſecras hoc vel illud facturum; ſed hoc quidem ſe iam facere, at quid poſtea faciendum ſit, poſtmodo deliberaturum. Cuidam tempus prælij percunctantj, Lucius Metellus, Quid tu, inquit, iſt hoc quæris? cuius ſi vel interula mea conſcia eſſet, ſtatim eam in ignem ſim coniecturus. In bello quidem ad pugnam multi, ad conſilium pauci adhibendi ſunt, ne ea de quibus deliberatur, peruulgentur citius quam concludantur. Suadeo inſuper, vt ad conſilium adſciſcas prouectæ ætatis & multæ experientiæ homines, ita tamen vt maiorem prudentiæ quam ætatis habeas rationē: quarum illa ſine hac vtilis ſæpe eſſe poteſt, hæc vero ſine

Qui ad conſilium adhibendi.


sine illa tanto perniciosior est, quāto maiorem habet apud plerosque auctoritatem. At in sententia obstinatos, & factis temerarios procul à te relega: quum in belli dubijs melius sit prudenter cedere quā fortiter perire. Alcibiadem dicere solitum ferunt, fortibus & cordatis viris maiori esse opus animo ad fugiendum quam ad pugnādum: ad pugnam enim animum generosum honestas facile extinguit, fugam vero prudentia ægre persuadet. Atqui consultius est rationis imperium sequi quam fortunæ arbitrio sese permittere. Quamuis autem res omnes cum alijs deliberandæ sint, incidit tamē sæpe aliquid quod nullam quantumvis exiguam morā fert: ubi è re nata & quasi è vestigio consilium capiundū est. Multi enim etiam periti duces se & alios perdidērunt, eam tantum ob causam, quod quum facto opus esset, tempus deliberatione extraxissent. Milites tam exemplo quam verbis hortare, vt omnia belli pericula ita excipiant, ne quis omnium vel minimam timoris det significationem. Certum enim est ignauia contagione quadam lædere, & metum vnius ad plures peruenire: illud vero certo certius, animum demissum & timidum nihil præclari sperare aut moliri. Victoria continue bella gerētibus nec temere semper speranda, nec accepta

*Temeritas
fugienda.*

*Ex re nata
consilium.*

Ad
C O N S A L V V M
FERNANDES COR-
DVBENSEM
E P I S T O L A:

*Qua Auctor demonstrat, imperatori post res
 bello feliciter administratas, fortunam non
 facile rursus tentandam.*

 Vamuis non dubitem multos, quibus & professionis meæ humilitas, & ingenij simplicitas, tum fortunæ tuæ splendor & inueterata prudentia cognita sunt, ubi tale quid à me scriptum audierint, vel ipsi viderint, me audaciæ, vel etiam impudentiæ insimulatos: eosdem tamen æquiores in me iudices futuros spero, si intellexerint, hanc meam commonefactionem licet non modo ab vlla confidentia non profectam, sed etiam acri tua petitione expressam, vel sic etiam cum verecundia quadam in conspectum tuum prodire. Neque enim ignoro, & tua magnitudine & hominum de me expectatione minus me dignum esse vt quidquam vel verbis insulsum, vel rationibus friuolū hoc loco à me adferatur. Faciam nihilominus quod à tanto viro rogatum me facere par est, &
 ad fin.

*Paruit ac
non concem-
enda.*

ad singula epistolę tuę capita pro mei ingenij facultate respondebo: hac tamen longe, vt non tā quid pręstiterim, quam quid pręstare voluerim, considerandum tibi putes. Diuinus Plato in ijs libris quos De Republica scripsit, viris magnis nihilo magis dedecori esse inquit, cum tenuis fortunę hominibus conuersari, quam sibi æquales æmulari, immo tanto illud esse laudabilius, quanto difficilius sit animū excelsum & magna tantum spectantem, ad inferiora deuocare. Equidē vulgo videmus procerę stature homini molestius esse corpus ad tollendam humo algā inclinare, quam manus ad ramum excelsiorum apprehendendum sursum extendere. Eodem modo cor hominis ad altiora semper adspirans, vbi ea etiam quę non sperat assequutum fuerit, tum demum sibi viuere, vbi vero ad inferiora & quibus se maius agnoscit, depressum se senserit, mori sibi videtur. Multa in hoc mundo Deus per se efficere non vult, ne solus omnia absolute facere; idemque multa per homines imbecilles & cōtemptos potius quam potentes & magnos exsequitur, ne viribus humanis indigere videatur; in omniū vero rerum administratione ita versatur, vt suam vbiq; infinitam potentiam & sapientiam ostendat. Tam statura quam ætate minor inter fratres

fuit Isaac; ex eius tamen prolapia Christus Saluator noster nasci voluit. In eiusdem familia Iacob minor Elau maiori non ius tantum primogenituræ vili precio, sed paternam quoque benedictionem quasi furto abstulit. Omnium filiorum Iacob minimus fuit Ioseph, is tamen solus interpretandi somnij peritia à Deo donatus, & ab Ægypti rege præcipuo loco habitus fuit. Ex septem Iesse filijs David, tam ætate quam viribus postremus, immanissimum gigantem Goliath occidit, & tandem, repudiato Saule, ad regiam dignitatem est euectus: Prophetarum minimus Helisæus fuisse dicitur; eidem tamen duplicatæ Spiritus sancti vires concessæ fuerunt. Inter Apostolos Christi Philippus, inter D. Pauli discipulos Philemon pusilli admodum fuisse dicuntur: ijdem nihilominus à magistris ipsorum frequenter arduis in rebus in consilium sunt adhibiti.

Horum tu exemplum sequutus, *illustris Domine*, in tanta sapientissimorum & multo rerum usu præditorum copia, à me potissimum, qui nullis ingenij dotibus vel cum infimo eorum comparandus sum, consilium exquiris. Mihi quidem ante hæc Italicis bellis occupatum raro videre, ac rarius affari licuit: sed; nisi fallor; eam ipsam ob causam tanto minus amicitia mea tibi suspecta esse debet, utpote nullis tuis in me of-

H

ficijs

*Amicitie
incōmoda.*

ficijs debita, sed sola tuarum admirationis virtutum conciliata. In recipiendis amicis causam potissimum spectandam censeo, ob quam alter nostram amicitiam expetit. Si enim pauper sit, dandum quotidie; si diues, seruiendum est; si gratia & auctoritate floreat, demisse cōseruandus & tantum non adorandus; si vilioris sit conditionis, fauore iuuandus; si importunus, ferendus; si malitiosus, fugiendus; & in omnibus tritum illud sequendum erit,

Vt vitia amici noueris, non oderis.

Eo sane nomine vilioris fortunę hominum amicitia molesta est, quod illi æquum esse censent, non ut cupiditates suas ad nostram voluntatem, sed ut nos voluntatem nostrā ad ipsorum cupiditates accommodemus. Inimicos habere, periculosum; at multos retinere amicos, nimis quam difficile est. Si enim cor vni soli datum, parum videtur, quanto minus videbitur, si idem velut inter multos diuidatur? Nec mei ferunt mores, nec tua finit magnitudo ut alter altero hūc in modum amico vtatur: quorum quātum hæc ab omni tale quid petendi necessitate abest, tantum illi ab omni priuati commodi respectu abhorrent. Atqui illa tantum vera & perfectā amicitia cōserui debet, quam non priuata utilitas, sed sincerus amor conciliat ac sustentat.

Addis, meum te consilium exquirere,
non

non ut hominis locupletis & potentis, sed docti & virtute præditi; atque illud potius quod scitu utile quam lectu iucundum sit, à me expectare. Ad me quod attinet, cum Socrate, *Hoc unum scio me nihil scire*. Quod responsum divinæ cuiusdam sapiēt. & plenum est: quandoquidem, ut Plato testatur, minima eius pars quod ignoramus, maior est omni eo quodcumque scimus. Quem admodum nihil turpius est stultitiæ siue inscitæ exprobratione; ita vix quidquam honestius contingere homini potest, scientiæ & doctrinæ laude. Mors sapientum, at stultorum vitâ magis deploranda est. Quum tyrannus quispiam nescio quem Philosophum vidisset multis lachrymis amici funus prosequentem, exclamavit, indignum Philosopho esse, muliebre in modum plorare. Cui Philosophus, Sic habeto, inquit, non tam amici mortem quam tuam vitam mihi lachrymas elicere. Neque enim id tam dolendum Sapientibus videtur, quod bonos mori, quam quod malos magno numero vivere experiuntur. Quod animi probitatem in me agnoscere videris, utinam quum in alijs omnibus tum in hoc vel maxime tuum de me iudicium ne te fallat! Quantum ad hoc, dicere profecto ausim, quam tutum sit, probum esse, nec tamen videri; tam periculosum esse, probum videri, nec tamen esse.

*Malo unam
vitâ deploranda.*

*Fronti nul-
la fides.*

*Virtutis
stabilitas.*

Homo enim animal est, cupiditatibus varium ac multiplex, cogitationibus obscurum, consilijs inconstans; vt non inepte quis dixerit, facile agnosci hominem, sed difficilime intelligi. Sed vide quanti tuum de me iudicium faciam: qui existimem hanc vnam Sapientis & Probi, qua me dignaris, appellationem, omnibus illis qui vulgo tibi tribuuntur, Ducis scilicet Sessæ, Marchionis Bitonti, Principis Quilachæ, ad eoque magni Capitanei siue imperatoris, quem rerum gestarum magnitudine peculiarem tibi fecisti, titulis mihi longe esse honorificentiores. Meæ enim virtuti aut doctrinæ nullum nocere potest bellum, at tua omnis potentia & magnitudo à Fortuna pendet.

Ais, Regis iussu iterum te expeditionem in Italiam contra Gallos, memorabilis istius ad Rauennam acceptæ cladis vlciscendæ studio, adornare, & super eo quid mihi videatur rogas. Si vlla in re, certe in hac tibi summa prudentia & consilio opus esse iudico. Recusanti enim hanc prouinciā, regis ira; suscipienti, Fortunæ inconstantia pertimescenda est. Duas iam in Italiam expeditiones confecisti, bis Neapolitanum regnum armis tuis subegisti, duobus ad Garellanum & Chirinolam prælijs, Gallorum vires, extincto Nobilitatis flore, frengisti, ac, quæ tua præcipua laus est, Hispaniam

nicam tamquam armis inuictam gentem
vniuerso mundo formidabilem reddidisti.

Quis ergo tibi suaserit vt Fortunam vlti- *Fortuna*
us tentes? quæ nullis magis timenda est, *non lacessenda.*

quam ijs quibellum continuo sequuntur.
Hannibal tot de Romanis ad Trebiam,
Thrasymenum & Cannas reportatis victo-
rijs non contentus, sed Fortunæ quasi vim
inferre conatus, tandem ab illis quos sæpe
vicerat, victus fuit. Quibus cum Fortuna
res est, eam non vi cogere, sed precibus &
obsequio demulcere, optare non credere,
sperare, non opinione præcipere, blande
denique tractare, non offendere debent:
vt quæ ridens lædat, & læta, noceat. Quan-
doquidem etsi animus mihi non est tibi
quidquam hac in re vel suadere vel dissua-
dere, illud tamen moneo, hac tertia susce-
pta expeditione nō minus existimationem,
quam vitam præsentissimo periculo te ob-
iecturum. Duabus illis expeditionibus ho- *Consulatus*
norem tibi inter viuos, gloriam apud po- *laus & res*
steros, laudem & existimationem apud pe- *gesta.*
regrinos, apud tuos fidem & auctoritatem,
opes liberis, successoribus dignitates, ami-
cis & cognatis gaudium, tibi ipsi denique
æternum *Magni imperatoris* cognomen-
tum peperisti. Quapropter etiam atque et-
iam perpende quid à tergo relinquo, &
quid in præsens sequaris. Meo enim iudi-
cio temeritatis magis quam fortitudinis fu-

*Fortuna
belli varia-
bilis.*

rit, quum ab inuidia vix domi tutus esse possis, foràs ad ea loca proficisci, vbi quisque vindictam de te sperare possit. Turcas ad Pampelonam, Mauritanos ad Granatam, Picardos in Italia, Longobardos ad Garielianum, Gallos ad Chirinolam vicisti: iam vero quum Fortunæ vix vlla supersit natio quam tibi ad vincendum obijciat, illud iam agere mihi videtur vt te eò pertrahat vbi non tam ab alijs quam ab ipia vincaris. Duces, tribuni, centuriones, contra quos bellum ante gessisti, plerique omnes aut morte abrepti sunt, aut militiam deseruerunt. Non sine caussa ergo verendum fuerit, ne qui his succedunt, aliam secum fortunam afferant, quæ vt olim tibi, ita nunc istis sese facilem & obsequentem præbeat. Bellum suscipere, colligere exercitus, aciem instruere, prælium committere, in hominum arbitrio; at victoria in solius Dei manu est posita. Romanorum exercitus, vt ex Titi Liuij historia videre est, ad furcas Caudinas & alibi sæpius cum ignominia victi fuerant & profligati; sed quum Consules, qui iisdem belli duces erant, mutauissent, multas victorias vno quasi cursu cōtinuarunt: adeò vt pene certū inde illud effici videatur, mutatis belli ducibus, belli quoque aleam siue fortunam mutari. Ne tu crede eodem in regno, cum eodem exercitu, contra eandem gentem, sub eiusdem Regis

Regis auspicijs, eadem te semper fortuna
vsurum, quæ nulla re magis quam mutati-
one gaudet.

Ex Roderico Biuero intellexi te mo-
ram à Rege hæctenus expeditioni huic tuæ
interpositam, ægre ferre, adeoque si tale
quid ab æqualis conditionis homine tibi
contigisset, id pro iniuria interpretaturum.
Quod equidem satis mirari non potui: si-
quidem illud iumentum mihi nequaquam
placet, quod clitellas imponentibus, ter-
gum facile præbet, detrahentes vero cal-
cibus impetit. Quum ergo nostra omni-
um anima peccatis onerata, pectus distra-
ctum cogitationibus, mens tentationibus
afflicta, corpus laboribus exhaustum præ-
ne fatiscant & labascant; conuenit sane ut si
horum omnium onera non plane abicere
possimus, saltem leuiora aliquantulum no-
bis facere studeamus. Tu quidem quum
transactis iam annis melioribus, eius sis æ-
tatis quæ à morte non quam longissime
abest, si meo consilio uti velis, non tam
de nouis hostibus quam veteribus pecca-
tis delendis cogitabis. Plorandi iam, non
dimicandi, orandi, non ouandi, non pu-
blicæ dignitatis lucem, sed secessum quæ-
rendi, non Regis, sed Dei gratiam deme-
rendi, non famæ & honori, sed animæ sa-
luti seruiendi, non hostium vires prouocan-
di, sed sanctorum intercessionem impetrandi,

*Alia ætas
alios mores
postulat.*

non aliena rapiendi, sed propria in pios
 usus distribuendi, non denique bellum
 gerendi, sed pacem firmandi tempus est.
 Hoc meum consilium si spreueris, non du-
 bito, quin errorem tuum tum demum ag-
 niturus atque etiam damnaturus sis, quan-
 do remedio locus non erit. Video enim id
 te sequi quod fugere debebas, negocium
 scilicet; & fugere quod vnice rebus tuis &
 ætati est commodissimum, nimirum quie-
 tem: cuius dulcedinem qui non sensit, nã
 ego infelicissimum iudico. Qui multas
 longinquas regiones peragrarunt, ac vari-
 am fortunam experti sunt, nihil magis in-
 optatis habent quam vt cum honore sibi
 in patriam redire, & quiete ibi quod vitæ
 reliquum est, transigere liceat. Ex quo fa-
 cile intelligitur, temerarium, immo stul-
 tum merito videri qui solitarius procul a-
 pud exteros mori, quam amicorum cin-
 ctus corona inter suos quiete & honorifi-
 ce viuere malit. Quibus domi non est vn-
 de vitam sustentent & proximum iuuent,
 eos minime reprehendendos, sed laudan-
 dos potius censeo, si vt rem faciant, terras
 peregrinas adeant, & varijs tam terra quam
 mari periculis sese exponant: siquidem
 non minus in vitio est qui sibi & suis ne-
 cessaria non querit, quam qui superflua con-
 cupiscit. At qui non ea tantum quæ experi-
 uerunt, sed plura etiam & maiora quam
 spe-

*Rei facun-
 de incum-
 bendum.*

sperauerant, iam consequuti sunt, nihilo minus tamen quietem laboribus, securitatem periculis postponunt, ac velut è portu mari procelloso iterum se committunt, eos ego aut à ratione desertos, aut Fortunæ ludibrium debere puto. Diuinus Plato in libris De Republica, non tam ijs Fortunam aduersari, ait, quibus negat quod expetunt, quam quibus eorum quæ habent vsum inuidet. Quam quidem sententiam velim quamaltissime in animum demittas, ac tecum rumineris, vtpote non minus veram quam argutam. Videmus enim multos passim, qui famam, honores & diuitias acquirere sciant; at qui vti eis recte ausint aut sciant, perpaucos. Iulio Cæsari Natura cōplures tam animi quam corporis dotes præclarissimas, Fortuna victorias quasi innumeras concesserat; eidem tamen vitio à nonnullis datum est quod Fortunę indulgentia minus recte vteretur. Notum est illud quod apud Liuium Hannibali occiditur: *Vincere scis Hannibal, victoria vti nescis.* qui si à Cannēsi clade statim exercitum Romæ admouisset, non postea sub mœnibus Carthaginis à Scipione castris fuisset exutus. Hæc quæcunque in partem tu interpreteris, ego certe minus infestum hostem eum iudico qui hastam aut scutum è manibus mihi excutiat, quam qui domo me expellat.

*sed partis
viendum.*

*Difficilius
est victoria
viti quam
vincere.*

Quamvis ergo vita hæc nostra ita comparata sit, vt labores multi & æruminæ necessario nobis perferendæ sint, minime tamen quasi vitrò Fortunæ copiâ nostri facere, sed omnia pericula & offensiones, quântum fieri potest, vitare debemus: quum hostibus aut fortunæ frustra conuitiû faciat qui suo sibi iumento, quod dicitur, malum accersit. Plura non addo: cetera enim quæ scire tua interlit, scribi vero sine periculo non possunt, Roderici B. veri fidei commisi, è quo omnia cognosces. Vale Medina Campi viii Ianuarij M. D. XII.

Ad
A L P H O N S V M
ALBORNIVM,
E P I S T O L A:

Quæ eorum inurbanitatem exagitat qui ad amicorum litteras non respondent.



I sponsæ tuæ Marinæ forma tua tam placet, quam mihi tua in scribendo negligentia displicet, audacter eam quamprimum domum tuam deducito, ac nuptias celebrato: nec, me vide, huius te facti poenitebit.

Ne

Ne vero exiguum quid aut vulgare me
 promississe puta in eo quod dixi, non fore
 ut huius te facti pœniteat. Ego enim vix
 maius quid à Deo immortali precari au-
 sim, quam ut peccatorum meorum tanto
 me opere pœniteat, pigeat ac tædeat, quan-
 to pere nonnullos matrimonij vixdum
 iniri pœnitet, piget ac tædet. Nihil facilius
 est quam vxorem ducere; at vxorem ad fi-
 nem vsque vitę sustentare, hoc opus, hic
 labor est. Inde fit ut fere omnibus quibus
 Amor ad matrimoniū proxeneta fuit, Mœ-
 nor assiduus per vitam sit comes. Cui vero
 liberorum ploratus & strepitus, infideli-
 tas & secordia famulantium, cura rei fami-
 liaris, cognatorum importunitas, locus
 ambitio, ipsius denique vxoris sumptuositas,
 non dico inuisum matrimonium, sed
 minus iucundum saltem reddat? Philoso-
 phus quidam rogatus cur à matrimonio
 abstineret, Eo, inquit, ut quietius viuam.
 Si enim probam duxero, cum dolore tan-
 dem amittenda; si malam, ferenda; si pau-
 perem, alenda; si diuitem, colenda; si for-
 mosam, custodienda mihi: & quod pessim-
 um est, ei quæ nullam mihi habitura sit
 gratiam, libertas mea prodenda erit. O
 quanta solitudinum caterua matrimoni-
 um assidue obsidet! Diuitiæ curas gig-
 nunt, paupertas onerosa est, nauigatio mul-
 tis periculis subiecta, ambulatio corpus
 defa-

*Matrimo-
nium cito
pœnitentia.*

*Matrimo-
nii mole-
stia.*

*Nihil peius
malam u-
liere.*

defatigat, & ut verbo dicam, laborum & miseriarum plena est hæc vita: quæ tamen ita inter omnes distributa sunt, ut suam quisque partem inde capiat: at nupti à nullo tam horum quam aliorum malorum immunes sunt, quippe quos sol oriens de victu quotidiano sollicitos videt, occidens sollicitos relinquit. Hinc videmus plerisque omnes tristes, morosos & anxios incedere, anxios inquam, non de ijs tantum quæ fortunæ aduersitas, verum etiam ac multo potius quæ mulieris malitia eis obijcere potest. Equidem quoduis mancipium meliori esse conditione autumo quam maritum cui vxor contigit fatua, insula, audax, prodiga, vinosa, contumax, austera, litigiosa, & si quæ alia eiusmodi vulgaria ornamenta in mulieribus reperiuntur. Virum iracundum ferre difficile est; at importunam mulierem multo difficilior, vel ob vnū hoc, quod sine modo aut amat aut odit: nihil est tertium. Sed hac de re satis: in qua describenda si ingenio laxare habenas velim, tempus mihi citius quàm verba defutura sint.

*Qui epistolam accipit,
ad respondendum se obligat.*

Dixi initio epistolæ non sine causa, tuam in scribendo negligentiam mihi displicere: memini enim me ante semestre, & quod excurrit, litteras ad te dedisse, ad quas hætenus ne verbo quidem respondi. At mihi crede, recte posthac feceris, si vel

si vel minimis etiam qui ad te scripserunt, respondeas : siquidem iuri dicundo inter Nobiles præfectus illud mihi secreto in aurem dixit, neminem propterea è Nobilium albo expungi quod ad inferioris epistolam responderit. Superioribus respondere suadet necessitas; æqualibus respondere, nostri est arbitrij; at inferioribus respondere, mera est virtus. Magnus ille Alexander orbis domitor ad fabrum suum ferrarium, Iulius Cæsar ad hortulanum, Tiberius ad molitorem, Seneca ad quæstorem scripsisse leguntur: ex quo intelligitur nihil cuiusquam decedere nobilitati aut dignitati litteras ad inferioris ordinis homines scribendo, aut ijs respondendo, sed tantum turpia petendo aut faciendo. Phalaris famosus ille tyrannus Agrigentinus nullum à quoquam beneficium accepisse fertur cui non gratias egerit, nec litteras, cui non responderit. Ad me quod attinet, tam in hac quam omnibus alijs in rebus liberrime quidvis tibi facere licet: si eadem erga reliquos negligentia uti velis, verendum fuerit ne amicis parum officiosus, inimicis vero superbus videare. Iracundiæ, invidiæ, avaritiæ, pigritiæ, leuitatis, ab alijs notari molestum est, at stultitiæ, probrosum. Porro qui alium superbiæ, fastus aut arrogantiae insinuat, eidem stultitiam, si rem vere æstimare velimus, exprobrat. C.

Iulio

*Superbus
& stultus
idem.*

Iulio Cæsari omnia abunde fuerunt, potentia scilicet qua gentes immanitate barbaras, locis infinitas, multitudine innumerabiles vicit; clementia inaudita, qua inimicos omnes non in gratiam tantum recepit, verum etiam ad honores proiunxit; liberalitas inexhausta, qua etiã regna inter suos distribuit; doctrina summa, quam libri ab ipso cõscripti testantur; fortuna denique singularis, qua summum imperium fuit adeptus: eidem tamen vnum defuit, animi scilicet humilitas, sine qua cetera plus obsunt quam profunt.

Iulium Cæsarem arrogantia perdidit.

Mos erat apud Romanos vt Senatus Imperatori magna cum reuerentia assurgeret, isque vicissim qua par erat comitate erga eos vteretur. Id vero quum Cæsar aliquando siue obliuione siue contemptu facere neglexisset, tantopere antea non latis ipsi æquos exacerbauit, vt viginti tribus vulneribus in ipsa curia confossus sit. Huius exemplo edoctus Augustus, nunquam nisi sedetẽ iam senatu, sessum se recepit, neque permittere voluit vt filiis suis in curiam venientibus Senatus assurgeret, aut ipsi inter eos cõsiderent. Quod si ergo superbiæ, vel vt verius dicam, stultitiæ crimen effugere velis, da operam posthac vt modestia ac comitate erga omnes utaris: qua inimici vincuntur, & amici conseruantur. Nunc vt ad reliqua veniam, cum Pontificis Legato de matrimonij vestri dispensatione egi, pro qua

qua ille sexaginta Ducatos poscit: quumque Venetus sit & negociationi assuetus, copiam eius prius nisi soluto precio, facere recusat. Cum Periam etiam de priuilegio illo loquutus sum: qui quum surdasset, immo surdus sit, me etiam Stentorea voce velut a suggestu declamantem, vix tamen intellexit. Nouarum rerum nihil est quod scribam, nisi forte illud, Imperatricem magno cum desiderio Imperatoris expectare aduentum, gynæceum nupturire, litigantes sententiarum spe duci, Ducem Veiarenses longiorem sibi optare vitam, Antonium Foscaram recoctam iuuentam, Rodericum Voriam hæreditati inhiare, & F. Dionysium Episcopatum aambire. Me quomodo habeam queris? Equidem nullam in me earum conditionum desideres, quas litigantes habere solent. sum enim negociosus, sollicitus, querulus, impatiens, inops ab argento, suspiciosus, importunus, &c. etsi boni euentus me spes tenet, vt qui sententiam pro me latam iam obtinuerim, &c. Medina-

Conditiones litigantium.

Campi XII. Martij Anno

M D X X I I I.

Ad

Ad

DON ANTONIVM
CUEVAM,

EPISTOLA:

Qua illa quaestio explicatur, cur Deus Pauli preces de stimulo carnis tollendo non exaudierit; Sathan vero petitioni de Iobo affligendo assenserit.



Lphonfus Spinellus litteras tuas xii. Maij scriptas, xvii. Iunij mihi Toleti reddidit, nec recitantes nimium, nec vetustas, adeo ut nec nunciij celeritatem laudare, nec tarditatem accusare possim. Multas à multis indies accipio litteras, quarum nonnullae ita comparatae sunt, ut mihi legendi fastidium pariant, & omnem respondendi voluntatem tollant. Nescio an quidquam odiosius sit simile scripta & peius distincta epistolae, quam si tenebris & silentio quis damnetur, insolens nihil fecerit. Agricola in agro exarando sulcos rectos & aequales facere studet: quanto maior in epistola conscribenda ac recte efformandis litteris diligentia adhiberi debet. Multi pennam non secus obba alicuius ansa arrepta, simul scribere & loqui;

*Odiosa est
negligenter
scripta episto-
la.*

& loqui, atque alia etiam facere se posse
gloriantur. At quam bene id præstiterint,
res postea ipsa loquitur, inspecta scilicet
scriptura, ubi nimirum litteræ gallinarum
scarificationi similes, lineæ tortuosæ sunt
instar serpentum, crebri tamquam à muri-
bus exesi, hiatus, papyrus velut pardus fre-
quentibus maculis & lituris conspersa, ipsa
denique verborum sententia tam argute in-
uenta, tam apte connexa, ut nec pes nec ca-
put appareat, ac plane diphthera Iouis,
quod dicitur, videatur. Nulla ex re inge-
nium hominis facilius noscitur quam ex
scriptura aut sermone: siquidem vir pru-
dens & cordatus non quidquid memoria
suggerit, sed tantum quod ratio dicta-
uerit, vel verbis exprimet, vel litteris con-
signabit. Phalarim tyrannum non nisi so-
litario in loco, & sua tantum manu ad ami-
cos litteras scripsisse testatur Plutarchus:
eoque sicut tyrannis ipsius inuisa, sic scrip-
ta omnibus grata fuerunt. Memini Nobi-
lem quendam amicum & popularem meum
litteras ad me quamlongissimas dedisse,
quas quum legerem, & sub finem illa ipsa
quæ ab initio posuerat, repetita viderem,
facile supinam scriptoris animadverti neg-
ligentiam, qui ad ea quæ scripserat rele-
genda ocium sibi non sumisset: quocirca
nec mihi tantum temporis perire volui ut
ad illa responderem, sed conceptam episto-

*Verba &
Scriptura
animi inani-
tes.*

lam in ignem conieci. Sed profecto longe alia tuæ sunt epistolæ, quarum lectio mihi voluptatem, responsio vero nullam molestiam adfert, ut in quibus iocosa urbane, letitia grauitur sunt expressa.

Sed ut ad rem præsentem veniamus, ais in sacris libris, atque etiam apud D. Gregor. in Moralibus te legisse, quomodo Sathanæ ut Iobus sibi vexandus traderetur petenti, Deus assenserit, D. Pauli vero ut carnis stimulus à se remoueretur orantis, preces non exaudierit; ideoque valde mirum tibi videri quod si factum fuerit ut apud Deum plus Sathanæ quam sanctissimi Apostoli preces valuisse videantur.

*Deus omni iuste
facit.*

At mirari profecto defines, si illud considerabis, iusta esse Dei iudicia, & quæcumque facit, bona esse, & ad bonum finem, etiam si nos per scrutari ea nequeamus. Quod si rem ipsam exacte perpendamus, videbimus sane id quod Deus Apostolo concessit, multo maius esse eo quod negauit. Quid enim petijt à Domino Apostolus? ut stimulus, id est, tentationes carnis à se tolleretur. Non hoc ei largitus est Deus, at maius quiddam; gratiam scilicet suam illas vincendi. Quam iniuriam facit Princeps militi, quem pugnam capeßlere iubet, ita tamen ut certissimam ei victoriam ostendat? Si carnis tentationibus statim à Deo liberatus fuisset Apostolus, non tanta occasio merendi, nec tanta

tanta gratia vincendi ipsi data fuisset, atqui magis ille à Deo amatur cui diuinitus ad vincendum vires suppeditantur, quam qui velut ignauus miles pugnae subtrahitur. Nec propterea querelis indulgere, multo minus desperare debemus, etiamsi Deus non statim votis & precibus nostris annuat, quas ille non spernit aut negligit, sed differt tantum, ut vel illud ipsum quod petimus, si nobis cōducatur, vel melius quid suo tempore nobis largiatur. Scit ipse quid & cur nobis neget, at nos quid petamus nescimus. Nos in petendo cupiditates nostras, Deus rationem & sapientiā suam sequitur. Negat nobis noxia, largitur salutaria: solus denique nouit quomodo tractare nos debeat, ut in salutis semita retineamur. D. Paulus ineffabilia Dei vidit mysteria, quæ nemini ante videre contigit. Ne ergo tam altis reuelationibus intumesceret, Deus stimulum hunc carnis siue tentationes ab eo auferre noluit, non tamen ita ut peccandi ei obijceret occasionem, sed ut gratiā peccatum vincendi largiretur. In quo sane maiorem ipsi gratiā præstitit, dum eum non exaudiuit, quam si precibus eius annuisset. Si enim carnis stimulo eum liberasset, tentationis detrimentum, superbix forsan futurum erat augmentum. Tentatio nequaquam diuini erga nos odij vel indignationis indicium censeri debet: siquidē, D. Gregorio teste, nulla maior tentatio est,

i i

quam

*Deus homi-
nem fallā
tentationi-
bus retin-
dit.*

*Infelix felix
ciat, semper
esse felicē.*

quam nullam tentationem sentire. Ad cœlum quæ ducit viam Christus Dominus noster certis quibusdam notis consignauit, varijs scilicet tribulationibus, tentationibus, morbis, & ærumnis: quas Deus ijs immittit, quos ad se vult pertrahere. Nullum certius diuinæ iræ erga hominem est argumentum; quam inoffensa rerum omnium in hac vita prosperitas: adeo vt qui nullas hic sentiunt aduersitates, pro infelicissimis & quasi pro derelictis à Deo habendi sint. Vt enim diabolus suos hic delicate & opipare tractat, ne ad cœlestia adspirent: ita Deus frequentibus plagis siue vexationibus suorum animos à terrenis auocat, vt ad alteram illam, & meliorem vitam anhelent.

*Melius est
pati quàm fa-
cere malū.*

Addis, miram tibi quidem videri diaboli audaciam, Iobum sine vlla causa à Deo ad supplicium sibi tradi poscentis; sed longe mirabiliorem tibi videri Dei facilitatem, teterrimi hostis petitioni vltro veluti annuentis, & sanctissimi viri D. Paulli preces repudiantis. Equidem sic puto, nec tibi nec cuiquam fas esse in hæc & similia Dei arcana inquirere, iustas tamen ea admirandi esse causas. Annon enim mirabilis res est, inimico assentiri vt amico nostro male faciat? Hic aliud quod dicam non habeo, quam illud; melius esse malum pati quam malum faciendi obtinere licentiam; vt in eo melior fuerit Iobi conditio qui

qui malum passus est, quam diaboli, cui Deus malum ut faceret permittit. Felicior ille Deoque acceptior habendus est, qui Deo seruiendi gratiam, quam qui eundem offendendi accipit facultatem. Malum est, malum esse; at longè peius, bonis male facere. Peccare enim, humana est imbecillitatis; at bonos odisse & persequi, meræ est & obstinatæ malitiæ. Quod si supplicibus votis Deum veneramus, ut gratiam ipsi seruiendi nobis largiatur, multo potius cum lachrymis precari debemus, ut omnem ipsum offendendi occasionem à nobis tollat. Bonum enim facere negligentes, præmio se defraudant; at malum facientibus, acerbissime parata sunt supplicia. Cum Cain Abelẽ fratrem occidit, cum Elau Jacob persequitur, cum Saule Dauidi insidiatur, cum Nabuzardan Hierosolymarum urbem incendit, cum Achabo Micheam in carcerẽ detrudit, cum Sedechia Ieremiam ferra dissecat, cum Sathana denique Iobum affligit, cuius peccata meruerunt ut eius tamquam carnificis opera Deus ad suos castigandos utatur. Iobum diabolus continua vexatione vehementer afflixit; at Iobus inuicta patientia multum est promeritus. neque enim minus eorum qui persecutionem sustinent patiẽtiam Deus remunerabitur, quam persequentium malitiam vlciscetur.

*Bonos persequentes
pœna acerbissima.*

*Tyrannis
vixit for-
midabilis.*

Dicis, celebrari passim nescio quod paradoxum, de quo nuper præsentem Imperatore concionatus sum, idque cuiusmodi sit scire cupis. Rem accipe. Dixi tum, in sublimi dignitate constitutis, sed maxime tyrannis, magis formidabiles esse bonorum virtutes quam malorum insidias. Inter alia enim hoc quoque virtus habet, ut inferiores admiratione sui compleat, æquales accendat æmulatione, superiores percellat timore. Dionysius Syracusanus Platonis licet procul in Græcia absentis reprehensionem & conuicium magis quam Siculorum sibi infensissimorum sicas metuit. Sauli Davidis iustitia & in Rempublicam merita formidabiliora fuerunt quam Philistæorum arma. Fastuoso illi Hammoni non tam gratum fuit ab vniuerso populo adorari, quam molestum ab vno Mardocheo contemni. Herodes Ascalonita Ioannem Baptistam magis quam vniuersam Iudæam fuit reuer-
tus. Quin existimo, nullius inimicitiam formidandam, nisi laudati & probi. Malus enim telo, at bonus sola existimatione & verbo lædere potest.

Quod Ioannes Torrius Oranzæ præfecturam suscipere recusat, ea spe fore ut à Rege in Hispaniam reuerso, pro meritorum ratione, digniori aliquo munere afficiatur: mihi quidem parum sapere videtur, qui incertum certo præfert, & spem
precio

prelo mit. Pluris enim est nrimus vnus in
arca, quam aurei in somno ficti. Persarum
montes.

Rogas præterea quid de Antonio Roia *Non v'is
ieu f. d. i. s.*
Senatus præfide, cui negotium tuum com-
mendauit, sentiam. In eo d mihi deprehen-
dere vitus sum, hominem esse sermone aspe-
rum & austerum, sed factis prudentem: eo-
que non placent mihi ex nostris aulicis per-
multi, qui verba hominis calumniantur, ac
facta non intuentur. Atqui factis quam ver-
bis iuuare multo satius mihi videtur. & ple-
rumque fit vt qui verba toto modio, vix vn-
ciatim facta nobis admetiantur.

Ad Oratorem Venetum, de cuius itidem *Esse non
viueſſe*
moribus mihi quid videatur rogas, quod
attinet, quantum ego hominem cognoscere
potui (& vero vtor illo satis familiariter, &
ille me Confessario) vir est doctrina erudi-
tus, moribus sedatus, vita integer; & qui, vt
verbo dicam, cum Catone & Phocione,
probus esse quam videri malit. Cetera de
quibus Spinellus tuo nomine mecum secre-
to loquutus est, ex eodem quomodo se
habeant intelliges. Toleti xxx.

Iunij M D XXV.

Ad

F. I O A N N E M
B E N A V I D I V M,

E P I S T O L A.

In qua Scripturæ locus explicatur, scilicet:
*Spiritus Domini malus arripiebat
 Saulem.*



Itteras tuas Salamancæ scrip-
 tas, Sorie recte accepi, & non
 semel, sed iterum atque ite-
 rum relegi, vtpote non eius
 tantum à quo scripta sunt no-
 mine, sed ipso etiã argumento mihi gratissi-
 mas. A vero amico scripta epistola oblectat
 animũ, recreat oculos, acuit ingeniũ, & quod
 potissimũ est, amicitia cõfirmat. Plutarchus
 auctor est, Magnum illũ Alexandrum nulli-
 us ad se tyranni, epistolam recepiſſe, eundẽ
 quene vel minima cuiusquam Philosopho-
 rum ad se scedula periret, summa diligen-
 tia allaborasse. M. Antonij ad Cleopatram,
 & huius ad illum epistolas Cæsar Octavia-
 nus Augustus post vtriusque mortem quã-
 diligentissime custodiuit. Attici, Tironis,
 & aliorum diligentia debemus, quod ho-
 dieque elegantissimæ M. Tullij Ciceronis
 ad p

*Amicorum
 epistolæ &
 amantium
 diligenter
 custodiendæ.*

ad ipsos & alios scriptæ epistolæ exsiant. Quin etiam plerisque eruditis viris non minor est de suis ad alios & aliorum ad se litteris, quam de alijs scriptis & operibus cura. Quod eò dico, vt intelligas, epistolam illam tuam quam lectu mihi iucunda fuerit, tam sollicitè à me custodiri.

De quæstione mihi à te proposita illud S. Agnetis ad S. Luciam virginem non incepte vsurpare possim: *Quid à me petis Lucia virgo? nam ipsa poteris prestare continuo matri tuæ.* Hac in re dubito sane vter nostrum reprehensione dignior sit; tu, qui patientiam meam tentas; an ego, qui simplicitatem & ignorantiam meam proderè non erubescò. Sed de hoc alij viderint. Mihi certe non minus, immo multo magis in culpa esse videtur qui ansam præbet alij peccandi, quam qui ipse peccat. *Ego si nequeo ascendere in montem cum Loth, ad minus saluabor in Segor.* hoc volui dicere, vt si minus responsio mea tibi satisfecerit, voluntatem saltem & conatum respondendi probes. Propius enim à scopo aberit, vt Plato ait, qui quam fieri potest, argute collineabit.

*Tampercat
qui iubet
quam qui
facit.*

Quæris ex me, quomodo verba illa S. Scripturæ, de Saulis Regis morbo vel furore potius loquentis intelligam: *Spiritus Domini malus arripiebat Saulem.* De quo paucis meam sententiam accipe. 1. Reg. 16.

Primus Israelitici populi Rex Saul fuit, è

*Musica fu-
rori mede-
re.*

tribu Benjamin, quæ omnium postrema fuit, ad eam dignitatem à Deo per Samuelem euectus. Is secundo postquam regnare cœperat anno à malo Domini Spiritu arreptus, & eousque obsessus & vexatus fuit, donec tandem Dauid cithara psallendo furori huic aliquam medicinam attulit. Illud ergo in quæstionem venit, quomodo *Spiritus Domini malus* Saulem arripuisse dicatur. Si enim Spiritus Domini erat, quomodo erat malus? Et si erat malus, quomodo erat Domini? Vt nodus per se intricatus admodum & difficilis recte solvatur, quædam paullo altius repetenda sunt. Ac primo legimus *1. Reg. 26.* Dauidem, Saule dormiente, noctu caltra ingressum, è tentorio eius hastam & scyphum sub puluinari abreptum, secum asportasse, neque à quoquam satellitum aut excubitorum visum aut animaduersum fuisse: quia, vt ibidem scriptura loquitur, *Sopor Domini irruiit super eos.* Quæ verba nequaquã ita intelligenda sunt, quasi vllus somnus aut sopor in Deũ cadat (siquidem, vt Regius vates canit, *Non dormitabit, neque dormiet qui custodit Israel*) ed sopor Domini dicitur irruiisse super eos, non quod ipse Dominus dormiret, sed quia eius nutu infusus esset, ne quisquã Davidis præsentia sentiret. Et hoc diuina factũ est prouidentia: siquidẽ Deus soporẽ Sauli eiusque militibus inmisit, non vt eorum vires & sensus recrearet,

aret, sed ut Davidis vitani culu daret; sic ut
 somnus Domini hoc loco idem sit quod
 divina Providentia. Tam suorum amans
 est Deus, tamque sollicitus est custos, ut non
 finitiores eorum ad bonum finem perdu-
 cat, verum etiam bona ad eum peruenien-
 di media largiatur; & non quidem à labo-
 ribus immunes, sed à periculis illæsos con-
 servet. Sed ut propius ad rem ipsam venia-
 mus, sciendum eodem modo hic *soporem Do-*
mini quo ibi *Spiritum Domini* accipi. Quod ut
 melius intelligatur, aio, quod etsi diabolus
 tentationē iustis semper inferre cupiat, ta-
 men si à Deo potestati non accipit, nullatenus
 adipisci potest quod appetit. Spiritus quidē
 quo Saul vexatus fuit, eo *malus* appellatur,
 quod intentio diaboli tentatis semper mala
 sit, idēque *Spiritus Domini* dicitur, eo quod po-
 testas quæ à Deo accipit, semper bona sit. Quā-
 do Deus Sathanæ potestati iustos tentandi
 cōcedit, nō id eo facit ut per tentationē ma-
 lum perpetrent, sed per exercitationem ma-
 lum vincere condiscant. Virtus enim ut in-
 ertia languet, ita assiduo labore splendescit
 ac verum robur acquirit. Frumentum si
 non sæpius vertatur, curculiones infestāt: in
 arca conditā vellē comedunt tineæ: lignum
 pice non obductum populantur teredines:
 ferrum ociosum rubigo cōsumit: situ deni-
 que omnia fere facilius & citius corrūpun-
 tur. eodem modo homo tentationis expertus
 ad omnia

*Tentamus
 non ut ma-
 lum facia-
 mus, sed
 vivamus*

*Firmitas in
die obno-
xia.*

ad omnia virtutis munia legis euadit. Maiorem Deus nostri curam gerit quam nos ipsi. Ipse enim lassos nos refocillat, miseros solatur, dormientes excitat, afflictos erigit, iuuat inopes, nobis denique animum despondentibus, animum addit. Quapropter S. Iobus à malo Spiritu Domini tentatus fuit, non tam ob suam culpam quam diaboli inuidiam & malitiam: inuidiam dico, non fortunarum & opum (quamuis amplissimas habuerit) sed virtutis & vite inculpatae. Id malorum vnicum votum est, vt quamplurimos habeant sui similes; sicut ignominia notati, eandem notam omnibus imprecantur: adeo vt nulla periculosior sit, quam malorum erga bonos inuidia; cuius telis virtus magis quam opes aut vlla alia res peti solet. Abraham tristissimo de filij mactatione mandato, cæcitate Tobias, Iob filiorum cæde & omnium fortunarum & sanitatis quoque iacturam tentatus fuit. In quibuscumque tentationibus illi sanctissimi viri multa perpeffi sunt, resque sibi charissimas amiserunt: à Deo tamen digno ipsorum patientia præmio honorifice ornati, & æqua quam fecerant iacturæ compensatione liberaliter tandem donati fuerunt. Quum ergo certum sit, tentationes omnes, tribulationes & ærumnas à Domino nobis immitti, æquum est vt easdem patienter suscipiamus, fortiter feramus, & gloriole vincamus.

mus. Est enim Deus in tentando tam iustus,
& in permittendo tam parcus, vt supra vires
numquam nos tentari linat. Et quemadmo-
dum si quando innocentes ac praeceptorum
suorum memores tentari permittit, diaboli
potestatem anguste restringit & certis cir-
cumscribit limitibus; ita patientiae donum
ijs qui hoc modo tentantur, cumulate largi-
tur.

Hine strosa Commendator ex aula mei vi-
dendi gratia huc venit, lætus quidem ob ne-
gocia quædam sua expedita, sed ob aliud ne-
tic: o quid tristis, adeo vt venisse huc vniquã
pœnitere se dicat: suoque exemplo effecit;
vt meas ærumnas facilius mihi ferendas ita-
tuam. Qui tristitiæ suæ quærunt remedium,
eos ego recte facturos puto, non si felicibus
& lætis, sed ijs qui maiori miseria & trist-
tia affligi videntur, sese applicuerint, vt eo-
rum comparatione non tam miseri sibi vi-
deantur, & onus suum leuius perferre
discant, &c. Soria, v. Martij

*Comparati-
one aliena
propria mi-
seria fit
leuior.*

M D X V I I I.

Ad

Ad

DON INIGVM
MANRIQVES,
EPISTOLA:

In quamira hominis & leonis historia nar-
ratur.



Necessarius tuus Trufillus litte-
ras tuas mihi ex Inquisitionis
Senatu digredienti reddidit:
& vt verum dicam, nec ille
mihi quis aut vnde eſſet ape-
ruit, neque ego vel verbo ſum percontatus:
in quo ſane nec illius ſilentium, nec mea in-
curia merito damnari mihi poſſe videtur.
ille enim de via feſſus venerat, ego moroſi-
or è Senatu diſceſſeram. Tritum eſt illud
Mimi: *Qui cum laſſo & famelico loquitur, rixam
querit.* Liſurientem enim cui animus in pa-
tinis eſt, ſi varijs quæſtionibus detineas, aut
laſſum nouis negocijs deſatiges, nihil aliud
efficies quam vt ille negocium alijs com-
mendatum velit, & tibi maximam malam
rem impreceſtur. In negocijs gerendis non
importunitas tantum vitanda, verum etiam
ocçaſio & commodum tempus captandum
eſt. In quo quidem tua importunitas, &
meo

Venter ca-
ret auribus

meorum negotiorum multitudo ita concurrerunt, vt quod tu à me contendisti, eius tum faciendum. hi nec facultas fuerit, nec voluntas. Facultas non fuit, quum alijs magni momenti negocijs, tum quæstionibus de sagis & veneficis regni Nauarreni occupato: voluntatem vero tua mihi ademerat curiositas, mirabilia subinde nec minus difficilia mihi erotemata proponentis: quæ vt tibi lectu iucunda, ita mihi inuestigatu non parum molesta sunt. Vel hoc ipsum quod nunc ex me quæris, sane legisse me memini; neque tamen Auctor apud quem ea historia exstet, statim mihi occurrit: neque hoc mihi proprium hominis: Si namque omnia quæ oculi nostri vident, aures audiunt, aut mens intelligit, memoria retineret, iam non homines, sed dii; vt Plato loquitur, essemus.

Ais vidissete nuper inter supellestilia à Conlualuo magno Capitaneo relictæ, aulæum perelegans, à Venetis ipsi quondam donatum, cui intexta sit hominis figura leonem loro ducentis, in pectore leonis inscriptis verbis: *Hic leo est hospes hominis*: in pectore hominis vero, *Hic homo est medicus leonis*. Quam historiam scire tibi cupienti, narrabo sane vt ea apud Gellium exstat; ac tanto lubentius, quod & res ipsa sit mirabilis, & verbis valde amœnis descripta. Sic vero ille Appionis polyhystoris fidem sequutus, scribit libro v. cap. xiv.

In circo maximo, inquit, venationis amplissimæ pugna populo dabatur. Eius rei (Romę cum forte essem) spectator, inquit, fui. Multæ ibi sæuentes feræ, magnitudine bestiarum excellentes, omniumque inusitata aut forma erat aut ferocia. Sed præter alia omnia leonum, inquit, immanitas admirationi fuit: præterque omnes cæteros, vnus. Is vnus leo corporis impetu, vastitudine, terrificoq̃ue fremitu & sonoro, torris, comisq̃ue ceruicum fluctuantibus, animos oculosq̃ue omnium in sese conuertebat. Introductus erat inter complureis cæteros ad pugnam bestiarum Dacus seruus viri consularis: Ei seruo Androdus nomen fuit. Hunc ille leo vbi vidit procul, repente, inquit, quasi admirans stetit, ac deinde sensim atque placidè, tamquam nescitabundus ad hominem accedit. Tum caudam, more atque ritu adulantium canum, clementer & blande mouet, hominisq̃ue sese corpori adiungit, cruraque eius, & manus propè iam exanimati metu lingua leniter demulcet. Homo Androdus inter illa tam atrocis feræ blandimenta amissum animum recuperat; paulatinq̃ue oculos ad contuendum leonem refert. Tum quasi mutua recognitione facta, lætos, inquit, & gratulabundos videres hominem & leonem. Ea re perit tam admirabili, maximos populi clamores excitatos dicit, arcessitumque à

Cæsare

*Androdus
Dacus
seruus.*

Cæsare Androdum, quæsitamque causam, cur ille atrocissimus lecnium vni parisset. Androdus rem mirificam narrat atque admirandam: Cum Proconsulari imperio Africa mea Dominus obtineret, ego ibi iniquis eius & quotidianis verberibus ad fugam sum coactus: & ut mihi a domino terræ illius præfide tutiores latebræ forent, in camporum & arenarum solitudines concessi: ac si defuisset cibus, consilium fuit mortem aliquo pacto querere. Tum sole, inquit, medio rapido & flagranti, specum quandam nactus remotam latebrosamque in eam me penetraui, & recondo: neque multo post ad eandem specum venit hic leo, debili vno & cruento pede, gemitus edens & murmura, dolorem cruciatumque vulneris commiserantia. Atque illic primo quidem conspectu aduentantis leonis territum sibi, & pauefactum animum dixit, sed postquam introgressus, inquit, leo (vti re ipsa apparuit) in habitaculum illud suum, videt me procul delitescentem, mitis & mansuetus accessit, & sublatum pedem ostendere mihi & porrigere, quasi opis petendæ gratia, visus est. Ibi, inquit, ego stirpem ingentem vestigio pedis eius hærentem reuulsi, conceptamque saniem vulnere intimo expressi, accuratiusque sine magnâ iam formidine siccatui penitus, atque deteresi cruorem. Ille tunc mea opera & medela leuatus, pede in manibus meis posito recubuit,

buit, & requieuit: atque ex eo die triennium totū ego & leo in eadem specu eodemque victu viximus. Nam quas venabatur feras, membra opimiora ad specum mihi suggerbat: quæ ego, ignis copiam non habēs, sole meridiano torrens, edebam. Sed vbi me, inquit, vitæ illius ferinæ iam pertæsum est, leone in venatum profecto, reliqui specum: & viam ferme tridui permensus, à militibus visus, apprehensusque sum, & ad dominum ex Africa Romā deductus. Is me statim rei capitalis damnadū dandumque ad bestias curauit. Intelligo autem, inquit, hunc quodque leonē me tūc separato captum, gratiam nūc mihi beneficij, & medicinæ referre. Hæc Appiō dixisse Androdum tradit, eaque omnia scripta circumlataque tabella populo declarat. Atque ideo cunctis petentibus dimissum Androdum, & pœna solutum, leonēque ei suffragiis populi donatum. Postea inquit, videbamus Androdum & leonem loro tenui reuinctum, vrbe tota circum tabernas ire, donari ære Androdum, floribus spargi leonem, omnesque ferè vbique obuios dicere: Hic est leo, hospes hominis: hic est homo medicus leonis.

Habes historiam, cognitu non minus admirabilem quam iucundam, vti ea apud supradictum A. Gellium descripta existat: & qua picturam illam facile, spero, intelliges, nec meum gratificandi tibi studium desin-

• dera-

derabis, Toleti xxv. Augusti M D XXXIX;

Ad

M I R A N D Æ
C O M I T E M,

E P I S T O L A:

In qua verba illa D. N. Iesu Christi, *Iugum
meum suave, & onus meum leue est, &c.*
explicantur.

Illustris Domine:

DETIS à me vt verba illa Domini
& Saluatoris N. Iesu Christi, *Iugum
meum suave est, & onus meum leue,*
de quibus præsentè Imperatore
concionantem me non sine summa animi
voluptate audisse te dicis, enucleem accura-
tius aliquanto & explicem; nec dubitare ais
quin facilius tibi morem gesturus sim, si
id tempus in memoriam reuocem quo me
Sorix, Franciscani ibi Conuentus præsi-
dem videris: ita quidem vt à me non iam
nouum hoc beneficium petere, quam o-
lim à te mihi præstiti remunerationem ex-
spectare videaris. Non nego conspectum tui
tum mihi fuisse longe iucundissimum: ac
tanto magis quod non paucis incommodis

*Amicum op-
timum vitæ
condimen-
tum.*

tum temporis laborem, ob loci situm palu-
strem, aerem frigidiusculum, victum perpar-
cum, & aquam turbidam. quamvis autem ip-
sum monasterium ab incolis non crassæ om-
nino Mineruæ habitaretur; mihi tamen ni-
hil molestius erat quam quod ab amicis tam
longe abessem, sine quorum consuetudine
nullius mihi satis placet loci amœnitas, nec
vlla rerum copia animum explet. Quod tum
quidem invisere me voluisti, in eo sane ami-
ci officio functus es, cuius est egentem re ad-
iuuare, & afflictum verbis consolari. Equi-
dem tuum illud in me beneficium lubens a-
gnosco, & gratum habeo, sed quomodo cõ-
pensum non inuenio. Referamne gratiam?
Facultates non sinunt, Vicissim te invisam?
Non datur licentia. Munus aliquod mit-
tam? nec mihi quidquam ad manus est; nec
tu eo opus habes. Faciam ergo quod vnum
possum, vt tuum illud beneficium agnos-
cam, & quod à me petis, præstem: quod etsi
leue est; illud tamen spero leue non putabis,
te à me tamquam dominum observari, &
tamquam amicum diligere. Bonis viris & cor-
datis non minus gratum est gratiam sibi ha-
beri quam referri. Quod si æqua talionis lex
est, nihil sane ingrati animi vitio iniquius est
magisque turpe ac detestabile. Ceteras iniu-
rias animus generosus facile condonat, præ-
terquam! eas quas ab homine ingrato accepe-
rit, quæ quanto sunt indigniores, tanto pro-
fun-

*Amici of-
ficium.*

fundius vulnus relinquunt, quod nunquam ita cicatricem ducit quin leui caussa rursus exulceretur. Incredibilis fuit Alexandri Magni in dando liberalitas, nec minor Iulij Cæsaris in ignoscendo facilitas: neque ille tamen ingratitudinis comperto vel teruncium dare, vel hic leuissimi delicti gratiam facere sustinisset.

Ingrato homine nihil detestabilius.

Explanatio verborum:

Iugum meum suauē est, & onus meum leue.

Quod rogas vt orationem quam præsentē Imperatore his de verbis habui, scriptam ad te mittam, sane vt morem tibi geram vix animum induco. Licet enim ea quæ à nobis dicta sunt aliis communicare possimus, gratiam tamen ipsam quæ verba comitari solet, communicare non possumus. Neque enim ea est pennæ quæ linguæ energia: eoque quum Æschines quandam Demosthenis orationem Rhodijs apud quos exulabat, legisset, cunctis velut stupefcentibus, Quid, inquit, si ipsum dicentem audissetis? Merito ergo desipere videatur, qui existimationem & gloriam linguæ beneficio comparatam, pennâ veluti prostituere & periculo exponere velit. Quantum delineatio ab ædificio, sceleton à corpore, figura à figurato, viuum denique à mortuo differt, tantum inter orationem quæ voce pronunciata auditur, & eam quæ

Via vox magis afficit quam lectio.

scripto consignata legitur, interest. Lectio-
 one enim languet animus: at idem viva
 voce mirum in modum afficitur atque ex-
 citatur. Sacrarum litterarum proprium hoc
 est, vt earum lectio animum intelligentia
 instruat, sed earum auditio, rerum diui-
 narum desiderio & amore accendat: eo-
 que plures sermonum quos audierunt, quam
 librorum quos legerunt beneficio conuersi
 & ad Deum reducti memorantur. Faciam
 ego nihilominus quod iubes, & mittā quod
 petis; cum hac tamen protestatione, vt si quæ
 leges minus te delectent quam quæ audiui-
 sti, non meæ id in te voluntati, sed impor-
 tunitati petitionis tuæ imputetur. Sed ad
 rem.

Ait Christus Saluator noster: *Venite ad me
 omnes qui laboratis & onerati estis, & ego refici-
 am vos. Iugum enim meum suauē est, & onus meum
 leue.* Ad verbum Onus quod attinet, fre-
 quenter id in S. Scriptura vsurpatum inue-
 nitur. Apud Isaiam illa sunt: *Onus Babylonis,*
onus Moab, onus Arabia, onus AEgypti, onus Da-
masci, onus Tyri, &c. quo verbo calamitates &
 miserie regnis illis & nationibus ob grauis-
 sima peccata impendentes significantur. Et
 regius Propheta Dauid, inquit: *Sicut onus*
grauē grauatū est super me: diuinam contra te
 indignationem innuens. Verum enim vero
 vt verbi huius vis plenius ac perfectius in-
 telligatur, illud hoc loco considerandum
 est.

*Vox onus
 & eius vis.*

est, veterem illam legem ante Christi ad-
 uentum grauem admodum, duram & mo-
 lestant fuisse, ut in qua delinquentibus pœ-
 na certissima; eam seruantibus, vix vllum *Pœna lex*
 præmium esset constitutum. Quid enim ibi *transgresso*
 Deus vel ad morum præcepta vitam diri- *res dānat*
 gentibus, vel tam multiplices ceremonias *nec tamen*
 obeuntibus, vel tam varia ac toties repetita *observato-*
 sacrificia & holocausta offerentibus aliud *res saluat.*
 promittit, quam Regibus de hostibus victo-
 rias, Reipublicæ pacem, priuatis bonam va-
 letudinē & rei familiaris augmentum? Quod
 vero maius onus cuiquam imponi posset,
 quam si legem vel in minimo violanti, cer-
 tissimum atque æternum exitium; seruanti
 vero parua omnino ac fere nulla merces
 proponatur? adeo ut inferni cruciatus sem-
 per ob oculos videret; cœlestis vero paradi-
 si gloriam vix eminus aspiceret? Ab initio
 veteris legis vsque ad eius consummatio-
 nem præcepta præceptis, cerimoniarum ceri-
 monijs, onus oneri, pœnæ pœnis fuerunt
 superadditæ, adeo ut grauior quotidie lex
 ab omnibus, à nemine vlla ex parte leuior
 redderetur. Primum præconium de oneris
 huius alleuamento CHRISTVS Do-
 minus noster fecit, tum quidem quum le-
 gem illam timoris in fornacem diuini sui
 amoris immisit, & excoquere cœpit. eoque
 exclamat: *Venite ad me omnes qui laboratis, &*
onerati estis, &c.

*Solius Christi
Sic iugum
suauiter*

Hoc loco illud animaduertendum est: quum vnumquodque onus natura sua graue, ac iugum omne portanti siue iumento siue homini molestum sit, Christus tamen profiteatur Iugum suum suaue esse, & onus leue: maius quid & profundius sub his verbis latere, eoque diligentius illa excutere operæ præcium esse. Non ait Christus omnia iuga suauius esse: ne scilicet quoddam iugum esset de quo loqueretur, aut quæ lex illa quam approbaret, incertos nos relinqueret. Quando ergo dicit, *Iugum meum suaue est*, satis indicat cetera iuga amara; dumque ait, *Onus meum leue est*, innuit, cetera onera grauius esse. Ex quo sequitur tum maxime nos alieuari quando onus, tumque solui quando iugum ab ipso nobis imponitur. Neque vero Christus in plurali loquitur, Iuga sua suauius esse, & onera leuia: quum vnum tantum iugum, & vnum onus singulis imponat. Diaboli multiplex est iugum, vt qui ad multa nos peccata impellit. Mundi itidem, qui nos varijs negocijs & vanis occupationibus involuit. Carnis denique, quæ omnis generis illecebris nos tentat. At optimus noster Dominus ac Saluator id vnum à nobis postulat, vt ipsum toto corde, & proximum sicut nos ipsos diligamus. Mosaica lex, Timoris lex fuit; at Christianorum lex, Amoris lex est; vt quemadmodum illi coacte, ita nos spontanee Deo seruiamus: ideoque merito lex illa dura & aspera

aspera, nostra suavis appellatur. Amoris hæc
vis est, ut quæ alias aspera sunt, plana; quæ du-
ra lenia; quæ amara, dulcia; quæ molesta, gra-
ta; quæ morosa, placida; quæ praua, recta;
quæ grauiâ, leuiâ reddat. Qui enim vere a-
mat, non offenditur, non irascitur, roganti
nihil negat, auferenti non repugnat, iirridenti
conuicia non reponit, non vlciscitur læden-
tem, auersantem etiam ultro prensat. Quis
enim eius quem medullitus amat, obliuiscat-
tur? Quis conqueri possit qui nihil aliud
scit quam amare? Quod si amans quandoque
queritur, non tam de eo queritur quem
amat, quam de se ipso qui vllam ægritudi-
nem amoris interuenire passus sit. Ut verbo
absoluam, Cor vere amans plus ex amore
gaudij quam ex rebus aduersis doloris & æ-
gritudinis capit ac sentit. O felices nos, si ut
à Christo acceptam nomen profiteamur, ita
legis ab eo latæ amorem imbibamus! Quam
suauia nobis tum omnia futura erunt! Ne-
que enim animus amore occupatus aut vllum
periculum reformidat, aut vllum laborem
& molestiam, præter absentiam amati, sentit.
Iugum quidem nouum, quamdiu lignum
viret, graue est, at ligno paullatim arescente,
multo fit leuius ac portatu facilius. O bone
Iesu! ó profundum diuinæ bonitatis myste-
rium! Tu nimirum, Christe Optime Maxi-
me, iugum legis tuæ non ita rude nobis im-
ponere, sed per triginta amplius annos ipse

*Verè Amo-
ris vis.*

Christus omnia que nos ex cepto peccato, ex- perius.

ferre voluisti, vt scilicet ipso quasi vsu de-
 tritum, ceruicibus nostris melius aptari, &
 commodius à nobis ferri posset. Quid enim
 Saluator noster nobis præcepit, quod nõ ipse
 prius fecerit? Quod iugum ille nobis impo-
 suit, quod non prius ipse pertulerit? Mandat
 nobis vt ieiunemus, at ipse ieiunauit. Vt ore-
 mus, ipse orauit. Vt offendentibus nos igno-
 scamus, ipse ignouit. Vt moriamur, ipse mor-
 tuus est. Vt alter alterum diligamus, ipse nos
 dilexit. Breuiter, tamquam fidelissimus medi-
 cus nullam nobis potionem propinat, nul-
 lumque remedium porrigit, cuius periculũ
 non ipse in se fecerit, ac vim ipsa experientia
 cognorit. Non ligno, non lapidi, non plantæ,
 non ferro sanctissimam suã legem Christus
 comparat, sed iugo. Illa enim ab vno omnia
 ferri possunt: at sub iugum, vnde etiam di-
 ctum est, duo iunguntur. nec hoc mysterio
 caret, Inde enim discimus, quamprimum ho-
 mo ceruices suas Christi iugo submittit, ad
 id tollendum, ex altera parte Christum adesse
 ad leuandum. Nemo enim Christum inuo-
 cat cui non ipse respondeat: nemo eius se pa-
 trocinio committit quem non tueatur: ne-
 mo quidquam ab ipso petit cui non aliquid
 largiatur: nemo ipsi seruit cui non merce-
 dem liberaliter soluat. Iugum Christi non
 vulnerat, sed sanat; non pœnam, sed veni-
 am habet annexam; non accusat, sed excu-
 sat; non defatigat, sed recreat; non onerat,
 sed

Christus in iugo perse- rendo sociũ se nobis addit.

sed leuat: & quod omnium maximum est, à Christo iplo communi quasi opera nobiscum supportatur, O telu, spes & solatium animæ meæ! Quis te ducem non sequatur? Quis te comite quamcumque viam non ingrediatur? Quis tuis auspicijs militans victoriam non certò sibi promittat? Quis te socia iugum non lubenter suscipiat, & alacriter ferat? O suauem legem! ó felix iugum! ó bene collocatum laborem! Tu enim, ó Deus, nūquam nos auxilio & societate quasi tua nos destitutum, sanctissime promisisti. Qui in hortum Gethsemani egressus est ad recipiendos inimicos qui ad capiendū eum venerant, quomodo amicos suos non recipiat, qui ad seruiendum ei se adiungunt? Mundus quidem ijs quos sub iugo suo habet, omnia in pondere & mensura largitur: at Deus in eos qui ipsi seruiunt, omnia bona cumulatissime effundit. Verissime ergo Christus dicit, iugum suum suauē esse, & onus leue: quum mundus ne facta quidem, at Deus etiam cogitationes bonas remuneretur. No-uit quidem ille naturā nos imbecilles, flaccidos ac secordes esse; neque tamen quales simus, sed quales esse studeamus, attendit. Iudæis Moyses, Atheniensibus Solon, Phoroneus Ægyptijs (vel potius Argiuis) Romanis Numa Pompilius leges dederunt: sed quemadmodum istæ ab hominibus fuerunt protectæ, ita cum hominibus sunt extinctæ.

At di-

*Mundus sibi
seruientibus parce
Chr:stus liberaliter
mercedem
soluit.*

*Humanarū
legum ab
surditas
innotat.
p. 1. 4.*

*Lex diuina
aspera ma-
lis, dulcis
bonis.*

At diuina hæc lex quia Deum habet aucto-
rem, tam diu durabit quam Deus ipse. An
perfectam dicemus legem Mosaicam, in
qua diuortium & usura permissa erant? An
Lycurgi? quæ ad furtum adolescentes in-
struxit. An Solonis? quæ adulterijs nullam
poenam statuit. Quid tu Lydorum legibus
tribuendum existimas, apud quos virgines
pudoris sui prostitutione dotem sibi colli-
gebant? Quis Balarium consuetudinem lau-
dandam putet? qui sponfas proximioribus a-
micis & cognatis de virginandas præbebant.
Non hominum istæ leges, sed bestiarum
sunt instituta, vt quæ ad turpissima flagitia
fenestram aperiunt; quæ ab eo qui iugum v-
nà cum Christo ducit, quam longissime ab-
esse debent. Quod si quispiam his contami-
natus & immerfus sit, is nomine quidem
Christianæ ciuitatis ciuis, re ipsa vero infer-
nalis regni mancipium censendus est. Tam
pura tamque perfecta Christi lex est, vt ad
nullum omnino peccatum conuiueat, & om-
nes virtutes requirat. *Lex enim Domini*, vt regi-
us Psaltes ait, *immaculata est*. Quod Iudæi, Ara-
bes, ac ceteri gentiles legem Christi aut con-
temnunt, aut de eius rigiditate conquerun-
tur, in eo sane præter omnem rationem faci-
unt, & grauissime peccant. Neque enim vl-
lus in ea defectus est, sed in nobis tantum,
qui legis præcepta male obseruamus. Ijs qui
pietati & virtutibus student, lex Christi gra-
uis

uis non est. Iugum enim Domini non eorum
ceruicibus aptum est; qui suas cupiditates se-
quuntur, sed qui secundum rectam rationem
viunt, & quæ recta sunt faciunt. Quomodo
denique Christi iugum non suaue, & onus
eius non leue sit; quum etiam ea ad quæ vltro
præstanda obligati sumus, nobis imputet, &
benigne remuneretui? Hæc fere sunt quæ in
verborum istorum explicatione coram Im-
peratore differui: quibus plura iam non ad-
do, &c. Madrici x. Quintilis M D X X V I.

Ad

I O A N N E M D E
P A L A M O S

E P I S T O L A:

*In qua historia equi Seiani & auri Tolosatis
explicatur.*



Itteras tuas, Nobilissime, acce-
pi, quibus diuturnum meum si-
lentium & intermissum scribē-
di officium grauitè accusas.
Sed profecto, nisi valde iniquus
esse velis, facile me negocia à Cæsare mihi
demandata excusabunt: quæ tot tantaque fu-
erunt, vt ad precum, quas horas vocant, quo-
tidia-

tidiantum pensum reddendum nihil temporis reliquerint. Imperator enim postquam acceperat, inter Segorbię Ducem & Vallis-Paradisiacę Monachos dissidium de agrorum limitibuseffe ortum, mihi mandavit ut statim eò proficiscerer, & litem pro viribus componere studerem. Quod ego negociũ ut libenter suscepi, ita non sine maximis laboribus confeci. Totis illis quadraginta diebus quibus ibi desedi, nullam omnino ad populũ concionem habui, nullum librum in manus sumsi, sed totos dies atq; noctes etiã vel inspiciẽdis priuilegijs, vel agrorũ obeundis limitibus, vel audiẽdis partiũ querelis fui occupatus: tãtonihilominus tardius omnia procedebant, quantò maiores erant partis vtriusque vires, & animi exulceratiores. Quę quidem causa fuit cur hætenus neque ad litteras tuas responderim, neque quod Valentię promiseram, implẽrim. Id tale est. Inter Borbonij Principis quum is per Valentiam iter faceret, supellectilia aulæum quoddam vidimus, cui equi intexta erat figura, & ante pedes eius quinque Equites prostrati atque interfecti: cum inscriptione, EQVVS SEIANVS. Pieturã hanc ut tum omnes magna cum admiratione contemplati, ita varie interpretati sunt. Quidam Iosux, alij Iudæ Machabæi, nõnulli Hectoris, alij Alexandri Magni nescio quas historias eo repræsentari aiebant: non nemo etiam Ruysium Diaz, alijs denique aliud comminiscabatur. Sed inprimis delici-

*Stulti de
rebus sibi in
cognitis temere pro-
nunciant.*

delicias faciebat Eques nescio quis, qui equū illum Don Martini de Valentia, & quinque illos Equites quinque Maurorum reges vno die ab illo occisos esse memorabat: Seianum vero equum illum dici aiebat, quod Segorbianus fuisset. neq; simpliciter hoc affirmare contētus, hanc suam interpretationem veram esse deierabat, adeo, vt non è profanis scriptoribus historiam aliquam dubiam querere, sed certissimam è sacris libris recensere videretur. Fateor me vix tum risum tenuisse: quia tamen Eques ille ortu generosus, facultatibus prædiues, ætate pæne canus, mendacijs tamen infamis erat, quāvis historiam probe nossem, silere malui quam miserum illū omnibus deridendum propinare, aut ad irā concitare. Neque enim tam verba stultorum & vaniloquorum senum pensiculanda, quam canos venerandos, Philosophi monēt. Sed vt promisso me exsoluā, & qualis ille equus Seianus fuerit ostendā, age A. Gelliū differētem audiamus. Is III. libr. Noct. Attic. sic scribit.

*Capitis re-
nerentia
cani.*

Caius Bassus in cōmentarijs suis, item Iulius Modestus in secundo quæstionū cōfusarum historiā de equo Seiano tradūt, dignam memoria atque admiratione. Cneum Seium quēpiam scribunt fuisse, eumque habuisse equū natū Argis in terra Græcia, de quo fama constās esset, tāquā de genere equorū progenitus foret, qui Diomedis Thracis fuisset, quos Hercules, Dioniede occiso è Thraciæ Argos produxit.

duxisset. Eum equum fuisse dicunt magnitudine inusitata, ceruice ardua, colore phœniceo, flaua & comanti iuba: omnibusque alijs equorum laudibus quoque longe præstitisse, sed eundem equum tali fuisse fato siue fortuna ferunt: vt quisquis haberet eum possideretque, is cum omni domo, familia, fortunisque omnibus suis ad internecionem deperiret. Itaque primum illum Cneum Seium dominum eius, à Marco Antonio, qui postea Triumuir Reipublicæ constituendæ fuit, capitis damnatum, miserando supplicio affectum esse. Eodem tempore Corn. Dolabellâ Consulem in Syriam proficiscentem, fama istius equi adductum Argos diuertisse, cupidineque habendi eius exarsisse, emisseque eum HS. centum millibus: at ipsum quoque Dolabellam in Syria bello ciuili obsessum, atque interfectum esse. Mox eundem equum, qui Dolabellæ fuerat, C. Cassium qui Dolabellam obsederat, adduxisse: Quem Cassium postea satis notum est, victis Parthis fusoque exercitu suo, miseram mortem oppetisse. Deinde Antonium, post interitum Cassij, parta victoria, equum illum nobilem Cassij requisisse: & cum eo potitus esset, ipsum quoque postea victum, atque desertum, detestabili exitio interiisse. Hinc prouerbiū de hominibus calamitoso ortum, dicique solitum: ille homo habet equum Seianum. Eadem sententia est illius

ius quoque veteris prouerbij, quod ita dictū accepimus: Aurum Tolosanum. Nam cum oppidum Tolosanum in terra Gallia; Q. Cæpio Consul diripuisset, multumque auri in eius oppidi templis fuisset: quisquis ex ea direptione aurum attigit, misero cruciabilique exitu periit. Hunc equum C. Bassus uidisse se Argis refert, haud credibili pulchritudine, vigoreque & colore exuberantissimo.

Et hæc quidem Gellius: quibus similia apud alios auctores legere est.

Athenis quidem domum fuisse in qua nati omnes à mente inopes; itemque aliam in qua nati omnes stupidi fuerint, Laertiū auctor est: eoque vtramque domum ex Senatusconsulto non desertam modo; sed & destructam fuisse. Similiter testatur Herodianus, Romæ in campo Martio ædes fuisse quarum domini omnes subitanea morte extincti sint: eamque ob causam Imperatoris Aureliani iussu eas non modo funditus euersas, sed & omnem earum materiam flammis absumtam. Solon Ægyptijs vetasse dicitur, ne defunctorum res alijs diuenderentur, sed inter cognatos distribuerentur: addens, æquum esse ut vnà cum rebus defuncti fortuna hæredes sequatur: Neronis & Caligulæ, non hominum sed monstrorum, supellectilem atque utensilia nemō bonorum vel attingere sustinebat, sa.

Ardes contagiosa.

Scelera quam odio

adeo vt etiam preciosissima quibus illi vſi fuerant, in cloacas abiecta & tamquam luce indigna, defossa ſint. Et hæc quidem exempla non eum quidem in finem hoc loco à me adducuntur, vt ſuperſtitioſis eiufmodi perſuaſionibus fidem habeas, ſed vt intelligas eſſe in hoc mundo quum alias res, tum homines etiam tam infelicis conditionis, vt velut contagione quadam etiam alijs noceant & infelicitatem ſuam affricent. Vale.

Ad

P E T R V M A C V -
N A M

E P I S T O L A.

*In qua ſaluberrima noui adminiſtrandi imperij
præcepta traduntur.*



Onſaluus Vrenna tuus beneficia-
rius litteras mihi tuas reddidit,
quibus mecum expoſtulas quod
toto iam anno nec vnumquam te in-
viſerim, nec toto ſemeltre vel breui epiſto-
lio ſalutarim. At ſi tu meas occupationes
ſcias, non ſane credo miraberis ab amicorū
viſitatione me abſtinere; ſi naturā & mores,
facile etiam hoc officium amicis me cōdo-
nare

hæc existimabis: nō quod visitari, sed quod
 quietem mihi interturbari ægre feram. Veri-
 rissime Plato ait, Amicos fures esse tempo-
 ris. Sunt enim amici quidā in visitando tam
 importuni, & in cōfabulando tam prolixi,
 vt temporis ab ipsis nobis surrepti quam pe-
 cuniæ à furibus ablatae maior iactura cēsen-
 da sit. Quid tibi ego aulicorum nostrorum
 mores commemorem? qui dum ad nos ve-
 niunt, iam hora abit dum primæ salutatio-
 nis cerimonias peragunt: inde in sellam se
 componentes, aut in parietem reclinantes,
 nō consilium aut remedium ad expurga-
 tionem conscientię aut animę salutem que-
 runt, sed magno conatu fabulas & inanissi-
 mas nugas deblaterant; hæc scilicet: Regem
 diplomata dare nō subscribere; quæstores
 in ærarium omnia cogere, & inde nemini
 soluere; Episcopos ab ecclesijs abesse, redi-
 tibus tamen vtifruī; iudices munera accipe-
 re, causas tamen suspensas relinquere; Offi-
 ciarios omnes tamquam mulos mutuum
 scabere; Nobiles tempus ludendo perdere;
 mulieres pudoris obliuisci: quibus, & si qua
 alia magis putida sunt, mirum est quanto-
 pere tam aures quam animi doctorum &
 cordatorū hominum offendantur. Vt enim
 grata istiusmodi & iucūda sint, necesse est vt
 qui ea profert, malus; qui audit, malignus
 sit. Santilię Marchio dicere solebat; linguas
 malas & aures stultas facere vt calumnijs

*Calumni-
 tur & qui
 aures præ-
 bes.*

quidam & magis delectentur. Hac in aula tantus est vagabundorum, ociosorum, nugonum, balatronum, nihili denique hominum numerus, ut si fullo noster Laurentius Temporalis lanam suam tam probe carminet ac pannos depectat quam illi aliorum mores & vitam attondere & perstringere sciunt, næ breui pluris villus Segouienfis quam Florentina purpura futurus sit. Quæ nullius ad infamiam, sed eò tantum à me dicuntur, ut negligentiam, cuius à te insimulor, quodammodo excusem, meosque tibi mores indicem, non nisi ex occasione ad amicos itantis aut scribentis; qua & iam utar.

Primo ergo de Bundiæ Comitatu & Duenna oppido tibi adiudicatis, ex animo gratulor, optoque ut ea restibi ac subditis feliciter eueniat: inprimis vero ut liberos extenatos videamus quibus ista olim relinquantur. Graue enim est alienos suarum fortunarum & dignitatum cernere heredes. Quod rogas ut tam pro tua valetudine quam felici Reipublicæ administratione ad Deum preces fundam: equidem video cum Duennatibus ac reliquis subditis tuis male actum iri, si nulla alia res quam vota ac preces meæ apud Deum maius pondus sit habitura. Quum enim homo sim naturâ, professione religiosus, conditione aulicus, & ubique in tam lubrico ad peccandum loco pos-

*Pretator
sibi quisque
optimus.*

positus: facile intelligis vix me sufficere ad deprecandum mea peccata, nedum aliena. Non nego: magnam vim apud Deum habet iusti oratio; sed plus apud Deum potest peccatoris emendatio. Parum enim ad salutem illud proficiet, si vnus precari, alter peccare non cesset.

Vt vero imperium recte ac salubriter administres, primum tibi impera. Quomodo enim alios regat qui seipsum regere non potest? Fit enim plerumque vt domino-
*Qualis do-
minus tales
domestici,*
 rum mores subditi imitentur. Si Princeps comis sit, si castus, sobrius, patiens, modestus, pius, statim omnes subditi mores quā similimos exprimere studebunt, aut ad minimum, contrarios celabunt. Et sane magna laude dignus paterfamilias fuerit, in cuius domo nemini aperte improbo esse licet. Vbi vero dominus avarus, superbus, mendax, aleator, ganeo aut Venerius nepotulus fuerit, quis postulare audebit vt familiares & domestici alijs sint moribus? siquidem fecerint quod herum vident quotidie facientem. Verba domitorum terrent; at opera mouent, & exempla impellunt. Quam in sententiam diuine Claudianus:

*In commune iubes si quid, censesq; tenendum,
 Primus iussa subi. Tunc obseruantior equi
 Fit populus, nec ferre negat, quū viderit ipse*

*Auctorem parere sibi. Componitur orbis
Regis ad exemplum Nec sic inflectere sensu
Humanos edicta valent, vt vita regentis.
Mobile mutatur semper cum Principe vulgus.*

Quid exemplis opus est? illi ipsi Comitatus tui subditi non ad verba quæ audierant, sed ad opera quæ viderant vitam ac mores suos cōformare solebant. Quod Abbas in monachos, Prior in fratres, idem habet Nobilis quisque in domesticos & subditos suos imperium. O miserandum spectaculum, si mater filium, quem bene vestitum ac moratum ad aulam miserat, vix anno completo eundem videat non vestibus modo, sed moribus etiam scædum in modum corruptis reducem! Atqui satius fuerat ad caulam potius quam ad aulam talem mitti: immo efferri. Sit ergo hoc primum præceptum, vt vitam tuam ita instituas, ac familiam ita regas, vt exteri habeant quod laudent, domestici quod imitentur.

Principem tam erga Deum quam homines gratum esse debere.

ANte omnia vero, vt porro quoque tibi felicitior omnia succedant, necesse est vt innumera Dei in te beneficia, tum imprimis hoc ipsum, quod fratre cum vxore sine liberis extincto, exheredata consobrina, & cognato Admirante iudicium senten-

sententia victo, tam fortunas quam digni-
tatem tuam tam luculenta accessione au-
xit, assidua mente voluas ac reuoluas, pro
que ijs indefinenter gratias quamhumili-
me agas. Omnia quidem peccata ante Dei
conspēctum grauiā sunt & scēda, sed nul-
lum grauius aut scēdius quam ingratitudo.
quæ, vt ventus vrens, Dei liberalitatē exsic-
cat. Neque enim quidquam ex ijs quæ ha-
bemus Deus sibi deposcit, sed hoc tātum vt
de ijs quæ nobis largitur, grati simus. Ha-
be ergo Deo gratiam, qui te creauit, qui te
redemit, qui te ad hunc statum euexit,
in quo nisi me ratio fallit, & Deo liberali-
us seruire, & honoratius viuere possis. Et
quamuis multis periculis, laboribus & im-
pensis Comitatus hic tibi constiterit; caue
tamen putes eum tuæ potius diligentiae
quam diuinę gratię acceptum referendum;
sed, si sapis, purum putum hoc, quantum
quantum est, Dei beneficium agnosce. Ta-
lia enim desiderare quidem & petere à Deo
possumus, at promereri nequimus. Quo-
modo vero vñquam diuinę in te libera-
litis obliuisci possis? qui è laboribus ad
quietem, è paupertate ad diuitias te trans-
tulit, & è priuata fortuna extractum in
clarissima publicę dignitatis luce collo-
cauit: vt qui antehac alios obseruare,
prenſare, rogare solitus es, iam ista alios
tibi facientes videas; iam non seruias,

*Gratitudo
quam Deo
grata.*

*Beneficia
Dei gratia
sa.*

*Graue est
viris mag-
nis, petere.*

sed imperes, non petas, sed annuas; non iam Don Petrus, sed Bundiæ Comes audias. ac propterea duplici nomine Deo gratias debes, & quod molestijs istis te liberauit, & his cōmodis auxit. Multum Deo, mea quidem sententia, debent, quibus ex eius liberalitate tantum est vt nihil ab alijs petere cogantur: at multo plus illi, qui habent vnde alijs etiam largiantur. Verecundæ enim fronti & animo excelso nihil grauius accidere potest, quam alienas fores, opis petendæ causa pulsare. Pompeius medicis consulentibus vt recuperandę sanitati, turdis è Luculli corte petitis, velsceretur, Ergo, inquit, nisi Lucullus delicijs indulgeret, ego viuere non possem? Tantivir magnus etiam valetudinem suam ac vitam non fecit, vt illam alterius liberalitati acceptam ferre vellet. Quum ergo Dei benignitate tantum tibi contigerit vt ad aliorum opes aspiciere nihil necesse habeas: par sane est, vt quemadmodum tibi antehac alij, ita nunc tu alijs succurras, & quā potes, opituleris. neque enim donorum suorum dominos, sed dispensatores tantum nos Deus constituit. Etiam si vero exiles Comitatus tui, aliorum respectu, sint redditus: benefaciendi tamen materia numquam deerit. Cui, cumque enim magnati, modo familiam suam bene regat, expēsa cum acceptis comparet, & in omni re mediocritatem seruet,

erit

erit unde viuat, erit etiam quod ad futuras necessitates condat, immo supererit quod alijs largiatur. Mihi quidem non ij qui multa possident, sed qui multa dant, pro magnatibus habendi videntur. Agricola- rum est arare, clericorum orare, mona- chorum contemplari, artificum operari, mercatorum negociari, auarorum corra- dere, mendicorum petere; sed Principum, dare: qui illo ipso momento quo opes congerere incipiunt, famam & exultatio- nem suam sub hastam dant, & præconio subijciunt. Magnatibus nihil magis conue- nit, quam fratres fraterno amore & bene- uolentia complecti, cognatos obseruantia, amicos auxilio demereri, eorum denique negocijs ita fauere, & necessitatibus succur- rere, vt porta omnibus pateat, & arca ne- mini clausa sit. Verum quidem est esse in horum numero nonnullos in adeundo tam importunos, in sermonibus tam molestos, in petendo tam inuerecundos, vix vt quis- quam tam patiens sit qui eos ferre possit. At contra hos optimum remedium fuerit, iuuare eos quamprimum, & à nobis segre- gare. Veteres tam patris quam fratris mini- stros, & in vniuersum familiæ vestræ ad- dictos, & magnitudini fauentes, non benigno tantum vultu excipe, sed verbis etiam ac spe solare, multo magis vero, si commo- dum sit, præsentī aliquo beneficio iuua: ne

Non accipe
re, sed dare
generosum
est.

Emeritis
referenda
gratia.

*Lachryme
pauperum
acerrime in
iniuriarum
vltices.*

si desertos eos patiaris, vulgi indignationem & voculas incurras. Pensiones similiter ijsdem aut eorū viduis à prædecessoribus tuis assignatas, caue eis subtrahas aut imminuas. Parum namque te quod illis subtraxeris, iuuabit; & ad extremam inde inopiam illi redacti, non iam pro salute tua vota facient, sed diris omnibus te deuoueant, ac ultionem à Deo tibi impetrabunt. Neque vero puta minus periculosum esse pauperem quam diuitem iniuria afficere. nam hic armis, ille lachrymis se vlticisci potest, quæ ad Deum numquam frustra funduntur. Inuenies etiam in hoc tuo Comitatu ab ijsdem relictos orphanos, tam pueros quam puellas, summa egestate pressos. Utrosque ali tu atque honeste educari curabis, & illorum salutem promouendam, & harum pudicitiam conseruandam quibus potes rationibus consules. Nulla enim Deo acceptior elemosyna est, quam puellam perditionis viæ iam iam insistentem retrahere, & idoneis contra tentationes remedijs instruere. Et quemadmodum execrabilis est qui alios ad peccatum ducit & impellit, ita laude est dignissimus qui alios à peccato cohibet & præmunit. Vt rienim maior gratia debetur? eîne qui lapsum te erigit, an ei qui ne cadas prouidet? Sunt quoque inter subditos tuos, qui partiū studio abrepti, animi parū beneuoli indicia dedisse, nec semper bonam operam

operam præstitisse dicuntur. Hac de re quid quædeit, censeo magno animo contēnas, ac nō modo vindicta, sed ne inquisitione qui dē dignum existimes. Ad excelsum enim animū inferiorū iniuriæ non pertingūt. Subditorum iniurias dissimulabis potius quam vindicabis, ne vno hydræ amputato capite, mox plura subnascātur, & remedium in venenum vertat. Domino quidem punire subditum licet; iniuriā suam vlcisci non licet. Et si enim subditus non habeat quo se cōtra dominum defendat, quæret tamen quo eum offendat; nec dubitabit populū ad seditionē concitare, & domini honorē infamare. Vis vlcisci eos qui tibi aduersati sunt? Remunerare bene de te meritos. Sic enim hos officij non pœnitebit; illos vel stultitiæ suæ pudebit, vel malitiæ pigebit. Denique magis memor sis eius quod iam tibi præstat seruitij, quā quæ olim tibi facta est, iniuriæ. Domestitorū nemini ob quæcumq; obsequia nimis familiarē te præbeas. Qui enim liberis hominibus tā dictis quā factis maxime blādiūtur, non seruiunt, sed seruitutē intentāt.

*Optimum
remedium
iniuriarum
obliuisci.*

*Nihil ef-
ficias nimis
fodalem.*

Principis esse iustitiam administrare.

AD imperium recte & pie administrandum, necessarium omnino est vt viros bonos, prudentes & expertos circa te habeas. Nemo enim mortaliū tantum sapit, vt aliorum consilio non indi-

*De schola
homines ad
gubernatio-
nem inepti.*

indigeat. Eligendos dixi non litteratos, sed prudentes viros: illis enim caussarum discussio, his Reipublicæ administratio committenda est. Testatur namque experientia, quantum homo naturæ dotibus sollers & ciuili prudentia instructus ei præstet, qui nulla re nisi multorum librorum lectione commendatur. Quod si quem nanciscaris bene à natura, melius etiam à doctrina instructum, eum ego tibi quauis mercede conducendum, neque facile dimittendum suadeo. Doctrinam enim iudicandi; prudentia siue naturæ sollertia, gubernandi peritiam adfert: quæ duo multi expetunt, pauci utrumque consequuntur. Caue illos subditis tuis iuri dicundo præficias, quorum scientia omnis in linguæ volubilitate consistit, quales plerique sunt de schola recentes, qui cerebrum quod dicitur in calcaneis gestant. Ab his enim nihil aliud quam priuatorum expilationem, & Reipublicæ perturbationem expectabis. Qui è collegiorum & Academiæ umbris in lucem repente prosiliunt, quum ea tantum quæ in libris leguntur, non quæ oculis videntur, quæque à scientiæ opinione dictantur, non quæ ipsa experientia cognoscuntur, sapiant, eos ego litibus potius agendis quam Reipublicæ administrandæ admouendos iudico. Ut enim ad hoc aptifiant, accurate prius desæcari eos & quasi despumari o-

por-

portet. Gubernandi ars, mihi crede, non in Academicarum umbra & spacijs, sed in luce Reipublicæ discitur, doctrina munitur, atque experientia augetur. Ait Plato in libris de Republica : *Consilium peritorum ex apertis obscura, ex parvis magna, ex proximis remota, ex partibus tota astat.* Ex quibus verbis colligitur, de scientia progressum fieri ad experientiam; eaque quæ in scholis didicimus, melius ab usu, optimo artifice, quam ullis magistris explicari: quo sane nihil verius dici potest. Videmus enim ab inexpertis pro facilimis haberi, quæ agendo difficilima comperiuntur. Præclare, meo iudicio, cū ijs agitur, quibus à duce superbo, temerario nauclero, litteratore inepto, imperito medico, ac iudice improbo, salua re & vita discedere licet. Proprium est superbi ducis ut prælio intempestive cōmisso, cladem sibi & alijs pariat: naucleri temerarij, ut nauim frangat: indocti Iurisconsulti, ut causa cadat: imperiti medici, ut ægros ante tempus ad Orcum demittat: improbi iudicis, ut miserorum fortunas expilet, vel etiam Rempublicam depeculetur. Ne ergo in personis ad tam graue munus eligendis aberres, paucis describam qualis iudex esse debeat, nimirum, vita & moribus honestus, amans iustitiæ, patiens iniuriarum, in sermone prudens, in mandando æquus, in iudicando iustus, in exsequendo moderatus.

Magistratus seu Iudices quales esse debeant.

ratus. Caue huic officio præficias iuvenes
 inexpertos, temerarios, superbos, crudeles.
 Tales enim nihil pensi habent omne cru-
 delitatis genus perpetrare, ac nulla habita
 publicæ vtilitatis ratione sūſque deque o-
 mnia miſcere, vt alijs viri videantur: ex quo
 ſequitur, vt iudex puniens grauius Rem-
 publicam lædat quam reus delinquens; & il-
 lius quam huius peccato difficilius ſit reme-
 dium inuenire. Memini quum Areualieſſe
 ſem, huius farinæ Iudicem à me reprehendi-
 ſum, quod nimium in ſubditos crudelis eſ-
 ſet. Tum ille, Valde erras, inquit, Pater
 Gardiane, ſi exiſtimas Regem hoc mu-
 nus alijs demandatum velle, quam ijs qui
 patibula ſuſpendifis implere norint. Tu
 quidem, ſubiungens, de rebus diuinis con-
 ciones habendo, ego homines cruci ſuffi-
 gendo victum quæro: Et per B. Virginem
 quæ Guadalupæ colitur, iuro tibi, magis
 præclarum mihi & magnificum videri, vel
 vnā facinoroſi manum aut pedem car-
 nificis manu patibulo ſuspendere; quam
 Ventofillæ eſſe toparcham. Ego audito
 Ventofillæ nomine, Recte, inquam, di-
 cis, optime Iudex. Mihi quidem virtutes
 tuas conſideranti, non Ventofillæ (ea enim
 te non capit) ſed Ventofæ dominio dignus
 videris.

Nota allu-
 ſionem.

Sed, vt in orbitam redeamus, non abs-
 re fuerit hoc loco indicare, qui apud nos
 (Hiſpa-

(Hispanos) Corregidores siue Correctores nominantur, Romanis olim Censores appellatos. Ad hoc munus nemo eligebatur nisi qui quadraginta annos esset natus, quique uxorem & familiam haberet, cuius de virtutibus magna esset omnium exultatio. qui mediocriter dives, & ab omni auaritiæ labe esset immunis, qui denique cetera Reipublicæ munera cum laude administrasset. Munere hoc functi sunt etiâ mutata Republica in Principatum, C. Julius Cæsar, Octavianus Augustus, Titus Vespasianus, Nerua Cocceius, Traianus iustus, Antoninus Pius, ac M. Aurelius: adeo ut ne summo quidem fastigio indignum officium hoc haberetur. Sed hoc nihil mirum ijs temporibus, quum non officia personis, sed personæ officijs quærentur. Non dubito tam hoc quam similia munera complures aut tibi aut alijs à te petituros: sed caue cuiquâ facile quid annuas aut promittas. Pecuniam tuam aliaque eiusmodi ei cui velis dare tibi licet: at iustitiæ exercendæ munus non nisi dignis & ad id aptis concedere oportet. Allegabunt, sat scio, nonnulli sua merita, & compensationis loco tale quid petent. Sed neque horum, si me audis, ac multo minus quam aliorum habebis rationem. Quanto enim maior illorum erit ad populum auctoritas, ut quos

Censorum munus.

Meritorum conscientia impune peccandi affert fiduciam.

Querimo-
nis quomo-
do occurren-
dam.

quis ob merita percharos tibi esse non ignorant; tanto magis audacter quidvis illi facere, nec iniuria oppressi, vilam ad te querimoniam adferre audebunt. Quere- lam ad te adferentibus faciles da aditus & aures, omnia tamen diligenter excute. Quod si iniuriam eis factam deprehenderis, ius illis contra iudicem reddeat si absque iusta causa conqueri videbuntur, causam omnem eis explica, & quod a iudice factum est, iure factum pronuncia. Vulgus enim quidquid a Principe pronuntiatur; tanquam Evangelio fidem habet; at iudicium siue praefectorum dicta & facta suspecta habet: Si iudicibus & praefectis turpe est subditos siue per vim siue per fraudem expilare; multo turpius tibi erit miserorum damnis fiscum augere. Mihi certe fas non videtur, ut quod publicae iustitiae nomine exigitur, camerae tuae inferatur. Atrocibus delictis non multas pecuniarias, sed capitispœnam aut aliam, pro delicti modo; impone. Quomodo enim boni securi esse possint in illa Republica, in qua homicidae gladium in se districtum, fures laqueum, latrones rotam, alij alia sibi supplicia parata non vident? Sunt homines tam mali, tam audaces & scelerati; ut spe redimendae pecuniae vitae proposita, etiam per ludibrium & quasi animi causa nullum non scelus designaturi sint. Quapropter illud ante omnia

Atrocibus
delictis
atroces po-
nae.

nia operam dabis, vt tribunalia tua præsidio
sint bonis, ac malis terrori.

Ad cætera officia quod attinet, curabis
sedulo vt qui litibus dijudicandis sunt pro-
positi, caste in ijs ac integre versentur, ma-
gisque seduli sint in expediendo, quam rigi-
di in eo quod deberi sibi putant exigendo.
Nam sæpe sæpius fit vt iudex oculos magis
afferentium manibus quam aures partium
querelis intentas habeat, & non tam æquita-
tem causæ, quam muneris ponderet graui-
tatem. Iudicibus impera, vt cito & iuste
lites expediant. Valde enim absurdum est,
quum homines mortales sint, lites esse im-
mortales: & iniquum sane est vt inferior
discedat is qui non ab æquitate causæ, sed
à pecunia deseritur. Scribis, tabellionibus,
apparitoribus & ceteris magistratuum mi-
nistris seuere iniunge, vt adeuntes non mo-
do iniuriose non repellant, sed humaniter
tam minimos quam maximos admittant.
Multi enim repulsam aut asperius verbum
iniquiore animo ferunt quam longam iu-
dicii moram. Id vero tanto diligentius cu-
rare debes; quod illo hominum genere ni-
hil est ambitiosius, nihil superbius: vt sæpe
scribâ aliquis triobolaris cum pennula sua
magis se se circumspiciat, magisque metui-
endus videri velit, quam Rolandus cum
suo gladio, aut Hercules cum sua claua. Si-
militer provide ne magistratus ac iudices

*Cito, iuste
ferenda
sententia.*

*Notate
Clerici,*

M

passim

passim se se humilibus obsequijs & officijs, vè frequenti visitatione, inuitatione, deductione, demerendos prostituunt. Arcta enim iudicis cum alterutra partium amicitia & familiaritas fieri non potest quin in præiudicium alterius vergat. neque ob virtutis opinionem, sed potentiæ metum aut spem fauoris iudices vulgo coluntur. Dissensiones & odia magistratuum inter se in ipso statim ortu extingue: quum ex ijs priuatorum factiones, ac magna inde Reipublicæ pericula nascantur. Summa horum præceptorū hæc sit: si iustitiam tuis administrari velis, eius amantissimum in omnibus te ostende, nec vllum ob respectum vel latum ab ea vnguem deflece. Vbi enim dominus iustus est, minister iniustus esse non audebit.

Affabilitatem & comitatem Principibus maxime conuenire.

AD feliciter administrandam Rempūblicam nō parum quoque refert qualem te priuatim erga subditos ostendas. illud omnino persuasum habe, ad imperij diuturnitatem nihil firmitus esse quam à subditis amari. In eo tyrannus à bono Principe differt, quod hic amari vult, ille vero vulgatum illud vsurpat, Oderint, dum metuant. ille omnia sua studia ad Reipublicæ salu-

salutem confert, hic omnia sua vtilitate & voluptate metitur, adeoque omnia subditorum pro suis habet & vtitur. Atqui sapiens Princeps mauult à subditis se amari, quam metui; nec dubitat qui cor sibi tradere non dubitârint, nec facultates negaturos.

Vetus ille legislator Lycurgus inter alia instituta hoc quoque sanxit, vt nemo iuuenum permetteret lenem stantem aut apertò capite secum loqui. Quod edò dico, ne quidquam auctoritati tuæ & magnitudini decedere existimes, si hunc caput tegere, illum considerare iubeas. Tanta populi Romani atque aliorum erga Titum Imperatorem fuit beneuolentia; vt humani generis delicias eum appellârint: quam ille non alia ratione sibi conciliauit, quam quod senes patrum, iuuenes sodalium, alienos amicorum, suos fratrum nomine dignaretur. Comis & mansuetus Princeps ab alienis seu extraneis amatur, & à suis colitur. Honor enim non tam ad ipsum honoratum quam honorantem redundat. Vehementer, fateor, mihi displicent quorundam nostrorum magnatum mores, qui senem aliquem è vulgo vel totam horam apertò capite ante se stare pulchrum & magnitudini, scilicet, suæ valde conueniens putant; quin iniuriam sibi fieri ducunt, si non tertio quoque verbo, Clementiæ,

*Comitas
amorem,
superbia
disum parit.*

*Magnitudo
Principis in
quo posita.*

Illustritatis, Dominationis, & alijs sæpe supra fortunam & conditionem titulis adspersantur. Tu vero memineris velim, Principis aut cuiuscumque domini magnitudinem in eo non esse positam, ut ab subditis in genua prouolutis, aut pileum assidue manutinentibus tamquam idola quædam adorentur, sed potius ut ab iisdem ob summam iustitiæ & ceterarum virtutum admirationem amentur simul & colantur. Memini olim quum in hominem quendam illustrem profapia, sed superbis moribus incidissem, audiremque illum omnes indifferenter sine vlla honoris præfatione, tamquam mancipia sua compellantem, me stolidæ huius arrogantia pertæsum, & rerum eius non ignarum, paulatim verba cõd flexisse, ut dicerem, Quod minus clementer à Deo & Regetrãctaretur, causam mihi videri quod & ipse homines parum comiter tractaret. Cuius ille dicti acrimoniam ita sensit, ut in sermone erga omnes comem se & urbanum postea præbuerit. Sed hoc loco diligens tibi adhibenda est cautio, ut statum & ætates singulorum qui negocij causa ad te veniunt, aut sermones tecum miscent, discernas. Aliter enim senex tractandus est, aliter iuuenis; aliter magnatum aut honoratiorum ciuium aliquis, aliter plebeius. Ætatis quidem eam habebis rationem, ut senes canis suis reuerentiam haberi

haberi gaudeant, iuvenes ætatem suam non
 contemni intelligant. Et quemadmodum
 omnes pro sua quisque conditione & ita
 tamquam subditi debita tibi præstare obte-
 quia ultro cupient; ita tamquam mancipia
 tractari nequaquam ferent. Vidimus & vi-
 demus multos subditos dominis suis rebel-
 lantes, non tam ob gratia tributa quam cō-
 tumeliosam tractationem. Cogita tecum
 subditis tuis, eundem Deum adorare, ei-
 dem Regi seruire, eandem fidem profiteri,
 eandem terram habitare, & iisdem mor-
 talitatis legibus subiectum esse; ac propterea
 æquum esse ut eos tamquam fratres al-
 loquaris, & tamquam Christianos tractes.
 Nihil æque fugiendum tibi esse moneo,
 quam ne contumelioso verbo vel cuius
 quam personam lædas, vel genus infames.
 Vix enim quisquam vel infimæ conditio-
 nis tam humilis est animi quin dictum con-
 tumeliosum grauius quam factum iniurio-
 sum aut ipsam pœnam ferat. Ac tanto ma-
 ius hic est periculum, quod hominis vnius
 iniuriam aut contumeliam omnes ex eadem
 gente aut conditione suam interpretantur:
 adeo ut ob vnum aliquod petulans dictum
 tota commoueatur & perturbetur Respu-
 blica. Meum ergo consilium est, ut eos qui
 deliquerint, verbis contumeliosis non
 proscindas, sed iudicibus puniendos tra-
 das. Si namque asperius aliquid in reum

*Vel infimæ
 contumelia
 est impasi-
 ens.*

*Viri corda-
 ti non est
 committari.*

dixeris, animi morbo; at si punire eundem iusseris, iustitiæ amore id tacere plerique te existimabunt. Iræ ita moderare ut neminem per cōuicium nebulonem, ludæum, fatuum, aut alio eiusmodi nomine appelles. ista enim nautarum sunt & stabulariorum: at Principis non minus quam virginis castam & ab omnibus sordibus puram decet esse orationem. Impotens certe & contumeliosa oratio indicium est animi male considerati & muliebris. Mulieris enim est, linguâ; at viri fortis, gladio se vlciſci. Lamiæ ex Demetrio quærenti cur tacitus ita sederet, nec hilarem se præberet? Tace, inquit ille, Lamia. Vestrum est garrere simul & nere: at virorum, tacere & pugnare.

Domesticis tuis, pueris, cursoribus, & cæteris ministris ut ipse ora diuerberes, tergum, ferula concidas, aut alapas infligas, aut præſente te id fieri permittas, indignum plane iudico. Magnatibus enim conuenit verbis delinquentes corripere; at castigandos ad aulæ præfectum ablegare. Id vero in loco tam secreto ac remoto fieri debet, ut neque à domino videri, neque ploratus audiri possint: ne nō tam ipsorum delictis offendi quā pœnis delectari videatur. Laudatur ab historicis Augusti Octauiani clementia dicam an prudentia, qui reorum suppliciū non modo spectare noluit, verum etiam quamdiu ipse Romæ esset, non passus est quemquā ad supplicium

*Ferula
Principis
manum non
deces.*

plicium duci; eoque tempore illo peregre proficiscebatur, E contra M. Aurelius reprehenditur, quod se præsente ac vidente ministros ac domesticos plagis concidi iusserit. nihil enim Principis tam proprium est quàm clemētia; eoque non modo à suppliciorum, sed etiam reorū aspectu subtrahere se debet.

A nugis etiam, ridiculis fabulis, mimis, & id genus histrionijs tam actionibus quam sermonibus abstine. Stultus enim homo & Nobilis ridiculus ac nimis facetus eodem loco habentur. Familiam ita affuefac, vt omnes tã dictis quam factis singularem modestiã præse ferant, non seditiones concitent, nullius fores effringant, nullius ædibus irrepāt, nullius vxorem corrumpant; nihil denique faciant quod imperare ipsis dominus non auderet. Nobiles pueri cura vt in diuinis præceptis bene instituantur, vt tertio quoque mense confiteantur & cōmunicent, vt in vigilijs alijsque statis diebus ieiunent, vt dies festos obseruēt, & singulis Dominicis Missæ officio intersint. Neque enim Deum propitium habebis, si tuos tibi diligentius quam Deo seruire sinas. Qui inter eos aleæ ceterisque id genus lusibus dediti fuerint, nō castiga tantum, sed elimina. vt enim sit de quo ludant, quidquid possunt, suffurari, aut alijs fraudibus vti non dubitabunt. Pueri cubicularij fac vt honesti sint, mundi, taciturni. Sordidi enim vestes, at loquaces famam

*Ne e ierme-
nes, scurri-
les ioci &c.*

*Deo primā
deinde sib*

tuam inquinabunt. Cubiculi præfectum curare iube, vt pueri munditiei student, omniaque munia decenter obeant. Caula enim potius quam aula, immo rus merum dicendum est, vbi dominus pudoris, ministri omnis disciplinæ & elegantiaæ expertes videntur. Si quem ministrorum habeas virtute, fide ac vitæ integritate præcipuum tibi que gratissimum, eitu familiæ atque etiam personæ tuæ custodiam tribue, & quo honeste sustentare se possit, salarium assigna: sic tamen vt seruire tibi, non imperare videatur. In Republica vero nemini vni tantam potestatem per mitte, vt vel imponere tibi, vel ab obedientia subtrahere se queat. Illud quoque cauebis, vt nouo hoc tuo Principatu non facile quidquam noui introducas. Nouationes enim quantopere auctoribus suis placent, tantopore ijs quibus ferendæ sunt displicent. Lactantius Firmianus scribit, diutius stetisse Sicyoniorum quam Lacedæmoniorum, Ægyptiorum, aut etiam Romanorum Rempublicam, eam præcipue ob causam, quod totis septingentis & quadraginta annis nullam nouam legem pertulerint, aut veterem abrogârint. Si qui ergo tibi suaserint, vt iudices aut ceteros magistratûs mutes, vt nouas leges feras, noua instituta sancias; illud diligenter cogita suasne illi an tuas utilitates in eo spectent. Apud Athenienses
lex

*Ne vni
omnia.*

*Mutatio
periculosa.*

lex fuit, ut nemo Senatorum ea in re sententiam rogaretur, quæ ad ipsius commodum aut incommodum pertineret. Et quidem lub primis his imperij tui auspicijs etiam atque etiã attende, quibus fidas, aut quos ad consiliũ adhibeas. Pauci enim sunt qui cõsilia sua ad priuatas non dirigant cupiditates. Auarus quidẽ ad lucrum; vindictæ cupidus, ad ultionem. Si quædã tam publice quam priuatim emendanda tibi videbuntur, non statim omnia vno & eodem momento aggredieris, sed paullatim modo hoc modo illud: nonnulla etiam si non probas, feres tamen. Nam quum pedetentim illa quæcumque sint, inoleuerint, subito certe nisi cum periculo, atque etiam iniustitiã aliqua, tolli & aboleri nõ possunt. Veteres ergo cõsuetudines quibus nec Ecclesia nec Respublica offenditur, nec mutabis nec abrogabis; idque non tam ipsorum cõsuetudinum quam tuæ existimationis respectu: quandoquidem vbi frequens est nouitas, ibi multa est leuitas.

*Non tibi.
sed sibi.*

*Paullatim
in melius.]*

Ad rei familiaris curam quod attinet, prouentus ita dispensa, ut non illi tibi, sed tu illis modum præscribas. Noui tui ordinis homines, qui alienis fortunis suam fortunam illustriorem facere student. Qui multa habet, & paucis fruitur, avarus & sordidus dici solet; qui vero pauca habet & multum absumit, stultus dici debet. Opti-

*Nec parcò,
nec prodigi-
ge.*

mum ergo fuerit, modum ita tenere, vt nec ob tenacitatem auaritiæ, nec ob prodigalitatem stultitiæ notari possis. Ne sis ex eorum numero, quibus multa millia sunt in acceptis, sed multo plura in expensis: qui vt stultis suis cupiditatibus satisfaciant, pecunias non feneri tantum accipiunt, sed etiam dilata solutione, vsurarum vsuras pendunt, vnde fit vt exhausto ærario, & oppigneratis vectigalibus, grauissima subditis tributa imponât; sibi vero apud suos odium, apud alios contemptum pariant.

Plura quidem huius generis præcepta facile mihi esset colligere; sed ne prudentiæ tuæ satis mihi superque perspectæ videar diffidere, desino. Vallado-

leti 111. Nouembris,
&cæt.

Ad
HIERONYMVM
VIQVIVM,
EPISTOLA.

in qua ostenditur quam noxia sit nimia libertas seu licentia.

Magnifice Domine, Cæsaree Orator:



Litteras tuas Granatę xx. Iulij
 datas, Valentię recētes admo-
 dum accepi, & magna cum ex-
 spectatione legi. Nunc ex te il-
 lud quomodo valeas percon-
 tari nolo: quin potius gratulor quod è ter-
 ra tam longinqua, mare tam periculosum,
 qualis sinus est Narbonensis, emensus, viuus
 ad nos redieris: simulque opto vt animo &
 corpore tam sanus reuersus sis quam à no-
 bis discessisti. Lycurgus Lacedæmonijs le-
 gē tulit vti neque ipsi peregre proficiscerē-
 tuu, neque peregrinis ad se aditum permitte-
 rent: non ignarus scilicet exterorū cōmercijs
 opes fortassis augeri, at verū animi robur de-
 teri, & à patrijs institutis ac morū integrita-
 te degenerari. Equidem, vt verum dicam,
 paucos adhuc ex Italia vidi reduces, in
 quibus non corruptos mores deprehen-
 derim. Neque tamen hoc ego vitio loci,

*Moribus
 antiquis ve-
 stat Roma-
 ni.*

aut

*quibusdam
seruitus
pensor li-
bertate.*

aut proborum ac bonorum virorum dese-
ctu, sed nimia tantum licentia fieri iudico,
qua, vt vere Comicus ait, omnes deteriores
sumus. Vt enim campanæ homines sonitu
suo ad sacra vocant & excitant, quibus ta-
men ipsæ numquam interfunt: ita ego in
Italia multa esse loca & alia, ad pietatem &
deuotionem incitantia, sed homines pa-
rum deuotos iudico. Omnes Italiæ liber-
tatem tamquam præcipuum eius ornamen-
tum & precium iactant, & ad cælum extol-
lant: contra mihi videtur, regiõni tam opu-
lentæ nihil esse perniciosius; quandoqui-
dem certum est vbi hominibus licitum est
facere quod volunt, facere eos plerumque
quod non debent. A Trogo Pompeio Ro-
mani Baëtris ob bonam Ruffo Consuli con-
tra Parthos nauatam operam, libertatem
dedisse dicuntur, quam tamen accipere illi
recusarint, ne scilicet ab illa ipsa libertate vi-
tiorum seruituti subijcerentur. Negari pro-
fecto non potest, nullas corruptiores ma-
gisque perditas esse Respublicas quam quæ
nimia libertate gaudent: quam omnes ex-
petunt, sed ea paucissimi recte vtuntur. Vbi
nemo est qui obedit, nemo est qui impe-
rat; vbi nemo imperat, ibi nulla est discipli-
na; vbi nulla est disciplina, nullum ibi est
ius; vbi nullum ius est, ibi pax esse non po-
test; vbi pax non est, ibi discordiæ sunt &
bella: quæ vbi sunt, Respublica diu stare
non

non potest. Roma a Sabinis, Samnitibus, Pœnis, Gallis, Cimbris alijsque populis frustra tentata, tandem à seipsa per imperandi superbiam & peccandi licentiam v. cta, pessum iuit. Plato, dissolutos Atheniensium mores aliquando contemplatus, Videte, inquit, Athenienses, ne libertatem maiorum virtute partam, vestra ignauia perdatis. Et enim non minus prudentiæ ad conseruandam, quam fortitudinis ad consequendam libertatem requiritur. Testis est experientia duos in Republica dissolutos, ac licentia feroces iuuenes plura flagitiâ delignare, Remque publicam magis offendere, quam ducentos disciplina adstrictos & dicto audientes. Paucos carnifici tradi videmus, præter eos qui tempus iuuentutis inutiliter consumserunt, & libertate abusi, per omnia vitia sese volutarunt. Verum est nullam rem esse in hoc mundo, cuius præcium cum libertate comparari possit: sed & illud constat, nihil tam periculosum esse, si quis ea non recte vtatur. In libertate comparanda nulli precio, in defendenda ne vitæ quidem parci volo: moneo tantum ne hanc ipsam tam ingenuam tamque pulchram dominam turpissimis seruis, vitijs & libidini, in seruitutem tradamus: quo nihil indignius fieri potest, eò scilicet liberum esse, vt seruias. Neque is liber censendus est, qui libere viuit, sed qui liber moritur. Numa liber

*Libertatem
malos
perdit.*

tate

tate Roboamus impulsus Israelitis tributō-
rum remissionem petentibus contemtni
respondit, seque ipsum maiori imperij par-
te evertit: nimia libertas Catilinæ & coniu-
ratis scelerata contra patriam consilia sug-
gessit; nimia denique ciuiū libertas tyrannis
omnibus aditum ad imperij invasionem
aperuit, iisque ipsis non multo post exitium
attulit. Multi sunt qui mala non faciunt eo
quia facere nolunt; at multo plures qui ma-
la non faciunt, eo quia non possunt. Multi
sunt quos à flagitijs conscientia retrahit, sed
multo plures infamia deterret. Sunt qui
vitæ integritati student vt boni sint; at mul-
to plures, vt habeantur. Siue autem pænæ
metu, siue amore virtutis, siue laudis cupi-
ditate, siue infamiæ detestatione, siue simu-
latione seu conscientia quis ducatur, omnes
ego moneo atque hortor vt libertatem tam-
quam equum indomitum caute tractent: cui
si semel habenas permiserint, inimicis risum,
dolorē amicis, sibi ipsis exitiū sint parituri.

*Non omnes
boni ob
bonum.*

*Peregrina
miranda po-
tius quam
imitanda.*

Sed quorsum hæc, inquis? aut quid ad me?
Quæ dixi, Domine, eo tantum pertinent, vt
peregre venientem te moneam, ne peregrino
nos mores valde prædicandos, multo minus
curandos tibi putes; quorum narratio iucū-
da quidē est, sed imitatio parum utilis. Quod
si quando in mentē tibi venit Romanæ vrbis
gloria, libertas ciuiū, aduenarū multitudo,
gentium varietas, seminarum pulchritudo,
cibos

ciborum delicatissimorum abundātia, præstantia vini, festorum solennitas & lætitia; simul illud cogita, his ipsis rebus exhauriri facultates, vulnerari conscientiam, atque adeo animam sæpe perdi. Indigenæ quidem & ciues Romani probi fere sunt; at peregrinis qui ibi & in Italia passim nidulantur, vix quidquam est nequius. Multi enim religionis causa Romam adeunt; qui libidini & vitijs ibi seruire postea religioni non habent. Roma olim omnium virtutum mater fuit & officina; quibus cum imperio fere delectis, magna non minus ibi quam in aliorum Principum aulis vitiorum seges succreuit. Romani Pontificis auctoritatem, potestatem & supereminentiam, rumpantur vt illa hæreticis, fatemur, admittimus, & probamus, vt quem vere pro vnus vniuersæ Ecclesiæ pastore & Christi in terris vicario agnoscamus. At quis Romanæ ciuitatis vitia Pontifici imputare auit? Fuerunt inter Romanos Pontifices viri sanctitate, vitæ innocentia ac reliquis virtutibus præstantissimi, fuerunt etiam in quibus desiderari quid possit: nemo tamen vmquam tam malus fuit, quin vitijs medendo, imperium sibi stabilius reddere allaborarit. Equidem & ipse Romam multasque alias regiones perlustraui: vbi sane multa vidi quæ deuotionem, plura quæ admirationē in animo meo pepererunt. In vniuersum vero mundanā disciplinā à Christiana valde seiunctā deprehendi.

Romanus Pontificis dignitas.

*Differen-
tia inter
legem Chri-
sti & Man-
di.*

Vna enim facere iubet quodlibet; altera non quod libet, sed quod licet.

Vna hortatur temporalia omnia abijcere, vt æterna acquiramus; altera æternis renūciare, vt temporalia consequamur.

Vna præcipit conscientiam seruare illam; altera nullam habere.

Vna Christiani officium esse dicit thesauros sibi in cœlis cumulare; altera in terris.

Vna virtutum amplectendarum; altera cupiditatum explendarum studium commendat.

Vnius præceptum est, vt nullus rei causa Veritati vim adferas; alterius, vt quum de utilitate tua agitur, nullum mendacium recuses.

Vna præcipit vt tuo contentus viuas; altera, vt aliena etiam per fas & nefas rapias.

Vna iugem mortis & æternæ damnationis memoriam; altera perpetuam securitatem & peccandi licentiam proponit.

Vna viuere iubet vt viuas; altera vt bibas.

Vna operam dare hortatur vt quotidie melior & sapientior; altera vt maior ac potentior euadas.

Vna vt tuâ egentibus largiari; altera vt vsuris etiam eo quod habent euertas.

Vna taciturnitatem; altera loquacitatem

laudat

laudat & sequendam monet.

Vna vult vt in Iesu Christi meritis ; altera , vt in huius mundi opibus fiduciam ponas.

Quod si cum tredecim his conditionibus Oratorem Cæsaris Romæ agere velis, equidem vt bene ac feliciter munus hoc tibi eueniat opto; sed vereor profecto vbi tempus illud venerit quò vnicuique ratio reddenda erit, ne tubulcum in Hispaniâ quam Oratorem te Romæ fuisse malis, &c. Valentia: M D X X V. mense & die supra dictis, &c.

Ad

IOANNEM MON-
CADAM,

E P I S T O L A:

*in qua iraprophetates & effectus explicantur,
& Patientia commendatur.*



Itarde ad litteras tuas respondere tibi videor, culpam non mihi, quamuis, & fere instructuosis negocijs valde occupato, sed ministro tuo Palamoco loripedi, aut si mauis,

N

equo

*Amanti se-
ria negocia
non com-
mendanda.*

equo ipsius claudicanti, vel denique tibi ipsi
qui nec ministro nec meliori equo utaris,
imputabis. Scio allegari alia posse quæ Pa-
lamocum excusent, loci scilicet distanti-
am, & rigorem hyemis; si tamen ille non
citius illuc ad vos redierit quam ad nos huc
venit, moræ causam, nisi animus me fallit,
iam iam deprehendi. In via in latronem,
credo, incidit, cumque violentum admo-
dum, Amorem scilicet, ac propterea non
mirum, si amicæ quam in pectore, maiorem
sibi rationem habendam putauit, quam
epistolæ, quam in pera gestauit. Censeo ne
posthac hominis Cupidinis telo percussæ
opera in negocijs tuis expediendis utaris.
Amantium non est seria & ardua negocia
tractare, sed interdum obambulare, & ædi-
um angulos omnes obseruare, noctu Mu-
sico carmine, suspirijs, sreatu fenestras & a-
micæ limen frequentare, postpositis deni-
que omnibus, id vnum agere ut amica po-
tiantur.

Sed ut ad rem ipsam & epistolæ tuæ argu-
mentum veniam, credas mihi velim, si-
nistro tuo illo casu me non minus quam
meo ipsius dolere; quod & ipsum hac episto-
la testatum tibi volo. Est enim amici officij
um non tantum opem ferre laboranti, sed
& vultum acceteros affectus ad amici for-
tunam accommodare: ut qui alter ipse sit.
Ego igitur qui nec præsens dolorem tibi
meum

meum testari, nec incōmodo huic tuo mederi possum; quod vnum possum faciam, vt scilicet absentem te litteris meis consoler, & si non ipsum remedium afferam, tamen ostendam. Neque vero id tibi consilij do, vt hoc omne quidquid est, quod certe magnum est, plane ex animo deleas, & quasi ad te non pertineat, contemnas. Neque enim mores mei tantum à generositate, vel tui ab humanitate absunt, vt quidquam Nobilitate tua indignum vel ego tibi suadere ausim; vel tu in te admittere debeas. Illud tantum consulo, vt tamquam homo dolorem hunc sentias, at dissimules vt prudens. Si quis ex istimationem suam ab eo laesam sentiat, de quo vindicare se non possit, ei auctor sim, vt de vindictæ studio ne cogitationem quidem suscipiat. Quod si hac in re, seposito Equitis & Nobilis officio, Christiani munus implere velis, oculos animumque tuum conuerteres non in eum, qui te offendit, sed in Deum qui fieri id permisit; in cuius conspectu tot iniquitatum te reum, velis nolis, ipse agnosces, vt fallurus ipse ultrosus, quæ pateris exigua esse præ illis quæ sis meritis. Illud quoque cogita, eiusmodi tribulationes Deum nobis immittere, non vt perdat nos, sed vt probet. Contraria Deus & mundus ratione vtuntur. Hic enim non nisi feroces, ille neminem nisi patientem & mitem castris suis aut militū albo adscribit.

Potentiorū
dis, malan-
da iniuriæ,

Mundi milit-
es, feroces,
Dei, mites.

Regas vt doceam te quid Ira sit; quæque eius proprietates sint & effectus. Hanc enim cognitionem ad id forte profuturam tibi putas, vt tam atrocem iniuriam tanto facilius feras, minusque ad vindictæ studium rapiaris. Scire quid Ira sit, vnde ea oriatur, & quomodo tractanda sit, non inutile iudico: hæc enim qui sciat, iniuriam sapius dissimulabit quam vindicabit. Iram vero nonnulli describunt, esse sanguinis vel animi excandescentiæ, & cordis motum siue perturbationem. Ab *ire* quidam dictam volunt, quod scilicet à se quasi eat qui irascitur & furit. Vnde & qui iram deponit, ad se redire dicitur. Possidonius ait, Iram breuem esse insaniam. Cicero Iram definit, libidinem puniendi eius qui læsse videatur iniuria. Naturalium rerum indagatores Iram è flauæ bilis vaporibus aut sanguinis cordi suffusi calore exsiltere tradunt. Ira vero ab iracundia, inquit Seneca, in quo differat, apparet: quo scilicet ebrius ab ebrioso, timens à timido. Iratus potest esse non iracundus; & iracundus potest aliquando esse non iratus: sic vt ira sit de causa; iracundia de vitio multum irascentis. Plato non in ira; sed in eo propter quod irascimur, culpam esse putat. Vltionem siue vindictam nonnulli à zelo ita distinguunt, quod in hoc culpa pœnam, in illa pœna culpam excedat. Vis scire quæ iram sequantur? Senecam audi. *Flagrant,*

Ira quid sit.

quid iracundia.

& micant oculi, multus ore toto rubor, exastuante
 ab imis prae cordijs sanguine, labia quatiuntur, dentes
 comprimuntur, horrent ac subriguntur capilli, spi- Ira effectus
externi.
 ritus coactus ac stridens, articulorum seipsos tor-
 quentium sonus, gemitus mugitusque, & parum ex-
 planatus vocibus sermo prae ruptus & complosa saepius
 humus pedibus, & totum concitum corpus, magnas
 que minas agens, sceda visu & horrenda facies de-
 prauantium se atque intumescantium. Nescias
 utrum magis detestabile vitium sit, an deforme.
 Hæc Seneca. Sed illud omnium longe pessim-
 um est, quod iratus amicos pariter ac ini-
 micos despicit, ac leues ob causas, grauissi-
 mas non veretur suscipere offensiones. Iram
 quidem describere ac detestari facile est; at
 compescere, hoc opus, hic labor est. In cete Ira mala
bestia.
 ra vitia multa mala, at in Iram omnia dici
 possunt; ut quæ non mentem tantum auferat
 sed & Deo hominibusque exolos reddat.
 Iram regere & frænare generosum est; tur-
 tissimum, plane abijcere, non sibi modo tam
 noxij vitij elisis, sed radicibus etiam funditus
 extirpatis. Multa primum in nostra manu
 sunt; at, ubi inveterauerunt, ne pellentibus
 quidem cedunt, nec fugientes deserunt. Ex
 horum numero Ira est, quæ semel in ani-
 mum admissa, statim eum suum facit, ut ho-
 mo iam non faciat quæ ratio suadet, sed quæ
 Ira iubet. In magistratibus non pœnarum
 quas alijs infligunt iniquitas, quam ultionis
 quam ostendunt cupiditas reprehendi solet.

Pœnam delicta merentur, sed quæ omnis ordi-
 nis & vindictæ suspicione careat. Nam vel in-
 finitus quisque magis punientis iniuriam, si-
 ue veram seu fictam, quam pœnæ acerbita-
 tem sentit. Alapæ, verbera, vulnera, & ciuf-
 modicarni dolorem afferunt; sed verbum
 contumeliosum ipsum cor & viscera pene-
 trat ac quasi scindit. Heroica quædam & di-
 uina virtus est animum in sua habere pote-
 state: siquidem

Fortior est qui se, quam qui fortissima vincit

Mæn.a: nec virtus altius ire potest.

*Sene. a lib.
 III, De Ira.*

Non potuit impetrare Plato à se tempus;
 quum seruo suo irasceretur, & præbere sca-
 pulas verberibus iussit, sua manu ipse per-
 cussurus. Postquam intellexit irasci se, sicut
 sustulerat manum detinebat, & stabat per-
 cussuro similis. Interrogatus deinde ab a-
 mico qui forte interuenerat, quid ageret?
 Exigo, inquit, pœnas ab homine iracundo.
 Velut stupens, gestum illum deformem sa-
 pienti viro, seruabat, oblitus iam serui, quia
 alium quem potius iam castigaret inuene-
 rat. Itaque abstulit sibi in suos potestatem.
 & ob peccatum quoddam commotior, Tu,
 inquit, Speusippe, seruum istum verberi-
 bus obiurga: nam ego irascor. O notabile
 & imitatione dignissimum exemplum! ut
 scilicet irati ab omnibus dictis & factis tem-
 peremus. Lycurgus præfides ac rectores ci-
 uitatis de noxijs pœnas exigere, interim to-
 men

men ab omni iracundia aut omni grauiori affectu liberum animum habere iulit; ratus nihil calamitosius Reipublicæ contingere posse quam Iudicem iracundum & pœnæ auidum. At quotusquisque Lycurgi præcepto obsequitur, aut consilio utitur? Peccantibus magis quam peccatis plerique irascuntur. Mihi certe, credo etiam alijs, nihil difficilius, nihil molestius videtur quam cum iracundis conuersari: ut qui in exigendis officijs morosi admodum, at in rependendis pigri sint & lenti: unde fit ut momento omnis apud eos gratia effundatur.

Quid ira ac quam pernicioſa sit ex ijs quæ dixi aliquo modo intelligere potes. Reliquum est ut frænandæ eius rationem ostendam: siquidem parum sit morbum & vim nosse, nisi etiam etiam remedia cognita habeas. Optimum iræ remedium fuerit, linguam continere & vindictam differre. Irati enim lingua multa effundit, quæ mens tranquilli ne cogitare quidem aulit. Stulte etiam meo quidē iudicio, faciunt, qui iratos tantū non cogere volūt ut eis à quibus offensi sūt è vestigio porrectâ manu ignoscant. Prior, n. cura iræ sed adq̃, altera deinde reconciliatiōis procurandæ esse debet. Postulare ut iratus rationē audiat, est cū ratione insanire. Animus ira cōcitus, tanquā auriga (ut Poeta ait) equis fertur, neque audit currus habenas. ergo, ab irato tibi caue; nisi conuicijs perlui velis, aut

*Iratus,
comprime
linguam.*

*Iratus can-
se tractan-
dus.*

verberibus depecti. Quantumcunque ami-
cus tibi sit, factis aut verbis aggredi ipsum
aut corripere noli. Iratis enim fræno magis
quam calcaribus opus est. Indomita bestia
Ira est: violenter tractari non vult. Subito
bilis efferuescit, sed non tam cito despumat.
Traiano Plutarchus consulit, vt in rebus
aduersis constantia, in secundis moderati-
one vtatur; in primis vero vt homines ira-
tos ferat: quod eiusmodi animi vitijs tem-
pus sæpius quam ratio medeatur. Vide-
mus sæpe potentiorum iras, quæ nullis ami-
corum intercessionibus leniri, nullis donis
placari, nullis minis retundi, nullis inco-
modis sedari potuerunt, paullatim abiisse,
ac gratiam inter hostes prius acerrimos, nul-
lius opera quasi vltro coijisse. Et quid mi-
rum? quum tempus ferrum consumat, flu-
mina exsiccet, adeoque totam hanc machi-
nam tandem sit dissoluturum. Vt paucis di-
cam, si de amico irato bene mereri, ne tibi
ipsi nocere capias, non ignem camino ade-
de, sed aquam restinguendæ flammæ ad-
fer.

Sed hæc nimis multa: quæ tamen ad do-
loristui magnitudinem nimis fortasse pau-
ca sunt. Dabis ergo mihi veniam, si ante
quam finem huic epistolæ imponam, pau-
cis te hortatus fuero, vt quidquid illud est
quod tibi accidit, patienter feras, dissimu-
les, & quasi totum obliuioni tradas. hoc
enim

enim si feceris, ignem ab alijs ostio tuo appositum, mox intra ipsorum viscera ardentem videbis. Salomon sapienti linguam in corde, at stulto cor in lingua esse dicit. Et Græcorum quidam ait, stultis graua quæ patiâtur, leuia quæ dicant; sapientibus vero leuia quæ patiantur, graua quæ dicant, videri. Iam iam tempus est vt animi tui vim exferas, & prudentiâ ostendas. Nosti stultorum esse alijs sapere, non sibi. Nondum animo meo exciderunt quæ mihi sororis obitum lugenti olim scripseris; quibus si non sublatum, leuatum tamen dolorem meum aliquo modo sensi. Quæ eò dico, vt illa ipsa remedia tibi appones, & vt bonus medicus te ipsum cures. De reliquis eadem fide ministro tuo respondi qua illa mecum communicauit, è quo omnia intelliges, &c. Toleti

V I. Aprilis Anno

M D X X I I.

N 5

Ad Fri-

Ad
F R I D E R I C V M
M A N R I Q V E S
E P I S T O L A:

In qua ostenditur annum ætatis **LXIII**. senibus periculosum ac fere fatalem esse.

Illustriſſime Domine Thalaſſiarche:



Eteor, epistola tua nihil iam diu intempestius mihi oblatum esse: quam ut in cellam meam inferri vidi, equidem statim ridiculum argumentum aut nouam aliquam questionem mihi opinione finxi: quam non vanam fuisse, re ipsa postea deprehendi. Plato tantam esse cordis excellentiam ait, ut quum cetera corporis membra sensibus inferuentia etiam in ijs quæ prope sunt sæpe fallantur; cor etiam longinqua attingat & quasi diuinet. Sylla quum Iulium Cæsarem negligenter cultum vidisset, adstantes monuit ut à dissoluto illo adolescente sibi cauèrent. Athenis Ptolemæus quidam rogatus, cur ceteris omnibus posthabitis, solius Alcibiadis tum adolescentis admodum consuetudine uteretur? Eo, inquit, quod præuideam ab hoc vno adolescente vniuersam Græciam perturbatum iri. Optimus Imperator

Traian.

*Animus
 presens.*

Traianus vix umquam in deligendis amicis, aut inimicis dignoscendis, corde quasi vtroque prænotante, errauit. Nec Syllam etiam nec Ptolemæum illum de Cæsare & Alcibiade fefellit opinio: quorum hic totam Græciam permiscuit, ille Romanam Rem, publicam libertate spoliavit. Quorsum hæc? inquis. Vt intelligas, me quoque in diuinando epistolæ tuæ argumento minime fuisse allucinatum.

Non quidem nego esse nonnumquam in litteris tuis iocosa quædam quibus animus non parum recreetur, at multo plura quasi ta, quibus ingenium meum fatigetur. Est enim in te lectio tam multiplex, memoria tam fida, iudicium tam accuratum; mihi vero tempus tam exiguum, occupationes tam continuæ: vix ut quæstionibus tuis, præsertim tam curiosis, soluendis sufficiam. Antehac versus aliquot Homeri exposui, Antigoni Rhipheum produxi, Mithidæ Thebani historiam illustraui, Sertorij ceruam erui: sed, mihi crede, non sine magno investigandi studio, & inuestigata digerendi labore. Mihi quidem etiam non raro alij magnates tam indigenæ quàm extranei varias quæstiones proponunt, sed planas fere, & de rebus vulgaris: ac ingenium tuum semper noui aliquid molitur, ac nihil vulgare sapit. Ita subinde nouis ac minime cōtritis disceptationibus me pro-
 uocas, ut Sibillynis mihi libris opus videatur.

*Facilius est
interrogare
quàm re-
spondere.*

Sed

Sed vt ad rem iofam veniam: ais Mirandæ Comitem ad te fcripfiſſe, Innigi Velafci Comestabilis defuncti obitum vñdecim diebus à me prædictum: rogans vt iocone anferio tum iſtuc dixerim, aut quibus coniecturis aut ſignis idprehenderim, tibi aperiam. Primo verum illud eſt me tam Mirandæ Comiti quam ipſi medico Carthagenæ tale quid dixiſſe; non tamen vt vatem diuino, nec vt necromanticum malo ſpiritu afflatum; nec vt genethliacum ex horoſcopo, nec vt medicum è venæ pulſuprehendiſſe, ſed vt Philoſophum è Sapientum placitis ipſaque experientia hauſiſſe. Quamprimum enim intellexi Comestabile annum vitæ L X I I I. id eſt, climactericum, vt appellant, agere, ſtatim vitam ipſius in ſummo periculo eſſe animaduerti.

Vt vero quod dicam melius intelligas, ſic ſtatue, vniuerſam hominis vitam habere ſe ad inſtar longi & continui morbi. Sicut vero in morbis ſeptimus & nonus dies, qui propterea Critici ſeu iudicarij dicuntur, magnam vim habent, quod ijs de euentu morbi quodammodo iudicari poſſit: ita quoque in vita hominis ijdem numeri tam corpori quam animo mutationem quãdam imprimunt, quemadmodum vſus ipſe, quo magiſtro nec melior quiſquam eſt nec certior, teſtatur: Hinc videmus è choleri, èiſphlegmaticos, &c. è pigris alacres, è ferocibus

Dies Critici.

rocibus mansuetos, è fortunatis infelices, è sapientibus denique repente quasi stultos factos. Numerum vero L X I I I. eo formidabilem putant quod è septenario & nouenario in se multiplicatis constet. Septies quippe nouem, aut nouies septem faciunt sexaginta tria. De quo ita Agellius:

Obseruatum in multa hominum memoria, expertumque in senioribus plerisque omnibus, sexagesimum tertium vitæ annum cum periculo & clade aliqua venire aut corporis morbike grauioris, aut vitæ interitus, aut animi ægritudinis. Propterea qui rerum verborumque studio tenentur, eum ætatis annum appellant Climactericum. Et post pauca, epistolam Augusti ad Caium nepotem super eodem anno scriptam ponit hanc:

Annus Climactericus

*Aue mi Cai, meus ocellus iucundissimus, quem semper medius fidius desidero quum a me abes: sed præcipue diebus talibus qualis est hodiernus, oculi mei requirunt meum Caium, quem vbicumque hoc die fuisti spero latum & bene valentem celebrasse quartum & sexagesimum natalem meum. Nam vt vides, κλιμακτήρια communem seniorum omnium, tertium & sexagesimum euasimus, &c. Ex quibus omnibus apparet, annum hunc veteribus adeo periculofum visum fuisse, vt eo superato, dijs sacra fecerint, ac tem-
plis dona intulerint, quasi iam certa spe vitæ longioris. Equidem si curiosius ista con-*
se&ari

Ante omnia Deo gratias agende.

sectari vellem, possem quamplurimos non modo tenuium & infimorum, verum etiam illustrium virorum enumerare, qui annum tertium & sexagesimum vitæ extremū habuerunt: Sed ista alijs relinquamus. Quæ vero in medium protuli eò pertinent, vt intelligas qua arte Comestabilis mortem præfagierim, illo eodem anno morbo correpti & defuncti.

Plerique regni huius procères aut cognatione mihi aut amicitia & vicinitate coniuncti, omnes certe fere noti sunt: sed inter omnes iam dicto Comestabili nemo mihi erat familiarior, nemo amicior. Equidem illum non amabam tantum, verum etiam colebam & admirabar, tamquam linguæ omnium virtutum speculum & exemplar. Erat enim prudens in imperando, integer in conuersando, in loquendo modestus, in donando liberalis, in rebus aduersis constans, ad ignoscendum facilis, & vt verbo dicam, re ipsa Christianus erat. Sed quæ locupletiores hac in re testem dare possum quam te ipsum, paribus honoribus tam in bello quam pace cum eo perfunctū? Quum ad Pampelonam bellum gereres, memini me petiisse vt duas scedulas subsignares, quarum vna litem quandam, altera pecuniæ concernebat. Tum te mihi respondisse, in te quidem moram nullam fore, sed opus esse vt Comestabili prius rem omnem indi-

*Eius vere
Nobilis
viri.*

cem:quem,aiebas,tu ipte nosti in rationibus pecuniarijs parcum & frugalem,in rebus ad iustitiam pertinentibus, valde scrupulosum esse. Mihi quidem ille intimos animi sui sensus atque ea quorum sibi conscius esset, communicare solebat, ex quibus omnibus singularem hominis integritatem, & de omnibus bene merendi ac nemini nocendi studium deprehendi. Et ille quidem mortuus est: memoria nihilominus eius, spero, in meis libris viuet. Madrici x v. Octobris
M D X X I X.

Ad

FR. NVNNESIVM
MEDICVM,

EPISTOLA.

De senectutis molestijs & incommodis.



I tteræ tuæ magnopere me delectarunt, sed nihil æque quam quod Ocagniam te rediisse intellexi. Continuis enim podagræ alijsque quos senectus secū adfert doloribus & molestijs vexatus, statui me totū tuę curę permittere; sed hac lege, vt nō verbis, sed herbis & pharmacis morbo meo mederi studeas. Equidem Ciceronis libellum de senectute peruolutaui, omnesque
arcu-

arculas diligenter exculsi, conueniens morbo meo quærens remedium: sed si non plus ille solatij in Dei experiatur misericordia quam ego opis ex libro ipsius percepi, pessime profecto cum ipso agitur. Non nego, multa ibi speciose in laudem senectutis dici; at nullum contra eius morbos remedium præscribi, id moleste ferò. Iam quidem ego vnâ salubrem potionem, aut dolorem leniens emplastrum omnibus Ciceronis sententijs & rhetoricationibus anteponam. Solatium enim dolorem non mitigans, solatium non est, sed solatio carens dolor. Eiusdem Tusculanæ ipsius Quæstiones farinæ sunt, quibus probare nititur, Sapientem dolores nullos sentire; vel certe, et amisi sentiat, Virtutis ope vincere. Demus hoc Ciceroni; ego tamen quia sapiens non sum, dolores sentio acerrimos; & quia Virtute destitutor, vincere eos non possum. Interim arbitror, si meo loco esset Cicero, ac eos quos ego doloris stimulos sentiret, patum ei in omnibus suis virtutibus præsidij futurum. Quare senibus & ægris ego suasurum ut à perito medico emplastrum potius & pharmacum, quam à rhetore aut sophista inane verborum solatium petant; Pro senectute Cato apud Ciceronem Metellos, Scipiones, Fabios aliosque illustres viros citat; at ego contra eandem innumerabiles testes producam: nec numero tantum testium, verum etiam

testimo-

Inane verborum solatium.

testimoniorum veritate & euidencia Ciceronem facile vincam. Quæro ex te, Cicero: tum quum percussori à M. Antonio in te summisso ceruicem præbere iussus es, quæ tibi mens fuerit? nonne iam olim quovis morbo absumentum te, quam à senectute ad cruciatum hunc simul & ludibrium referuatum maluisses? Adfers tu multorum exempla qui per honestas voluptates & honores senectutem exegerint: at eorundem labores, dolores & æumnas tacitus præterijisti. Ut sacras historias attingamus, Adam protoplastes summa sapientia & auctoritate fuit præditus, sed ad quid tam longa ei vita profuit quam ut filium à fratre interemtum videret. Noa iustus erat: at idem Mundo superstes, & senex à filio ludibrio habitus, quas misérias non sensit? Abraham Deo percharus fuit: sed idem relicta Dei iussu patria, vitam peregrinando fere inter summos labores exegit. Isaac iam senex non inodo visum amisit, sed etiam ob filiorum discordiam, in summa semper vixit solitudine. Iacobus magnas opes habuit; at charissimū sibi filium fratrum malitia ereptum & venumdatum quam grauitè luxit? ipse certe quum centesimum & trigésimum ætatis annum ageret, ait, Dies vitæ suæ paucos esse & malos. Quas molestias, labores & æumnas Rex & vates David non foris tantum, sed domi etiam suæ, in senectute expertus est?

Etiam piarum virorum calamitatibus est subiectus.

Heli iam decrepito nuncius de filiorum morte & arca federis ab hostibus capta in terram prostrato ceruices fregit. Et hi quidem omnes viri sanctissimi & Deo omnibus Fabijs, Metellis, & ceteris chariores fuerunt: quos tamen constat senectutem in multis laboribus, ærumnis, & periculis traduxisse.

*Quis que suos patimur
males.*

Sed propositum mihi nequaquam est, Patriarcharum, martyrum aliorumque sanctissimorum virorum certamina, tormenta, cruciatus, quibus Deo fidem suā & constantiam probarunt, nobis vero imitandi exemplum reliquerunt, cum vitæ nostræ incommodis comparare: illud tantum volo, quū horum senectus tot incommoda, labores & dolores experta fuerit, multo minus nostram ab iisdem immunem fore. Contra se D. Iobus sententiam pronunciat, scilicet Dies vitæ suæ paucos, sed dolores multos esse: quam quidem sententiam omnes, sed senes imprimis, quotidie in nobis exsequutione demandari, reapse sentimus. Nam quis non videt senum præcipue vitam nihil aliud quam morborum & dolorum officinam, adeoque, vt non inscite quispiam dixit, aram quandam esse, ad quam omnia mala tantquam ad extremum asylum confugiunt? qui, vt nihil aliud sit, toties sibi ipsis quasi superstitibus viuere coguntur, quoties coniuges, liberos, amicos fato sibi ereptos vident ac lugent. Vt de paupertate nihil dicam, quæ plerumque

*Senectus
ara calamitatum.*

tum quæ senectutis comes est & asseclatrix.
 Laudat Cicero senectutem ob temperanti-
 am, quod scilicet libidine ceterisque volup-
 tatibus quas adolescentia fert & persequi-
 quitur, careat. At si quis Ciceronem roget,
 temperantia hæc voluntariæ sit an invo-
 luntaria, quid responsurum putas? E quidem
 te & alios magnæ auctoritatis senes virtutē
 hanc veris laudibus ornantes, sed & multos
 alios adolescentiæ suæ facinora & immodi-
 cas libidines iactantes audiui: ut satis appa-
 reat non ab eis vitia, sed eos à vitijs deser-
 tos, ac si genua eis adhuc, ut dicitur, vire-
 rent, non minus cupide quam olim cupi-
 ditatibus suis esse indulturos. Quis ergo
 illam temperantiam laudandam putet, quæ
 virium magis imbecillitati quam voluntatis
 rectitudini adscribenda est? quæque non ob
 virtutis amorem, sed vitæ amittendæ metum
 adhibetur? Libidinosa enim & intempe-
 rans adolescentia effetum corpus senectutis;
 at intemperans senectus morti tradit. Pergit
 nobis laudare senectutem Cicero, quod dig-
 nitas & consilium sint in senibus, unde & sa-
 pientum virorū concilium Senatus vocetur.
 Aio Ciceronem iterū fallere aut falli. Equi-
 dem multos vidi quibus caput canis obstitit;
 sed cerebrivix mica erat: quibus nec senectus
 auctoritatē, nec usus prudentiam cōciliārat,
 adeo ut à iuuenib. discere cogerētur. Damhi
 senē aliquē, q. iniecto de adolescētia sermone

*Senum tem-
 perantia
 qualis.*

*Qualis pru-
 dentia.*

non illud dicat, si reiuuenescere sibi detur;
 multo aliter vitæ rationes instituturum esse?
 Ex quo patet, iuuenes ut plurimum igno-
 rantia labi, nec scire quæ recta & vtilia sint;
 at senes scire, facere tamen nolle. Senectū-
 tem denique Cicero commendat eo quod
 haud procul absit à morte, ac breui nos ami-
 cis in illo beatorum concilio redditura sit.
 Quid senserit Cicero, certum non habeo:
 illud certo scio viam hanc ad veteres amicos
 perueniendi omnes auersari. Prodeat ipse
 Cicero, & fateatur an viam huius visitatio-
 nis non libenter declinaturus fuerit, nisi ab
 inimicis inuitus admodum in eam fuisset
 pertractus, eamque ingredi coactus. Lauda-
 uit ergo Cicero quod minime desiderauit.
 Certe, si verum fateri volumus, senes nihil
 æque sollicitos & anxios habet quam mor-
 tis propinquitas. Quod nemini mihi vi-
 debitur, hominis naturam consideranti,
 quæ nihil magis quam perpetuam sui incol-
 lunitatem expetit. Sed aliter Deo visum
 est, ut scilicet vita nostra crescendo decre-
 scat, & progrediendo retroferatur. Quid
 vero sene annos suos præteritos iactante o-
 diosius? quid iuventutis mores æmulante
 magis ridiculum? Nec senem ego mihi, nec
 ego seni seruire cupiam. Vir bus enim esse,
 tus parum operæ alijs præstabit; at moro-
 sus, nimio plus ab alijs exiger. Nec iuuenes
 tantum, verum etiam coæquales à senum
 consue-

*Mors natu-
 ra inimica.*

consuetudine fere abhorrent. Senum est
tussire, screare, sputare, ac ne cibum qui
dem ipsum sine querelis capere. Idem si
pauperes sint, contemnuntur; si diuites, vi-
tam suam hæredibus odiosam esse sentiunt.
Quid de corporis membris dicam? caligant
oculi, obsurdescunt aures, obbrutescit pa-
latum, flaccidæ sunt genæ, dentes cadunt,
tremunt manus, labant genua, totum deni-
que corpus non infirmitatem modo, sed de-
formitatem quoque præ se fert. Esto, sint a-
liqui quibus cor sapit: at quanto plures sunt
desipientes ac deliri? ut prouerbiū inde
natum sit, senes bis pueros esse. Sed nihil ab-
surdius mihi videtur, quam quod vita de-
crescente, in senibus auaritiā crescere vi-
demus. Quid enim stultius, quam tanto plus
viatici quærere quanto minus tibi viæ re-
stat? Videat ergo Cicero quam vere Sene-
ctutem nobis laudarit, quam morborum
omnium officinam, & ut verbo dicam, vitæ
fæcem esse quotidie experimur.

*Senectutis
incommoda*

Si qua vitæ ætas laudanda est, iuuentu-
tem ego potius quam senectutem laudan-
dam putem. Iuuenes formosi sunt, senes
deformes; iuuenes valentes sunt & vegeti,
senes imbecilles; iuuenes erecti, senes cur-
ui incedunt; iuuenes ad quosvis labores &
negocia obeunda idonei sunt, at à senibus ni-
hil nisi querelas expectes. Hæc quum ita se
habere in me ipso, pro dolor! experiar; à Ci-

*Iuuentutis
senectutis
comparatio*

ceronis sententia ad Francisci Nunnescij con-
siliū solenniter prouoco, rogans nō vt Ci-
ceronis rationes & argumenta, sed Celli, Se-
rapionis, aut cuiusuis alterius pyxides dili-
genter excutiat, & quæ morbo meo maxi-
me idoneæ videbuntur, emplastra & medi-
camenta mihi depromat. Auile x. Maij
M D XXXVII.

Ad

F R I D E R I C V M
E N R I Q V E S M A R I
P R A E F E C T V M,

E P I S T O L A:

*in qua docet, cur Abraham & Ezechiel proni, sed
Helisacerdos & Iudæi ad Christum capiendum
egressi supini in terram prociderint.*



*Excusat se
auctor.*

RAVITER mecum expostulas,
quod & sero ad litteras tuas re-
spondeam, & quæstiones mihi
propositas negligenter fere expli-
cem. At si rem vti sese habet scias, credo fa-
cile metibi excusatū fore. Quia enim Man-
sille ministro tuo equus furto ablati fuerat,
ipse vero viaticum omne alea perdiderat:
circa

circumcurritādo ille, & pecuniam mutuat
 ut hospiti satisfaceret, querendo tēpus omne
 consumsit, mei interim ac mearū literarum
 oblitus. Ego, vir illustrissime, epistolas tuas
 & lubenter lego: eoque ut verū fateor, tua il-
 la ex postulatio parū abfuit quin stomachum
 mihi mouerit: quum valde iniquum sit me
 tuorum ministrorum negligentia & culpam
 luere. Sed nihil miror, qui scia pufillos ho-
 mines ut plurimum esse iracundos. Suadeo
 tamen ut animo, qui ut videtur, corpusculo
 isto capi vix potest, posthac frænum inijcias,
 nec tam facile, non explorata causa, in que-
 relas erumpas. Hoc enim nisi feceris, moro-
 sitate tua & tibi ipsi molestus, & alijs odiosus
 ætatem ages. Nulla re Principes ac magnates
 æque gloriari debent ac animi magnitudine:
 sed ea nullibi magis elucet quam in leuiter
 ferendis aliorum iniurijs. Meum consilium
 est, quum natura biliosus sis & leuium etiā
 offensionum impatiens, ut si quando com-
 motiorem te senseris, ab omni abstineas scri-
 ptione. Splendida enim bilis ea sæpe iratis
 suggerit chartisque illinit, quæ placati ne co-
 gitare quidem aulint. Quod vero ais, parui
 me te facere, eoque tardius ad litteras tuas
 respondere, id vero pernego. Qui enim
 quæso parui te quis faciat, qui tam multum
 possideas, ac tam multum possis? Usque
 adeone me delipere putas, ut generis
 splendorem, summam ingenij præstantiam,


*A^u sit à scri-
 ptione bilis*

*Quos vulgo
 colamus.*

doctrinam, at mortui gloriam, on nū de-
nique quæ homines colere & adm. rari so-
lent, intenon agnoscam? sed missa isthæc
faciamus, & controuerſiam hanc ita inter
nos componamus, vt tu iam quidem Man-
sillæ agnoscas, & posthac iracundiam com-
primas; ego vero & ad litteras tuas respon-
deam, & quæſtionein ſoluam.

Quæris, cur S. Scriptura teste, Patirarcha A-
braham in valle Mambre, & vates Ezechiel
ad torrentem Cobar proni; Heli econtra &
Iudæi ad Chriſtum D. N. capiendum egreſſi,
ſupini in terram ſint proſtrati. Noua hæc ſa-
ne eſt quæſtio, & à nemine, quod quidem
ego ſciam, explicata. Si tamen mihi hic ſen-
tentiam dicere aut excogitare aliquid liceat,
exiſtimo duplici hoc calu duplex peccato-
rum genus deſignari. Nam quemadmodum
qui cadit, ſive pronus ſive ſupinus, aut quam-
cumque in partem cadat, cadit nihilominus;
ita qui peccant, quocumque tandem modo
& quantumcumque peccent, peccant tamen.
Qui ſupini cadunt, vultum cœlo apertum
oſtendunt, tales ſunt qui omni abiectio diui-
ni numinis metu, in peccata ruunt, quos tan-
tum abeſt vt vilius ſagitij pœniteat aut pu-
deat, vt etiam ijs glorientur. At qui proni
in faciem cadunt, ij ſunt qui ex naturæ imbe-
cillitate in peccatum aliquando labuntur.
Iam ſicut qui proni ceciderunt, aut genibus
aut cubito innixi facile in pedes ſe ſe erigunt,
quibus

*Pronum ea-
dere quid.*



quibus praesidijs qui supini fa-ent, omnino destituuntur; sic facilius ad frugem vitæque emendationem reducuntur, qui peccati turpitudinem & intelligunt & detestantur; qui vero omni pudore ac metu profligato, non vultum modo, sed medium, quod dicitur, cælo digitum ostendunt, vix ac ne vix quidem à peccatis desistunt. Apud priscos quidem ac praesertim Romanos, tanta fuit pudoris æstimatio ut nemini nisi cooperto vultu, infamem locum ingredi liceret; qui vero aperto vultu in ijsse conuictus erat, adulterij reus ageretur.

Illud vero notandum est, eos omnes qui proni in faciem cecidisse perhibentur, ut Abraham & Ezechiel, viros sanctos; qui vero supini prostrati sunt, ut Heli & Iudæi, maximos peccatores fuisse. Inde ergo caute ambulare quisque discat, ut ne cadat, immo ne cespitet quidem aut impingat. Neque enim scis an pronus, ut Abraham, vel supinus, ut infelix Heli, casurus sis. Verum est, quum è peccatoribus nati simus, inter peccatores vivamus, & peccatum quasi in sinu geramus, tam lubrico loco nos consistere ut casum declinare vix ac ne vix quidē valeamus; sed assiduus votis rogādus est Deus, ut si manu ipsius subtracta, labi nos contingat, gratia sua suffultos, rursus nos erigat. Irascitur Deus vehementer quod tam facile, sed multo vehementius quod tam diu pecca-

Qui stat videat ne cadat.

*Peccator
est qui iu-
stū, iustus
qui pecca-
torem se
agnoscit.*

mus. Plerique enim tum peccare desinunt quum peccare amplius non possunt. Quanto plures sunt qui cum Heli supini, quam qui cum Abrahamo pronicadunt ! Da mihi vnum quem peccasse pudeat ; centum dabo quos peccare iuuet. Hac in re sentiat quisque & dicat quid velit ; ego sic statuo, nullum perniciosius esse peccatum quam propriæ iustitię persuasionem ; nec tutiorem iustitiam, quam confessionem culpæ. Non sensus tantum nostros omnes & cogitationes, sed vires quoque Deus exploratas habet : nec tam nobis irascitur quod peccatores sumus ; sed multo magis, quod quum peccatores simus, iusti tamen velimus videri. Summa dīctorum esto, cum Heli & Iudæis supinos in tergum cadere quotquot in peccatis securi & quasi cum voluptate, non secus ac in molli lecto volutantur, & in rebus leuissimis peccata habent. Equidem obstupesco quoties stultitiam nostram dicam, an impietatem considero, quotidie peccata peccatis cumulantium, nec minus tamen secure agentium, quam si pro his ipsis à Deo cœlum effemus stipulati.

I his ego ad litteras tuas respondisse, propositam quæstionem soluisse, me purgasse, & indignationē tuā placasse mihi videor. vtinam ita tibi quoque videatur. Madrici, x i.

Novembris M D XXXVIII.

Ad
FRIDERICVM
ENRIQVES,
EPISTOLA.

*in qua locus S. Scriptura, Væ tibi Ierusalem,
quia bibisti calicem Iræ usque ad
fæces, explicatur.*



Eus tu. ad Ronquillum in iusea-
mus, vt iudicet is vtrum ego, &
Nobilis & Aulicus, ad tuas omnes
litteras respondere, & quascunque
à te propositas quæstiones soluere debeam
necne. Equidem quoties ministros tuos
cellam meam irumpentes video, fateor as-
sidua eorum importunitate victus, malam
ipsis rem sæpe tacitus imprecor, interim ta-
men Deum pro domino ipsorum depre-
cari non cesso. Vel heri eorum quidam mi-
ranti mihi & quærenti, cur toties me fati-
garet, nec molestiæ finem faceret, respon-
dit, Petere te vt tamquam amicus ad litteras
tuas respondeam, tamquam historiogra-
phus nouas res nunciem, tamquam Theo-
logus quæstiones soluam, & tamquam reli-
gius, conscientiaë medicinam præscribā.
Tum

Tum ego, Si à me vno, inquàm, herus tuus tot officia exigit, par vicissim erit vt vni plura quoque stipendia exsoluat, nosti enim me quamuis nobili natum genere, non tamen gladio sed penna victum mihi quærere, Iocatum me putas? Serio, inquàm, isthuc dixi: non tamen vt quidquam à te peterem, sed vt importunitati tuæ velut frænum aliquod iniicerem. Mihi vnde viuam, adeoque alijs etiam commnncem, Dei benignitate ac Cæsaris liberalitate satis superque prouisum est. Illud ego ex omnibus aulicæ vitæ commodis maximum esse iudico, quod vt nos Principi seruire, ita illi ad honestum victum necessaria suppeditare nobis obligatus est. Quod cò dico, ne tu verba illa mea aliter interpreteris. Sed quid verbis aut altercatione opus est? quum vterque aliter facere non possimus, quin tu meæ, ego tuæ obsequar voluntati.

*Servitio
merces de-
beatur.*

Quæris, quomodo intelligenda sint verba illa Isaïæ prophetæ: *Vae tibi Hierusalem! quia bibisti calicem iræ Dei vique ad faces.* Equidem non hæc tam facilis est quæstio quam prima fronte alicui videatur: de qua fateor alium dislerentem audire, quam dislerere; ac cogitatione eam ruminare quam scribendo, illustrare malim. Primo illa dubitatio occurrit: quum Deus pater filio suo. D. N. Iesu Christo amaritudinis calicem miscuerit, cur impiæ Hierosolymæ hic minetur, fore vt Iræ calicem

Calicem bibat; vel potius infelicitatem eius deploret, quæ iam eum ebiberit? Vterque calix dicitur; hic iræ, ille fellis vel amaritudinis; vnus Iudaicæ Synagogæ, alter Christianæ Ecclesiæ mistus fuit; vnum Christus Seruator noster, alterum Hierosolyma ebibit; & quum vterque ab immortali Deo infusus sit & propinatus, cur is quem Christus D.N. epotauit, tam salutaris; alter quem Hierosolyma ebibit, tam noxius & lethalis iudicatur?

Duplex
Calix.

Vt res tota penitus intelligatur, duplicem, vt dictum est, calicem cum Scriptura ponamus. Vnus Calix Dei, alter cum graui additamento Calix iræ Dei appellatur. vnde facile vtriusque diuersitas intelligi potest. Ex vno enim cœleste gaudium, ex altero æternadamnatio hauritur. Calix Christi sunt tentationes, fames, sitis, dolor, cruciatus, & quidquid carnem offendit. Ex hoc necesse est bibant omnes, qui spe æternæ illius & beatæ vitæ tenentur. Quisquis ergo ex hoc Calice biberit, certo sibi persuadeat se ex numero esse electorum. Valde enim errant qui ita se saluos fore putant, vt nihil hic acerbidegustent.

Calix Christi
si quis.

Illud consideratione dignum est, quod Christus Dominus Noster dicit, Calicem hunc non sibi tantum, sed orat Ecclesiæ etiam suæ propinari; sic vt Christus quidem Calicem hunc biberit, sed non totum enachua-

11. Si

rit. Si enim solus Chrillus de Calice hoc bibisset, solus quoque æternam gloriam esset adeptus. Atque eam ob causam ipse Patrem rogat, vt idem Calix in Ecclesia sua circumferatur, vt & ipsa sicut passionis, ita æterni gaudij & gloriæ cum ipso fiat particeps. O profundum & inauditum mysterium! En tibi Christum D.N. in horto solitarium, tenebris circumfusus, in terram prostratum, sanguinolento sudore fluentem, & ad patrem extrema fere vota facientem! Quæ illa sunt? non vt Ecclesiæ suæ curam habeat, sed vt ad eam Calicem hunc transmittat. Ex hoc Calice amaritudinis & doloris solus D.N. Iesus Christus quantum satis est potauit, vt cuius vnus passio ad nostrum omnium salutem sufficit: nos vero qui post eum bibimus, quandoquidem ad satietatem bibere non possumus, bibamus tantum quantum ad salutem nostram satis est: D. Petri, D. Andreæ & aliorum cruces, D. Pauli gladius, D. Bartholomæi culter, D. Stephani lapides, & alia aliorum pro Christi nomine excarnificatorum supplicia quid aliud fuerunt quam guttæ quædam quas illi ex hoc Calice biberunt? Certe quanto quis plures & acerbiores guttas ex hoc Calice biberit, tanto in altera illa vita maiorem inter Sanctos gloriam adipiscetur. Quis ergo Calicem hunc amarum quidem sed salutarem, auersetur? quis non potius cum lachrymis quotidie Deum com-
prece-

*Calix Christi
transiit ad
Ecclesiam.*

Precetur, quandoquidem totum educere
Postra imbecillitas non sinit, saltem ut degu-
standum nobis propinet. Potio quam in hoc
Calice Deus nobis miscet, amara quidem est
dum bibitur, at quando iam hausta est, quo-
uis melle dulcior; quum antea acti labores ani-
mo plus voluptatis adferant quam antea æ-
gritudinis attulerunt. Laudent alij falerna,
Cretica, Belnensia, aut quæcumque alia vi-
na, eaque ad usum in dolijs condant; ego cer-
te nihil aliud desidero quam ut mihi vnicam
guttam omnibus qui mihi restant vitæ meæ
diebus è Calice hoc degustare liceat.

Alter Calix, *Calix iræ Dei* dicitur: de quo *Calix iræ*
cogitare, ne dum verba facere non possum, *quid.*
quin cor mihi scindatur, viscera commoue-
antur, artus omnes contremiscant, lachry-
mæ ex oculis profiliant, adeoque animus,
quasi externatus obstupeſcat. Hic ille
Calix est de quo Propheta loquitur, quem in-
felix Hierosolyma quasi totum ostendit, &
ebria in captiuitatem Babylonicā fuit abdu-
cta. Ex hoc Calice bibunt omnes qui statu
gratiæ excidunt, qua carens anima non mi-
nus mortua est quam corpus anima desitu-
tum. Tum vero Iræ Calicem nobis Deus mi-
scere dicitur, quando à nobis desertus, nos
quoque deserit: ex quo nihil aliud sequi po-
test quam ut indies magis magisque in exiti-
um præcipites feramur. O quantum differt
hominum ira à Dei ira? Homines enim ira-
ti, eos

ti, eos quibus irascuntur puniunt; at Deus iratus, tum demum eos à quibus offensus est; castigare definit. Sed ò miseros, quos Deus hoc modo im punitos dimittit! Nulla maior tentatio est quam nō re- tari, nulla maior tribulatio, quam nullam tribulationem sentire; nulla maior pœna quam pœnæ omnis exper- tem vivere. Conclamatus est ager, quem medicus deserit; & peccator, quem Deus hic non castigat.

De misera Hierosolyma diuinus vates tē-
statur, quod non solum Calicem iræ Dei bi-
berit, sed etiam quod ad fæces vsque exhau-
serit; adeo vt nihil reliquum fecerit, sed plus
bibitura fuerit si plus in Calice fuisset. Cali-
cem ad fæces vsque ebibit quisquis non igna-
rus se omnibus suis sensibus Deum offendis-
se, septem peccata mortalia commisisse; in
aliquot Fidei articulis impe- gisse, omnibus
denique modis contra Deum & proximum
peccasse, peccatis tamen ita mancipatus est;
vt si quænamlibet decem; ita decem mil-
lia præceptorum Dei essent, ea omnia trans-
gressurus, ac v. tam citius quam peccando vo-
luntatem am.issurus sit. Calicem ad fæces vs-
que bibit cuius animus peccatis ita immer-
sus est, vt dum vnum opere, mille interim
eadem hora cogitationibus committat. Cali-
cem ad fæces vsque bibit, quisquis pecca-
re desistit, non quod peccare amplius nolit;
sed quod peccare non possit; Calicem ad fæ-

*Ad fæces
bibere quid*

tes usque bibit, quisquis peccare non contentus, etiam peccasse se glorietur. Calicem ad faciem vique bibit quisquis cum peccando impudentia progreditur, ut non ipse solum peccet, sed alios etiam ad peccandum iritet & trahat. Calicem ad facies usque bibit quisquis sanctis cogitationibus, sed operibus sathanicis assidue occupatur.

Habes meam de hoc loco sententiam. Quod superest Deum veneror precorque, ut non illum iræ suæ, de quo Propheta loquitur, sed salutarem hunc Christi calicem propinare nobis dignetur. Nouarum rerum nihil, ut alias solco, subnecto, ne profana sacris miscendo, S. Scripturæ iniuriam & contumeliam faciam. Madrici xxv. Martij.

Ad

DIDACVM GVE-
VARAM,

EPISTOLA.

*In qua Auctor patrum cum diuturno morbo confli-
et antem consolatur.*



Vereris parui te à me fieri, ut
quem iamdiu neque ut patrum
inviserim, neque ut amicum litte-
ris salutarim. Fateor, officijs remi-
p hido

hi dominū, cognatione patrum, sed educatione patrē esse, vt filius potius quam patru-
elitus censeri debeam; eoque culpam in-
termitti officij negare non possum, quamuis
nec exculatio mihi delit. quam tu accipias
vti voles; mihi nihilominus hoc velim cre-
das, tot in hac aula occupationibus me ob-
rutac distineri, vt non dicam aliorum, sed
menspius mihi pāne videar oblitus. Neque
hoc tam ad me excusandum, quam ad vitæ
meæ conditionem deplorandam à me di-
cūm puta. O felicem pristinam vitæ meæ
conditionem! Tum quum adhuc viuerem,
id est, in monasterio essem, mane ad matu-
tinas surgebam, inde ad sacrum Missæ cele-
brandum officium me præparabam, post-
ea ad libros redibam, concionabar ad po-
pulum, ieiunia diligenter obseruabam, di-
sciplinæ me totum dedebam, peccata mea
deplorabam, orabam pro peccatoribus,
vesperi denique totius diei acta repetebam;
& conscientiam meam expurgabam. At post-
quam in aulam veni, & viuere quasi desij,
ieiunia valere iussi, dies festos violauī, disci-
plinæ oblitus sum, libros abieci, & concioni-
bus supersedi, eam denique vitæ rationē am-
plexus, & quod malorum meorum caput est,
ijs necessitudinibus iisque negocijs illigatus
sum, quibus affectiones seu passionēs animi
mei iritantur magis quam sedantur. Et hæc
quidem causa est, mi patruæ, quam obrem

*Aulicæ vi-
tæ miseria*

nos autem neque officium nostrum agnosce-
re, neque cum amicis conuersari, neque no-
strum ipsorum damnum sentire, nec tempus
bene collocare, nec ullam quietem capere
possimus: adeo ut cogitabundi, tristes, morosi
ac velut mēte capri quotidie incedamus. Sed
his omisiss, tu si hanc veniam mihi iam de-
deris, recipio me posthac & ipsum si occasio
tulerit, ad te venturum, & neminē sine meis
litteris ad te ire passurum.

Latro filius tuus quo in statu res isthica-
pud vos essent, mihi significauit, ac petijt
ut litteris te meis in hoc tam longo tuo &
grauissimo morbo consolari vellem. E-
quidem vicem tuam doleo, tam diuturna
febri cōflictati, tātos dolores perpeffi, tot me-
dicamentis & pharmacis macerati, argēto de-
nique, vti credibile est, nō mediocri emūcti.
Nam quā multa sint morborū molestia, tū
nulla fere grauior quā quod ē tātis sumtibus
quātī in pharmaca & medicos fiunt, ad agros
nihil plerumque prater corporis vexationē
& doloris augmentū redit. Inter Lycurgi in-
stituta hoc quoque fuit, ut nemo ciuium rei
tristis & calamitosę nunciū ad alterū perfer-
ret, sed expectarēt omnes dū is ad quē ea per-
tinet, aut ipse rescisceret, aut diuinatione as-
sequeretur. Plato ciuibz suis cōsulit, ne quis
vicinū in aduersitate constitutum visitet aut
consoletur, quod frigidum valde sit tam sola-
tiū quā consiliū, quod nō opē aliquā habet ad

*Morborum
molestia.*

*Non verbo
sed ope.*

unctam. Consilium sane & auxilium ita inter se diuersa & distincta sunt, vt raro ab vno eodemque proficiantur. Alterum enim prudentis est, alterum potentis. Atque vtinam dolori tuo remedium adferre tam possem quam vellem! Mihi crede, non iam ægrotanti dolorem, sed dudum sanitati restituto gaudium meum testatus essem. Equidem nec Paradrillam amœnissimum prædium vbi habitas, nec noualia, nec molendina, nec quidquam eorum quæ habes, tibi inuideo: vbi tamen vitam meam cum tua comparo, fateor me quodammodo mei pœnitere ac tædere. Nam quum me tot negotiorum tumultus circumstrepant, quibus animus à rerum salutarium & iucundissimarum contemplatione aueretur; e contra domum tuam tamquam sanctissimum sacrarium, à monastica disciplina & tranquillitate parum abesse videam: facere non possum quin & tuam tibi quodammodo inuideam, & meam conditionem deplem. Cato Censorius in prædium suum inter Nolam & Caietam iam senex abijt, ibique procul ab omni turba & negotiis tranquille vixit: quod transeuntes Romani dicere solebant: *Iste solus scit viuere*. Illum quidem ego senem felicem & Deo charum puto qui senem se esse agnoscit. Qui enim intelligit quousque in vitæ stadio progressus sit & quam prope ab extrema absit linea, is profecto hoc vnum agat vt ad extremam illam horam

horam se se præparet. Tritum est sermone
proverbium, quo etiam Plato utitur, Iuue-
nescito mori, sed senes diu vivere non posse.
Deficiente oleo, lumen extingui videmus.
Abeunt soli nox succedit. Flore ex arbore
decusso, spes nulla fructus reliqua est. Et quis-
quam senex vitæ potius agendæ quam mortis
recte obeundæ præsidia sibi comparabit?
Diodorus Siculus testatur, apud Ægyptios
legem olim fuisse, ut nec Regum aut Prin-
cipum quisquam qui liberos suscepisset, nec
quisquam alius de plebe sexagesimum ætatis
annum supergressus, domum sibi ædifica-
ret, nisi sepulcrum prius sibi construxisset.
Quod eo dico ut pietatem tuam ac prudenti-
am laudem, qui non ut supersticiosus qui-
dem Ægyptius, sed vere religiosus Christia-
nus in Cuenca monasterio sepulchrum tibi
delegeris in quo ossa tua conquiescant, sa-
cræ ædiculæ fundaris ac dotaris ubi pro
anima tuâ assiduæ fierent deprecationes, &
monumentum exstruxeris quo posteritui
glorientur.

Narravit mihi insuper Petrus Reinosus
vicinus & necessarius tuus, segetibus ibi apud
vos & vineis grandinem plurimum nocu-
isse. Quam calamitatem ego suadeo ut tan-
to leuius feras, quod tibi iam fere nonage-
nario vita citius quam alimentum defutu-
rum sit. Istis feneratoribus tristitiam relin-
que, qui annonam in horrea, & vina in cel-
las

*Calamita-
tes quomodo
ferenda.*

las cōdunt, nec prius nisi aucto ad summum precio, depromunt ac vendunt. Qui si damnum eiusmodi patiuntur, quis quarto vicem eorum dolebit? Aut quis eorum fortanis bene precetur, qui publicam fortunam quasi depeculantur; & pauperibus non modo non profunt, sed nocent? Stultum est eiusmodi calamitatibus nimis angi quas auertere non possis; at impium, Deo ordinem potius velle præscribere quam vitam emendare. Cadant ædes, exoculentur vites, grandinentur segetes, pereant armenta gregesque, fructus denique omnes malus auferat annus: nos tamen in Domino sperabimus, nec de ablato queremus, sed de residuo gratias agemus. Tanto ergo molestius fero quod audio te querulum, tristem, ac morosum esse, tuisque istis incommodis grauius angī. Senum ista, fateor, sunt propria; at non prudentum senum. Non tu malis omnes tibi agros & segetes aduistas, quam cordis sapientiam ereptam? Nosti procul dubio, Villadæ, Palentia, & vbique locorum frugum multos modios; at ne Medinæ quidem vel quocunque alio celeberrimo foro vel vnciam Sapientiaæ vxnalem haberi. Pluris profecto est, qui sapientiam quam qui pecuniam habet. Sapiens enim quamuis pauper pecuniam & alia facile sibi comparabit; at diues insipiens & rem & seipsum perdet. Hominis est dolores & ærumnas sentire; at prudentis, dissimula-

Facilis ia.

Et uia bono.

Et uia bono.

mulare. Quod si quis omnia vitæ aduersa ægro ac sollicito animo excipiat ac ferat, is numquam cum Heraclito ^plorare, aut cum Timone vitam omnino detestari cessabit. Prometheus nullam ob causam quam in morte amici illachrymandum esse dixit: quum aliarum rerum lactura ad arcæ, amici, ad cor ipsum pertineat. Quid tu ergo hunc vineæ aut segeti grandine percussæ illachrymaturum, aut in alijs lachrymas eiusmodi probaturū fuisse puras? E fortunarū amissione homines plurimū agitudinis, sed minimum damni sentiunt. Mihi quidem incerta vitæ humanæ reputanti, plura timenda quā speranda videntur. Iam dudum, credo, ista didicisti, nullā spem aut fiduciam in caducis istis rebus ponendā esse. Grandinantur vineæ, vruntur segetes, sterilescunt arbores, ipsa terra fecunda omniū mater exhauritur, moriuntur homines; ac denique in ipso fine omnia habent finem. Quod si hæc ac multo acerbiora iuuenibus etiā accidunt; quāto tu magis in prouecta ista tua ætate omnia æquo animo ferre debes? Erras enim si alijs legibus te victurum putas quam ijs quas Natura ipsa senectuti præscripsit: vt scilicet decrescente vita senes incommoda quotidie sua augeri videant, amicis destituti, orbi liberis, priuati facultatibus, morbis obnoxij, omnibus denique aduersitatum telis propositi. Hinc illud Plinij: Optimū esse non nasci; secūdū, quā cito emo-

*Huius vitæ
omnia in-
certa.*

ri. Quam recte ergo monet diuinus Plato,
vt non diu viuere, sed bene mori studea-
mus!

De his, mi patrue, monere te visum est,
vt tam multorum quos vixisti annorum
fructus percipere discas, & octuagenario ma-
ior, mortem ad fores te præstolantem sem-
per in oculis habeas. Scio non egere te con-
silio meo: hoc tamen potius quàm quidquam
aliud volui scribere, vt etiam in hoc vitæ ac
negociorum labyrintho ea quæ recta sunt si
non sequi semper, videre tamen me intelli-
gas. v. Madrici xi. Martij m. d. xxxiii.

Ad

M O S E N R V B I -
N V M,

E P I S T O L A:

*In qua amoris, senilis præcipue stultitia & incom-
moda ostenduntur.*



Itteras tuas Madrici xv. Sextilis
accepi, lituris tam plenas tam-
que cancellatas, vt neque ipsam
noministui ferme erasi subscrip-
tionem legere, adeoque diu diuinare non
potuerim, vnde illæ essent. Etiam si enim
Va-

Valentiæ, quum Inquisitoris ibi munere
fungerer, alter alterum familiariter nouerit,
nihil tamen mirum tot annorum spacio tui
mihi memoriam excidisse. Tandem le-
ctis, sæpe ac relectis litteris, eas à Mole Ru-
bina vetere meo amico, vel vt verius di-
cam, Cupidinis seruo scriptas esse ariola-
bar; simulque pristinæ nostræ consuetudinis
& familiaritatis memoriam recolēbam.
Multa simul hic mihi in mentem venerūt, ac
præsertim singularis tua in ludo Schacho-
rum peritia, vel mea potius imperitia, vt sæpe
etiam mihi Reginæ, quam vocant, gratia facta
nihilominus viceris: at amicam te mihi tuam
vmquam commonstrasse, non memini. Me-
mini, in Espadanis angustijs mihi tecum vna
iter facienti Mauros aliquot occurrisse, &
conflictu edito vtrumque vulneratum, fru-
stra chirurgi operam tum quæsiuisse. Memi-
ni ob nauatam tibi apud Reginam à me ope-
ram mulum mihi à te donatum, sed à me id
munus non acceptum. Memini, quum vter-
que Franciæ Regem domum redeuntem co-
mitaremur, & ad Septem aquas peruenisse-
mus, me tibi conquestum, nihil mihi in vi-
ctum suppetere; te vero, tibi hospitium non
esse: tum te à me hospitio receptum, victum
vtrique nostrum procurasse. Memini, mihi à
Cæsare Toletum euocato litteras ad Vriam
libellorum magistrum à te mihi datas: à me
vero negocium super quo illæ scriptæ erant,

*Iocunda
est pristina
consuetudina-
ris memora-
ria.*

*Vincula
amoris
tenacia.*

ex animi tui sententia confectum . Memini quum Xatiuæ vnâ essemus , tuque amorem tuû mihi aperuisses, me tibi fuisse vt Amorem istum, vtpote, damnosum & turpem, ad maximam malam rem facessere iuberet. Memini etiam postea te mihi non sine lachrymis questum esse, vt omnia facias , non posse te Amorem istum ex animo eiicere; me nihilominus per omnia sacra obtestatum, vt Amoribus illis parum honestis & valde damnosis nuncium remitteres . Memini multo post Fores-torris te de statu & exitu illius amoris à me rogatum, respondisse, Te non sine vulneribus, deceptum, exhaustum, infamem tandem ægre è castris illis Venerijs transfugisse. Plura alia Valentia inter nos dicta ac facta memini, quæ vt à familiari sermone non abhorrent, ita epistola parum digna sunt.

*Religiosus
de amoribus
loqui
non decet.*

Sed omnem meam expectationem præsentis tuæ epistolæ argumentum fefellit: quæ significas, nouis te amoribus irretitum, ac petis vt quû antea recte tibi cõsuluerim, nunc iterum consilio te iuuem; vt quem ex omnibus potissimum vulnere tuo primum exasperando, deinde obligando aptum noris. Equidem à me quiduis aliud peti malim. Nec enim ista vel tuam ætatem, vel meam professionem decent. Quæso te, mi Rubine, vt si quid à me petere velis , ea potius petas quæ calus conscientia quam quæ amoris remedia

quæ spectant. Mihi Summa Messiensis na-
 gistra est quam Quidam Ascanandi). Apa-
 ge, apage rein vain à tua ætate quam mea pro-
 fessione alienissimam. Tu senex es, ego reli-
 giosus. Tibi ætas, mihi votum & religio ob-
 ilat. Crede hoc tu mihi non amorē, sed dolo-
 rem, non lætitiā sed tristitiā, non somen-
 tum sed tormentum, non recreationem sed
 confusionem esse si cum tegerit qui non iu-
 uenis sed senex, non liber sed obstrictus, nō
 liberalis sed tenax sit. Senex qui quæ iuue- *Turpe senis*
 num sent facit, & amoribus se dat, non senex *in amor.*
 amator, sed stultus senex appellari & haberi
 solet. Et quidem non iniuria. Quis enim fi-
 cus putridas non in fimetum potius abijci-
 endas quam in penu condendas arbitretur?
 Venus & Cupido neminem suorum albo ad-
 scribunt nisi quibus ætas ad seruiendum,
 pecunia ad sumtus faciendos, libertas ad fru-
 endum, patientia ad ferendum, prudentia
 ad respondendum, taciturnitas ad celan-
 dum, constantia ad perscuerandum, alia de-
 nique omnia suppetunt quibus mutuus amor
 accenditur ac conseruatur. Quibus horū a-
 liquid deest, magis è re sua secerint, si à ca-
 stris his omnino abstineant, ne cum infamia
 è manipulo expungātur. Sene amatore nihil *Sic trahat*
 miserius est, quē ludo & ioco habet amica, ri- *cultores ju-*
 dēt vicini, decipiunt ministri, expilant lenæ: *os Venus.*
 interim fungus ille blandis verbis demulceri
 se finit, facultates suas male collocat, facile
 credit,

credit, noctes infomnes exigit, dies mille
 vanitatibus consumit, ac tandē, licet nimis se-
 ro deceptum se animaduertit, nec queri ta-
 men audet. Nulla ars, nulla scientia tam dif-
 ficilis tamque intricata est, quin ab homine
 non ignauo comprehendī, & condisci queat,
 vnica excepta Amandi arte; quam nec Salo-
 mon describere, nec pingere Apelles, nec do-
 cere Ouidius, nec enarrare Helena, nec Cle-
 opatra exprimere satis possit. Nihil est in
 quo patientia nō & modestiam magis desi-
 deres quam in Amatore; cuius corpus etsi
 famem, sitim, gelu patienter sustinet & vl-
 tro prouocat, crumena tamen assiduis largi-
 tionibus exhauritur, & cor ipsum continuis
 & irrequietis cogitationibus & imaginatio-
 nibus pulsatur. Vt vero amor constans sit
 & verus, necesse est vt inter amantes omni-
 moda sit æqualitas. Si enim vnus senex sit,
 alter iuuenis; vnus sapiens, alter insipiens;
 vnus caleat, alter frigeat, nihil certius est a-
 morem eiusmodi tandem in odium verti. Si
 igitur amica tua tot quot tu, nempe annos
 sexaginta & tres nata est, minus, credo, vtri-
 usque amor periclitabitur. Ad focum
 enim sedentes, tu illi amores tuos iuueniles
 iactabis; illa vicissim quot à procis expetita
 sit narrabit. Sed vt ad rem ipsam propius ac-
 cedam, illud ego scire cupio, quid sit quod
 tu isthac ætate, tam cano capite, membrisor-
 nibus scabie infectis, & arthritide debilitatis,
 iuuen.

Amor inter
 æquales
 optimus.

iuvenculam tam teneram ac tormosam pro-
 cari audeas: quæ studium omne magis inte-
 expilando quam tibi ministrando consu-
 met. Ad quid enim aliud tibi amicæ opera
 utilis sit, quam ut caligas tibi subnectat & fla-
 bro muscas abigat, aut tale quid faciat? An tu
 propterea amicam expetis, ut habeas cui nar-
 res quàm parum eo die comederis, aut quo-
 ties horologi sonum noctu audieris? Ad
 quid tibi amica opus est, & viribus ad libidi-
 nem, & fortunis ad avaritiam ipsius explen-
 dam, & patientia ad ferendos ipsius mores,
 & iuvenili vigore ad amore ipsius fruendum
 destituto? Quid tu talem amicam quæris,
 cui non labores & dolores quos ipsius causa
 pertuleris, sed illa tantum narres, iam stomachū
 tibi dolere, iam arthritidem manus, iam pe-
 des, iam collum inualuisse? Cur eam tibi ami-
 cam adsciscere cogitas, quæ quamprimum
 donare ipsi & in omnibus morem gerere de-
 fieris, statim te relictura sit? Quid amica tibi
 opus est, cui nec petiti negare, nec delinquen-
 ti exprobrare quidquam ausis? Quid amicam
 expetis, cuius fauor non grato tantum ani-
 mo agnoscendus, sed statim etiam compen-
 sandus, aut iniuria omnis munitanda est?
 Quid tu talem ambis amicam, cuius omnes
 blanditiæ nihil aliud spectant quam ut à te
 aliquid extorqueat? Quid amica tibi opus,
 cum qua, si vel ad insaniam podagræ dolo-
 res te redigant, ridere ac lætum fingere vul-
 tum

*Quid sensu
 ab amica
 expectan-
 dum,*

tum necesse habere? Quid amica tibi opus est, cum qua citius rem omnem consumpleris quam mores ipsius & ingenium pernoctas? Quid denique eam amicā expetis, quam care conciliatam, & dapiliter habitam, mox non sine odio deserturus sis? Tale amicā si tu quæris, age, fiat id bonis auspicijs. At si me audis, amicū tu potius cuius sermone & consuetudine recreeris, quam amicā cuius libidine interficiare, tibi comparabis. De remedijs Amoris quum alij tum Ovidius scripsit, tanto magis ridiculi quod illis quæ alijs præscripserant, ipsi vti non sunt. Sed quidquid illi dicant, mihi contra Amorem nullum præsentius aut efficacius remedium videtur, quam vitare occasionem. Amor enim retia facile vitabit quisquis voluerit; at qui semel ijs sese involuerit, vix vnumquam etiam quum voluerit, sese explicabit. Caue ergo, caue mi Rubine, ne diaboli fraude iterum in amorem pelliciaris, qui & valetudini tuæ noceat, & generi infamiam inurat, & non modo arthritidem non leniat, verum etiam vitam ipsam auferat. Sed longius me prouectum video quam initio mihi proposueram. Quod si tu ista legens, vnguem, quod dicitur, in vlcere senseris; non mihi sed tibi qui me prouocasti, imputabis. Ego interim te Dei immortalis tutelæ commendo: quem precor vt ab eiusmodi amoribus & podas

*Medice en-
va te ipsum.*

& podagrę simul doloribuste liberet. Ma-
drici III. Martij M D XXVII.

Ad

A L P H O N S V M

S V A R E S, &c.

E P I S T O L A.

In qua ad congratulationem respondet.



E N E mihi tuę redditę sunt
litterę: quas à te esse, etsi no-
men non præferebant, è sti-
lo statim agnoui, vtpote graue
in primis sententiarum pondus
paucis verbis comprehendentes, & mira
quadam vrbanitate & lepore tinctas. Tria
aiunt esse in quibus hominis sapientia aut
stultitia maxime eluceat, Iram scilicet, rei
domesticę administrationem, & scriptio-
nem. Hęc enim vix ac ne vix quidem ita
tractari possunt quin certissima in hanc vel
illam partem animi indicia sese prodant. Ad
me quidem multorum quotidie comeant
litterę, sed mihi crede, nullę me magis de-
lectant quam tuę, non tantum quod politis-
simi & admirandi tui ingenij, sed & singu-
laris erga me beneuolentię testes sunt.

*Note inge-
nitę quales*

Scribis

Scribis mulum te mihi dono mittere, sed & vniuersas tuas fortunas communicare mecum paratum esse. Equidem hunc tuum erga me tam propensum animum exosculor, donum tamen nequaquam accipio. Ad vsus enim meos necessaria aliunde habeo; à te vero nihil præter bonum consilium peto aut expecto. Nam quid ego plus optem, qui & duplex salarium à Cæsare, Inquisitoris scilicet & historiographi, habeo, & Episcopatu nuper sum auctur?

*Non bene conueniunt nec in vna sede morantur
Virtutes & Opes.*

Liceat enim mihi duobus immutatis verbis, versum hunc in re obuia & notissima vsurpare. Stultiam namque, vt alius non minus scite dixit, opes patiuntur, voluptatum ministræ. Sapiens necessarijs cõtentus est; at vanus gaudet superfluis; vnde fit vt è summa copia summa nascatur inopia. Pauper magno labore necessaria sibi quærit; at diues superflua multo maiori sollicitudine custodit: vt qui non libidine tantum eâ augendi, sed etiam amittendi metu cruciatur. Aliud præterea incommodum opulenta fortuna secum trahit, quod nimirum vel paullulum crescente auctoritate, vanitas & stultitia in immensum crescit: vt omnis labor non in procuranda re domestica, sed in vanis explendis cupiditatibus versetur. Quilibet procurare debet vt necessaria habeat; sed multo magis vt non ne-

cessas

*Sapiens
paruo cõtē-
tentus.*

cessaria non concupiscat. Multi enim iam-
dudum a vitijs recessissent, si diuitiæ ab eis.
Laudanda sane eorum est industria qui sibi *opes alium,*
ac suis ad victum necessaria procurant: quum *vitia.*
inopia semper anxia sit & sollicita. O quan-
tum Deo debent quibus ille necessaria sup-
peditat, sic vt neque ad vitam quid desit, nec
ad perniciem quid super sit.

Ad gratulationem tuam quod attinet, &
incredibilem lætitiā quam a me ex hac di-
gnitatis meæ accessione cepisse, animum iti-
dem tuum laudo, sed lætitiā non probō.
Quin potius illud expectabam vt condo-
leres mihi quam vt congratulareris: &
credo facturum fuisse, si muneris huius vel
oneris potius grauitas tibi esset explorata.
Difficilis est Reipublicæ administratio; at
multo difficilior Ecclesiarum. Vtrumque
munus multi ambiunt; pauci recte admini-
strant. Gubernatorem tam secularem quam *Gubernator*
Ecclesiasticum oportet esse scientem & do- *qualis esse,*
ctum, vt sciat quid agendum sit; pruden- *debeat.*
tem & expertum, vt sciat quando vnum,
quodque agendum sit; cordatum & iustum,
vt sciat quomodo vnumquodque agendum
sit; patientem denique, vt quæ emendare
nequit, dissimulet: ne & sibi molestiam &
Reipublicæ periculum creet. Hæc omnia
in vno quidem optari possunt, at in paucissi-
mis reperiuntur: quum etiam optimis &
præstantissimis multa ad summam perfecti-

Q

onem

*Virtutis ti-
tulus omni-
bus aliis
præcellis.*

onem defint. Ex omnibus titulis quos sæculi huius ambitio magno studio affectat nullus mihi magnificentiior videtur quam qui à virtute & honestate sumitur: quem nemo non sibi vindicat, sed pauci merentur. Ridere latius non possum eorum ineptias vel stultam potius ambitionem, qui honori suo summam factam iniuriam putant, si Honesti aut virtute præditi appellentur: eoque litteras minus honorifice, ut ipsi putant, sibi inscriptas indignanter abijciunt, ac ne legere quidem dignantur. Suus cuique statui & dignitati debetur honos: at affectet illi quoscunque velint titulos, mihi crede, nullum ex omnibus reperient qui cum eo quo quis Honestus aut Virtute præditus dicitur, comparari possit. quamvis hodieque is ad infinitum fere vulgus relegatus sit. Nam & virtus in hoc agnoscitur, nec tamen dignitas negatur. Sed ut eo vnde digressus sum redeam: hoc mihi credas velim, non maiori studio alios dignitatem hanc ambire, quam ego, si meo arbitrato mihi vivere liceat, renunciare ei paratus sim: quum ad philosophandum magis quam ad gubernandum indoles mea proclivis sit.

Sed hic profecto ego vineta ipsemet mea cedere videbor; ut qui negare non possim ex eorum me esse numero qui non solum suis necessitatibus, sed aliorum etiam sermonibus serviendum sibi existimant: eoque non

tam

tam ratione quam aliorum opinionibus regi se patiuntur. Multos videre est quibus non modo ad honeste viuendum satis, verum etiam (modo cupiditatibus suis non nimis indulgeant) plus quam satis est; iisdem tamen, quum hominum magis de se expectationem quam ipsam officij rationem spectent, nec à parentibus relicta, nec ab amicis sumpta sufficiunt. Difficilis, periculosus & sumtuosus est Principum & magnatum status. Ipsis enim solis omnia accepta feruntur; at accepta multorum arbitratu expenduntur. Vix contineo me quin publicanis eos hac in re comparem, ut quibus ex omnibus quæ capiunt, parum ad suum usum relinquitur, tantum scilicet quantum ad vnum ventrem explendum sati est.

*Opinioni-
bus mundum
regitur.*

M. Aurelius Imperator, inter alia ad Pollionem sic scribit: Scire te volo, mi Pollio, bonum nonnumquam esse homini ut faciat quod non vult; numquam vere bonum esse ut faciat quod non debet. Contra homines bellum gerere, gloriosum sæpe; at contra rationem, semper stultum est. Multa sapientum genera sunt, sed plura stultorum. At stultissimus omnium est qui quum domi quiete & pace frui possit, turbas foris quærit; sic ut è dignitate seu munere nihil ad ipsum redûdet quàm molestia & labor. Quis non existimet Imperatoriâ dignitatem

*M. Aurelij
Epistol. ad
Pollionem
pars.*

*Leuis se-
mine diffici-
lis est custo-
dia.*

limum esse humanæ felicitatis apicem ?
At mihi crede, res longe aliter se habet . Et
quia amicus mihi es, in sinum tuum hoc to-
tum effundam, non quod tu scire hoc ex-
petas, sed ut scribendo isthæcteeumque cō-
municando, molestias meas aliquantum le-
uem. Postquam D. Antoninus Pius me sibi
generū, ac pro dote mihi Imperium destina-
uit, duplici me statim onere grauatum sen-
si. Nam quam Imperij administratio valde
sit difficilis , tum mihi Faustinae coniugis
meæ multo difficilior est custodia. Non mi-
rum tibi videatur quod scribo; sed illud po-
tius quomodo tantum onus tam longo tem-
pore ferre potuerim . Imperij negocia mihi
vitam consumunt, at coniugis leuitas ho-
norem meum infamat. Quia enim Faustina
se Imperatoris filiam , & Imperatoris con-
iugem , præterea diuitem , formosam , po-
tentem ac nobilem esse meminit; istis rebus
omnibus non ad libertatem, sed ad licenti-
am abutitur: & quod pessimum est, mihi si-
ne summo præiudicio, errores eius corri-
gere non licet. Mihi quidem agriculturam
exercere quam eiusmodi vitā cum tali con-
iugeducere satius esset. Nulla enim tam dura
est atque aspera terra quin aratro obsequen-
tem se præbeat; nec quisquam homo tam le-
nis qui æquo animo imperium accipiat.
Numquam mihi melius fuit quam quum v-
num tantum seruum haberem; sed multo
meli-

melius, quum nullum haberem. Postquam
 Imperator factus sum, omnes se seruos me- *Regnum*
 os ferunt, quum tamen ego omnium sim *splendida*
 seruus. Obedientiam illi mihi præstant; ego *est seruitus*
 illis victum. Illa tantum, mi Pollio, inter id
 quod fui & id quod modo sum, est differen-
 tia, quod antea in Philosophiæ studijs to-
 tus acquiescebam; at dignitate iam tumidus,
 & artes quas sciebam oblitus sum, & virtu-
 tem qua gloriabar, posthabui. Ante suscep-
 tam à me Reipublicæ administrationem o-
 mnium oculi in me erant coniecti; nunc in
 me Principem omnium linguæ acuuntur:
 vt sicut Principi numquam deest quod ca-
 stiget, ita maleuolis numquam delit quod
 carpant. Hæc eò, mi Pollio, ad te scribo, vt
 præteritam illam meam fortunam mihi in-
 uideas, & eius in qua iam sum vicem doleas:
 si quidem omnis amicorū conuersationis &
 scientiarū quas olim didici fructu priuatum
 me iam video, &c.

Habes ad gratulationem tuam M. Auré-
 lij pro me responsum: è quo facile intelli-
 gi potest quanto litteratis hominibus & Reli-
 giosis, qualis ego sum, & tutius sit & iucun-
 dius philosophari quam gubernare. Cetera
 mea bene habent, nisi quod podagræ dolo-
 ribus interdum vehementer crucior. Quis
 vero mihi sub eius signis contravoluntatem
 militanti animus sit, Deus nouit; præsertim
 quod quanto ego magis dolores meos apud

*Bene qui la-
 tuit bene
 vixit.*

Mexiam medicum deploro, tanto ille magis ridet. Caroli Guevaræ patrui mei, qui apud vos est, negocia ita tibi commendo ut maiori studio & diligentia cōmendare non possim, par aut maius etiam, si occasio ferat, officium tibi ac tuis præstiturus. Grana-
tæ 1V. Decembris M D XXX.

Ad

MARCHIONEM
VELESIVM,

EPISTOLA.

In qua noua quædam miro lepore nunciantur.

*Illustrissime Domine, cognate & amice
obseruande:*



ARSIAS Rodericus litteras tuas
VI. huius mensis Velis ad Ru-
bium scriptas mihi reddidit, tam
recentes ut salmones maiori cele-
ritate Baionâ huc ad nos adferri non pos-
sint: quibus à me petis ut si quid nouarum
rerum hic sit ad te perscribam, & quo in sta-
tu aulæ sint negocia significem. Ego vero
aio multum te decipi, si existimes quidquâ
hic certum statum obtinere, quâ omnia non
secus

*Aula vana
omnia.*

secus ac Luna, continuo vultum mutet, ipsique homines Proteo sint instabiles. Ista iam olim in aula sita sunt, & velut ius suum habent, ut scilicet vocanti nemo respondeat, fugiant amantes, quarena fugientes, sequantur ignotos, feruant nihil sollicitibus, ipse est quod nemini datur, & ut verbo dicam, operam & oleum perdant. Hæc omnia ut corporis nostri vires perferre possint, animus tamē ferre aut dissimulare non potest. Cuius corpus doloribus affligitur, citius queri desinet quam animus angustijs inclusus suspirare. Multi tamen Philosophi quā alij in summis corporis cruciatibus vix ullā vocem doloris indicem emisisse, at superueniente aliqua animi tristitia pæne ultra modum ingemuisse, perhibentur. Quocirca sapienter admonendum fecisse mihi videris, quod relicta aula, domum tuā, ad vitæ tuæ reliquum tranquille ibi exigendum, conferre te voluisti; non ignarus, acerbiora esse quæ videntur quam quæ audiuntur. Et profecto quum omnia aulae vana sint, simulata, inconstantia, dubia, periculosa; non mirum est si cum risu fere audiuntur, at summo cum dolore oculis cernuntur.

Petis ut tibi scribam, an Imperatricem cenantem vel prandentem nonnumquam videar; & quibus illa cibus vescatur. Equidem quum hoc tempore pauci admodum Prælati in aula sint, quotidie ad prandium &

*Graviora
sunt quæ a-
nimum quā
quæ corpus
feriunt.*

*Facilius est
Deo servire
quàm mundo.*

cœnam eò venio, non quidem spectandi, sed cibi consecrandi gratia. Interim dum mensæ benedico, fateor me mihi ipsi interdum maledicere; siquidem ex aula me domum ad cœnam recipiente, plerumque cœnandi tempus iamdudum præterijt, adeoque iam cubitum eundi tempus est. Minori opera Deo seruitur quam Regi. Rex enim nullum officium acceptum habet nisi quod suo tempore præstatur, & quod ipse requirit: at Deus omnia nostra obsequia grata habet, neque ea solum ad sui præscripti, sed bonæ etiâ nostræ voluntatis & affectus lancem exigit. Quæris quid, & quomodo Imperatrix edat. Non est hic aliud quod dicam, nisi cibos quibus vescitur, frigidos ferre esse, vt & locum: illam vero sedere solam & tacentem, omnium interim reliquorum oculis in eam defixis. Ni fallor quinque hæ sunt conditiones, quarum vna, quæque minus suaue mihi prandium redditura sit. Iam hyems est, quod tempus natura sua frigidum est & triste: atque eo tale mihi prandium aut cœna placet, quæ ad focum calentem instructa, inter amicorum confabulationes sine vllis sermonum arbitris peragatur. Qui enim eo tempore quo alij in lætitiâ soluuntur, nec ipse edit, nec alijs edentibus ministrat, sed tacitus & plenus cogitationum adstat, eum ego insidiatorem potius quam spectatorem dixerim.

Frigi-

Frigidis vero cibus, ac præsertim hyberno tempore, vesci, & stomacho nocet, & ore, xin extinguit. Solum edere, animi parum generosi mihi videtur: qui non tantum cibus quantum commensalium consuetudine & sermonibus delectatur. Sed Principibus hac in re venia danda est, quos ista à contemtu vindicant, & venerabiliores reddūt. *Confabulatio cibo suavior.* Sed edat quisque quod & quocumque modo volet: ego certe non tam cibos qui Imperatrici apponuntur, quam patientiam quam illa inter vescendum ostendit, ei inuideo. Fercula si numerū spectes, multa sunt, è quorum paucis illa parum aliquid delibat: sic vt Imperatrix mihi videatur optimæ conditionis, sed teneræ complexionis. Quibus vero vesci solet, hæc fere sunt: melepepones conditi, carnes vaccinæ recens salitæ, iuscula, exa suilla, columbæ domesticæ, præpingues anseres, capi assati: sic vt ijs delectetur quæ multi fastidiunt, & ab ijs abhorreat quæ vulgus in delicijs habet. Apponuntur etiam pauones, perdices, phasiani, artocrex, striblitæ, placentæ, multaque alia varij generis edulia, quæ tamen illa non modo attingere, sed vix etiam adspicere dignatur. Adeo verum est, cupiditates cuiusque expleri nō eo quod quis habet, siue multum siue parum id sit, sed quod naturæ quædam inclinatione desiderat. Toto prandio vel cœna semel tantum bibit, non merum

vinum, sed aqua dilutum, vel ut verius dicam, aquam vino dilutam: sic ut tam cibi quam vini reliquiæ ex orbe eius ablatae à nemine cui palatum sapit, expetantur. Ministratur ei more Lusitanico, nempe à tribus puellis, quæ genu innixæ cibum à maribus apportatum, præsecant, aliaque ministeria obeunt. Reliquum gynæceum in orbem adit, aliæ erectæ, aliæ in parietem aut aliud quid reclinatae, non tacitæ sed garrientes, aulicis interim singularum mores observantibus, & è re nata sermonibus vanamquamque inter se celebrantibus. Vtrique aliquando etiam tam claretinniunt, ut ipsius Imperatricis aures offendant: sed hæc Lusitanorum consuetudine facile excusantur.

Quod quæris, utrum in aula maior iuuenum procantium an puellarum quibus illi seruiunt sit numerus, cum *Isaia* despera deo: Apprehendent mulieres septem virum vnum. Plerique Nobiles aulici gynæcei virgines affectantur, videre eas cupiunt, audire, colloqui; at uxorem ducere nemo: interim miseræ illæ spe frustratae, dolore & desiderio contabescunt.

Rogas à quo galerus Cardinali sit impositus. S. ito ergo *Franciscum Mendozam* Zamorensē episcopum id muneris cibi, sic & nisi me animus fallit, maluisset ille in genua prouolutus pileum hunc ab illo accipere, quā sedens

sedens illi imponere. Ceremoniæ hæc in templo S. Antolini peractæ sunt: quo tempore tantus repente cælo imber decidit, tamque vehemens ventus increbuit, ut si Cardinalis non Christianus sed gentilis fuisset, honorem eum aut repudiaturus, aut rem in aliâ diem dilaturus fuerit. Certe tanta fuit tempestas, ut Cardinali è templo descendenti caustia quam antegestare solitus fuerat, maiori usus fuerit quam tum ei datus Cardinalitius galerus. De epulo quod ille præbuit, quid tibi ego dicam? Laeta omnia, splendida & magnifica fuerunt. Nullum generosioris vini genus deerat, Torense, Sanmartinianum, Madrigalense, Arenate: sed nec strenui potatores, quorum nonnulli gressu titubantes, quidam etiam in genua prolapsi, vim vini testabantur.

Ad hospitium meum quod attinet, ne tu quære an commodum, sed an omnino hospitium habeam. Sæpe ego ad Ioannem Aialam designatorẽ dixi, posse à Deo quæcumque velimus precibus obtineri, at ab ipso etiam cum lachrymis bonum hospitium impetrare nos non posse. Memini in quodam sermone quẽ coram Imperatrice habueram, inter alia me dixisse, D. Ioannem Baptistam in desertum se contulisse non tantum ut peccati occasiones vitaret, verum etiam ut ne quid cum hospitiorum designatoribus negocij haberet, nec de hospitio laboraret.

Quæ-

Quæris an magna sit aulicorum frequentia. Mihi quidem circumspicienti pauci hic viri, sed ingens mulierum turba occurrit: quarum multæ ab Auila aulam hucusque sequutæ sunt, quamuis earum ante hic satis superque esset. Sed & Taurus, Zamora, Salamancâ nescio quas negociatrices huc submiserunt: adeo ut si Nobiles de septenis ex gynæceo virginibus optionem habeant quibus seruiant, ministris & equisonibus octonæ sint in vrbe mulieres quas procentur. Interim nihilominus quum Imperator in Belgio adhuc moretur, hyems sæuiat, & magna sit annonæ caritas, nemo aulam sequitur nisi quem adigit necessitas.

Quæris etiam quid de Veiarenfi Duce sentiam, qui viuis pecuniæ corradendæ tanto studio incubuit, ut moriens quater centenaria Ducatorum millia in loculis reliquerit. Licet hac de re quidquâ scribere periculosum, & audire odiosum sit, mihi tamen iam dictus Dux nihil aliud, quam sibi curam, alijs inuidiâ, inimicis calcar, furibus insidias, corpori molestias, conscientię scrupulos, animæ pericula, lites filijs, & hæredibus execrationes quæsiisse videtur. Iam adeo inter viduam, Ducem nouum, Comitem Mirandæ & alios de iure hæreditatis & successionis magnæ lites agitantur; fitque hic quod plerumque fieri solet, ut bonorum omnes hæredes esse, sed nemo quidquam oneris in se su-

se suscipere velit. Anno M D X X I I I. Burgis me ægrotantem præfatus Dux (cuius animæ Deus sit propitius) inviserat, & quum forte fortuna de avaris incidisset mentio, me rogarat quis proprie Avarus dici possit aut debeat: aiens multos super ea re differentes sibi auditos, sed à nemine satisfactum. Tum ego, Avarus est, inquam, qui quum ad luculentum ignem possit, ad fumum tamen calefacere se mauult; qui ex bonis vinis ad suum usum mala eligit; qui pannosus incedit quum satis in arca habeat vestium; qui pauper viuit vt diues moriatur: hunc ego, aut neminem, avarum dicendum puto. Addidi insuper, Mihi illum hominem pluris videri qui diuitias distribuat & in quos par est usus eroget, quam qui easdem sine fine congerat. Ad eas enim cumulandas curam tantum & laborem, adeoque casum sæpe; ad erogandas vero, magnum & generosum animum requiri.

*Quis avarum
dicendum.*

Quid de Medina vrbe, vbi iam sumus, mihi videatur quæris. Mihi quidem nec solum illa nec cælum habetur. Hoc enim nubibus, illud luto ita semper tectum est, vt neutrum cerni possit. Eoque vrbs ipsa à ciuibus & vicinis Medina campi, ab aulicis Medina luti appellatur. Riuum habet Caperdielem nomine, tam profundum & periculosum, vt fundus eius æstate anserum pedibus caleetur. Is quum tenui aluco feras
tur &

tur & cœnoscus sit, magnam anguillarum copiam mensis suppeditat, sed aërem plurimis nebulis obfuscat, &c. *Medinæ Campi xviii Julij M D XXXII.*

Ad

CONSALVVM
GILIVM,
EPISTOLA:

In qua illud diuini Regis & Placitæ, Inclinaui cor meum ad faciendas iustificationes tuas in aere, non propter retributionem, explicatur.



N & quid ad litteras tuas respondere debeam, animi dubius hæreo: Is enim status iam nostri imperij est, vt in acerbissimo multorum malorum sensu vix vocem doloris indicem emittere liceat. Iniurias ferre difficile est, at multo difficilius dissimulare. Magnum mœoris leuamentum est, rem cum amico communicare, & tristitiam omnem velut in sinum eius effuudere. At si semel altius animo iniuria insedit, difficilius obliuiscaris quàm uiscaris. Quod si lingua mea omnia quæ memoria ei suggerit effutire, aut pœna chartis illinere velit: haberent præsentibus quod obstupescerent, & absentes quo offenderentur: iam enim alea iacta est: iam inibi

omnia

omnia sunt, vt breui sulq; deque omnia latū
 & funditus euersum iri periculū sit. Nobilita-
 tis exercitus hic apud nos Medina; rebellan-
 tiū, Villabraximę iā est. Nos vt illis tamquā
 pro legitimo nostro magistratu pugnātibus,
 victoriā opramus; ita horū vicē tāquā amico-
 rū ex animo dolemus; quū præsertim pleriq;
 nec quid petāt intelligāt, nec quid agāt sciāt.
 Si belli huius ciuilis calamitates in eos tantū
 incumberent qui eius auctores sunt, æquiori
 sane animo nobis spectanda, & illis patiēda
 omnia essent. Sed iā ita plerumq; fit, vt ante-
 signani & præcipui auctores euadāt, & mise-
 rū vulgus plectātur. Monasterium hic plenū *plectuntur*
 est militibus, & monachorū cellas Nobiles iā *Abui.*
 suas fecerunt, sic vt neq; ad secedēdum vllus
 nobis angulus, nec ad studendū vna hora su-
 per sit; & quēadmodū libri mei disiecti sunt,
 ita sensus & cogitationes omnes vagētur. Nā
 quid quæso quemquā hoc tēpore & hoc rerū
 statu delectare possit? rege procul absente,
 subditis tumultuantibus, bello vndiq; per-
 strepente, timore perculsis magistratibus,
 plebe exhausta, eoq; ad extrema omnia pro-
 pendēte. Singulis fere horis novos videmus
 affluētes milites, singulis horis fere lultrātur
 copię, cōclamatur Ad arma, configitur, &
 magnus fauciorum numerus huc cōporta-
 tur. Cardinalis & regij Præfecti iniunxerunt
 mihi vt ad populum habendis concionibus
 & paci procurandæ pro viribus operam
 darem. Facio quod in me est, & tertio
 quoque

Tempore
belli icere,
sed scribere
periculosum
est.

quoque die inter vtrumque com eo exerci-
tum; sed rebelles nec fidem mihi habere,
nec resipiscere volunt, & habent vocem Ia-
cob, sed manus Esau. In bello hoc ciuili ex
alijs locis ea audio, eaque hic video, vt posu-
erim custodiam orimeo, vt non delinquam in lingua
mea. Quod si meæ vel tuæ litteræ in alio-
rum inciderent manus, multo sane maiori
in periculo vterque versaturus esset, apud
eos præsertim qui ista aut non intelligunt,
aut in malam partem omnia interpretan-
tur.

Expositio supradicti loci.

AIs, non ita pridem concioni te meæ
interfuisse, in qua locum illum regij
Prophetæ & Psalmographi explicue-
rim, *Inclinaui cor meum ad faciendas iustificati-
ones tuas in æternum, propter retributionem:* si-
mulque rogas vt quæ tum dixi, scripto com-
prehensa ad te transmittam. Equidem hoc
facere non soleo; tibi tamen cui omnia cu-
pio, in hoc quoque non gratificari non pos-
sum. Veri enim amici officiū puto, nec quid-
quam eorum quæ scit celare, nec quidquam
eorum quæ habet, alteri negare.

Amici
officium.

Primo ergo valde illud mirandum est,
quod Propheta ait, *in æternum* Deo seruire se
paratum, quum tamen non ignorauerit sibi
non minus quam alijs moriendum esse. Ve-
rum vt hæc recte intelligamus, operæpre-
cium

cium est illud perpendere quod D. N. Iesus Christus dicit: *Ibunt in supplicium mali, boni autem in vitam aeternam.* Quum Christus Dominus nolter summa sit Veritas & summa Iustitia; illud non immerito alicui mirum videatur, qui fiat ut finitis meritis infinitum præmium Deus concedat, & e contra temporali culpæ æternam pœnam imponat. idque tanto magis quod Deus ipse in Apocalypsi testatur, pœnam improborum culpæ æqualem fore. Quod si nobis non constaret de diuino iudicio, hominibus forte iustū videatur, ut qui centū annos Deo in hoc mundo seruierunt, in altero illo ducentorum annorum gloria fruātur; & qui hic quinquaginta annis in peccatis & sceleribus vixerunt, altero tanto plures ibi in tormentis exigant; atque ita meritis gloria, & pœna culpæ quodammodo respondeat. Magnum ergo hoc est mysterium, quod nempe Deus temporalibus meritis æternam gloriam pollicetur, & temporalibus delictis æternam pœnam comminatur; quod quiuis facile proponere, at non facile quiuis soluere queat.

Ante omnia sciendum est, nec præmium nec pœnam alterius sæculi numero aut qualitati operum respondere, sed abundantia aut defectui charitatis. Non enim tam ad ea *Non facta sed fontem Deum spectas.* Deus respicit quæ facimus quam ad ea quæ facere desideramus. Fieri potest ut paucis operibus quis multum, & alius multis operi-

ribus parum meretur : siquidem meritum aut demeritum non in gravitate aut levitate eorum quæ patimur, sed in animo quo ea patimur, consistit. Nō sine causa D. N. Christus dicit *In patientia vestra*, non in labore vestro, possidebitis animas vestras. Et Augustini illud est; Non pœna sed causa martyrem facit. Ea ergo causa est cur Deus bonorum meritis æternam gloriam præmium constituerit, quod si in æternum hic vixissent, etiam Deo in æternum servituri erant. Atque eadem est ratio cur impij, æternam sit pœnam impositorus, quia scilicet si vivere nunquam desisterent, etiam Deum nunquam offendere cessassent. Quod ergo Propheta dicit : *Inclinaui cor meum in æternum*, idem est ac si dicat : Ego Domine, servitio tuo in tantum me obligo quantum tibi vitam meam prorogare visum fuerit: ita ut prius illa quæ tibi servituri voluntas me defectura sit. Quid amplius addam, ò Deus meus, nisi hoc, ut quum serviri tibi omnino à me velis, facias ut quum vitæ meæ dies pauci sint & finiti, desiderium nihilominus tibi servituri immensum sit & infinitum : quia *in æternum inclinaui cor meum*. O quanto desiderio Deo servire, ò quam certam salutis spem concipere debemus, quum ei Domino serviamus, cui sine ullo scrupulo non id tantum quod fecimus, sed etiam quod facere desideravimus imputare, proque eo mercedē exspectare nobis liceat, &c.

Vale.

*Servire Deo
optimum.*

Vale. Medinæ ad Riuum siccum x x i i. Ianuarij M D X X I I I.

Ad

INIGVM VE-
LASCVM.&c,

EPISTOLA,

*in qua docetur, sapientis non esse quidquam ar-
cani mulieri committere.*



IDACVS Mendoza episto-
lam mihi reddidit & tua ma-
nu scriptam, & tuo sigillo
signatam. Utinam verotam
diligenter meæ à te asser-
uentur litteræ quàm à me tuæ. Nescio
vtrum tua incuria an meo malo fieridi-
cam, vt si vel minimum quid ad te scripse-
ro, statim lippis sit & tonsoribus notum.
Ego quantum amicitiam nostram omnibus
notam esse cupio, tantum incuriam tuam
vel imprudentiam detestor, quæ inter nos se-
creta acta & scripta sunt, alijs aperientis.
Nam si vxor & liberi tui rescierint præcipua
tua & secreta negocia mihi à te communica-
ri, illud à me postulabunt vt cōscientiam tu-
am non tam ad id quod rectum quàm quod

*ad hoc solus
soli, ne in
alteri.*

R 2

rebus

*Nobilis
officium.*

rebus ipsorum vtile est, dirigam; ac nisi id fecero, de me queretur. Vxor tua vel iā ad me scripsit, mecum expostulans quod in caussa Touarenſi ipsi aduerſer: quod quidem nunquam mihi in mentem venit. Illud ego ſemper docui, doceo & docebo, inter bonos bene agier oportere; ſed inprimis Nobilium eſſe ſuum cuique tribuere, nec pati vt primogenitorum ius deterius reddatur. Scis ipſe in ſacra Confessione & priuatis conſilijs me tibi ſemper inculcaſſe, à magnatibus præcipue requiri vt ſoluant quod debent, nec aliena inuolent; iſdem vero licere vt ſua pro arbitrio diſtribuant; ad quorum illud conſcientia nos cogit, in altero ratio modum præſcribit. Quia vero hi & eiufmodi ſermones inter nos ſolos habiti ſunt, nihil neceſſe fuerat eos alijs indicare. Graues enim & arduæ res ſecretum amant: quas ſi cauere non poſſumus quin alij ſuſpicentur, cauere tamē poſſumus ne ſciant. Vetus eſt, Quod tribus manuſcriptum ſit, omnibus eſſe divulgatum. Forte fortuna tibi aut verbum aliquod aut etiam litterę exciderunt: quorum neutrum recte intelligens vxor tua, tanto maiorem concepit & ſuſpicionem & contra me indignationem. Tu, ſi ſapis, nulli mulieri poſthac nec ioco nec ſerio quidquā rei quod ſecreto haberi cupias, concrede. Vt enim ab alijs maioris fiant, ac multum ſcire & ſapere videantur, quæ ſciunt quæ neſciunt iuxta

*Mulieres vi
multa ſcire
videantur
multa lo-
quuntur.*

iuxtà garriunt, Delirant, meo iudicio, mariti, qui pecuniam clam vxoribus asseruant, at cordis secreta eis indicant. Vt enim maxime argentum eis ab vxoribus surripiatur, exiguæ tantum rei facient iacturam; at si secreta ipsorum euulgentur, de honore periclitabûntur. Cantilinarix coniurationis indicia Romana mulier Fulvia Torquata, cui res communicata fuerat, alteri cuidam feminæ, & hæc rursus alteri fecit; dones res ab ipso magistratu cognita fuit, & Catilina & socij suo ipsorum indicio perierunt. Ac tantum abest vt ego rem secretam mulieri committendam putem, vt etiam præsentē aut audiente hoc sexu, ne minimam quidem eius mentionem faciendam existimem. Ini- quum sane fuerit illud cogitare, nedum dicere, Feminas omnes ijsdem esse moribus, vt qui vnā nōrit, omnes nōrit. Equidem noui feminas tam prudētes, & fidei & secreti tenaces; & e contra earum maritos tam simplices & incircumspectos vt hos illarum, quam illas horum fidem sequi satius sit. De toto tamen hoc sexu (absit verbo contumelia) illud verissime dici posse arbitror, aptiores eas à Natura factas ad sobolem gignendam quam ad secreta continenda. In vniuersum nunc ego te moneo, vt quæ inter nos dicta ac facta sunt, nemini posthac siue viro siue feminæ indices; ne tibi molestiam, mihi inuidiam, vtrique odium concinnes. Nouarum

R;

rerum

rerum nihil habeo quod scribam; illud tantum te tamquam dominum & patronum rogo, & tamquam filio impero, vt in gratiam me apud Ducissam coniugem tuam restituas, aut domo tua exulare omnino iubeas. Valladoleti v l i. Sextilis M D X X V I.

Ad

EVNDEM VELA-
SCVM, &c.

EPISTOLA:

de ira penitus ex animo eijcienda.



Dem ego de te dicere possum quod Deus de Babylonia apud Prophetam. *Curauimus Babyloniam*, inquit, *& non curata est: relinquamus illam.* Nam quid tu consilio meo sic vsus, aut vt verius dicam, omnino abusus es? Suaferam ego superioribus meis litteris ne coniugi tuæ quæ inter nos secreto dicta & conuenta essent aperires; at tu has ipsas litteras vix dum à teipso lectas ei tradidisti, sicque me vtrinquè ludibrio habuistis. Sed bene me vltus sum. Ego enim vt par pari referrem, à Nassouio Comite tum ad prandium inuitatus, tuam itidem epistolam expromsi, quæ
Belgis,

Belgis, Lusitanis, Germanis & Hispanis qui
 præsentes tum erant, audientibus, non sine
 multorum risu lecta fuit. Illud bene habu-
 it, quod quæ superioribus meis litteris de mu-
 liebri sexu scripseram, coniux tua velut
 ioco dicta aut ad se non pertinentia acce-
 pit: ita ut merito eius ego laudare pru-
 dentiam, de tua vero inconsulta teme-
 ritate iustissime queri possim. Quaso te
 etiam atque etiam, Domine, ne post
 hac epistolas meas tam indignis modis
 habeas; sed si minus tibi placebunt, lace-
 res potius & Vulcano tradas. Quid e-
 nim, si forte ex ab hominibus parum æ-
 quis legerentur, non tu honori & exalti-
 mationi meæ magnum periculum crea-
 tum iri existimas? Sunt enim quidam
 animo tam liuido, ut velut araneæ etiam
 è salutaribus herbis & flosculis venenum su-
 gant. Ab horum calumnijs uterque no-
 strum se vindicabit, si quæ aliorum scire ni-
 hil refert, ea inter nos pereant.

*Littera of-
 ferenda,
 non vulgan-
 de.*

Quod scribis te mea causa omnem ex a-
 nimo iram & odium, quod contra Nobi-
 lem illum conceperas, eiecisse, equidem tam
 gratum mihi est quam si mea ipsius res age-
 retur. Nobilis enim ille cum apud me ami-
 citiæ tenet locum, ut quod ipsi bene ac be-
 nigne fir, mihi factum putem, amemque om-
 nes qui ipsum amant. Quod ergo eidem ig-
 nouisti, non solum rem mihi gratissimam,

*Regium est
 ignoscere.*

sed tibi quoque inprimis decoram, adeoque necessariam fecisti. Vobis enim qui in Principum & magnatum estis numero, non modo cuiquam iniuriam facere, sed nec acceptam iniuriam vlcisci licet. Quod enim in priuatis hominibus ira dicitur, id in Principibus Crudelitas vel tyrannis potius appellatur: & quod in infimis, poenæ; in summis, vindictæ loco habetur. Quoties generis tui Nobilitatem cum tua conscientia æqua lance appendes, ac memineris non Duce te modo, sed etiam Christianum esse; nulla magis tibi placebit quam remissa iniuria, nec magis vlla displicebit quam acerbè vindicata. Multi enim dum minuta quæque vlcisci student, se ipsos atrociter lædunt. Sunt quædam iniuriæ, quæ non modo non vindicandæ, sed ne sacerdoti quidem in Confessione aperiendæ sunt. Honor enim & existimatio tam delicata tamque tenera res est, vt læsum te sæpe queri non possis, quin simul ad vltionem quodammodo te obstringas. Præclara vox est Iulij Cæsaris: Nulla ex re maiorem voluptatem se capere quam iniurias condonando, & beneficia compensando. Utinam vocem hanc Christiani omnes, sed Principes & magnates inprimis, non solum in pectus demittant, verum etiam imitatione exprimant. Fide Cæsar paganus fuit & gentilis, sed hac in re fecit tamquam optimus Christianus. Nos econtra ver-

bis

*Quæ honor-
atissima
vitiæ.*

bis Christianam fidem profitemur; at quantum opera nostra à paganismo absunt? Non frustra dico, credere nos ut Christianos, sed vivere ut paganos; siquidem eo processit hominum malitia, ut animus ad ignoscendum facilis tamquam degener & Nobili indignus contemnatur. Quasi scilicet maioris animi sit noxam vindicare quam obliuisci. Hinc fit ut multi etiam quum volunt, offensas remittere non audeant, ne à suis parum fortes & generosi habeantur. Sed sentiat & faciat hic quisque quod volet, ego certe quod tu Nobili huic ignouisti, & ad salutem & ad gloriam tuam maximopere pertinere puto: quum & boni erga ipsum Christiani, & veri erga me amici officium expleueris. Quid ergo amplius ab homine requiri possit, quam ut Deo fidelem, hominibus mitē & benignum se præstet?

Quæ ad conscientiam tuā & fortunarum distributionem spectant, diligenter omnia prius excutiam, ac deinde id tibi consilium *Consilium mature dandum.* dabo quod nec in meo ipsius animo vllum scrupulum relinquat. Nimis cita enim & inconsulta responsio stultitiæ plerumque, leuitatis semper est argumentum. Quæstio seu dubitatio ab ignorantia proficiscitur; at responsio è Sapientiæ fontibus deriuari debet. Plato in Gorgia non minorem operam amicis consulentibus quam suis auditoribus impendere se scribit. Consilium vero per-

R 5 tendum

*A quo pre-
sendum.*

tendum est ab homine sapiente, ob bonum iudicium; ab erudito, propter multiplicem lectionem; à sene, propter experientiam; à patiente, qui multa tulerit; à miti & mansucto, ne ira rationis obstet lumini, à liberali, ne suum ipse lucrum & commodum magis quam amici salutem spectet. Et quemadmodum pecunia amicis cito & large; ira consilium mature & grauitè dandum est. Quod si tot tantæque res, quas breuiter attigi, in eo qui consilium vtile dare velit requiruntur, rectè quis dixerit eorum qui consilia dant infinitum, sed qui rectè & bene dent, exiguum esse numerum.

Quod ad M. Aurelij librum attinet, eum ego in nostrâ linguâ traduci cœptum nondû tamen absolutum Cæsari dedi, cui eum Laxoa surripuit, Laxoæ imperatrix, Imperatrici Tumbas, Tumbæ Aldonza, Aldonza tu; sic vt vos omnes è sudoribus & laboribus meis prædandi feceritis materiam. Nouarum rerum nihil est quod scribam, nisi vetera illa forte scire expetis; Gobum Cæsaris florere gratia, Bresæ gubernatorem tacere, Laxoam grunnire, Admirantem scribere, Ducem Veia-
 arensensem colligere, Pliegi Marchionem ludere, Marchionem Villæ Francæ negociari, Comitem Olornium ambire, Siruelæ Comitem orare, Bundiæ Comitem suspirare, Gunteriû Quixiâ torneare, Ronquilliû prætoré iudicare. Madrici vi. Ianuarij M D X X V.


Ad

Ad

ALPHONSV M
FONSECAM, EPISCOPVM
BURGENSEM, ET INDICI
Consilij Præsidem

EPISTOLA

*In qua declaratur, quo tempore & quam ob causam
jam Hispania Reges CATHOLICI
dici cœperint.*



AM dies viginti sunt, quum
litteras tuas accepi; quindecim
vero, quum ad eas rescripsi: sed
qui tuas attulerat, ad me postea
non rediit; nec ego per quem
mitterem, certum habui hominem.
Petis ut scribam tibi quæ his locis
de te sint sermones. Ignosce, si rem
omnem uti est, ad te perscribam. Plerique
aulici zelosum te Christianum, sed
Episcopum parum aptum esse ferunt.
Addunt non nulli, te tardum esse,
negligentem, obliuiosum; nec in
litigantium causis ea qua par est
integritate versari. eoque fieri,
ut eorum complures non expeditis
nego.

*Mira An-
thon Para
rhesis.*

*De eodem
alij bene a-
lij male
iudicant.*

negocijs, vacuis tamen cum loculis domum reuertantur. Quin etiam peiora quidam adiungunt : Te scilicet superbum, morosum, arrogantis & fastidij plenum est : eoque multos inde rebus infectis discedere, malam scilicet tuam gratiam expertos . Alij e contra dicunt, Veritatis te imprimis esse amantem, nec quidquam magis detestari quam mendacium & mendaces . Aiunt ijsdem, in mandando te prudentem, in ferenda sententia iustum, in exsequendo moderatum, &, quæ præcipua laus est, in iudicando omnis quasi affectus esse expertem. Adiungunt erga tenues & pauperes rara admodum & quasi inaudita tam iustitia quam pietate te uti, ut quibus per ius à te abiudicata, è proprijs tuis fortunis nonnumquam suppleas. Quum ego ijs quæ tu facis non offendar, quæso te ne ijs quæ ego scribo tu offendi te patiaris. E tam diuersis namque iudicijs & sermonibus illud facile apparet, neminem tam bonum esse in quo nihil mali, nec quemquam tam malum in quo non aliquid boni reperiatur . Inter tot virtutes in Homero olim notata fuit vaniloquentia, in Alexandro Magno impotentia animi, in Iulio Cæsare ambitio, in Pompeio superbia, in Hannibale perfidia, avaritia in Vespasiano, in Traiano vinolentia, in M. Aurelio vani Amores. Horum tu collegio seu fraternitati adscribi ne detrecta. Adscribe-

*Suasque
meum, i*

ris vero, si omnes intelligant, non tam hæc quæ tam sinistre alij de te iudicant, tua tibi culpa quem aliorum malevolentia & invidia euenire. Nulla virtus magistratibus magis necessaria est quam tolerantia. Magistratus enim qui ipse circumspicere loquitur, aliorum vero acerbe dicta dissimulat, descendere forte potest, cadere non potest. *A Difficile vobis rerum publicarum rectoribus & iustitiæ ministris, à vobis, inquam, multo exactior vitæ norma, multoque maior patientia requiritur quam ab infimis quibusque. regentium moribus.* De fortunis & rebus aliorum vos iudicatis: at vitam vestram & mores alij obseruant. Multos necesse est timeat, quem multi timeant. Et vtrapeior est conditio? Litigantis qui bonorum, an Iudicis qui honoris iacturam facit? Sed illud tantum de superbis, ambitiosis, & imperiosis magistratibus intelligendum est. Nam in mansuetis, benignis & æquis quæ habent vitia lubenter dissimulamus, & quos committunt erroribus non grauate veniam damus. Quicumque cum laude Rempublicam administraturus est, eum tali animo esse decet, vt imbecilibus animum addat, laudet cordatos, defectus suppleat, iniurias puniat, succurrat paupertati, seditiones comprimant, concordiam alat & conseruet, mœrori solatium, lætitiæ temperamentum adhibeat, quæ luctum fere secum trahit. Si forte quod insti-

tuisti,

Magistratus officium

tuiti minus ad votū succedat, immo in dam-
nū etiā tibi vertat; ne tu tibi magnopere tra-
scare. Qui enim facit quæ potest, fecisse quo-
que censendus est quæ debet.

Quum ergo cognatione propinquus, me-
ritis pater, auctoritate Dominus, conuer-
satione amicus mihi sis: non tam te moneo quā
rōgo vt mōres comitate, sermonem vero fa-
cilitate quadam & temperantia condias. Ple-
rique enim vel vno asperiori Iudicis aut ma-
gistratus dicto grauius se læsos existimant
quam gladio alterius priuati. Et quoniam à
plerisque omnibus huius Regni tam proceri-
bus quā subditis pro homine probo & ius-
to Iudice haberis: noli committere, vt qui
tua facta laudant, sermonem reprehendant.
Hæc ego ad tantæ dignitatis virum nequa-
quā essem ausus scribere, nisi vt hoc face-
rem tu mihi ipse mandasses. Quod si aliquid
in his ad gustum tuum non erit, tibi ipsi im-
putabis, & si voles, mandatū tuum reuoca-
bis.

*Tam facta
quam ver-
ba à calum-
nia vindi-
ganda.*

*Quando & quam ob causam Castiliæ
Reges CATHOLICI dici cæperint.*

Quæres quam ob causam Castiliæ Reges Ca-
tholici appellentur, & quis primus hoc
nomine fuerit nuncupatus. Hic quidem plu-
res sunt ætate prouectiores, doctrina erudi-
tiores, libris instructiores, & in scribendo
magis curiosi, à quibus isthuc expiscari po-
tuilles.

tisses. Sed doctius alij fortasse hæc præstarent; ego hac in re præcipuam veritatis rationem sum habiturus.

Primo illud notandum est, Principes ^{cognomen} olim plerosque singulari cognomento appellatos. Nabuchodonosor Rex regnuum, Alexander Magnus Rex Mundi, Demetrius Poliorcetes seu expugnator urbium, Hannibal Regnorum dominitor, Iulius Cæsar Princeps urbis, rex Mithradates Restaurator orbis, Attila Flagellum mundi, Dionysius Hostis omnium, Cyrus Vltor deorum, & apud nos Angliæ rex Defensor fidei, Galliæ Rex Christianissimus, & Hispaniæ Rex Catholicus appellati sunt. Si causas & occasiones ex quibus hi omnes ita dicti sint explicare velim, me scribendi molestia, te legendi fastidio fatigaro, mihi satis iam fuerit quæ ad præsentem questionem pertinent breuiter exponere.

Anno post Christum natum ccc lxxi, quinto die Iulij qui Dominicus erat, ad flumen Bedalacum circa Xeres oppidum quod limitaneum dicitur, albescente iam cælo magnum illud & memorabile prælium inter Gothos qui Hispaniam tum tenebant, & Alarauos qui ex Africa traiecerant, commissum fuit, in quo Roderico Rege cæso, vniuersum regnum Mauris infidelibus cecidit. Muca enim eorum Imperator victoria hac ita usus est, ut ceterum

mensium spacio quidquid intra supradictum oppidum & Horodatas montes continetur, suo subiecerit imperio: quod deinde totis octingentis annis agre à nostris ac non nisi multo sanguine potuit recuperari. Ijs qui è prælio euaserant salutem fuerunt dictorum montium iuga & saltus. & quamvis Mauri ad ipsam usque Horodatam rupem Christianos persequerentur, ulterius tamen locorum asperitate & frequenti suorum clade territi, progredi non audebant.

Amisso Roderico rege, & Gothi ad internecionem fere deletis Hispani, ut formam aliquam imperij facerent, tantoque facilius hosti resisterent, Pelagium quendam non minus bello strenuum quam felicem, & omnibus valde charum, ducem creant. Eius rei fama postquam in Hispania percrebuit, ingens statim ad eum bellicorum hominum concursus factus est, quorum ille opera fortiter & prudenter usus, Mauros magnis cladibus affecit, & victorias complures est adeptus. Tribus post annis Pelagius filiam suam Petro Nauarræ Comitum filio in matrimonium collocauit, cuius filius fuit Alphonfus. Petrus hic genus ex stirpe Recaredi Gothorum regis ducebat, quo regnante Gothi, deserta Arianorum hæresi, ad Catholicam Ecclesiam redierunt, à sanctissimo viro Leandro Archiepiscopo persuasi.

Deci-

Decimooctauo post obitum Pelagij an-
no, Castulonenses filiorum eius vnum Fauila-
m nomine, Regem sibi elegerunt, in vena-
tione non multo post ab vrsu interemptum;
quum regnum vix biennium administra-
set.

Mortuo sine hæredibus Fauila, Castulo-
nenses ad Alphonsum, qui Fauilæ sororem
in matrimonio habebat, regnum detule-
runt. Regni eius initium incidit in annum
DCCCLXXII. quod ille duodeviginti annis
administrauit, tanta cum laude & felicitate,
vt notatum sit eos Reges omnes qui nomine
hoc quod ille inter Hispaniæ Reges primus
gessit, appellati fuerint, à pietate & virtuti-
bus eius vix vnquam degenerasse.

De hoc Alphonso in historijs passim mul-
ta tam scitu quam imitatione digna com-
memorantur. Primus hic è Nauarræ regno
Mauris in Galæcia arma intulit, ac multis
prælijs victos, Astorga, Ponferrada, Villà
franca, Tuy & Lugo expulit. Idem hic Al-
phonso urbem Legionensem Mauris eripu-
it, & regio palatio exornatam, in habitacu-
lum sibi delegit; quem sequuti deinde com-
plures Castiliæ reges, ibidem vixerunt & le-
pulti sunt. Primus idem post subactam & va-
stata ab infidelibus Hispaniam, templa,
monasteria, ptochotropheæ, atque id genus
quamplurima ædificia, Astorgæ præsertim,
Tuyi, & Ribadei, tum etiam in via quæ

*Alphonso
pietatis.*

Compostellam ducit, in vsum religionis ergò S. Apostoli Iacobi reliquias ibi visentium instaurauit, vt etiam passim in Nauarra & Iberia: quæ omnia magnis prouentibus dotauit. Idem libros omnes sacros à Mauris occultatos aut surreptos, magna diligentia conquiri iussit; deinde celeberrimos eius ætatis scriptores & cantores Legionem euocauit, vt & diuinis ibi decantandis officijs & libris sacris exscribendis vacarent: quos postea per vniuersas Hispaniæ Ecclesias & cōuentus distribuit. Tantum enim fuerat Maurorum erga Christianam religionem odium, vt vix vllum templum restaret, aut vllus ad religionis vsum consecratus liber reliquus esset, qui sacrilegas ipsorum manuseuasisset. Idem Episcoporum ædes templis contiguas esse voluit, vt tanto commodius diuinis interesse officijs possent. Mortuus autem est Alphonsus anno ætatis LXXV. post Christum natum anno MCCXCIII. in vrbe Legionensi, incredibili bonis omnibustam mœrore quam desiderio relicto. Quam vero charus Deo acceptusque fuerit, suauissima cœlestium angelorum melodia eo ipso momento quo animam ille agebat ad lecti caput exaudita testatum fecit, illud canentium: *Ecce, moritur iustus, & nemo considerat: finiti sunt dies eius, anima eius requiem inueniet.* Hispania certe omnis regis huius Alphonsi

Mors g'o-
riosa &
miraculo
clara.

Alphonſi memoriam in tanta veneratione habuit, vt tam feminæ quam viri vel nomen eius numquam ſine geſtu aliquo & cultu externo uſurparent.

Tertio menſe poſt exceſſum regis Alphonſi, in conuentu procerum decreto *Catholicæ* *cognomento* *beneficiatur;* CATHOLICI cognomē ei tributum eſt, ad teſtificandam ſingularem eius pietatem & mirificum in Chriſtiana promouenda religione ſtudium & zelum.

Sic ergo Alphonſus Pelagij gener; tertius Caſtiliæ, ſed primus huius nominis Rex fuit: idem primus templa Chriſtianæ religionis in Hiſpania reſtaurauit: primus idem fuit cuius mortem Angelicus chorus cantu celebrauit: primus CATHOLICVS eſt appellatus, & primus tam gloriolum cognomentum Caſtiliæ regibus ſucceſſoribus ſuis quaſi per manus tradidit, quod vt illi hodieque uſurpant, ita ſane æquum fuerit vt eiufdem virtutes imitentur, in eo præſertim, vt Mauros & infideles oppugnent, & Eccleſiam defendant, nutriant & propagent. Hiſce valere te iubeo: & quem admodum è principio huius epiſtolæ ſincerum minimeque fucatum animum, ita è fine eiufdem ſummam gratificandi tibi voluntatem deprehenſurum te ſpero.

Segouiæ XI. Maij Anno

MDXXIII.

Ad
M O S E N P U -
C H I V M,

E P I S T O L A.

*in qua mariti & vxoris officia prolixe des-
 cribuntur.*

QUOD Mosēs Puchius Marinam
 Grallam vxorem duxit, & Mari-
 na Gralla Mosi Puchio nupta est,
 Deum ego immortalem precor veneror-
 que, vtrique vt bene feliciterque eueniat,
 vtque illis hæc felicitas perpetua sit. Quum
 enim Puchius vxorem quindecim, & illa ma-
 ritum septemdecim annos natum nacta sit;
 verendum non erit vt vtrique vel ad capi-
 endos matrimonij fructus, vel ad eiusdem
 deploranda incommoda satis temporis fu-
 turum sit. Solon Atheniensibus ante vicēsi-
 mum, Lycurgus Lacedæmonijs ante vicēsi-
 mum quintum, Prometheus Ægyptijs ante
 trigēsimum ætatis annum matrimonij vsum
 interdixit: quod si contra quis fecisset, tam
 ipse quam liberi ex eo matrimonio pro-
 gnati intestabiles habebantur. Sed bene ha-
 bet quod vterq; vos nō Ægyptij sed Hispani,
 non

*Et nubentes, cito par-
 mientes,*

non Athenis, sed Valentia oriundi estis: ne & vos pœnâ, & liberi è vobis nati infamiam incurrant. Ego tamen, mi Puchi, quoties parentum tuorum in me beneficia, & quæ mihi cum illis intercedit, amicitia recordor, non possum non vicem tuam, in tam tenera ætate tam graui iugo subiecti, dolere: quod quum per ætatem perferre non valeas, abijcere tamen aut excutere nullo modo liceat. Quod si pater tuus ad matrimonium te hoc adegit, sane duriter ab eo atque immiseri- corditer factum puto: sin vero tu, ipso ne- sciente aut inuito, vxorem ipse duxisti, quo- modo imprudentiæ ac temeritatis notam ef- fugies, qui septemdecim annorum, matri- monium inire, & propriam familiam insti- tuere non dubitasti? Nec vero tam vestrâ ego temeritatem qui hoc facere ausi estis, quam aliorum qui fieri isthoc passi sunt, in- dulgentiam admiror. Ætatula quippe ve- stra neque oneris quod suscipitis, neque damni quod facitis magnitudinem intel- ligit.

*Adolescen-
tes inconsul-
ti & teme-
rarii.*

Libet hoc loco paullo accuratius ea ex- plicare, quæ vt matrimonium felix fortuna, tumque sit, tam in marito quam vxore re- quiruntur: quæ si in vobis erunt, causam non dico quin incitiæ, meo ipsius iudicio condemnatus, recte & sapienter à vobis cō- tractum matrimonium pronunciem.

Ac primo conditionum quæ in vxore re-

*Officia ma-
tris famili-
æ.*

quiruntur, hæ sunt præcipue: vt foris om-
nibus in rebus grauem quandam honesta-
tem, & honestam grauitatem præ se ferat,
domi rem familiarem prudenter admini-
stret, mariti mores ferat, liberos sollicitè
educet, erga vicinos comem & humanam
se præbeat, ad vsum parce, ad honorem li-
beraliter sumtum faciat, cum bonis & pro-
bis conuersetur, leues & famulos homi-
nes fugiat, non loquax, non obtretractrix,
non vagabunda, sed instar testudinis, domi
assidue maneat.

*Boni ma-
riti.*

In maritis requiritur, vt sint in sermone
sedati, comes in conuersatione, in suorum
defensione fideles, in consilio dando & ac-
cipiendo prudentes, in procurandis rebus
necessarijs seduli, in regenda familia circū-
specti, in ferenda vxoris importunitate pa-
tientes, in liberorū educatione curiosi, erga
omnes benigni, in rebus secundis modera-
ti, in aduersis constantes; ceu viuum deniq;
exemplar quod vniuersa familia intueatur
& imitetur.

Iam ego illud quæro, vtrum in septende-
cim Mosis Puchijs, & quindecim Marinæ
Grallæ annis isthæc reperiâtur; imo vtrum
illis hæc vel fando sint cognita, aut vmq̃uā
in mentem venerint. Equidem sic sentio,
tā teneræ ætatis homines nec quot & quāta
sint ista intelligere, nec si vel intelligant,
valde ea desiderare; simulq; moneo & præ-
dico

dico, si hæc illi non habeât, aut opere ipso
 nõ expleât, fore vt annis labētibus aut onē-
 ri succumbât, aut nouis amoribus irretian-
 tur, Meliori conditione est nouitius Mona-
 chus quā adolescens vxoratus. Illi enim exi-
 tus patet; apud hunc ne pœnitentię quidem
 locus est relictus. Pauci illi, nimirū septē de-
 cim mariti, & quindecim vxoris anni, quāto
 multa plura secū incōmoda allatura sint,
 Mosis Puchio & Maring Grallæ olim facili-
 erit narrare, quā mihi nunc scribere. Ego
 enim si quid hac de re dixero aut scripsero,
 fides penes auctore erit: at vtrique nõ nisi
 cōperta affirmāti, & velut oculatis testibus,
 quis nõ credat? Præmaturę istiusmodi nup-
 tiæ nihil aliud afferunt, quā pariendi diffi-
 cultatē, imbecillitatē viriū, copiosam pro-
 lē, detrimentum rei familiaris, zelotypiā,
 ignorationem officij & honoris. Decreſcit
 amor, creſcunt curæ: & quāto facilius tene-
 ra ætate cōiit, tanto facilius prouecta iā, dis-
 soluitur matrimoniū. Monet ciues suos di-
 uinus Plato ne liberos prius in matrimo-
 nium elocent quā ipsi discernendi habeant
 sensum, Quid enim facilius adoleſcēti quā
 vxorem ducere? aut puellæ, quā nubere?
 At mihi crede, longe maioris est operæ fa-
 miliam alere & gubernare. Vxoratus ego
 nunquam fui, nec fortassis intelligo quæ
 ad rem familiarem pertinent: illud tamen
 aliorum exemplo edoctus, pro cōperto ha-
 beo, quibus felix cōtigit matrimoniū, quali

Quid ciues
 si cōp-
 ret,

*Nemo sine
vitiis.*

paradisum quandam; quibus infelix, ipsum
 infernum domi suæ habere. Quis vero um-
 quam maritus talem vxorem; aut quæ mu-
 lier talem maritum nacta fuit, in quo vter-
 que non aliquid desiderarit? Principio qui-
 pem dum noui amantes se mutuo audiunt,
 vident, tangunt, dum tractantur sponsalia,
 Amor mirum in modum calet; at matri-
 monio consummato, quam cito tepet, ac
 plane refrigescit! Illud vero certo certius est,
 consumpta dote nihil præter curas, rixas, o-
 dia, domi restare. Sed miserrima in primis
 est mariti conditio, cui si nobilis contigerit
 vxor, stultitia eius ferenda est: Si proba &
 pudica; certe indotatam eam duxit. Si di-
 ues; non iam vxorem, sed dominam habet.
 Si formosa; Argo oculatiorem in ea custo-
 dienda sese optabit. Si deformis; domū quā-
 tum poterit fugiet, aut alienum thorum se-
 quetur. Si parca & sobria; breui seruos om-
 nes & ancillas eliminatos videbit. Et quid
 multa dicam? O miserum maritum! qui si
 vxorem domi tuæ includas, assiduas eius
 audies querelas; si domo pro lubitu egredi
 permittas, pudicitiam eius periculo, & ho-
 norem tuum maleuolorum voculis obijci-
 es. Si eam obiurges, cernuam aut caperata
 fronte toruum obtuentem videbis, nec ut
 voles, cœnabis; sin taceas, tanto feceris ar-
 rogantiorem. Si pecuniam illi des tractan-
 dam, ilicet, iam res tua mortua est; sin tu
 ipse

*Nullū com-
modum sine
incommodo*

ipse tractes, aut crumenam tibi expilabit, aut domum exspoliabit. Si domi sis assiduus, zelotypum te credet; sin foras sæpe prodeas, ac tardius domum reuertaris, comissionibus alijsque illicitis voluptatibus dedutum te existimabit. Si bene vestitam & ornatam habeas, vt spectetur, plateas omnes pererrabit; sin male, non est vt lætam cum ea cœnam speres. Si te eius amantissimum ostendas, formæ suæ & doti eam gratiam deberi putabit; sin eam negligas, alibi tibi animum esse arbitrabitur. Si quæ rogauerit celes, numquam importuna tibi esse desinet dum ea exsculpat; sin secreta aperias, nō diutius tacebit quam cui narret nacta fuerit. Quis igitur dubitat, si in vrbe aliqua dena sint coniugum paria, in pace bene ac feliciter viuentium, quin centena sint eorū quos conditionis suæ pœniteat ac tædeat, quique statim alter alterum res suas habere iussuri sint, modo tam facile cum parocho quam cum sua conscientia dispēsare possent. Certe si apud Christianos eadem esset matrimoniorum quæ apud Gentiles ratio, vt scilicet tam leues, aut nullas etiam ob causas diuortium facere liceret; credo ego multo plures Quadragesimæ tempus ad dissoluendum, quam Saturnalia ad copulandum matrimonium desideraturos.

*Captienolare, liberica
pi expetunt*

*Cum paribus contrahendum esse
matrimonium.*

*Aequalem
elige.*

PRæcepta & consilia quæ tam ijs qui
matrimonium inierunt quam qui ini-
turi sunt, hic daturus sum, etsi ad tol-
lendas omnes matrimonij molestias satis
non sunt, ad easdem tamen leniendas ali-
quid habebunt momenti. Primum illud
meum consilium est, ut tam vir quam vxor
conditione parem sibi quærat, nobilis sci-
licet nobilem, ciuis ciuem: & sic de ceteris.
Nam si hic quædam sit inæqualitas, inferi-
or animum semper contrahet, superior de-
spondebit. Mercatoris filia si nobili nup-
serit, aut diues rusticus primarij ciuis filiã
vxorẽ duxerit, vterq; domi suæ alet præco-
nẽ infamiæ, fortunarum calamitatẽ, & vitæ
pestem. Male auspicas facit nuptias qui-
s talem sibi adsciscit generum aut nu-
rum, qui locerum, patrem aut socrum ma-
trem appellare erubescant. Talis non ge-
nerum sed malum genium, nõ nurum sed
furiã, non vitæ comitem sed litis fomi-
tem, non laudis præconem, sed fortuna-
rum prædonem, domi suæ habebit. Et ô
felicem, si filium aut filiã extulisset po-
tius quam in tales nuptias collocasset! Mor-
tuos enim cognati vnum & alterum diem
luxissẽ; at male nuptiarum fortunam quo-
tidie deplorant. Diuiti mercatori, pau-
peri

*Malum ma-
rimonium
perpetua
miserra.*

peri Nobili, rustico diligenti, sedulo opifici nihil opus est tali nuru, cuius omnis labos & industria in expolienda forma & conquirendo ornatu consumitur. Quæ enim ista re occupantur, propediem domi quam curent rem nullam habituræ sunt. Nec minus stulte facit plebeius, in domum suam talem generum introducens, qui nihil aliud sciat quam iactare suam nobilitatem, equum in gyrum agere, aulicum extra aulam agere, ludere alea, gustatique semel sibi dicere litus echini. Tum enim miser socer genium suam defraudabit, ut genero sit unde dapniles faciat sumptus, & nobilitatem suam, scilicet, tueatur. Omnibus itaque id vnum hac in re spectandum puto, ut liberis suis paria quærant matrimonia: quod consiliū qui negligent, eis ego vereor ne ut in coniugio incundo stultitia dux fuit, ita in tota vita degenda mæros futurus sit comes.

Illud quoque suadeo, ut quisque coniugem sibi ipse capiat moribus suis congruentem. Qui enim à parentibus inuiti collocantur, non coniugium sed carcerem inijsse censendi sunt. Ut firmum & stabile sit matrimonium, corda prius quam manus copulari oportet. Recte fecerit pater si liberis quod sibi placeat quod displiceat matrimonium ostenderit: sed cauebit ne inuitos ad nuptias quas cordi non habet, cogat

Tales

*Mollis est
vxoꝝ que
innitit ad
virum nup-
tium datur.*

Tales enim nuptiæ nihil aliud pariunt quam inter coniuges odium, inter foceros rixas, apud vicinos scâdala, inter cognatos lites, inter affines calûnias & obtreccion- nes. Nec minus filios filiosque monitos vo- lo, ne subito aut clama matrimonium con- trahant, quod multos in iuuentute te- mere facere videmus, cæci cuiusdam & in- consulti amoris calore: qui vbi deferbuit, tristitia, mœror, atque adeo odium succe- dunt. Ecce tibi iuuenem aliquem licentia corruptum, qui nec quid amet nec quid se- quatur sciat: si forte puellam viderit cuius forma aut quid aliud ipsi placeat, statim il- lam deperit, ac dicto citius vxorem ducit, quâ tamen vix primo gustato amoris fru- ctu auersari, immo canepius & angue o- disse incipit. In matrimonio illud omni- bus rebus præuerti debet, vt amor inter coniuges fartustectus conseruetur: qui si vitium faciat, adeoque perpluat, vix vlla amicorum autvicinorum opera sarciri po- test. O quæ ibi vita est, vbi alter alterum vix voce dignatur! adeo vt ad aspectum eorû vel lac acescat. Quare vt amor verus sit & stabilis, necesse est vt in ipsum cor sensim sese insinuet, ibique radices agat, in primis vero vt Timorem Domini habeat fundamentû. Hoc enim nisi nixus fuerit, eadem celeritate quauenit, auolabit. Multi subitò amare mutuo occæperû, at sensim

odisse

Odisse se mutuo didicerunt. Inter vitę huius ærumnas postrema illa non est, quod matrimonij iugum plerique ita ferunt, vt in diuersa tendentes, non modo mutuo sese impediunt molestiaque afficiant, verum etiam infestis animis tamquam obuersis capitibus cucurrant atque arietur.

Quemadmodum vero parentibus suane inuitos filios aut filias ad nuptias extrudant; ita vicissim liberis auctor sum ne inscijs parentibus contrahāt matrimonium, ne plus ipsis parentum noceat execratio quem vel amplissima dos sit profutura. Et quæso, cur non hac in re cum primis parentum consilio iuuenes vtantur? qui nihil aliud fere pensi habent quam vt formosa coniuge potiantur: at parentes non ignari quam fragilis & ieiuna res forma sit, filijs suis talem eligent quæ honestis natalibus orta, pudice educata, & virtutibus potius quam formæ venustate ornata sit. Clau-

*Clandestina
nuptia
matrimonium.*

*Forma
gratia
fluxa.*

destina contrahentes matrimonia & leues & crudeles existimandi sunt, vt quilibet ipsius probum, parentibus luctum, amicis incerorem, & maleuolis gaudium concinent. Fit sæpenumero vt post multos tam in liberorum educatione quam dotis acquisitione insumtos labores, dum parentes in eo sunt vt filio vel filia de honesto matrimonio prospiciant, eos iam clanculum cum alijs copulatos experiantur: ex quo sequitur

Habeas ut
naſus.

quitur vt mater ingemſcat, pater mærorũ
& pudore contabſcat, ſperari affines indi-
gnentur, amici ringantur. Sape etiam filius
talem vxorem ducit, vt parentes & dotis
pœniteat, & nurus pudeat. Interdum quo-
que parentes filio opulentam quærut vxorẽ,
vt ex eius dote filix quoque ſubve-
niant: at quia ille pluris amorem facit quã
dotem, & magis hac in re formã quã for-
tunã ſpectat, fit vt ſeipſum ille decipiat, ſo-
rorem, dum deſertam eam patitur, quan-
tum in ſe, prostituat, & parentes ingenti-
tibus curis & miſerijs involuat. Græci oĩ
lim, teſte Plutarcho, eos qui inſcijs aut in-
uitis parentibus vxores duxerant, publica
afficere ſolebant ignominia; & apud Lace-
dæmonios ijdem non inteſtabiles ſolum;
ſed etiam deteſtabiles omnibus habebãtur.

Paterni im-
perij ſpreſſi
pena.

Sed talibus nihil magis timendum eſt quã
parentum exſecratio: quam qui floccifaci-
unt, non minus errant; quam qui eorundẽ
benedictionem & fauſta pro filijs vota æ-
ſpernantur. Hebræi certe parentum bene-
dictiones omnibus maiorum titulis aut
fortuniſ potiores iudicabant.

*Mulierem verecundam, ac minime lo-
quacem eſſe debere.*

IN eligenda vxore non minus vtile
quam neceſſarium conſilium eſt, vt pu-
lica & verecunda quærat. Vt enim
omnes

omnes virtutes mulieri desint, pudor tamen nullo modo deesse debet, qui in hoc sexu vtramque, quod dicitur, paginam facit. Periculosior quidem conscientiae sunt occulta mulieris flagitia; sed honorem magis laedit aperta eiusdem inuerecundia & impudicitia. Multa sexus muliebris vitia vnus pudor velat & tegit; at vultus & mores inuerecundi etiam maiora vero suspiciandam praebeant. Sic ego sentio, parum esse in pudica muliere quod reprehendi, at in impudica nihil quod laudari possit. Castitatis, honoris, ac fortunarum etiam vnicum munimentum feminis Natura dedit, Pudorem scilicet, quo amisso, nullum in eis flagitium incredibile videbitur. Qui matrimonia tractant, praecipuam non diuitiarum sed pudicitiae rationem habere debent. Illae enim diligentia & labore acquiri possunt, at haec nec ignota discitur, nec perditam recuperatur. Optima dos est Pudicitia: qua destitutam pater filiam minori cum dolore ad sepulturam efferet quam nuptum dabit.

Sunt quaedam mulieres dicaces vel mordaces potius, quae omni studio urbanitatem quandam ut sibi videntur, affectant, nugivendulae, dicaces, ineptae, garulae. Nullum ego artem parasitica hac honestae mulieri minus decoram iudico.

Quod

Quod enim in viris vrbauitatis, in femi-
 leuitatis speciem habet. Feminam siue ma-
 tronam siue virginem, nihil magis dede-
 cet quam nugæ, & inanes aut scurriles ioci;
 quos non modo non narrare, sed ne audi-
 re quidem ei fas est. Grauis & honesta ma-
 trona non illud operam dat vt sciola & io-
 cosa, sed vt taciturna & honesta videatur.
 Quod si linguæ habenas laxare, & vrbana
 ac dicax esse cœperit, audientibus quidem
 risum mouebit, sed digressis calumniandi
 non quod dictum est, sed eam quæ dixit,
 occasionem dabit. Tam tenera res est mu-
 liebris verecundia, vt quæ viris facere, eis
 ne cogitare quidem liceat. Femina hono-
 ris sui amans non dictum modo turpia, sed
 etiam minus necessaria silentio premit.
 Tacendo euim, raro peccat; loquendo,
 fere semper. Quis eius mariti fortunam
 satis deplorare possit, qui vxorem nactus
 est dicacem, nugigerulam, & impuden-
 tem? quæ si semel aut queri aut narrare
 quid instituerit, nec rationi nec blandis
 verbis vllum locum dabit. Quod nonnul-
 læ mulieres à viris male tractantur, viri
 lentæ & effrænæ linguæ culpa vt plurimū
 euenit; quam si subigere & continere pos-
 sent, viri suauis pransuri, & ipsæ iucun-
 dius cœnaturæ essent. Sed quid sit? Vix
 grunnire incipienti marito statim oggan-
 nit, ac deinde quantum potest occlamat
 vxor

Sed taciturna.

vxor. Hinc rixæ, & manuum etiam concertationes: ad quas dirimendas tota vicinia concurrat.

Mulierem tam verbis quam factis recundam & domi assiduam esse debere.

NON minus necessaria mulieri virtus est, ut domi sit assidua, ac tam verbis quam factis sexui suo decentem modestiam præ se ferat. Qui enim domi quasi omni imperio solutæ viuunt, foris dissolutæ videantur necesse est. Mulierem oportet cautam esse in eo quod dicit, magis vero timidam & circumspectam in eo quod facit: Quæ vero susque deque habent quid dicant, parum etiam curabunt quid faciant. Nemo tam stupidus est quin intelligat quanto tenerior sit mulieris honor quam viri. Hic enim non nili commissio, & quidem testibus probato flagitio, infamis habetur: at mulieris fama & ipsa occasione periclitatur, & vel leui suspicione vulneratur. Mulier quæ pudica est, quæque pudica haberi vult, tanto magis erit pudica, quanto minus sibi ipsa confisa fuerit, in eo scilicet, ut nec aures leuibus verbis, nec animum fictis cuiusquam promissis præbeat, multo minus muneribus captari se sinat. Quæcumque femina seu virgo seu nupta, si vel Lucretia ipsa sit

T

castior

*Facilius la-
ditur muli-
eris quam
viri honor*

castior, si procantium verbis aures accommodare aut eorum seruitia acceptare velit, iam ego actum de eius pudicitia existimo. Quod si qua dicat, ioco hæc tantum & quasi per ludum à se fieri; ei ego prædico, fore vt ex hoc ludo in ludibrium incidat. Eoque omnes cuiuscunq; status feminas moneo & hortor, vt nec affinibus aut cognatis nimis se familiares faciât, aut solæ cum solis conuersentur. Quod enim timetur, ne cum peregrinis familiariter conuersando, fiat; id timendum est, ne si cum affinibus solæ sint, suspicetur quis aut dicat. Ne sibi illud persuadeât honestæ feminæ, ob cognitionis propinquitatem neminem quidquam mali de ipsis suspicari posse, etiam si solæ cum solis congregiantur. Quum enim tanta hominum sit malignitas vt etiam de cogitationibus iudicium & sententiam ferre non dubitent; quanto magis de ijs quæ in oculos incurrunt iudicare ac pronunciare audebunt. Utinam quod dicturus sum feminæ omnes & recte intelligât, & animo quam altissime infigant. Hoc scilicet: Viro quia vir est, satis esse vt probus sit, etiam si non videatur; at mulieri, quia mulier est, non sufficere vt honesta sit, sed requiri etiam vt talis omnibus videatur. Et quemadmodum rerum ad victum & vsum familiaræ pertinentium procuratio ab vno marito; ita vniuersæ domus honor à sola muliere

ere dependet: quæ tantû honestatis habere creditur quantum in matrefamilias apparebit. Honorem hic eum intelligo, nō qui mulieri vel ob formā, vel generis nobilitatem, vel etiam æconomicam prudentiam & frugalitatem vulgo habetur, sed qui vitæ integritati, & tam verborû quam factorum modestiæ iure debetur. Primarij cuiusdam inter Græcos vxor à marito reprehensa, quod oris sibi graueolentiam non indicasset, Ego vero, inquit, sic olere viros omnes putabam. O pudicissimæ mulieris dignû imitatione exemplum! quæ ne osculum quidem viro alieno dedit; quam sancte in reliquis pudo: em custodiuisse existimanda est.

Superbiam & iracundiam feminis fugiendam esse.

Mulierem itidem cum primis decet, vt superbiam & ambitionē procul à se habeat, & mansuetudinem patientiāq; omnibus in rebus præ se ferat. Duę res sunt quæ plerasque mulieres corrumpunt & deturpant. Vna, quod multa loqui; altera, quod pauca ferre amant: quæ si tacerēt, laudē ab omnibus; & si pati aliquid animû inducerent, bonā à marito gratiam facile sint consequuturæ. O miserû hominē, cui ferox & iracunda obtigit coniux!

Non Ætna mons tantas eruſcat flammæ
 quantum os iracundiæ mulieris euomit
 veneni. Magis timenda eſt mulieris fero-
 cia quam viri iracundia. Hic enim ſtoma-
 chans iurgabit forte; at illa quidquid pro-
 bri & conuicij in buccam venerit effundit.
 Nec vir cordatus, nec prudens mulier cum
 ſtomachante muliere quidquam rei habebit.
 Vbi enim illa ſemel verecundiæ limites
 tranſgreſſa, iracundiæ habenas permife-
 rit, non ea ſolum quæ vidit aut audiuit,
 ſed & quæ ſomniauit effutiet, & quemquæ
 aſpexerit, omnia mala ingeret. Volupe
 eſt videre mulierem ira æſtuantem, parum
 ſui compotem, nec ſeipſam videre, nec
 alios audire, nec vllam admittere excuſa-
 tionem, nec vlli conſilio locum dare, ac
 tandem eo quicum iurgare cœpit relicto,
 tamquam rabioſam canem eos qui bono
 animo medios ſeſe interponunt, inuadere
 & mordere. Mulieri natura feroci & ira-
 cundæ numquam quiſquam perſuaſerit,
 ſine cauſſa illam irarſci: eoque ſatius eſt fu-
 rentem ferre, quam aduerſando, ex inſa-
 na inſaniorem ſacere. O infelicem domum
 quam mulier iracunda incolit! quæ & ſo-
 lers eſt ad fingendas, & velox ad arripien-
 das cauſſas furoris, tum in ſuis pertiden-
 diſ vitijs plus quam cæca, & in corrigend-
 diſ plus quã tarda. Periculofa res eſt ferox
 mulier: vt quæ mariti amorem deſpicit,
 iuſſa

*Mulier ira-
 cunda quid
 lucra faciat*

iussa negligit, iram contemnit, atque etiam ultro prouocat, cognatis opprobrium, sibi odium conciliat: ex quo sæpe fit ut maritus pedibus ipsi corpus metiri, & manibus capillos depectere cogatur. Quis sine risu mulierem stomachantem, ac instar Herculis aut Orlandi furiosi paratragædiantem aspiciat? at quis non obstupescat, eadem plenis buccis conuicia fundente, & quæ sunt quæque non sunt, obijci-
ente? Aio tibi, quisquis es; si vñquam eiusmodi litigij processionem cum tali muliere institueris, longissima tibi inauditorum etiam conuiciorum litania erit audienda. Marito illa dicet, nihil esse hominem, & negligentem rei familiaris; filijs, lurcones esse, & inutilia terræ pondera; filiabus, iam lupanar olere; amicos, homines ingrati-
simos; inimicos, scelestissimos proditores; vicinos, inuidos nebulones appellabit: tum miseram deplorabit seminarum conditionem, quod scilicet nullus omnino vir vxori fidelis reperiatur. Vt paucis dicam, muliebris lingua tale flagellum est, quod nemini hominum parcat. Memini inter virum & vxorem, ceteroqui honestos homines, de diuortio aliquando tractatum fuisse, eam tantum ob causam quod maritus tristis interdum cœnaret, & noctem per frequentia suspiria exigeret. Vxor enim aiebat, maritum in mensa ipsi mali ali-

*Ad muliebris
lingua pos-
sumus fla-
gellari.*

quid machinari, in lecto vero formosæ alicuius pellicis amore suspirare: quum tamen miser ille nullam aliam tristitiæ causam haberet, quâ quod pro amico de magna pecuniæ summa sponon disset; quæ sponsio omnē illi lætitiâ expectorabat. Quamvis autē ego monendo, rogando, obiurgando omnia conatus essem, non tamen prius eos in gratiam reducere potui, quam mihi ille sancte promississet, nec in mensa tristem se fore, & in lecto ab omnibus suspirijs temperaturum, & cum vxore amicabiliter potius conuersaturum. Mulier quæ miti est & æquo animo, à marito amatur, ab ancillis & famulis colitur, à vicinis suspicitur, ab affinibus laudatur; at superbam & ferocem domestici detestantur, vicini oderunt, amici fugiunt, omnes denique limen eius tamquam Orci ostium auersantur, & tamquam strigi occurrere ei metuunt; maritus interim etiam si illa nobilis aut formosa sit, remque familiarem bene & frugaliter administret, diem illum quo matrimonium cum illa contraxit, aut prima verba habuit, execratur, & miserrimam ducit vitam.

De virorum erga uxores officio: ac primum ne rigide eas tractent maxime nouiter nuptas.

IAm ut maritorum erga uxores præcipua officia explicemus, ordo monet. Ac primum illud ego cuius marito cōsulo, ne coniuges, præsertim nuper domum deductas, rigide tractet. Neque enim pax in illa domo consistere poterit, in qua nec mulier tacere, nec vir quidquam ferre potest. Stultorū potius ego coloniā quā familiā illā dixerō, in qua prudētia patri & patientia matri familias deest: nec ibi quidquā aliud exspectandum, quam ut mox alter ab altero profugiat, aut quotidie ad manus veniant. Mulieris natura tenera est & fragilis: eoque viri est mulieris vitia, quantum fieri potest, ferre & dissimulare, in primis vero operam dare, ut quidquid in illa tibi displicuerit, vel patientia vincat, vel leniter corripiendo aut etiam blandiendo emendet. Quod si viri conditionem commiseramur cui ferox & superba mulier nupta est: quanto magis miserę condolendū est mulierculæ, cui rigidus & austerus obtigit maritus. Sunt enim viri quidā tam feroci, iracundo & turbulēto ingenio, ut nec mores eorū quisquā ferre, nec uxores quidquid egerint, recte aliquid & ex ipsorū sententia

Mulier tacere vir ferre discat.

agere, aut gratiam ipsorum demereri possint. Multa quidem læpe incidere nō ignoreo, quæ coniugum pacem interturbent, at tum maxime sapientiam suam ostendet, & quæ vxor per iram dixerit aut fecerit, vel ioco excipiet, vel silentio eludet. Nam si ad ea omnia de quibus vxor conqueritur, animum aduertere voluerit, crede mihi nec Samsonis vires, nec Salomonis sapiētia ipsi satis erunt.

*Mulier bona verbo;
mala ne fa-
ctis quidem
domatur.*

Hec ego maritos omnes rogo, vt quæ dicturus sum probe perpendant, & memoriam animo recondant. Aut prudentem, aut fatuam mulierem nactus es. Fatuam si obiurgaueris, laterem lauabis, vel Camarinam potius mouebis: at prudenti asperius aliquanto verbum sat est. Erras, si quæ verbis in muliere corrigere nequis, minis & verberibus te correcturum speras. Mulier dum irascitur, ferenda; at vbi ad se rediit, prout res requisierit, monenda, & vel leniter vel aspere etiam obiurganda est. Si enim maritus semel ei manus intulerit, vix postea vmquam abstinebit. Qui prudentis viri & boni mariti officio fungi velit, non tam vim & rigorem, quam rationem & æquitatem in corrigenda vxore adhibebit. Ea est quippe feminarum natura vt duci potius quam cogi velint: tum etiam vt post tricesimum annum mores & studia omnibus in rebus mutant.

Illud

Illud inprimis cauebit maritus, ne in ipso, quod dicitur, limine impingat, & prima matrimonij auspicia turbis & rixis inauspicata reddat. Si enim initio statim mulier ipsum odisse cœperit, sero admodum aut numquam postea amabit. Quin potius novam nuptam quam poterit blâdissime tractabit. ex quo fiet, ut si postea discordiæ aut rixæ aliquid interuenerit, tanto facilius malo huic remedium inueniri possit, ut cuius origo non ex inueterato odio, sed recenti offensione trahatur. Non magis aqua & ignis contraria sunt quàm amor & odium; quorum alterutrum si cor & animum semel occupauerit, excluso altero, perpetuam ibi sedem figet; quemadmodum videmus primos quidem amores ab homine abscedere, sed eorum memoriam è corde expelli non posse. Quod si initio matrimonij vxor odij erga maritum semina cœceperit, nihil aliud reliquum est quam ut ætatem ipsa male exigat, & maritus, in senectute præsertim, semper miser viuat. Quidquid enim fecerit, ut ipsum metuat fortasse vxorem subiget; at ut ipsum amet, nunquam impetrabit. Iactant nonnulli mariti, quantopere à domesticis, vxore præsertim, obseruētur & metuantur: quorum ego fortunæ condolendum potius quam inuidendum existimo. Quæ enim maritū metuit, reuera cum odit, sed simu-

*E principio
fuit.*

*Sæpius est
marito amari
quam
metui.*

late colit; at quæ à marito amatur, vicissim cum amat, & veris officijs prolequitur ac demulcet.

*quæ mari-
sum odit, a-
lios amabit*

Mariti gratiam & amorem captet vxor; sed maritus vxoris odium vitet. Si enim illa oculos in alium coniecerit, nunquam cauebit maritus quin illa suis amoribus potiatur. Enitatur igitur potius, vt pro decerpto virginitatis flore dignum aliquem fructum & mercedem vxori rependat, cuius solatio tam longū tamque salebrosum matrimonij iter facile & iucunde cum ipso emetiatur. Quid enim, quæso, in coniugio boni inest, nisi vterque operam det vt nec maritus vxorem, nec vxor maritum meliorem optare sibi possit? Inuisi vxori viri facultates direptioni patent, honor infamix proximus, vita periculo proposita, tota denique domus suspicionibus, rixis, turbis, & miserijs plena est. Neque enim mulier cum quo male viuit, eum diu viuere expetet.

*Cauendam esse maritis nimiam erga
uxores Zelotypiam.*

Addo iam aliud non minus salutare consilium quam necessarium præceptum, ne scilicet maritus nimia zelotypia tam vicinos quàm alios offendat. Duo sunt hominū genera qui hoc morbo vehementer laborant. Primum eorum qui
natura

natura inuidi sunt & malitiosi: alterum eorum, qui ipsi per libidines superiorē ætatē egerunt. Et hi quidem mirum non est si suspicentur, quæ aliorū mulieres cū ipsis olim fecerint, eadē suas cum alienis viris factururas. Sed stulte faciunt qui hæc cogitant; improbe, qui dicunt. Eslo, sint femine quædā leues & pudoris prodigæ; nemo tamen, opinor, negabit, multas quoq; honestas, pudicas & castas reperiri. Vt fallo quisquā dixerit mulieres omnes probas esse; ita minus recte, omnes esse improbas. Conuenientius ergo est & verius ut dicamus, in utroq; sexu nec quod laudemus, nec quod vituperemus deesse. Ego feminae leui & vanæ non modo frænū injiciendum, verum etiā omnē occasionē præcidendam arbitror, eatenus tamē, ne dum pudori ipsius nimis dura custodia ponitur, ipsa ad desperationem redigatur. Negari non potest esse qualdā eo ingenio mulieres ut nec minis nec pœnis à turpi & libidinosa vita abduci se patiantur: immo quædam in hoc natæ videntur, ut oneri sint maritis, & cognatis probro. E contra quædā tam castis, tam puris, tamque limpidis sunt moribus, ut & singulari suæ familiæ sint ornamento, & omnibus admirationi, utque adeo natura ipsa eas tamquā lucidissimū omnis elegantiæ & virtutis speculū ceteris ad imitandū proposuisse videatur. Ut ad propositū redeā, uxorem si quis intra limen

conti-

Ex suo ingenio quisque alios efficit.

*Fide, sed
vide.*

continuerit, à fenestris interdum abscedere, & à suspectorum hominum societate abstinere iusserit, meo iudicio non peccabit, ea tamen cautione vt magis ipsius pudicitiae quam à se positae custodiae fidere videatur. Vt sollicite viri vxores suas habeant & custodiant, laudo; vt zelotypia eas prosequantur, nō probo. Nititur enim in vetitum semper femina, & negata ardētissime concupiscit. Suspectam ergo vxorem obseruabit quidem diligenter maritus, id tamen quam potest maximo studio celabit. Si enim mulier id agi senserit, mille fraudes, dolos & astutias comminiscetur, nec prius quiescet quam ex incerta suspitione rem certam fecerit, non tam libidinis pruritu, quam iniuriae, vt ipsi videtur, vindicandae studio. Nec vires Samsonis, nec Homerij eruditio, nec Cæsaris Augusti prudentia, nec Pyrrhi sollertia, nec Iobi patientia, nec Hannibalis sagacitas, nec Argi vigilantia ad vnam domandam & prohibitu regendam mulierem satis sunt. Nulla humana vis tanta est, quæ mulierem bonam esse nolentem, vt proba sit subigere queat.

*Omnia viti-
a mulie-
bris astutia*

Porro vitia quæ maritus in vxore animaduenerit, nequaquam diuulgabit, aut verberibus statim vindicabit, sed commo-
nefaciendo, monendo, hortando, blandi-
endo, obiurgando ac dissimulando vel e-
menda-

mendabit, vel leuiora sibi ad ferendum reddet. Da mihi vel sapientissimam ac patientissimam mulierem: eadem tamen si vel formam suam contemni, vel pudicitiam sugillari senserit, quam vehementissime excādescet. Nam mulier et si impudica sit, pudica tamen haberi; & si vel maxime deformis sit, formosa tamen videri volet.

Spretæ iniuria forma.

Quocircā si maritus talem habeat vxorem, quam certum habeat nec corpus suum, nec mariti honorem prostituere, nec fortunas dilapidare; zelotypiam ei omnem tam in verbis quam factis segregandam ac fugiendam existimo; quamvis sæpe nonnulla palato minus grata usu veniant. Quanto enim magis vxoris pudicitie confidet maritus, tanto illam arctius, ut talis sit qualis marito videtur, obstringet.

Coniugum rixas ad vicinorum aut aliorum notitiam minime esse deferendas.

REcce etiam atque utiliter coniuges fecerint, si rixas inter ipsos ortas, vicinos, quantum possunt, celārint, nec alter de altero apud alios conquatur. Quo quid aliud efficiunt, quam quod inuidis ridendi, & vicinis obtrectandi materiam subministrant? Sunt mariti quidam adeo

Rixæ nomen egrediuntur.

*Quæ mariti
vxoꝝ
obiurgare
soleant.*

*Quæ vxores
de maritis.*

adeo imprudentes ac male consulti, & vxores tam impatientes, vt nec illi sine stomacho obiurgare, nec hæ sine vociferatione obiurgantibus respondere possint: adeo vt vicini totam septimanam eorum sedandis discordijs & componendis rixis, & dies festos eorum audiendis querelis consumant. Conqueritur maritus, vxorem suam insolentem esse, superbam, iracundam, maledicam, rixosam, suspiciosam, quavis tempestate atrocior, quo vis turbine incitatioꝝ, pigram insuper, teꝝulentam, in medios vique dies stertere, rem familiarem susque deque habere, cognatarum, vicinarum & compotatricum domos frequentare, ac limen semel egressam, vix demum cum noctiluca domum reuertitur, facultatum denique suarum carcinoma, & certissimam vitæ esse pestem. E contra mulieres quia viribus non possunt, tanto magis lingua sese vlciscuntur, obuijs quibusq; conquerentes, aliæ, maritum se haberet item, melancholicum, taciturnum, cuius mores nec domestici, nec ipse vicinorum mores ferre possit; aliæ cerebrosum, & turbulentum se nascas esse, qui cholera incensus famulos & famulas fustigare, & vxori calatiticam è capite deripere, eaque os obverberare non vereatur. Conqueruntur aliæ varijs à marito se conuicijs proscindi, iam deformes, bliteas, insulas, sordidas, alijsq; eiusmo-

huiusmodi nominibus appellari, quæ & lachrymas sibi exprimât, & ipsa viscera pæne rumpant. Conqueruntur etiâ cognatorum & amicorum visitatione à marito se prohiberi, immo vix diuina adire officia sibi permitti, & quamuis nullam male suspicandi marito ansam dederint, domo tamquâ captiuas includi & asseruari, foribus, fenestris summoueri, non verbum cum quoquam commutare, non nitidiori vestimento vti licere, ne forsan alijs placeant: non secus denique quâ Palladium aliquod aut Deo dicatas virgines custodiri. Conqueruntur item, nec verbis suis apud maritos fidē, nec factis vllam gratiam constare: quinimmo eosdē ira percitos probra quæque & cōiicia oggerere, & quidquid ad manum fuerit, in caput ipsarū iacere. Conqueritur alia, maritum Venerium esse nepotulum, alienis insidiari thoris, viduas procari, cum puel-
lis ludere, propria vero vxore ad nullam aliam rem quâ ad latrinam lauandā & id genus vilissima ministeria vti. Alia conqueritur maritum penum omnem ad suæ farine homines clanculū congerere, immo vxori vestes & ornamenta, quæque alia sua ipsa manu sibi neuit aut labore acquisiuit, ex arcis suppilare, & ad amicas deferre. Alia queritur maritum totas dies & noctes ludere, & non modo quidquid vel ex patrimonio vel suo labore habuerit, sed &

*Que mariti
vixoribus
obiicere
soleant.*

*Que vxores
de maritis.*

adeo imprudentes ac male consulti, & vxores tam impatientes, vt nec illi sine stomacho obiurgare, nec hæ sine vociferatione obiurgantibus respondere possint; adeo vt vicini totam septimanam eorum sedandis discordijs & componendis rixis, & dies festos eorum audiendis querelis consumant. Conqueritur maritus, vxorem suam insolentem esse, superbam, iracundam, maledicam, rixosam, suspiciosam, quavis tempestate atrocior, quovis turbine incitatiores, pigram insuper, temulentam; in medios vsque dies stertere, rem familiarem susque deque habere, cognatarum, vicinarum & compotatricum domos frequentare, ac limen semel egressam, vix demum cum noctiluca domum reuertitur; facultatum denique suarum carcinoma, & certissimam vitæ esse pellem. E contra mulieres quia viribus non possunt, tanto magis lingua sese vlciscuntur, obuijs quibusque conquerentes, alia, maritum se habere tristem, melancholicum, taciturnum, cuius mores nec domestici, nec ipse vicinorum mores ferre possit; alia, cerebrosum, & turbulentum se nactas esse, qui cholera incensus famulos & famulas fustigare, & vxori calatiticam à capite deripere, eaque os obverberare non vereatur. Conqueruntur alia varijs à marito se conuicijs proscindi, iam deformes, bliteas, insulas, sordidas, alijsque

cuiusmo-

huiusmodi nominibus appellari, quæ & lachrymas sibi exprimât, & ipsa viscera pænerumpant. Conqueruntur etiâ cognatorum & amicorum visitatione à marito se prohiberi, immo vix diuina adire officia sibi permitti, & quamuis nullam male suspicandi marito anîsam dederint, domo tamquâ captiuas includi & asseruari, foribus, fenestris summueri, non verbum cum quoquam commutare, non nitidiori vestimento vtilicere, ne forsan alijs placeant: non secus denique quâ Palladium aliquod aut Deo dicatas virgines custodiri. Conqueruntur item, nec verbis suis apud maritos fidē, nec factis vllam gratiam constare: quinimmo eosdē ira percitos probra quæque & cōiicia oggerere, & quidquid ad manum fuerit, in caput ipsarū iacere. Conqueritur alia, maritum Venerium esse nepotulum, alienis insidiari thoris, viduas procari, cum puelis ludere, propria vero vxore ad nullam aliam rem quâ ad latrinam lauandâ & id genus vilissima ministeria vti. Alia conqueritur maritum penum omnem ad suæ farinæ homines clanculū congerere, immo vxori vestes & ornamenta, quæque alia sua ipsa manu sibi neuit aut labore acquisiuit, ex arcis suppilare, & ad amicas deferre. Alia queritur maritum totas dies & noctes ludere, & non modo quidquid vel ex patrimonio vel suo labore habuerit, sed &

vxoris dotem & mundum alea prodigere:
 Alia queritur maritū sæpe domū redire irā
 furētem, liberos cedere, ancillas inclamat
 re, famulos verberare, miseræ vxori crines
 inuolare, sic deniq; turbis omnia miscere,
 vtdomo omnes profugiant, nec quisquā in
 conspectum eius venire aūsit:

*Secreta
 quibus re-
 uelanda.*

Hæc & infinita alia vxores de maritis,
 & mariti de vxoribus conqueri solent:
 quod si fiat apud eos qui his rebus remedi-
 um afferre nec possunt nec volunt, aut
 quos etiam nescire ista melius est; nihil ego
 vel à marito imprudentius, vel à muliere
 leuius fieri posse puto. Quid enim? Ara-
 cam non facile cuiquam aperis, & quæ in-
 sunt ostendis; & intima animi tui secreta
 vel obuijs narras? Amico etiam si quidquid
 in arca aut cella habes reconditum, mon-
 straueris, damni nihil facis: at si ea quæ a-
 mas, diligis, colis, quæque in ipsis quasi a-
 nimi tui visceribus inclusa sunt, alteri ostē-
 deris, periculo certe & incommodo non
 carebis. Tam amor quam odium in cordis
 penetralibus diligenter custodiēda & qua-
 si consignanda sunt. Quid enim ei quem
 amas, & cui bene vis, reseruabis, si pectus
 tuum obuiō cuique recludas, & intima ani-
 mi sensa ac cogitationes etiam communi-
 ces? Sic ego sentio, illi tantum cuius erga
 nos amor & beneuolentia veris argumen-
 tis nobis perspecta est, & cui tuto fidere
 possimus

possimus, pectoris secreta reuelanda esse. In curarum suarum & sollicitudinum conscientiam sapiens neminem assumet nisi eum à quo vel paratum sibi auxilium, vel certe solatium, sciet. Est vero non leue solatium, si amicus nostris rebus æque ac suis afficiatur, suasque lachrymas cum nostris coniungat. Quid vero, o leues & inconsiderati homines, vestram fortunam apud eos deploratis, quibus inde risui & ludibrio futuri sitis, quique non modo non leuiiores vestras misérias, sed grauiiores etiam sint facturi? Stultitia hæc tam in marito quàm vxore non ferenda est, vt alter alterius vitia & errata eis qui nesciunt indiket: quæ vt suspicentur alij minus malum est, quam vt nostro ipsorum indicio propalentur.

Amaritis ea quæ familie necessaria sunt prouidenda & procuranda esse.

AD maritorum præcipue officiũ pertinet, vt rei familiaris curam habeant, & vxori; liberis ac ceteris domesticis de victu, vestitu, alijsque rebus necessarijs prospiciant. Tàmetsi enim in reliquis rebus non tam accurata ab eis ratio requiratur; hac tamen in re ipsorum negligentia ignosci non potest. Patrisfamilias est rem facere & parare; matrisfamilias,

*Diversa
Mariti &
Vxoris officia.*

tueri. Mariti est foris victum querere; vxoris, domum seruare. Mariti est pecuniam domum adferre; vxoris, parce & frugaliter eandem erogare. Mariti est cum omnibus res rationesque contrahere; vxoris, cum paucis loqui. Mariti est negocijs occupari; vxoris, solitudini studere. Maritum decet eloquentia; vxorem, taciturnitas. Mariti est honorem suum & familie mordicus defendere; vxoris pudicitiam suam custodire. In marito laudatur liberalitas; in vxore parcimonia. Maritus vestiet se vt placuerit; vxor, vt decebit. Maritus in sua potestate omnia habebit; vxor vero de omnibus ratione reddet. Maritus omnia domui necessaria procurabit; vxor omnia quæ in domo sunt obseruabit. Vt paucis dicam, Mariti est victum familie querere; vxoris, familiam regere & gubernare. Ex quibus omnibus intelligi potest, bene constitutam domum siue familiam, vbi scilicet quisque quod debet facit, monasterij instar esse, at in qua quisque facit quod vult, eam domum infernum appellari posse &c.

Ad
AGNETEM MAN-
RIQUE, &c.

E P I S T O L A.

*Qua pleraque tam Matronis quam Virginibus
decora virtutes explicantur.*



CTIDVVM est, quum mihi cō-
moranti apud agnatum tuum
Garciam Manrique, famulus tu-
us Alphonsus Roys, vnà cum li-
teris tuis, mulum tradidit abs te dono mis-
sum: pro quò ingentes tibi gratias humili-
ter ago. Ad literas autem tuas quod attinet,
quasque in eis describis honestatem atque
modestiam, & ceteras virtutes in virgini-
bus requisitas, de quibus mihi quid videat-
ur quæris; quum tibi inter insignes præ ce-
teris matronas tuas quoque locus debea-
tur, sisque inter nobiles Hispaniæ feminas
nobilissima, nec quisquā vel ignoret vel in-
fietur, palatium tuum esse sacrum quod-
dam honestissimarum matronarum virgi-
numque collegium, te vero ipsam speculū
atque ornamentum sexus muliebris; quum
denique & Græcas & Latīnas literas

*Exemplum
rara femi-
ne.*

docta sis; res mihi esse videtur minus necessaria & laboris superuacui, me tenuioris & conditionis & doctrinæ Monachum, tam subtilis atque ardui, addo etiam à professione mea alieni argumenti tractationem suscipere. Verum enimvero quando mihi à iussistuis appellare non licet, morem geram, eaque conquiram, quæ vel in libris veterum, vel apud sacros scriptores hac de re literarum monumentis consignata inuenero.

In veteris Testamenti historijs scriptum legimus, honestam feminam Ruth olim spicarum manipulos in agro colligere instituisse; ex cuius spicilegio modo ab ipsa observato non difficile est colligere, quanta honestate atque modestia feminas, & virgines imprimis, ornatas esse par sit. Nam manipulos, sursum erectos, stans legitur colligisse; ad humi iacentes vero sedendo sese demisisse, ne forte, si se pronâ incuruasset, aliqua corporis pars nudâ ad spectum exponeretur: quo viso Booz adeo delectatus est, ut ex eo tempore amore mulieris correptus, eam sibi matrimonio postea copularit.

Quod exemplum diligenter considerandum est feminis honestis, maxime vero virginibus, ac omni studio elaborandum ut in intuitu, in vestitu, in gressu, in sermone illarum rebusque omnibus modestia insit.

*Etiā in
lenibus ho-
nestas ap-
paret.*

insit. Nam hoc mihi credere tuto illis licet, citius placituras eas viris, si honestæ sint & verecundæ, quam si protervæ, procaces, leues aut immodestæ: magisque illis decorum esse, ut se domi continent, taciturnæ sint, & vultu pudico, quam ut sint loquaculæ, oculis emissitij, vagabundæ, perpetuoque prospectent e fenestris.

Vestitu quoque se viris magis commendabunt honesto, totumque corpus obte-
Vestitus honestus.
 gente, quam luxurioso & leui, nudumque pectus, non sine scandalo & turpitudine, ostentante: quo quæ sunt amictæ, siue nuptæ, siue virgines, Veneriæ & libidinosæ, eo-
 que ut plurimum (sit verbo venia) pro scortis & minus pudicis haberi solent. Ante omnia oportet virgines esse aspectu modesto, & oculis in terram deiectis. Incessus sit honestus & moderatus, paucus sermo & tardus, & si sint interrogatæ, verecunda et simplex responsio. In amictu obseruent decorum, vitent luxum, sitque usquequaque velata cutis. Anilibus & scandalosis fabulis aures non accommodent, sed eas cane & angue peius fugiant. Collo-
Fuge lea nam Virgo.
 quia enim prava corrumpit bonos mores, auctore D. Paulo, in 1. ad Corint. 15. Consortia, quoque in primis & sermocinationes vularum & lenarum, non secus ac pestis quædam præsentissima declinandæ sunt virgini honestæ. Fere enim illarum instinctu
 V 3 ad lasci-

ad lasciuia & libidinē preuocantur, clandestinis conuenticulis, literarum militationibus, alijsque id genus illaudatis modis & parum honestis. Solitudinem amet virgo, fugiat consortia noxia & impudica. Dedita sit contemplationi, deuotioni, & precibus: sacrarum literarum lectione delectetur, & cum Christo sponso suo confabuletur frequenter. Nam ipse inquit : *Persuasam eam deducam in desertum, & blande cum ea colloquar.* Si enim, quam sit amabilis Dominus, vera virgo senserit, & diuinis contemplationibus dedita, diuinarum & celestium rerum gustum cœperit percipere; continuo mundum contemnet, mundanarumque vanitatum cura omni abiecta, cum regio vate dicere ei licebit : *Quid mihi est in cœlo, & in terra, quid petij à te nisi te? Exaruit caro mea & cor meum. Deus est robur cordis mei, & portio mea in seculum.*

*Virginitas
vita con-
templati-
ua.*

Virginitas, quum primum in castitate gradum obtineat, vitæ contemplatiuæ respondet. Castitas enim omni carnali cogitatione animam liberat : quæ vt ad veritatis contemplationem intellectum disponit, ita ex aduerso libidine anima opprimitur, & confunditur intellectus. Quæ caussa fuit Philosopho, in Ethicis vitam incontinentem pecuinam appellâdi. Quæquum ita sint, par est, vt omnis virginum cogitatio ac desiderium

siderium in verum spōsum suū Christum
& solum quidem feratur, corpore puro, &
spiritu incontaminato.

Quales esse debeant verae Virgines.

Sed vt distinctius cognoscant virgines, *Virgo & corpore & animo pura.*
quid sit officij sui, attingam in specie
quasdam adhuc virtutes & qualitates,
quibus decet eas esse ornatas. Vt igitur ea,
quæ virgo audit, re ipsa sit quod dicitur, ne-
cesse est vt corpus habeat castum & purum:
siquidem ipse Christus hanc virginitatis
castitatem puritatemque tanti fecit, vt nasci
non nisi ex virgine voluerit. Animaduer-
tendum est autem, virginitatis esse duo ge-
nera: quarum alteram tibi Deus ipse refer-
uat, animæ nimirum virginitatem, per
quam virgo prauis cupiditatibus, & cogita-
tionibus impudicis vacat; eaque est animæ
virtus præstantissima. Altera non ad Deum
sed ad virum refertur, eaque est, quum spon-
sa ad nuptialem thorum illibatam virgini-
tatem adfert. Vtraque, Scriptura testante,
Rebecæ inerat. Ait enim: *Puella autem ista
erat forma bona valde, & virgo, quam vir non
cognouerat.* Quæ verba, in laudem Rebec-
cæ, ponderantur ab Origene, dicente: Re-
becca virgo erat & non cognouerat eam
vir: quasi, quæ virū habet, possit esse virgo

Et quid videtur de hoc additamento, *Quam*
vir non cognouerat? Num forte potest virgo
 cognoscere à viro, & virgo esse? Dixi sapius,
 & adhuc dico, multa & magna mysteria hic
 subesse. Nam quemadmodum Christus
 maritus & sponsus appellatur, quicum ho-
 mo copulatur per fidem; ita ei aduersatur
 vir cui anima iungitur, quando relictò
 Christo, viam peccatorum ingreditur. Hic
 est ille maritus, de quo Scriptura dicit, ve-
 nisse inimicum (Satanam) & seminauisse
 zizanium inter bonum semen. Non sufficit
 animæ corpus virginis esse purum, sed re-
 quiritur etiam, vt malus ille vir atque ini-
 micus animam non subagitarit. Nam pro-
 fecto non raro contingit, corpore aliquam
 esse virginem, quam si cognoscit improbus
 ille maritus, Satan, eiusque pectus sauciet
 iaculis libidinù, ilico actum est de vera eius
 virginitate animæque castitate. Rebecca
 igitur, quum corpore pariter atque anima
 virgo fuerit, merito quoque hoc encomio,
 à scriptura ornatur quod virgo fuerit, &
 quod vir eam non cognouerit. Ex quo di-
 scèdum est virginibus, si puræ virgines esse
 & haberi voluerint, oportere eas Rebecca
 esse similes, hoc est, & corpore & animo san-
 ctas, virginesque. Iter facturo, sedemque in
 peregrino aliquo loco fixuro, necesse est vt
 viæ gnarus sit, vtque ante omnia eius regio,
 n. s. quam petit, consuetudinem moremque
 pere-

Rebecca
 castitas
 laus.

Satanicæ
 subagitatio-
 nes.

perspectum cognitumque habeat, ut ad
 eum se componere tanto melius, quum eò
 peruenerit, possit. Pari ratione virginem ad
 cœum tendentem edoceri in primis oportet
 viâ quæ illuc ducit, & mores, quibus ibi
 viuitur. Viuitur autē in æterna illa & summa
 patria, pure & caste. De qua beata habi-
 tatione scriptum est in Apocalypsi, capite
 xxi. Ciuitatem Dei esse ex auro puro, simi-
 lem vitro puro; nec intraturū in eam quid-
 quam inquinatum aut impurum, sed tan-
 tum eos, qui scripti sunt in libro vitæ Ag-
 ni. Hinc Sara, vxor Tobix, inquit: *Custodiui
 animam meam puram perpetuo.* Quapropter
 opera danda est virginibus omni studio, ut
 spiritum conscientiamque puram habeant,
 & corpus diligenti disciplina coerceant, at-
 que ita tum corporis tum animæ virginita-
 tem integram conseruent.

Humilem quoque virginem esse oportet,
 eoque humiliorem, quo magis virgo
 est, & casta. Nam (ut dicit Ambrosius) *Humilis
 gemma in
 annulo
 virginis.*
 humilitas ornamentū est virginis non secus
 ac margarita auro inclusa. Non potest tuti-
 us conseruari sancti amoris ignis quam sub
 fauilla humilitatis. Hinc D. Bernardus in
 homilia quadam sic ait: Præclara est mix-
 tura humilitatis & virginitatis, perplacet-
 que Deo anima, in qua regnat humilitas, &
 triumphat virginitas, cui virginitas decori
 est, & humilitas ornamento. Et alibi: Vir-
 ginitas,

ginitas, inquit, destituta humilitate gloriam habet fortasse, sed non apud Deum. Qui sedet in supremo throno magis respicit ad humilia, quam ad sublimia; humilibus dat gratiam; & resistit superbis. Hester quum humilis esset, nupsit Assuero centum & viginti septem prouinciarum Domino & Regi, à finibus Iudææ ad Æthiopiam, atque ex aduerso Vasti regina ob superbiam & animi elationem de regio fastigio deiecta est. Non est quod virgo iactet vel formę excellentiam, vel opum affluentiam, vel dignitatem generis, aut his rebus confidat: sed si interno ornatu fulgeat, si dotata sit diuinis dotibus, sat habet. Illud memoria repetat, quod euenit illis virginibus fatuis, de quibus est apud Matthæum, quę quamuis elegantibus lampadibus instructę sponso obuiam procederent, tamen quod de oleo sibi nõ prospexissent, neglectę sunt à sponso, & ab epuli nuptialis participatione exclusę. Sint igitur humiles virgines, vt diuinis donis repleantur, quandoquidem (S. Iacobo teste) Deus superbis resistit, humilibus autem dat gratiam.

*Vera das
virginis.*

Præterea insit virgini pudor: vt qui supra modum eam deceat. Non vnio, quantiuis precij, tanto ornamento est torqui aut diademati regio, quanto virgini pudor. Incedat ergo capite demisso, & oculis in terram deiectis, non exserto collo, oculisque patulis

patubit & vagabundis: id enim proteruiam
virginitatisque defectum significat . Vnde
Ecclesiasticus ait: *Ex oculorum superciliorum,* *Pudorpa-
dicitia
custos.*
que elatione cognoscitur mulieris fornicatio: in-
nuens videlicet, petulanti oculorum gestu
prodi lasciuiam & leuitatem. Perdifficile
est, illasam manere pudicitiam virginita-
temque, si pudor absit. Nihil est magis vir-
ginibus decorum, aut quod Deo homini-
busque eas commendet magis, quam pu-
dor.

Pudore nulla potest virgini preciosior
esse aut carior possessio. Vnde rursus Eccle-
siasticus, Donum, inquit, pudoris ipsius cui
vis auro præstat, hoc est, non argentum,
non aurum tantæ æstimationis est, quantæ
pudica Virgo & modesta. Vt virgo cui co-
ina præciditur, erubescit & ignominiam
accipit: ita Deo hominibusque abominabi-
lis est femina, cui perijt pudor . Propterea
Deus inquit apud Elaiam: Eo quod altæ
sunt filiæ Zonis, & ambulant extento gut-
ture, & nutantes oculis: indefinenter minu-
tis passibus incedunt, pedibusque suis com-
peditas agunt, idcirco scabie afficiet Do-
minus verticem filiarum Zionis, & Iehoua
pudendum earum nudabit. Pudor virginis
præsentissimum est aduersus omne genus
peccatorum remedium, quo sublato, de re-
medijs quoque istorum peccatorum actum
est . Hinc Ieremias inquit, capite tertio:
Frons

*Timor vir-
gines de, et.*

Frons mulieris scortantis fuit tibi, renuisti pudore suffundi. Samson, quamdiu comam alebat, dirupit quævis vincula & restes, quibus vinciebatur; quæ ab rasa, recessit ab ipso omnis vis ipsius. Pari ratione virgo pudore (qui per comam significatur) velata, facile omnes carnis illecebras frangit ac proculcat: sed amisso pudore, vnà perit omnis eius vis, vt sine renisu ruat de libidine in libidinem, de peccato in peccatum. De veris virginibus sic scribit Bernardus: Solent virginæ, quæ quidem vere sunt virginæ, perpetuo esse timidæ, nunquam securæ. Cauent enim sibi ab ijs quæ timenda sunt, & timent ea, quæ tutæ sunt, scientes, non modo preciosissimum thesaurum à se gestari in vasis fictilibus, sed etiam rem esse perarduam, inter mortales vitam agere angelicam. Hanc ob causam suspectum est virgini quidquid nouum est & subito exoritur, tanquam quod ad ignominiam seductionemque sui sit comparatum. Et venerabilis Beda, Proprium, inquit, est virginum, timere. Nam ad ignotorum in ædes ipsarum introitum metu percelluntur, & ad viri alloquium pudore suffunduntur. Hæc omnia consideranda sunt pudicis virginibus, animoque infigenda, siquidem pudorem, virginittatisque præclarissimum thesaurum conseruare student. Vestitus virginis sit honestus. Non quod reprehendam amictum deco-
rum &

rum & patrium, sed profanum tantum & leuem, non necessarium, sed superfluum, *vestitum* non morem vsitatum, sed superintrodu *qualis esse* ctum immoderatum abusum. Scimus ipsi, *acbeata* pro conditione cuiusque, alium vestitum conuenire Ecclesiasticis, alium laicis, alium dominis, aliū subditis; alium Principibus, Comitibus, Baronibus, alium ciuibus & his qui artes mechanicas exercent; alium matronis desponsatis, alium puellis innuptis. Damno autem non vsum, sed abusum, excessum, & nimiam in vestitu curiositatē. Fere enim vīdeas clericos ornatu laicorum proprio incedere, subditos Dominorum vestitum imitari, Nobiles Comitum Baronumque ornatum æquare, ciues denique & famulos Nobilibus vestimentorum elegantia nihil concedere: eoque iam deuentum est, vt inter dominum & subditos, inter ciuem & Nobilem, si vestes spectes, vix quidquam amplius inter sit.

Illud quoque hoc loco à me culpatur, quod in vestium multitudine & laxitate vsque adeo modus exceditur, vt peculiāres famula (quas cubicularias appellant) alendæ sint, quarum hoc vnicum officium est, vestimēta expurgare, complicare, excutere, aeri, ne exedantur à tineis, exponere. Nec minus exquisitas vestimentorum formas hic noto, varios eorundem colores, precium ingens, calceamentorum preciosos ornatus,

natus, ximij valoris torques, armilla, & lacinias, catenulas tortas, myrothecidia, in aureas, monilia fronti imposita, multiplicem tunicarum varietatem, quas segmentatas concisasque, & varijs modis ocellatas gestant; earumque alias angustas & breues nimis, alias rursus supra modum laxas & longas, quæque tam longas caudas trahunt, ut ex solæ sufficiant egeno aut famulo vestiêdo: quarum nullus alius est vsus nisi ad verrendum solum, ad onerandam conscientiam, animamque in gehennam præcipitandam. *Discant autem ex me & diligenter hoc tenent illæ siue matronæ siue virgines* quas tam prolixa caudæ sequuntur, a quibus, quibus longæ sunt caudæ, exigua esse capita, exemplo pauonis & picæ. Quid velim non dubito quin intelligant; Nam (ut est in proverbio) dictum sapienti sat est. Quæ quum ita sint, par est ut matrona simul & virgo decovo habitu, cum pudore & verecundia amiciatur atque exornetur, non in torsionibus crinium, aut in auro, aut in margaritis, aut vestibus pulcris, sed in operibus bonis, cum omni subiectione, honestate & munditia.

Ante omnia vero diligenter considerabunt Virgines, quibuscum viuunt aut conuersentur: eoque anus illas seu vetulas quæ amatorias litteras hinc inde circumferunt, vel alijs modis turpes amores conglutinant, non secus ac barathrum aliquod fugi-

fugient & detestabuntur. Mihi quidem lenæ eiusmodi fictitium testarum similes videntur, quæ confractæ, nulli deinde amplius ut in eis coquatur aliquid, sunt vsui; sed igni tantum circumferendo inseruiunt. Ita pessimæ istæ vetulæ postquam ætate exolete, ut ipsæ amentur minus sunt idoneæ, puellas simplices circumeunt, & verbis, blâditijs, munusculis irretitas, incomparabili virginitatis thesauro flagitiosissime spoliant, ut miseræ postea & infames semper vivant. Quocirca non munus modo, sed ne carmen quidem à procis missum acceptabit virgo; ne illud seruitutis vel infamiæ potius fiat auctoramentum. Meo arbitrato si constitutur Respublica, lenones omnes, lenæ, & perductrices non modo ejciantur, verum etiam seuerissimis pœnis coerceantur. Honestæ certe virginis est, id genus hominum ne per transcennam quidem aspicere, vel ad colloquium admittere, sed precibus aut conuitio etiam à se abigere; tum omnia munuscula amantium, tamquam acutissimos pudicitiae hamos, spernere ac repudiare. Omnis fucus à veris ablit Virginibus. Deum enim offendit cerussata facies; nec tamen procum facilius inuenit. Esther regina sine ista arte Assueri nuptias consequuta est: qua qui vtuntur, vitia sua magis produnt quam tegunt. Mulierem nihil magis commendat quam timor Domini.

Sus etiam si annulum rotiro insertum habet
at ne terrā fodiat vel proscindat, in luto ni-
hilominus sese volutabit. Idem faciunt ex
feminæ, quæ formæ decus morum turpitu-
dine & impudicitia conquināt, & fecerūt. Me-
minerint virgines quā fluxa & fragilis res sit
formæ venustas, quam Boetius vento com-
parat, & Salomon bulla magis inanem esse
dicit: nec vllam feminam merito laudari
posse nisi quæ Deum timeat.

Ad extremum dico, Virginem cæcam,
surdam, claudam & mutā esse debere. Cæca
sit, ne oculos circumferat; surda, ne lenarum
blanditijs vel turpibus verbis aures præbe-
at; clauda pedibus, ne hinc inde vagetur;
manibūs, ne vllas procorum litteras aut mu-
nera acceptet. Quæ hoc modo vitam intia-
tuerit virgo, non corporis modo sed animæ
quoque integritatem facile conseruabit, &
tandem æternæ gloriæ immarcescibilem co-
ronam adipiscetur.

Hæc quidem, Matrōna illustrissima, in
præsenti hac de re scribere volui: quæ tuo ar-
bitratu gynæcei tui virginibus ad legendum
proponi, & ad imitandum inculcari pos-
sunt. Madrici xv. Martij

M D X L I.

Ad

FRIDERICVM
TOLETANVM, ALBÆ
DVCEM, &c.

E P I S T O L A

*In qua locus quidam Paulinus & Anti-
quitates aliquot explicantur.*



INTERAS tuas cum adiuncta
scheda memoriali à Roderico
nostro Enrique accepi. Ve-
hementer miratus sum, te, Cæ-
saris Consiliarium primarium, à me consi-
lium petere. Quam meam admirationem
non est quod admireris. Nam & tuam hu-
militatem ostendis, & agnoscis solertiā me-
am. Quid responderem, & quod potius
consilium suggererem, diu hæsitavi. Aliud
enim honor tuus, aliud conscientia postu-
lare videbatur. Itaque satis expensis atque
examinatis rei momentis, eiusmodi expli-
cationem tibi do, qua arbitror & conscien-
tiæ tuæ & honori satisfieri posse. Homini
Ethnico & veræ Religionis ignaro, vnice in
votis est, ut equestrem dignitatem adipi-
scatur, sed ut virtutes equite dignas habeat,
sufque deq; habet. Non repugnant ista ali-

*Conscientia
honori præ-
ferenda.*

X

quem

quem simul, & Equitem esse, & Christianum. Nam in vero Equite hæc requiruntur, ut sit animo magno, manu promptus, in verbis verax, in largiendo liberalis, patiens in aduersis, ad condonandum facilis: quæ omnia in Lege Christi non modo permittuntur sed iubentur. Crede mihi, in cælo meri sunt Equites; apud inferos meri stulti.

Paulus Apostolus, ad Timotheum scribens, *Labora*, inquit, *ut bonus miles*. Non dicit, *Labora ut agricola*, ut piscator, ut molitor, ut nauta: sed, ut bonus Miles. Non enim minore opus est fortitudine ad resistendum vitijs, quam ad manus conferendum cum hoste. Stulti habentur, qui quod sciendum ipsis erat, nesciunt; & pusillanimes, qui, quod possunt, non audent. At sapiens & fortis Eques aggreditur quod potest, & quod ignorat, discit. Laborare Apostolus iubet Timotheum, non simpliciter, ut militem, sed, ut Bonum militem. Bonitas autem Christiani militis non in pompa & magno comitatu posita est, sed in bona & pura conscientia. Aulæorum magnificentia, nobilium puerorum ministerium, tamulitiū numerosum, copia præstantium equorū, & falconum, & quæ sunt his similia, honori esse possunt, nō salutari. Honorem autem quem appello, non damnationem intelligo. Laudo enim viros principales ob id, quod quamplurimos

iuvenes

*Militia
Christiano
iuxta.*

Iuuenes honesto loco natos alunt: damno autem, quod ijsdem viuendi licentiam, & vitiorum impunitatem indulgent. Quia famulorum suorum mendacia, imprecationes, lusus, comestationes, scortationes & ocia conuiuet, quamuis Dominus appelletur aut miles, non est tamen bonus miles. Bonorum enim militū domos, oportet esse scholas virtutum, non vero speluncas latronum. Vulgo, quem vident sumtuosam familiam alere, sumtuose epulari, & cuius domi alexæ & chartæ assidue versantur, hominesque improbi & nihili tanquam in asylum recipiuntur, eum gentilem Equitem indigitant. Nec male, quamuis aliud agentes, loquuntur. Magis enim hominis Gentilis, hoc est, Ethnici ea, quæ commemorauimus, propria sunt, quam militis Christiani, docente Apostolo, eum studere bonæ militiæ, qui hoc agit, vt sit bonus Christianus; siquidem sub Lege Christi nulli licet esse vitioso.

Qui olim fuerint honoratissimi.

Q Væris præterea, cui hominum generi antiquitus in Comitijis primus & honoratior locus deferri solitus fuerit. Quæstio hæc multiplex est, nec tamen explicatu difficilis, etsi hic non possum dare generalem Regulam,

Quibus ma-
ximus ho-
nor delatus
apud varias
gentes.

quæ omni tempore & vbique locorum
obseruata fuerit. Consuetudo enim ea in
re pro temporum regionumque diuersi-
tate diuersa fuit. Lycurgus ijs primum ho-
norem deferri iussit, qui capitis albedine
& canitie barbæ præ reliquis essent insig-
nes. Solon præcepit Atheniensibus, eos
magis honorare, quibus numerosior pro-
les esset. Aegyptij ex instituto Promethei,
eos magno honore affecerunt, qui aliquam
Reipubl. partem gubernarent. Apud Si-
cyones quidam Rex rerum diuinarum an-
tistites honoratiores esse voluit. Argiuo-
rum Rex Brias decreuit, vt Philosophi in
scholis docentes, honore ceteros antei-
rent. Romanis auctor fuit Numa Pompi-
lius, vt illis honoris tribueretur præro-
gatiua, qui nobili aliquo prælio victores
fuissent. Anacharsis Philosophus illi sum-
mum honorem exhiberi mandauit, qui to-
gatus consilio, & armatus manu plurimum
patriam iuuisset.

His positis, infero, omnes istos, quos
commemorauimus, dignos esse honore: sed
hos dignissimos, qui cum prudentia con-
iunctam habent patientiam. Animū enim
vere magnum duo illa perpetuo comitan-
tur, prudentia in secundis, & patientia in
aduersis. Sed, quæ nostrorum temporum
est peruersitas, arbitror, operam te inuti-
lem & superuacua sumsisse, quum hoc,
de quo

de quo agimus, quæsiuisti. Vis enim nosse nostri sæculi mores? Senes ludibrio habemus, parentibus immorigeri sumus, iudicibus nos opponimus, sacerdotes contemtui habemus, fortes milites negligimus, viros doctos floccifacimus, & pios odijs exercemus. Ferreo isto, inhumano & ingrato sæculo nullius precij habetur, qui virtutē colit. Olim tanti erat quisque, quanta erat eius scientia & virtus: nunc plaris est, qui plures nummos habet; & tanti æstimamur quantum est nobis pecuniæ in arca. Olim honore afficiebantur, qui honorem recusabant: nunc honorem tribuimus his, non qui eum merentur, sed qui affectant. Olim apud exteros, homines virtutis aliqua laude insignes quærebamus: nunc etiam pulsantibus fores occlusæ sunt. Olim nulla erat curia, in qua non Philosophus aliquis responsa daret: nunc omnes aulæ à scurris occupatæ sunt. Olim ius erat bonis coercendi pœnis improbos: nunc mali omni iniuriarum genere diuexant probos. Olim bonis tantum loqui fas erat: nunc improborum nemo scit tacere. Denique priscis illis aureis temporibus bonum erat in precio, & malum odio habebatur: at nostro hoc seculo boni despiciuntur, pessimus autem quisque dignitatis primum locum obtinet.

Scire etiam desideras, quinam olim habiti fuerint pro furibus, & quæ fuerit furti *qui fures olim.* pœna.

pœna. Quę mihi quęstio curiosa magis, quam necessaria videtur. Nam & tua parum interest, vtrum id scias, an nescias: & mihi perdifficilis est huius rei investigatio, qui in tā subtilis argumenti consideratione studium nunquam polui. Diligens antiquitatum investigator Aulus Gellius, multus est in hac materia describenda, multa furtorum, & pœnarum, quibus furta coercebantur, genera recēsens. Nunc vero quamuis multa eiusmodi furta aliquis committat, id tamen pro exiguo tantum peccato, & (vt loquuntur) peccatillo hodie habetur.

*Qui fures
olim.*

Fur olim habebatur, qui rem alienam in agro, siue in vrbe, clam, inuito Domino alienaret; item, qui equo, quem in vnum diem commodato accepisset, biduum vteretur: nec nō is qui re apud se deposita vteretur, vt sua: tum is quoque, qui mutuum acceptum in dies decem, ante diem viceſimum non redderet. Omnes isti & habebantur, & dicebantur fures, & furti pœnam luebant. Ea vero non erat vniusmodi. Gręci enim cauterio frontem furum signabant vt dignoscerentur ab omnibus. Nasum ijs præcidebat Lycurgus. Phoroneus pueris & seruulis coercendos tradebat. Numa Pompilius manus furibus amputari instituit. Primi Gothi auribus fures mutilarunt, & laqueo suffocarunt, cetera quidem barbari sed furtum penitus detestantes. Sed vt rem
in pauca

In pauca conferam, hodie si omnes huius
criminis rei suspendio plectendi forent,
patibula citius decssent, quam fures. Nam
(vt ait Diogenes) paruos fures in crucem
agimus, at magnos pæne adoramus.

Ad

CORONELLVM

DOCTOREM

EPISTOLA:

Adquasitaquadamrespondens.



VAE in litteris tuis, à famulo
tuo mihi redditis, à me petijsti
officia, ijs apud Cancellarium
defunctus sum. Cui animadu-
vertires & commodatua omnia & singu-
la vehementer curæ esse: vt equo sua spō-
te ad currendum prompto non fuerint ad-
denda calcaria. Quod superest, quam bre-
uissime tibi respondebo, ne vel tibi, vel
mihi ipsi sim importunus. De cognato
tuo, sermonem contuli cum tribuno Cer-
rato, rogans, vt eum ordinum ductorem
faceret; sed quia semel atque iterum frigi-
de admodum mihi respondit, statui homi-
nem amplius non v'gere, nec me ipsum
pudescere. Nam quis faciem frigoris eius susti-
nebu? Dicit non potest, quam grauius affi-

*Nihil indig-
nius quam
indigno sup-
plicare.*

ciatur animus generosus & verecundus, si cogatur supplicare indigno. Nam qui rogatus fuit, eam rem sibi gloriæ ducit: at qui rogauit, pudore suffunditur. Nihil emitur carius, quam quod precario obtinetur. Plus enim elargitur multo, qui vel ad horam pudorem vultus sui præstat, quam qui maiorem substantiæ suæ portionem donat. Plato dicere solitus fuit, quanto qui donat, gaudio afficitur, tanto affici dolore eum qui rogat. Dando enim aliorum libertatem emimus, accipiendo vendimus nostram. Romæ ne feminæ pudefactæ abortum præ pudore facerent, lata lex est, & strenue obseruata, ne quid negaretur prægnantibus. Libros, quos apud me reliquisti, curauim impingi. Precium eo nomine abs te missum remitto. Aequum non est, ut officia amicorum mutua, pecunia compensentur. Nam quæ usuræ & lucri causa contractæ sunt amicitia, eæ ob eandem causam dissoluuntur. Oportet eos, inter quos sinceraviget amicitia, amare sine modo, & erogare sine fine. Quare quum impactio librorum tuorum *xxiv*. solummodo numis regalibus constet, & tu eam pecuniam isthinc huc miseris, id argumento esse videtur, exiguum esse vel amorem erga me tuum, vel de me & liberalitate mea fiduciam.

Ad Abbatem Complutensem quod attinet,

pinet, scias licet, rem esse molestia plenam cum ijs hominibus negocium habere, quæ nec tacere norunt, nec quiescere volunt. Nam & proximum suum offendunt atque inficiunt, & sibi ipsis molestiam creant, quorum sermo est confidens, & vita inquieta. Nullum est onus æque tædiosum ac noxium, atque eius qui sibi ipse displicet, & secum bellum gerit. Non contingit, fateor, in hoc sæculo, ut nunquam non simus animo bono: sed ut ipsi nos aliqua ratione ad quietem & tranquillitatem componamus, id certe, modo non desit nobis voluntas, possumus assequi. Quod propterea dico, quia Abbas iste fortunam auersam non aliter fert, quam fera bestia, quæ ut onus ipsi imponas, tolerat, sed si idem demas, calce percutit. Est genus hominum, qui laborem molestiamque non modo non fugiunt, sed & ipsi, quasi extra data, accersunt. Hos in quiete retinere, maioris negocij est, quam alios ad laborem adigere.

Franciscus Mercatus, se, domum & rem suam perdidit, & nos in ipso hominẽ amicissimum & equitem præstantissimum amisimus, adeo ut nos maiore iacturæ ipsius sensu afficiamur, quam ipse proprii exilij. Quem si, ut olim potui consilio, ita iam possem reiuuare, profecto non minus me experiretur sibi amicum, quam ego do-

Amici iactura magna.

leo ipsum amissum. Non periisset, si meo consilio usus fuisset. Non enim semel à me est monitus, rebellionem istam atque tumultum, non esse aliud, quam Echo sonoram, sed inanem. Qui magna aggrediuntur, ijs non est contemnendum consilium amicorum. Eum enim, qui fidelem admonitionē floccipenderit, necessario, vnà cum pœnitentia, calamitas sequitur. Quod superest, dabo operam, vt reipsa intelligas, nihil frustra te scripsisse.

Ad

IOANNEM PA-
RELLOSVM, &c.

EPISTOLA

*Absentium virorum mulieres non esse
visitandas.*



Alexander Magnus, quum in Ægypto versaretur, cuidā tenuioris fortunæ homini, stipem in dotem filix suæ roganti, ciuitatē opulentam & magnam dono dedit. Cui obstupescenti. dicentique, Vide, Rex inuictissime, quid des, & cui. Nam forte alium me esse opinaris, quam qui sum; aut quid petierim, non satis es allequutus, respondit;

dit: Non ita sum ignarus, ut tu me esse arbitraris: scio enim & qui sis, & quid dederim. Tu accipe, quod dedi, & tace. Nam ut petere, quod petijsti, est Biantij: ita donare, quod donaui, est Alexandri. Cleopatra Regina, quamuis parum pudica esset, ingenio tamen liberali & munifico fuit, nullum enim vnquam tam exile beneficiũ præstitit, ut id accipienti non sufficeret ad vitæ necessitates. Quod propterea commemoro, quia mihi petenti abs te Lusitanica tragemata, præmium nunciati redditus Imperatoris, tu mulum Lofanum peregregium dono misisti. Qua quidem petitione mea ego Biantium refero, tu donatione tua Alexandrum. Vtrumque laudabunt, qui rem norint, aut scriptum hoc meum legerint. Mulum ipsum vidi, qui vehementer mihi placuit, & dignus visus est, quo non modo Episcopus, sed Papa vehatur. Eum tibi famulus hic meus, at gratias pro illo præsens epistola reddet. Ita nec mulo tuo carebis, & me nihilominus obligatum tibi obstrictumque habebis. Sed decet amicum, verbis parum, at re multum præstare. Itaque hoc solum addam, quamprimum ab Imperatore præmium nauatæ ipsi operæ accepero, me quoque beneficium abs te datum compensaturum, nec commissurum ut beneuolentia me vicisse videaris.

Quod

Quorū vsum
non commu-
nicandum.

Quod petis, vt tibi significem, quis sit status vxoris Michaelis Angeli, cognatæ tuæ, & meæ olim, quum Valentia degerē, vicinæ, & num quid de ipsius viro, postquam abiit ex Italia, nunciatum sit nobis: scire debes, me Michaelis Angeli vxorem nec vidisse, nec videre in animo habere, nisi ab ipsa accersitus fuero. Nam absentium peregre virorum vxores consilio & re iuuare, officij nostri est; sapius inuisere, non licet. Duo sunt rerum genera, quorum vsum alteri concedere aut concedere nemo debet: enses, & vxores. Vt enim virum decet, ense suo accinctum esse: ita multo magis decorum est vxori, se domi continere. Scelestus ille Tarquinius, quū Lucretiam, absente & militante eius viro Collatino, visitasset, & solus cum sola fuisset, multorum malorū causa exstitit: nam & ciuitas Romana motibus tota repleta est, & bellum, in quo tunc militabat Collatinus, abruptum fuit, & violata Lucretia misere periit, & ipse Tarquinius flagitij sui turpitudinem miserabili exitu luit. Non enim es nescius, absentium amicorum vxores ministerio, pecunia, omnibusque auxilijs atque officijs, si opus fuerit, iuuandas esse, sed minime quotidianis officijs aut frequenti visitatione in suspicionem non satis custoditi pudoris adducendas. Magna est virorum quorundam peruersi-

ueritas: & res tenera est, honor mulieris. Quo maiore vtendum est cautione in eis compellendis & inuisendis, ne, si vel modus vel tempus non satis hic obseruetur, ansa præbeatur vicinis famam earū lædendi, & viro male de ipsis suspicandi.

Quod restat, lubens agam cum Cancellario tuo nomine: qui si minus facturus est, quod petis, ego tamen rem illi exponam, vt scribis. Quibus negotium aliquod curandum est in Aula, eos oportet multum pati, & parum fidere: In aula enim plus valet blandientis fortunæ vnica vnica, quàm centum libræ sapientiæ. Sæpe videmus in aula meliorem causam & bene decisam inferiorem euadere, & superiorem eam, quæ deterior est & iniusta. Non est tamen quod existimes, eo hæc à me adduci, quod laborem istum pro te subire subterfugiam: sed vt iam nunc præmonearis, si forte causæ huius non is exitus fuerit, quem speras, ne ea re offendaris. Non enim agitur de fama, sed de fortunis, ob quas vt liceat commodari, spem tamen aut animum earum causæ abijcere aut despondere haudquaquam fas est.

Aula
mores:

Sus etiam si annulum rostri insertum habet
at ne terrā fodiat vel proscindat, in luto ni-
hilominus sese volutabit. Idem faciunt eæ
feminæ, quæ formæ decus morum turpitu-
dine & impudicitia cōnquināt, & fœcāt. Me-
minerint virginēs quā fluxa & fragilis res sit
formæ venustas, quam Boetius ventō com-
parat, & Salomon bulla magis inanem esse
dicit: nec vllam feminam meritō laudari
posse nisi quæ Deum timeat.

Ad extremum dico, Virginem cæcā,
surdam, claudā & mutā esse debere. Cæca
sit, ne oculos circumferat; surda, ne lenarum
blanditijs vel turpibus verbis aures præbe-
at; clauda pēdibus, ne hinc inde vagetur;
manibūs, ne vllas procorum litteras aut mu-
nera acceptet. Quæ hoc modo vitam inlitia
tuerit virgo, non corporis modo sed animæ
quoque integritatem facile conservabit, &
tandem æternæ gloriæ immarcescibilem co-
ronam adipiscetur.

Hæc quidem, Matrōnā illustrissimā, in
præsenti hac de re scribere volui: quæ tuo ar-
bitratū gynæcei tui virginibus ad legendum
proponi, & ad imitandum inculcari pos-
sunt. Madrici x v. Martij

M D X L I.

Ad

FRIDERICVM

TOLETANVM, ALBÆ

DVCEM, &c.

E P I S T O L A

*In qua locus quidam Paulinus & Anti-
quitates aliquot explicantur.*



INTERAS tuas cum adiuncta scheda memoriali à Roderico nostro Enrique accepi. Vehementer miratus sum, te, Cæsaris Confiliarium primarium, à me consilium petere. Quam meam admirationem non est quod admireris. Nam & tuam humilitatem ostendis, & agnoscis solertiā meam. Quid responderem, & quod potius consilium suggererem, diu hæsitaui. Aliud enim honor tuus, aliud conscientia postulare videbatur. Itaque satis expensis atque examinatis rei momentis, eiusmodi explicationem tibi do, qua arbitror & conscientię tuę & honori satisfieri posse. Homini Ethnico & veræ Religionis ignaro, vnice in votis est, vt equestrem dignitatem adipiscatur, sed vt virtutes equite dignas habeat, fusque deq; habet. Non repugnant ista ali-

*Conscientia
honori præ-
ferenda.*

quem simul, & Equitem esse, & Christianum. Nam in vero Equite hæc requiruntur, ut sit animo magno, manu promptus, in verbis verax, in largiendo liberalis, patiens in aduersis, ad condonandum facilis: quæ omnia in Lege Christi non modo permittatur sed iubetur. Crede mihi, in cælo meri sunt Equites; apud inferos meri stulti.

Paulus Apostolus, ad Timotheum scribens, *Labora*, inquit, ut bonus miles. Non dicit, Labora ut agricola, ut piscator, ut molitor, ut nauta: sed, ut bonus Miles. Non enim minore opus est fortitudine ad resistendum vitijs, quam ad manus conferendum cum hoste. Stulti habentur, qui quod sciendum ipsis erat, nesciunt; & pusillanimes, qui, quod possunt, non audent. At sapiens & fortis Eques aggreditur quod potest, & quod ignorat, discit. Laborare Apostolus iubet Timotheum, non simpliciter, ut militem, sed, ut Bonum militem. Bonitas autem Christiani militis non in pompa & magno comitatu posita est, sed in bona & pura conscientia. Aulæorum magnificentia, nobilium puerorum ministerium, iamulitiû numerosum, copia præstantium equorû, & falconum, & quæ sunt his similia, honori esse possunt, nõ salutis. Honorem autem quem appello, non damnat onem intelligo. Laudo enim viros principales ob id, quod quamplurimos iuvenes

Militia
christiano
lucra.

Iuvenes honesto loco natos alunt: damno autem, quod ijsdem viuendi licentiam, & vitiorum impunitatem indulgent. Qui ad famulorum suorum mendacia, imprecationes, lusus, comestationes, scortationes & oia conuiuet; quamuis Dominus appelletur aut miles, non est tamen bonus miles. Bonorum enim militū domos, oportet esse scholas virtutum, non vero speluncas latronum. Vulgo, quem vident sumtuosam familiam alere, sumtuose epulari, & cuius domi alexæ & chartæ assidue versantur, hominesque improbi & nihili tanquam in asylum recipiuntur, eum gentilem Equitem indigitant. Nec male, quamuis aliud agentes, loquuntur. Magis enim hominis Gentilis, hoc est, Ethnici ea, quæ commemorauimus, propria sunt, quam militis Christiani, docente Apostolo, eum studere bonæ militiæ, qui hoc agit, vt sit bonus Christianus; siquidem sub Lege Christi nulli licet esse vitioso.

Qui olim fuerint honoratissimi.

QUÆRIS præterea, cui hominum generi antiquitus in Comitibus primus & honoratior locus deferri solitus fuerit. Quæstio hæc multiplex est, nec tamen explicatu difficilis, etsi hic non possum dare generalem Regulam;

*quibus ma-
ximus ho-
nor delatus
apud varias
gentes.*

quæ omni tempore & vbique locorum obseruata fuerit. Consuetudo enim ea in re pro temporum regionumque diuersitate diuersa fuit. Lycurgus ijs primum honorem deferri iussit, qui capitis albedine & canitie barbæ præ reliquis essent insignes. Solon præcepit Atheniensibus, eos magis honorare, quibus numerosior proles esset. Aegyptij ex instituto Promethei, eos magno honore affecerunt, qui aliquam Reipubl. partem gubernarent. Apud Siccyones quidam Rex rerum diuinarum antistites honoratiores esse voluit. Argiuorum Rex Brias decreuit, vt Philosophi in scholis docentes, honore ceteros anteerent. Romanis auctor fuit Numa Pompilius, vt illis honoris tribueretur prærogatiua, qui nobili aliquo prælio victores fuissent. Anacharsis Philosophus illi summum honorem exhiberi mandauit, qui rogatus consilio, & armatus manu plurimum patriam iuuisset.

His positis, infero, omnes istos, quos commemorauit, dignos esse honore: sed hos dignissimos, qui cum prudentia coniunctam habent patientiam. Animū enim vere magnum duo illa perpetuo comitantur, prudentia in secundis, & patientia in aduersis. Sed, quæ nostrorum temporum est peruersitas, arbitror, operam te inuilem & superuacuam sumsisse, quum hoc,
de quo

de quo agimus, quæsiuisti. Vis enim nosse
nostri sæculi mores? Senes ludibrio habemus,
parentibus immorigeri sumus, iudicibus nos
opponimus, sacerdotes contemtu habemus,
fortes milites negligimus, viros doctos
floccifacimus, & pios odijs exercemus.
Ferreo isto, inhumano & ingrato sæculo
nullius precij habetur, qui virtutē colit.
Olim tanti erat quisque, quanta erat
eius scientia & virtus: nunc plaris est,
qui plures nummos habet: & tanti æstimamur
quantum est nobis pecuniæ in arca. Olim
honore afficiebantur, qui honorem recusa-
bant: nunc honorem tribuimus his, non
qui eum merentur, sed qui affectant. Olim
apud exteros, homines virtutis aliqua laude
insignes quærebamus: nunc etiam pulsanti-
bus fores occlusæ sunt. Olim nulla erat
curia, in qua non Philosophus aliquis re-
sponsa daret: nunc omnes aulae à scurris oc-
cupatæ sunt. Olim ius erat bonis coercendi
pœnis improbos: nunc mali omni iniuria-
rum genere diuexant probos. Olim bonis
tantum loqui fas erat: nunc improborum
nemo scit tacere. Denique priscis illis aure-
is temporibus bonum erat in precio, & ma-
lum odio habebatur: at nostro hoc seculo
boni despiciuntur, pessimus autem quisque
dignitatis primum locum obtinet.

Scire etiam desideras, quinam olim habi-
ti fuerint pro furibus, & quæ fuerit furti

*Temporis
nostri per-
uersitas.*

*qui fures
olim.*

pœna. Quę mihi quęstio curiosa magis, quam necessaria videtur. Nam & tua parum interest, vtrum id scias, an nescias: & mihi perdifficilis est huius rei investigatio, qui in tā subtilis argumenti consideratione studium nunquam posui. Diligens antiquitatum investigator Aulus Gellius, multus est in hac materia describenda, multa furtorum, & pœnarum, quibus furta coercebantur, genera recēsens. Nunc vero quamuis multa eiusmodi furta aliquis committat, id tamen pro exiguo tantum peccato, & (vt loquuntur) peccatillo hodie habetur.

*Qui fures,
olim.*

Fur olim habebatur, qui rem alienam in agro, siue in vrbe, clam, inuito Domino alienaret; item, qui equo, quem in vnum diem commodato accepisset, biduum vteretur: nec nō is qui re apud se deposita vteretur, vt sua: tum is quoque, qui mutuum acceptum in dies decem, ante diem vicesimum non redderet. Omnes isti & habebantur, & dicebantur fures, & furti pœnam luebant. Ea vero non erat vniusmodi. Gręci enim cauterio frontem furum signabant vt dignoscerentur ab omnibus. Nasum ijs præcidebat Lycurgus. Phoroneus pueris & seruulis coercendos tradebat. Numa Pompilius manus furibus amputari instituit. Primi Gothi auribus fures mutilarunt, & laqueo suffocarunt, cetera quidem barbari sed furtum penitus detestantes. Sed vt rem
in pauca

in pauca conferam, hodie si omnes huius criminis rei suspendio plectendi forent, patibula citius decissent, quam fures. Nam (vt ait Diogenes) paruos fures in crucem agimus, at magnos pæne adoramus.

Ad

CORONELLVM

DOCTOREM

EPISTOLA:

Ad quasita quadam respondens.



VAN in litteris tuis, à famulo tuo mihi redditis, à me petijsti officia, ija apud Cancellarium defunctus sum. Cui animaduerti res & commoda tua omnia & singula vehementer curæ esse: vt equo sua spõte ad currendum prompto non fuerint ad denda calcaria. Quod superest, quam breuissime tibi respondebo, ne vel tibi, vel mihi ipsi sim importunus. De cognato tuo, sermonem contuli cum tribuno Cerrato, rogans, vt eum ordinum ductorem faceret; sed quia semel atque iterum frigidè admodum mihi respondit, statui hominem amplius non vigere, nec me ipsum pudefacere. Nam quis faciem frigoris eius sustinebu? Dici non potest, quam grauiter affi-

Nihil indignum quam indigno supplicare.

ciatur animus generosus & verecundus, si cogatur supplicare indigno. Nam qui rogatus fuit, eam rem sibi gloriæ ducit: at qui rogauit, pudore suffunditur. Nihil emitur carius, quam quod precario obtinetur. Plus enim elargitur multo, qui vel ad horam pudorem vultus sui præstat, quam qui maiorem substantiæ suæ portionem donat. Plato dicere solitus fuit, quanto qui donat, gaudio afficitur, tanto affici dolore eum qui rogat. Dando enim aliorum libertatem emimus, accipiendo vendimus nostram. Romæ ne feminae pudæfactæ abortum præ pudore facerent, lata lex est, & strenue obseruata, ne quid negaretur prægnantibus. Libros, quos apud me reliquisti, curavi impingi. Precium eo nomine abs te missum remitto. Aequum non est, ut officia amicorum mutua, pecunia compensentur. Nam quæ usuræ & lucri causa contractæ sunt amicitia, eæ ob eandem causam dissoluuntur. Oportet eos, inter quos sinceraviget amicitia, amare sine modo, & erogare sine fine. Quare quum impactio librorum tuorum xxiv. solummodo numis regalibus constet, & tu eam pecuniam isthinc huc miseris, id argumento esse videtur, exiguum esse vel amorem erga me tuum, vel de me & liberalitate mea fiduciam.

Ad Abbatem Complutensem quod attinet,

pinet, scias licet, rem esse molestia plenam
cum ijs hominibus negocium habere, qu
nec tacere norunt, nec quiescere volunt.
Nam & proximum suum offendunt atque
inficiunt, & sibi ipsis molestiam creant,
quorum sermo est confidens, & vita in-
quieta. Nullum est onus æque tædiosum
ac noxium, atque eius qui sibi ipse displi-
cet, & secum bellum gerit. Non contingit,
fateor, in hoc sæculo, ut nunquam non si-
mus animo bono: sed ut ipsi nos aliqua
ratione ad quietem & tranquillitatem cõ-
ponamus, id certe, modo non desit nobis
voluntas, possumus assequi. Quod prop-
terea dico, quia Abbas iste fortunam auer-
sam non aliter fert, quam fera bestia, quæ
ut onus ipsi imponas, tolerat, sed si idem
demas, calce percutit. Est genus hominum,
qui laborem molestiamque non modo
non fugiunt, sed & ipsi, quasi extra data,
accersunt. Hos in quiete retinere, maioris
negocij est, quam alios ad laborem adi-
gere.

Franciscus Mercatus, se, domum & rem *Amicia-*
suã perdidit, & nos in ipso hominẽ amicis- *stura mag-*
simum & equitem præstantissimum amisi- *na.*
mus, adeo ut nos maiore iacturæ ipsius
sensu afficiamur, quam ipse proprij exilij.
Quem si, ut olim potui consilio, ita iam
possem re iuuare, profecto non minus me
experiretur sibi amicum, quam ego do-

leo ipsum amissum. Non perijsset, si meo consilio vsus fuisset. Non enim semel à me est monitus, rebellionem istam atque tumultum, non esse aliud, quam Echo ionoram, sed inanem. Qui magna aggrediuntur, ijs non est contemnendum consilium amicorum. Eum enim, qui fidelem ad monitionem floccipenderit, necessario, vnà cum poenitentia, calamitas sequitur. Quod superest, dabo operam, vt re ipsa intelligas, nihil frustra te scripsisse.

Ad

IOANNEM PA-
RELLOSV M, &c.

EPISTOLA

*Absentium virorum mulieres non esse
visitandas.*



Alexander Magnus, quum in Ægypto versaretur, cuidam tenuioris fortunæ homini, stipem in dotem filiaë suæ roganti, ciuitatē opulentam & magnam dono dedit. Cui obstupescenti. dicentique, Vide, Rex inuictissime, quid des, & cui. Nam forte alium me esse opinaris, quam qui sum; aut quid petierim, non satis es allequutus, respondit;

dit: Non ita sum ignarus, ut tu me esse arbitraris: scio enim & qui sis, & quid dederim. Tu accipe, quod dedi, & tace. Nam ut petere, quod petijsti, est Biantij: ita donare, quod donaui, est Alexandri. Cleopatra Regina, quamvis parum pudica esset, ingenio tamen liberali & munifico fuit, nullum enim vnquam tam exile beneficiū præstitit, ut id accipienti non sufficeret ad vitæ necessitates. Quod propterea commemo, quia mihi petenti abs te Lusitanica tragemata, præmium nunciati redditus Imperatoris, tumulum Losanum peregregium dono misisti. Qua quidem petitione mea ego Biantium refero, tu donatione tua Alexandrum. Vtrumque laudabunt, qui rem norint, aut scriptum hoc meum legerint. Mulum ipsum vidi, qui vehementer mihi placuit, & dignus visus est, quo non modo Episcopus, sed Papa veretur. Eum tibi famulus hic meus, at gratias pro illo præsens epistola reddet. Ita nec mulo tuo carebis, & me nihilominus obligatum tibi obstrictumque habebis. Sed decet amicum, verbis parum, at re multum præstare. Itaque hoc solum addam, quamprimum ab Imperatore præmium nauatæ ipsi operæ accepero, me quoque beneficium abs te datum compensaturum, nec commissurum ut benevolentia me vicisse videaris.

Quod

Quotid. vsum
non commu-
nicandum.

Quod petis, vt tibi significem, quis sit status vxoris Michaelis Angeli, cognatæ tuæ, & meæ olim, quum Valentia degeret, vicinæ, & num quid de ipsius viro, postquam abiit ex Italia, nunciatum sit nobis: scire debes, me Michaelis Angeli vxorem nec vidisse, nec videre in animo habere, nisi ab ipsa accersitus fuero. Nam absentium peregre virorum vxores consilio & reiuuare, officij nostri est; sæpius inuisere, non licet. Duo sunt rerum genera, quorum vsum alteri concedere aut concedere nemo debet: enses, & vxores. Vt enim virum decet, ense suo accinctum esse: ita multo magis decorum est vxori, se domi continere. Scelestus ille Tarquinius, quum Lucretiam, absente & militante eius viro Collatino, visitasset, & solus cum sola fuisset, multorum malorum causa exstitit: nam & ciuitas Romana motibus tota repleta est, & bellum, in quo tunc militabat Collatinus, abruptum fuit, & violata Lucretia misere periit, & ipse Tarquinius flagitij sui turpitudinem miserabili exitu luit. Non enim es nescius, absentium amicorum vxores ministerio, pecunia, omnibusque auxilijs atque officijs, si opus fuerit, iuuandas esse, sed minime quotidianis officijs aut frequenti visitatione in suspicionem non satis custoditi pudoris adducendas. Magna est virorum quorundam peruer-

ueritas; & res tenera est, honor mulieris. Quo maiore vtendum est cautione in eis compellendis & inuisendis, ne, si vel modus vel tempus non satis hic obseruetur, ansa præbeatur vicinis famam earū lædendi, & viro male de ipsis suspicandi.

Quod restat, lubens agam cum Cancellario tuo nomine: quī si minus facturus est, *Aula mores:* quod pētis, ego tamen rem illi exponam, vt scribis. Quibus negocium aliquod curandum est in Aula, eos oportet multum pati, & parum fidere. In aula enim plus valet blandientis fortunæ vnica vncia, quā centum libræ sapientiæ. Sæpe videmus in aula meliorem causam & bene decisam inferiorem euadere, & superiorem eam, quæ deterior est & iniusta. Non est tamen quod existimes, eo hæc à me adduci, quod laborem istum pro te subire subterfugiam: sed vt iam nunc præmonearis, si forte causæ huius non is exitus fuerit, quem speras, ne ea re offendaris. Non enim agitur de fama, sed de fortunis, ob quas vt liceat commoueri, spem tamen aut animum earum causa abijcere aut despondere haudquaquam fas est.

Ad

PETRVM FON-
SECAM.

EPISTOLA

Qua exsulantem consolatur.

EX litteris tuis, Medinę mihi red-
ditis, intelligo, parum tibi esse
patientię, & quietis adhuc mi-
nus. Non decet nobilem virum
& tui similem ab vilo aduersę fortunę im-
petu de animi tranquillitate dimoueri, sed
potius omnis illius temporis iacturam de-
plorare, quod non regis sui seruitio impē-
dit. Dices, non modo esse de quo conque-
raris, sed etiam ob quod animum penitus
despondeas, quandoquidem hoc tempore
& patria & amicorum conuersatione om-
ni carere cogaris. Nec repugnō: nullus e-
nim est dolor illi par, quo patria pulsi affi-
ciuntur. Patrię enim amor omnib; est maxi-
mus, & amicorū iucundissima recordatio.
Interim tamen tuū esse censeo, vt animum
patientia armes, ortusque & cōditionis tuę
memor, spem omnē in Deo repositam ha-
beas, qui tibi certo certius nō deerit. Quū-
que amicus mihi sis, & percharus quidem,
facere non potui, quin hoc ad te respōsum
mitte-

Magnus
amor patrię

mitterem, quamuis scriptum parua elegancia, & dictatum adhuc minore. Inuenies in eo ad te consolandum admonitiones quasdam: eas, rogo, ne contemnas, quando ab eo proficiuntur, cui tu cordi es & omnia tua, & cuius animo semper es præsens, quâuis corpore absis. Non igitur existimabis, memoriam tui hic nullam esse. Noui enim multos inter amicos tuos, quibus nihil est prius quam tuum negocium agere: verum id adhuc quidem eiusmodi est, vt citius peruerti, quam promoueri queat. Quod tibi mirum inno videatur: siquidem ea est quorundam morborum natura, vt nullis medicamentis, sed sola tēporis mora curatur. Sunt tibi in hac aula amici, adeo istius medendi artis periti, vt nullo modo sanitati tuæ defuturi sint, modo eius restituendæ viderint adesse opportunitatem.

*Insanabilis
tempus sa-
nat.*

Rerum, quibus iuuare tenemur amicos, quatuor sunt genera. Nam & corpore, & fortunis, & cōsolando, & consulendo illis succurrere debemus. Tibi nec persona mea, nec vlla illarū rerum, quas commemorauī, in tua causa opus est. Et sunt pauci, qui amicos suos hisce rebus omnibus, maxime tribus prioribus adiuuant. Multi enim, quamuis corpus habeant, quod amici causa impendant, animo tamen destituuntur. Alijs suppetunt opes; sed deest voluntas cum earum iactu-

ra ami-

*Facile om-
nes consilia
damus.*

ra amico subueniendi. Sunt qui consolari amicum cuperent, sed recte consolandi artem ignorant. At consilium dare, res omnium est facillima: nec quisquam vsque adeo est iners, vt hoc facere se non posse putet. Nunquam defunt, qui gaudent amico consilium suppeditare: non enim ea res sumtui illis est; & præterea ad eam naturæ quodam instinctu mouemur, amicisque nostris aduersi aliquid patientibus condolemus. Mihi hoc tempore nihil est, quo te iuuem, præter vnum consilium; quod genus auxilij leuissimum omnium est. Iterum dico, optimis rebus tuis remedium hic fore, si isthic bene te gesseris. Cogita, quæso, annon & alij fuerint omnibus temporibus exsules, siue te maiores, siue pares tibi, siue etiam tenuiores, quibus exsilium, felicitatis initium fuit. Moses, quum solum uertisset, Deum vidit. Marco Camillo exsilium ciuitatem Romanam dedit. Cicero magnitudinem suam exsilio debet. Exsilium innumeris alijs, Deo ita dispensante, quietis causa fuit. Pari ratione dubium non est, quin ex hoc quoque tuo exsilio aliquid Deus producturus sit, quod in tuum bonum cedat præcedentiumque malorum sensum omnem exstinguat. Nam, quæ eius est bonitas, gaudium immittit postpœnam, & afflictiones lachrymasque ipsius gratia æ misericordia excipit.

Sed

Sed obijcies fortasse, me consolationem potius scribere, quam consilium. Itaque ad consilium ipsum iam veniam, & ad media emergendi ex calamitate, utpote in quibus posita est vera consolatio. Rogo igitur, ut memoria repetas, quibus & verbis & factis Deum offenderis. Intelliges profecto, nisi peruerse iudicaueris, plus tibi dimidio culpæ Deum condonare. Quæ considerationem cōtritio & dolor ob peccatum consequetur: cui si aditum permiseris, ut venas renesque penetrans, cor ipsum inuadat, idque ita premat coarctetque, ut eius compressione gelidus sudor erumpat, certò futurum spondeo, ut lætiore nuncio exhilareris, & ad meliorem conditionem eueharis. Non enim audiui aut legi, unquam à Deo non exauditum fuisse qui vero & interno dolore & cordis contritione ob peccata affectus fuisset.

*Pena culpæ
sequitur.*

D. Matthæus refert, in conferta Christum sequentium turba, mulierem sanguinis profluuio laborantem, Christum tetigisse: qui quum cognouisset apud se, quod à se vis exiisset, quamuis coarctaretur à turba, tamen interrogauit, quis ipsum tetigisset? Prorsus mihi persuadeo, quantumuis templum repletum sit auditoribus, tamen paucissimos esse, qui vestimenta Christi ita, ut hæc mulier fecit, contingant cum vera deuotione & contritione, ad consequendâ

*Optimum
in malis
remedium:*

¶ In gratiæ ipsius, & liberationem à sanguinis fluxione, quæ peccatum est. Si enim faceremus, quod illa fecit, liberationem quoque diuinam non minus experiremur quam illa experta est. Tangamus igitur contritione & dolore nostro fimbriam pallij Christi, & ipse ab afflictione nostra nos vindicabit. Tangamus vestem ipsius lachrymis nostris, & ipse misericordia sua nobis respondebit, tribulationibus nostris medebitur, gaudium nostrum nobis reddet, & quæcunque erunt nobis necessaria, facili largietur. In exilio & miseria constitutus David, lachrymis cubile suum madefaciebat, dicens: Tu es Domine, qui mihi hereditatem meam restitutus es. Quam & restituit illi Deus, & restituet omnibus agentibus pœnitentiam. Crede mihi, mi Petre, nullum esse tutius medium consequendæ gratiæ Dei, quam si nos coram ipso humiliemus, & ob peccata nostra serio & ex animo doleamus. Horrendam sententiã de Achabo iam pronunciatam dolor ipsius & contritio revocauit. Morituum Ezechiam, iam ei annunciatum fuerat, sed pœnitentia & preces vitam prorogarunt. Tu quoque si sanctissimos hosce viros qui tantum & ipsi magni peccatores fuerunt, imitatus, simili contritione & dolore peccata tua defleueris, dubitare non debes, quin benignissimus Deus sententiã tuã rescissurus sit.

Qui

Qui si eam non resciderit, non est quod tibi persudeas, satis à te ludatum esse, sed redeandum est tibi ad eàdem contritionem, & cogitatio non in aliquo homine, neque vspiam, nisi in solo Deo figenda: & tandem re ipsa tanto desiderio expectari remedij euentum consecutus in te experieris. Neque enim Deus in se sperantes confundi sinir.

*Deo reſſa
fidis qui
mundo nō
fidit.*

Quod si fero admodum ad Deum conversus tibi videaris, non est quod turberis. Multi enim ab ipso in gratiam recepti sunt qui, postquam omni humana ope exciderant, ad extremum ad ipsum confugerunt: Ita potius infirmitatis nostræ Deus rationem habet, quam fiduciæ, quam ab initio in ipso reſoluerimus. Venceslaus Rex Hungariæ, pulsus in exilium, & relictus à suis, dicere solitus est: Fiducia, quam habui in hominibus, obstitit, quo minus in Deo postem ipem ponere: nunc vero, quoniam in solum Deum omni mea fiducia recumbo, certus sum, diuinam eius bonitatem mihi auxilio futuram. Quod & factum est: restitutus enim in Regnum, amissum in regiones subditosque suos imperium recuperavit. Tu si hæc omnia probe intellexeris ac consideraueris, facile animaduertes, Deum esse, qui te castigat, ideoque te ipsum aliquando benignum quoque experturum. Ego non dubito, quin hæc castigatio illud apud

te effectura sit, vt deinceps contra ipsam
 nihil amplius delinquas, ne quidem si ipse
 Rex iusserit: & vt ex altera parte aduersus
 Regem ne tantillum quidem moliaris.
 Prolixior in scribendo fui, quod scirem,
 tibi sat ocij suppetere ad legendum.

Ad

F E R D I N A N D U M

T O L E T A N U M, &c.

E P I S T O L A:

*Qua duo S. Scripturae loci, tum sepul-
 turae apud Aegyptios ritus explis-
 cantur.*



Reuius hoc tempore tibi respon-
 dere execrabilis podagrae mor-
 bus me cogit, qui nec incedere,
 nec stare, nec scribere, nec quie-
 scere me finit: ita nihil est in toto corpore
 meo sani, nisi quod cor in suspirando, &
 lingua in conquerendo, officio suo non de-
 sunt. Amicos ex veteri more his verbis pri-
 mitus compellamus, Vt vales? vt valuisti?
 Quae mihi consuetudo laudabilis videtur,
 nec vllatenus abroganda. Nam quamdiu
 homi-

*Praecipuum
 bonum va-
 lido.*

homini aureus superest, & valetudo, ut eo frui queat, de quo conqueratur non habet. Ipse Frater tuus, Dux Albanus, præsens me inuisit, & unguentum insuper eximij precij quo vngerer, mihi dono dedit: quam benignitatem optimo Principi Deus remuneretur, nam præsentia eius mihi gaudio fuit & unguentum dolorem meum non parum subleuauit.

Tibi gratias ingentes ago, quum ob scriptum & scripti argumentum, tum ob missam pecuniam: quam, coemendis libris abs te destinata, vereor ne in Pharmacopolas & Medicos cogar insumere. Illud nihilominus tibi persuasum habeas velim, me ob hoc beneficium non modo toti Illustrissimæ tuæ familiæ ad omnia officia paratissimum, sed etiam tuorum meritorum atque virtutis diligentissimum fore præconem.

Quod petis, ut duorum scripturæ locorum, quos hic pro concione, præsentem Imperatorem nuper exposui, scriptam explicationem tibi mittam, faciam per lubens. Prior locus desumptus fuit ex Leuit. xix. cap. his verbis. *Super mortuo non incidatis carnes vestras, neque figuras aliquas, neque stigmata, neque caluitium, &c.* Quorum verborum hæc est sententia: Deus præcipit vobis Iudæis, ne defunctis amicis vestris, capillos vestros manibus euellatis, nec vnguibus faciem laceretis, nec carnem vestram con-

Y 3 scindatis,

*Aegyptio-
rum super-
stitiones.*

scindatis, neque literarum notas corpori vestro incidatis. Quod vt melius intelligatur, obleruandum est, Israelitas ab Aegyptijs, longo annorum vsu, corruptorū morum consuetudinumque contagium traxisse. Erant Aegyptij naturæ quadam inclinatione magi, præstigiatores, Astrologi, dierum obleruatores, denique multæ superstitionis homines. In amicorum funeribus curandis nulla totius orbis gentam superstitionis ritibus vsa legitur, atque Aegyptia. Plus enim honoris defunctis amicis exhibebant, quam viuis. Nam mortuo vel patre, vel filio, vel alio ex necessarijs, dimidium capillorum euellebant, eo ritu testantes, eum qui obierat, dimidium animæ suæ fuisse. Huc ergo respiciens Deus, vetuit, capillos Aegyptiorum ritu radere. Præterea feminis Aegyptiorum mos erat, amisso marito, vel natis, vel aliquo quem carum habuissent, vultum vnguibus conscindere: id quoque Israelitis Deus interdixit. Sacerdotes Aegyptiorum, mortuo summo sacerdote, ferro ignito manum aut brachium, aut pectus caractere signabant, quem quoties intuerentur, lachrymas emitterent. Rege mortuo, Aegyptij vulnus vel manui, vel brachio, vel faciei, vel capiti infligebant, idque eo maius, quo quisque regi carior fuisset. Deus igitur, quum edicit, ne Israelitæ characteres, incidant brachijs,

thijs, nec capita fascijs obuoluant, hoc vult ne villo modo hanc Aegyptiorum sacerdotum aulicorumque consuetudinem imitentur.

Harum autem rerum interdictum vt & illius, ne iumentorum suorum sinerent coire duo genera, item, ne in agro suo sereant duo seminum genera, item, ne vestimento duplicis materiae varie commistae induerentur: hæc, inquam, mysterio nõ carent, nec pro nugis puerilibus villo pacto haberi debent. Erant enim cæremoniae Aegyptiacæ, quas Israelitis Deus imponebat.

Est autem notandum hoc loco, Deum, dum vetuit capillos vellere, faciem lacera-
re, aut sibi vulnus infligere, nõ ob id prohibuisse, ne amicos lugeant. Nam pilos raderet, faciem conscindere, & quæ sunt similia, in arbitrio & potestate nostra sunt: at la-
chrymari, & morte amici affici, naturale est, & euitari nequit: siquidem rei caræ amissione animo tenero & humano nihil molestius tristiusve accidere potest. Experi-
entiæ testis est, etiam bruta animantia, suetis socijs & pullis amissis affici, & luctum gestu testari: & nos, multo illis nobiliores quum simus, amicorum nostrorum obitum non deplorabimus; indeque existens temporis tædium non deflebitur? Quod si vicino aliquo nostro maritimo itinere peregrinante, aut foris militate, aut alia ratione

*Adferre
Naturam
dolorum.*

afflicto, lachrymas non continemus, quid est, cur, si terra contegi amicum nostrum videamus, prohibeamur flere? Recte quidam ait, toties hominem mori, quoties amicum sepulturæ tradit. Et meo iudicio non dixit male. Quum enim, qui se tuo amore prosequuntur, idem sint, & idem velint, consentaneum est morte amici non aliter nos affici, ac proprio malo.

Doctrina
& Nobili-
tas coniun-
genda.

Alter locus, pro concione à me tractatus, sic habet: *Eligite ex vobis viros sapientes & nobiles, vt sint tribuni.* Verba sunt Dei Deuteronomij primo capite. Non sine singulari mylterio præcepit Deus, vt iudices populi simul essent & sapientes, & nobiles. Nam ab eo regi, cuius insignis est doctrina, at nulla nobilitas, parum grata res est; rursus graue molestumque est, illius imperium tolerare, qui nobilitate quidem pollet, sed caret sapientia. Doctrina & rerum vsus requiritur in iudice, vt causas oblatas decidere norit; nobilitas, vt pro sua quemque conditione & statu tractare & honorare sciat. Quum præcipit Deus, vt iudices populi sui sint sapientes, nõ hoc tantum vult vt Bartolum & Baldum edicerint & memoria teneant, sed vt auctoritate, grauitate, mansuetudine & humanitate excellant. In bono enim iudice nihil esse oportet quod reprehensionem mereatur aut culpam incurrat. Eisdem nobiles esse

esse conuenit, eo quod quotidiana experi-
 entia doceat, facilius populum in officio
 contineri & ad pacem cōcordiamque redi-
 gi à magistratu nobili, quam ab ignobili.
 Moses, quem primum populo suo iudicem
 Deus præfecit, in Aula Pharaonis educatus
 fuit, ut ibi disceret & bonos honore affice-
 re, & malos pœnis coercere. Multum in-
 terest, an quis militiæ præsit, siue Remp.
 gubernet. Nam ad militandum opus est
 pugnacibus, fortibus, audacibus & animo-
 sis: sed ad Remp. administrandam, ciuili-
 bus & humanis. Non semper verum est,
 plebeios homines, agrestes esse; nobiles &
 Aulicos, ciuiles: fere tamen ad Rempubl.
 capeffendam alijs magis idonei sunt qui
 Aulam sequuntur. nam qui in Regum &
 Principum domibus sunt educati, homi-
 num debito cū respectu & discretione tra-
 ctandorum, seruandæque in conuersatio-
 ne & ceteris rebus ciuilitatis, peritiores
 sunt. Ad iuris rigorem paucæ res exigun-
 tur: & pauciores vi gerendæ sunt. Quam-
 obrem in iudice sapientiam cum nobilita-
 te cōiunctam esse oportet: ut, quid iustum
 sit, in conscientia iudicare possit, & per in-
 dolis generositatem iuris rigorem æqui-
 tate temperare. Hoc fere fuit inter alia
 concionis, præsentē Imperatore à me ha-
 bitæ argumentum: quæ si magis placuit ti-
 bi, & vxori tuæ audientibus, quam nunc

*Aula ciui-
les facit.*

placet legentibus, id calamo imputabis, cui
non inest is lepos, qui linguæ.

Ad

N. A N G V L V M C O M -
M E N D A T O R E M,
E P I S T O L A:

*Quæ præter alia ostenditur, quomodo à marito
vixoris obitus ferri debeat.*



Pistolam tuam, datam Pinciæ, 11. r.
Ianuarij, accepi: perbreuem illam
quidem, sed tamen tua gravitate,
& nostra amicitia dignam. Non
parum me recreat reditus tuus felix ex Na-
tarræo bello. Meo enim iudicio, nationem
illam debellare difficile est, & regete, labo-
riolum: quo nomine non parum me tui
caussa sollicitum aliquoties fuisse profiteor.
Nam communis est Mars, & nec indige-
nis nec exteris fortuna parcit. Cicero ad Ata-
ticum scribens, nihil aliud precandum am-
icis censet, quam hæc tria, valetudinem, ho-
norem, & necessaria vitæ. Nam cui valetu-
do integra, deque victu & amictu prospe-
ctum est, quid illi expetendum sit amplius,
non video. Et sane quid, quæso, deest illi
(loquor de ijs, quæ corpori sunt necessaria)
qui valetudinem bonam habet? & quid per-
dit, cui honor illæsus est? Nolim te pro te-
ipso, nec velim ipse pro me, præter corpo-

ris

*quæ amicis
precanda.*

ris valetudinem, vitæ necessitates, & illibatum honorem, ali quid exoptare. Nam quæ sunt, has præter, res mundanæ, eas nobis nõ condecorandi, sed illa queandi nostri causa, fortuna largitur. Sufficiat tibi illa portio quam tibi Deus assignauit; & satis superque ex stima, quod te tot discriminibus subduxit. Nõ enim minus Deo debemus propter pericula, quæ nobis minitatus est, quam ob beneficia, quæ quotidie nobis exhibet. Nã, quæ eius est bonitas, & erga nos amor, nunquam non nos quærit, nunq ã non aliquid nobis donat, nunquã non nos vilitat, & nobis benefacit. Nec meritis nostris, sed sua infinita misericordia digna nobis tribuit. Profecto male nobiscũ ageretur, si Deo prohibitũ esset, pœnas ad mēsurã sceletũ nostrorũ nobis admetiri. Adeo enim detestabilis res est peccatum, vt Deus in primo quoque peccato nos deprehensos continũo in gehēnã præcipitare possit. Sed hæc sunt sublimia diuinæ sapiēt. æ mysteria, quod peccata quædã cõniueno dissimulat, quædã cõdonat, alia punit. Nec paruã gratiã ijs præstat Deus quos in hoc seculo punit. Is enim vere à Deo puniri dicēdus est, cui nihil vnquã aduersi nec in familiæ administratione, nec in propria persona euenit. Calamitatē igitur, morbũ, mœrorē & tristitiã quũ nobis immittit Deus, nõ nos punire, sed paterne castigare existimandus est. Nõ enim intendit nos spoliare, sed monere; non emacia non perdere, sed

Quos amas
Dei castigat.

re, sed emendare: eaque est benignitate, vt non quod petimus det nobis, sed quod petere nos par fuit. nobis enim hominibus, quorum vt potentia, ita scientia exigua est, quædam primo intuitu arrident, quæ propius inspecta, noxia & perniciofa deprehenduntur. Deus igitur, immensa misericordia sua erga nos vtens, ablatis noxijs, vtilia tantum nobis largitur. Aliter agit cum peccatore fideli, aliter cum homine iusto: illi peccata condonans, huic peccandi occasiones adimens. Quo magis ipsi obligati obstrictique sunt, quos labi non permittit, quam quos lapsos erigit. Prolo- gum hunc non alia de causa præmisi, nisi quia decretum est mihi te consolari super obitu coniugis tuæ. Quo si tu afficeris, vt pius maritus, ego quidem sensu non careo, vt amicus fidelis. Et tamen quum illas dotes quibus prædita fuit, considero, puta generis nobilitatem, præstantiam formæ, & virtutum ornatum, quantumcunq; doleas, pro re parum dolere mihi videris. Est enim irreparabilis iactura, bonæ vxoris amissio. Vir felix est, cuius vxor iucundo cō- uictu, parte oneris ipsū subleuat. At difficilē vxorē semper experiri & tolerare, res tāta est, vt si vi reā nō prorsus relinquat, id nō propterea facit, quod nolit, sed quod non possit. Tuam vxorē perspexi morigeram tibi, nec vllō modo aduersam fuisse, nec fastidi-

Quantior ar-
or, tanto dā
nosior bonæ
vxoris
iactura.

stidentem vicinos, nec erga amicos morosam aut inhumanam, nec duram erga tenuiores. Omnibus igitur, dum vixit, grata quum fuerit, tunc animam eius æternis gaudijs perfrui, bona spes est. Quam obrem quum factum infectum fieri nequeat, nec ipsa in vitam dentis reuocari, quid aliud restat, quam vt Deum rogemus, vt illi gloriam perennem, tibi autem constantiam largiatur? Mallem ad vitam tuam, quam ad mortem vxoris, oculos mentis conuerteres. Non enim dubitandum est, vxorem tuam à Deo ex hac vita euocatam ad quietem & salutem, te autem superstitem relictum ad tui emendationem: Sæpe dixi, sæpe scripsi, campanarum sonum in sepulturis non defunctorum, sed viuentium causa excitari, vt moneamur; nos quoque non minus ac alios propediè morituros & sepeliendos. Idem campanarum sonus ad rationem ineundam & audendam sententiam de nobis pronunciandam nos vocat, nobisq; ante oculos ponit ultimam vitæ horam, qua aduentante malemus forte ouium pastores, quam populorū rectores fuisse.

Plura de vxore & vitâ tua non adiiciam. Tantum monitum rogatumque te volo, vt forti animo sis & constanti, vtarisque in hac re singulari tua prudentia, plane tibi persuadens, non propterea Deum ille

te or-

*Mortis im-
perium.*

teorbasse, quod illa te, sed quod tu illa in-
dignus fueris. Quæ homines iubent, con-
tentum, contradictionem, & omnimodam
abrogationem patiuntur: sed Dei iussa con-
tradictionem non admittunt, ipsiusque vo-
luntas sine exceptione nobis approbanda
est. Ipsa enim iustitia quum sit, vt iniuste
quidquam præcipiat fieri non potest. Quod
si omnino impatientius obitum coniugis
tuæ ferre decreuisti, responde, amabo, de
quo vitium sumturus sis, nisi de morte
ipse? At mors adeo hostis & tyrannus du-
rus est, vt nec lachrymis emolliatur, nec
moueatur suspirijs. fletus atque eiulatus ri-
sui sunt ipsi, mæror luctusque ludibrio.
Potentes deprimat, humiles exaltat. Nec
senibus parcit, nec iuuenibus, & (quod om-
nium est immanissimum) rationes ab om-
nibus postulat, ipsa nulli rationem reddens.
Sapiens quidam quid Mors esset, interro-
gatus, respondit, eam esse perpetuum som-
num, terrorem diuitum, amicorum sepa-
rationem, spem pauperum afflictorumque
casum inueitabilem, iter incertum, furem
hominum, viuētium finem, & initium mo-
rientium. Mortis ea est in toto mundo au-
toritas, vt intret quo vult, nec tamen ad-
uentum prænunciet, tollat quod vult, occi-
dat quem vult ne præmonitum quidem: &
faciat denique quodcunque libuerit, nemi-
ne vel contradicente vel modum præscri-
bente.

bente: & quod pessimū est, de eo quod nobis relinquit, etiā agēdæ sunt gratiæ, at queri ob id quod adimit, nō licet. Nō sum equidē ita arbiter rerū iniquus, vt nō perspiciā, rē tibi vehemēter incōmodā fore, quod solito vxoris auxilio, ministerio & societate deinceps carendū, & liberorū disciplina, familiarū obseruatio, rei familiaris gubernatio, & tui ipsius cura per teipsum agēda erit: verū quando aliter fieri nō potest, animū bonū habe, & ter omnia patiēter. Plura enim sunt in hoc seculo quæ terrēt, quā quæ nocent. Immoderate flere, suspiria ducere, humi cubare, in tenebris obambulare, ab omni humano negotio animum abducere, & quæ sunt huiusmodi, in viro tui simili reprehensionē magis, quā laudē merētur. Vt enim nimīū gaudiū cor hominis immutat, ita immoderatus luctus ad desperationē adducit. Nō omittēda est tibi ob mortē vxoris nec familiæ, nec valetudinis, nec tui ipsius cura. Nam ægritudinibus medicinā non noui dolores adferunt, sed temporis mora. Animus tristis non vrgendus est, vt deponat, sed vt moderetur dolorem. Initio enim aduersitatis plus solatij affert querentem ferre, quam de remedijs alijsque eum interpellāre. Ideoque amici est, dolenti amico primum condolere, deinde vero de medijs leniendi doloris displicere. Inprimis liberorum tuo-

*plura ter-
rent quam
nocent.*

*Dolor non
eijscendus,
sed mode-
randus.*

rum educationem disciplinamque, quam
 uis sis viduus, negligere non debes. Nimis
 enim præpoltera & stulta ratio est, mor-
 tuos, qui in vitam reuocari nequeunt, lu-
 gere, & interim uiuorum curam abiscere;
 qui perdi adhuc possunt. Non enim teneor
 mortuum resuscitare, at uiuentem ami-
 cum consilio & re non iuuare saluo offi-
 cio non possum. Vicinum tuum Roderi-
 cum Sarmientum, rogo te, ne imiteris, qui
 ut primum viduus est factus, è vestigio no-
 cturnum tegumentum capiti impoluit, &
 mappam mensæ insterni sibi non est pas-
 sus, nec argento cibum ministrari, totoque
 semestri vestem nunquam posuit. Multa
 enim hic mihi narrata sunt insolenter im-
 pôtenterque isthic à te facta esse, & quoti-
 die fieri; quorum causâ nec illum lauda-
 re, nec te excusatum habere possum. Meo
 enim iudicio stultitiæ notam aliquam non
 effugit, quicumque eiusmodi insolentia v-
 titur. Ex virtutibus, quæ in hominem ca-
 dunt, hæc vna est vel inter præcipuas, nec
 aduersis rebus frangi, nec secundis efferri,
 similemque esse arbori, quæ in firmo solo
 confita, ita altè radices egit, nullis ut ven-
 torum flatibus concutiat. Quamuis e-
 nim aduersa fortuna subiinde aliquis affli-
 gatur, & non parum diuexetur, non ta-
 men committendum est, ut ea re homo ip-
 se & mens eius lædatur. Grauior enim ge-
 nero se

nerosæ indoli iactura est eius rei quam meruit, & qua digna erat, quam eius, quam possedit. Quin iactura dici, mea opintone, non meretur, quum qui substantiam amittit, mentem sapientiamque recuperat. Minime enim rem exiguam inuenit, seipsum qui inuenit. Mirum est, & indignum simul homines amissa aliqua portione facultatum, siue magna, siue exigua, eam omnistudio, adeoque iacturæ suæ publicatione, requirere: at honoris, constantiæ, temperantiæ & conscientiæ iacturam susque deque habere. O pudendum veternum nobis innatum! rem leuem æstimamus, quum in errore versamur, & multo leuiorem, quum prorsus nos perdimus: & quod foedissimū est, à recta semita deuij, & in medio iam cœno hærentes, nec inueniri, & ne perditique dem haberi volumus. Quidquid ubiq; terrarum habemus ac possidemus, qualecunque tandem sit, non modo custodimus, sed etiam ad custodiendum operam aliorum nobis comparamus, solis exceptis nobis ipsis: & quasi parum sit, nobis ipsis non prodesse, socios quoque accelerandi exitij nostri accersimus. Plura non addam, ne tibi molestus sim: si tamen prius te hortatus fuero ac rogauero, nullo modo ut differas exsequi, quæ ab vxore tua piæ memoriæ testamento cauta sunt, sed maritum fidelem hac in re te præstes. Si enim cara tibi fuit, amo-

*Nihil vili-
us homini
quam ipse
sibi.*

rem non tantum veste lugubri testari debet, sed etiam grauaminum, quæ illi incubuerunt, subleuatione, hoc est debitorum persolutione, famularum remuneratione, elemosynarum erogatione, & curanda Missarum pro ipsa celebratione. Ceterum an tu sedens cibum capias, an venatione & aucupio tempus fallas, vel quodcunq; qualitercunq; agas, parû ipsius intererit. Quod superest, monitum te volo, vt in confessionibus, in S. Synaxi, in Nosocomiorû visitationibus, in officio Missæ, & in cõcionibus frequens adsis. Gloriosius enim tibi futurû est, pij Christiani quam stulte mœsti vidui officio defungi.

Ad

ENRIQVEM ENRIQVES

EPISTOLA

*Quatrium famosarum mulierum historia
explicatur.*



Vrato iam, ad respondendû tibi in manus calamo, diu dubius hæsiti, scriberene nec ne. Erat arte oculos hinc mea grauitas, ilthinc vero impudens & absurda tua arrogantia. Vicit tamẽ ad extremû amor erga te meus, nec omittere respõdenâi officiû passus est.

legi

Legi litteras tuas, mulierū effigies cum illis
 missas vidi: quibus ita & ira & pudore cō-
 mōtus fui, vt nisi plus apud me valeret ami-
 citia nostra, quā sanguinis cōiunctio, cog-
 nationis obligationi renunciāns, ne litterā
 quidē posthac ad te scripturus fuissē. Apud
 ingenuos animos & verecūdos pluris mul-
 to est amicitiae vncia, quā integra libra cog-
 nationis. Quod facile est ex eo colligere, ^{Amicos} ^{p'uri est}
 odia inter cognatos orta diutissime durant, ^{quam op}
 sed quæ inter amicos ex^{iterunt}, facile ex^{nam},
 stinguūtur. Atheniensium Rex Pisistratus
 Thrasyllo cognato suo, qui in i. su n cōspi-
 rauerat, in hāc sententiā scripsit: Memoria
 recolere te oportuit, cognate, nō quod do-
 mi meæ educatus sis, nō quod sanguine me
 cōtingas, nō quod societate meā admissus,
 nō quod arcanorū meōrum particeps, non
 quod à me in generū adscitus esses, non de-
 niq; quod dimidio fortunarū mearū à me
 donatus fueris; sed quod te amicū dilexi, &
 habui vt filiū; & tamen fidē violasti, & pro-
 dēdi mei cōsiliū cepisti: quod de te sperare,
 melius meritis, nūquā animum induxissē.
 Vellē equidē, vt eque facile mihi esset amo-
 rē abijcere, quā cognationi mihi tecū inter-
 cedēti renunciare. Verum animi mei pietas
 nulla ratione permittit. Sanguinē quum in
 venis relideat, cōmunicare tecū possum; a-
 morem, qui cor occupat, non possum. Hoc
 exemplum propterea adduxi, vt intelli-
 ges, quemadmodum tu in offendēdo Thra-

filij personam sustines, ita me imitaturum
Pisistrati exemplum in condemnando.
Plus enim loci apud me habet meus erga te
amor, quam qua me contingis generis pro-
pinqvitas.

Ad rem vt veniam, dies agitur octauus
& plus minus ex quo redditæ mihi sunt li-
teræ tuæ Granata, vna cum egregijs istis ta-
bulis; de quibus quid sentiam, & quid signi-
ficent, rogas. Scias licet, quamuis tu eas in
preçio habeas, me tamen easdem parui ad-
modum facere. Te autem parum pruden-
tem iudico, si ignorans eas emisti; sin sciēs,
parum grauem. Dico, parum grauem, non
hominem leuem, non quod hoc crimen in
te non competat, sed quia me ista inciuili-
tas non decet. Errorem tuum ista ementis
ætatis iuuenilis, exilis prudentia, & rerum ex-
perientia exigua aliquo modo excusant; sed
non leuiter tibi succenseo, ob missam à te
mihi picturam eiusmodi, rogatamque su-
per re tam leui sententiam. Prohibet habi-
tus & status meus Ecclesiasticus, nobilitas
generis, professio Theologica, munus con-
cionatorium, Episcopalis deniq; dignitas,
tantam vanitatem ante oculos meos statui,
nedum super ea sententiam meam rogari.
Est enim viri grauis, non modo factis au-
ctoritatem tueri, sed verbis etiam, nec in ijs
quæ loquitur modo sed & quæ audit. Dio-
genes quum vidisset aliquando è discipulis
suis

*Gravitas
tam in ver-
bis quam
factis osten-
denda.*

suis aliquem cum parum probatæ vitæ adollescente colloquentem, interrogavit eum, quodnam fuisset sermonis ipsorum argumentum; eoque respondente, narrasse alterum sibi delictum quoddam quod præcedente nocte perpetrasset, quodque ne innotesceret, vereretur, Diogenes, accersito etiam altero, iussit utrique quadraginta plagas infligi, huic, quod peccatum perpetrasset; illi, quod narranti aurem commondasset. Tam enim peccat Philosophus, ad eiusmodi non obturans aures, quam homo profanus debita ope suos destituens. Ego, quid hac in re faciendum mihi sit, ambigo. Cupienti enim, tibi homini amico gratificari, Diogenes obstat: qui si resciscat, quid tu ex me quæsieris, & quid tibi ego responderim, nihil certius quam utrumque nostrum gravissimam reprehensionem castigationemque ea de causa subiturum. Veruntamen ut ut sit, non eam habebo auctoritatis estimationisque meæ rationem, quin respondeam ad litteras tuas, tuoque desiderio satisfaciens, picturæ illius mysterium tibi patefaciam: sed hoc tamen diserte prius protestatus, me hoc non tam facere ut tibi gratificare, quam ut pudorem tibi incutiam, & ostendam dignam esse bellam illam tabulam, non quæ in altari iuxta Sanctorum imagines, sed quæ in stultorum theatro popalam collocetur.

*Leueslenia
translans.*

Porro in tribus illis tabulis trium videntur feminarum affabre depictæ imagines, cum hac inscriptione : *Sancta Lamia , Sancta Flora, & Sancta Lais*. Scire desideras, quænam fuerint istæ mulieres , quæ illarum patria, quo tempore vixerint, vbi mortuæ, & quo genere martyrij coronatæ, vt qui eas in O-ratorio tuo suspenderis, & quotidie aliquas diuæ Virginis salutationes ad earum pedes demurmures. Faciam quod petis, etsi inuitus, & non sine magno pudore, quo non tui causa afficior qui hæc lecturus es, sed aliorum quibus forte literas meas ostendes, qui non iniuria existimaturi sunt, & te prorsus vanum esse, & me aliquando è mundanorum seu profanorum fuisse numero.

*Trium Feminarum historia
notabilis.*

LAmia, Flora, & Lais, quas tu tres Sanctas esse opinaris, non Sanctæ sed meretrices fuerunt totius Asiæ formosissimæ & famosissimæ. Educatae in Europa, scriptorum materies, & principum fuerunt corruptela. Ferunt singulas multis dotibus insignes fuisse, facie pulchra, statura procerâ, lata fronte, pectore alto, manibus gracilibus, mollibus & longis, canendi psallendique peritas, ornatas magnifice, amandi arti-

artifices, & astutas in petendo. Ex principibus nullus eas amasse legitur qui postmodum illas reliquerit; nullus eis negasse quod petissent. Ludibrio perhibentur nec habuisse quenquam, nec à quoquam habitum fuisse. Lamia vultis lepore, sermonis Flora, Laïs canendi dulcedine, viris placere. Amore illarum semel captus, nunquam postea, aut difficulter admodum explicare sese poterat. Scribunt, tres istas meretrices totius mundi opulentissimas fuisse dum viverent, mortuas vero famam nominis longe maximam posteritati reliquisse. nam & statuæ passim ipsis positæ sunt, & in describenda ipsarum vita mira fuit scriptorum concertatio.

Prima harum trium Lamia fuit: ea vixit tempore Antigoni Regis, bellicosi quidem & fortis, sed valde infelicitis. Huic successit filius Demetrius, militari scientia patre inferior, at superior felicitate; cui ad summam laudem hoc defuit, quod iuuenis amicos sibi comparare, & senex à vitijs temperare nesciret. Hic Demetrius Lamiam amavit, & præ alijs muneribus locupletavit; eoque deperiendo illam progressus est, ut amenti quam amanti similior esset. Quippe auctoritatis suæ immemor, non modo rem omnem in Lamiam profudit, sed Eudoxiam quoque uxorem suam præ illa despexit & reliquit. Interrogata ab ipso

*Lamia quæ
luserit.*

Lamia, quare facillime animum mulieris expugnare liceret, respōdit, Nihil esse quo citius muliebris sexus commoueat & in amorem pelliciat, quam si animaduertat minime fictum esse amatoris amorem, eūque ipsius causa omnia pati paratum esse: frigide enim amantes, frigide etiam redamari, & ad extremum despici. Vterius rogata, quare omnium citissime odio virorum mulieres exardescant, respondit, Nulla magis, quam si non præstent quod se facturos gloriantur, nec faciant quod promittunt. Pergente interrogare Demetrio, quare maxime feminis viri placeant, respondit, Maxime virum probari mulieri, si videatur eum in sermone cautum, & in actionibus secretum esse. Quæsiuit porro Demetrius, Quæ causa est, Lamia, ob quam viris male succedunt nuptiæ? & illa, Impossibile est, inquit, bonis auspicijs matrimonium contrahi, si vxor opibus, & vir mente careat. Eidem interroganti, quid potissimum amantium amorem dissolueret, respondit Lamia: Amatoris immoderatus amor, & amicæ nimia impudentia in petendo. Rursus quærenti, quid maxime amantes cruciet? Dolor, inquit, ob inopiam eius quod desiderant, & metus amittendi id quo fruuntur. Interrogata denique à Demetrio, quid ægerime mulieres ferant, Nihil est, inquit, ob quod magis indignentur, quam si quis

*quid amor
soluat.*

cas deformes aut inuenustas dicat, itemque si malas arbitretur. Ingenio subtili & acerrimo fuit Lamia, quamuis id male habitaret. Linguae dulcedine omnes attrahebat, oculorum blanditie nullum non pelliciebat. Ante amores Demetrii, Academias obiens, ingens lucrum faciebat, magno numero corrumpens iuuentutē. Plutarchus auctor est, Demetrium aliquando summam ducentorum talentorum argenti, ab Atheniensibus ad exsoluenda stipendia militibus dono missam, totam Lamiae suae donasse, eaque re grauissime Athenienses offendisse. Asseueraturus aliquid Demetrius, non per deorum aliquem, nec per quodcumque aliud, sed his verbis iurare solebat: Ita sit mihi mea Lamia propitia, & ita simul cum ipsa viuum ac moriar, vt hoc vel illud futurū est. Annum & menses duos Lamiae suae Demetrius supervixit: cuius obitu ita tristatus est, vt dubium fuerit, plusne lachrymarum eius causa profuderit, an pecuniae funeri curando impenderit. Patria Argiua fuit, humili loco nata. Initio per Asiam vagabunda, corpore quæstum faciebat. Obijt in Phoenicia à Demetrio iuxta fenestram conclavis sui sepulta: qui causam ab amico rogatus, Adeo, inquit, ab ipsa adamatus fui, vt compensandi amorem eius aliam rationē non inueniam, nisi vt in tali loco eam reponam, vbi oculis meis lachrymandi; & ani-

mo, mœrendi semper occasio & caussa obijciatur.

Qualis Laïs fuerit.

Laïs sequitur. huic patria fuit Bithrita Insula, Græciæ contermina, pater, sacerdos Apollinis Delphici, doctus ille quidem, sed insignis præstigiator, cuius etiam præstigijs data filix anfa est tam turpe genus vitæ amplectendi. Vixit tempore celeberrimi Regis Pyrrhi, qui anno ætatis decimo sexto bellum intulit Romanis, primusque scribitur aciem instruxisse, & ordines campestris disposuisse, quum antea confusim nullo ordine dimicaretur. Huius castra semper sectata est Laïs: cum Pyrrho venit in Italiam, cum Pyrrho redijt in Græciam. Scribunt, eam officiosam fere omnibus fuisse, sed nunquam cuiquam soli alligarivoluisse. Tanti fuit in conuersationibus leporis, & tam excellentis formæ, vt si amorem temperare, & in vnius alicuius potestate esse voluisset, nullus Princeps futurus fuerit, qui amore eius irretitus quidquam illi negare sustinuisset. Reuerfa ex bello Italico, Corinthi sedem fixit, vbi ita repente omnium animos in se vnam conuertit, & vna ab omnibus in tanto honore habita est, nullus vt esset in tota Asia, qui non fores eius pulsaret, nullus Rex aut Princeps, qui non domum eius frequentaret. Demosthenes rhetor aliquando clam Corinthum profectus est (Aulo Gellio auctore) ad videndam Laïdem

idem ; quæ quum denarium decem millia
 poposcisset , territus Demosthenes precij
 magnitudine, Ego, inquit , *pœnitere tanti non
 em.* Credo illum alludere voluisse ad Dio-
 genis dictum: *Quod omne animal post coitum cō-
 tristetur.* De Laide scribunt (quod de nulla
 alia legisse memini) nec ipsam vlli sibi inser-
 uienti signum amoris aliquod exhibuisse,
 nec cuiquam tamen qui ipsam nouisset, ex-
 osam fuisse. Ex quo apparet , felicissimam
 fuisse , quippe quæ nullum amans, nulli in-
 uisa esset. Lamia si prudens fuit, Laïs profe-
 cto nequaquam desipuit. Vafritie enim &
 amandi arte alias omnes sui ordinis antei-
 uit , & quæstum longe maximum fecit.
 Interrogata à iuvene quodam , quomodo
 tractanda & quibus verbis compellenda ip-
 si esset domina , cuius amore periret , Abi, *obsequia*
 inquit, rogatum eam , vt quando sui copi *paratur a-*
 am tibi facere non decreuerit, patiatur sal *mar.*
 tem abs te sibi inserui, seque amari. Si an-
 nuet, bonam spem habet illius potiundæ: eo
 enim ingenio sumus mulieres, vt quampri-
 mum blandum aliquod verbum aliquis à
 nobis extorsit, illico captæ simus. Disseren-
 tibus quibusdam, præsentē Laide , de Phi-
 losophis Atheniensibus, eorumque doctri-
 nam & virtutem magnis laudibus efferen-
 tibus, illa, Nescio, inquit , quid sciant, nec
 quid possint , nec quid doceant in Scholis:
 hoc , scio , quamuis ego sim mulier , nec
 vnquam

*Zelo'ypus
quid facere
debeat.*

vnquam Athenas viderim, illos tamen huc
ad me percommear, & ex sapientibus stultos
fieri; nullum autem vnquam vidi ex ama-
toribus meis sapientem postmodum factū
fuisse. Interrogata à nobili iuvene Thebano
qua ratione amica potiri posset, si feceris,
inquit, plurimū, & passus fueris eius causa
plurimum, deinde simulaueris nonnun-
quam, obliuionem eius te cepisse. Vehemē-
tius enim talis iniuriæ sensus amantem mu-
lierem permouet, quam quorumuis offici-
orum æltimatio. Alij cuidam quærenti,
quid agere deberet is cui vxor suspecta esset
Nega, inquit, de castitate eius quidquam te
dubitare, atque interim peccandi omnem
ansam præcide. nam si animaduernerit, pec-
cata sua te dissimulare, morietur citius quā
mores mutabit. Ex ea iuuenis quærebat,
quomodo tractanda sibi esset domina, quæ
omnia officia sua ingrata haberet. Et Lais,
A morem, inquit, ab illa retrahe, nequaquā
tamen id præ te fer: mos enim est nobis, vt
amemus tenerrime, & oderimus vehemen-
tissime. Vicina quadam quærente, qua arte
filiam instrueret, ne perderetur, Doce eam,
inquit, vt foras prodire religioni habeat, &
loqui erubescat. Rursus quærentem aliam,
quo pacto filiam in ætatis flore constitutā,
atque animum iam applicare ad amatores
incipientem, compesceret, cauere iussit, ne
ocio filia indulgeret, nec cultu corporis ve-
nustiore

nustiore vteretur. Mortua est Laïs Corinthi, annos LXXII. nata, magno cum matronarum gaudio, & iuuenum dolore.

Restat Flora, meretricum, de quibus agimus, tertia. Huic patria Nola fuit, Campaniæ ciuitas: genus illustre, ex familia Fabij Metelli, primo Romanæ vrbs consularu, & varijs honoribus insigni. Ad annum ætatis xv. quum peruenisset, parentibus orbata fuit, forma & opibus pollens, sed præsidio & disciplina amicorum destituta. Metu igitur soluta, (vt insidiosæ sunt pudicitiae opes, libertas, & formæ venustas) primo bello Punico in Asiam profecta, quæstum facere corpore cœpit, quo tempore Carthaginem obsidebat Consul Mamillus. Hic plus pecuniæ in Floram profudit, quàm in bellum aduersus hostem impendit. Foribus mulieris huius inscriptum erat: *Regi, Principi, Dictatori, Consuli, Censori, Prætori, & Questori hæc fores patens.* Nam Imperatorum & Cæsarum nomina postea demum exstiterunt. Copiam sui nulli fecit, nisi qui genere, honoribus & diuitijs præstaret: tanti assiduum firmans mulierem pulchram, quanti se ipsa faceret. Ingenio Laïdi & Floræ dispar fuit: Laïs enim priusquam veniret in amplexus, precium poscebat; Flora de pecunia neminem interpellabat. Rogata, cur id faceret, respondit: Propterea nobiles tantum & generosos viros ad me admitto, vt ingenuè liberaliterq;

*Flora quæ
qualis
fuerit.*

*In Meretri-
ces & Adu-
ltores, Mag-
nares sunt
liberales:*

beraliterquē mecum agant: itaque per Ve-
nerem, nullius vnquā, qui mecum congressus
fuit, tam leue munus fuit, quod non opi-
nionē & petitione mea maius fuerit. Pru-
dentem & cautam mulierē, dicere solebat,
nihil petere debere ab amatore ob officia
præstita, sed ob solum amorē: reliquarum
enim rerum cōpensationem esse, solum a-
morē nō nisi amore mutuo cōpensari pos-
se. Omnium gentium Legati Romam con-
fluentes de Florē pulchritudine magnificē-
tia plus loquebantur quā de Reip. Romanę
administratione. Incredibile erat enim, quā-
tis opibus atque thesauris domus ipsius in-
structa esset, quāto illustrium nobiliumq;
virorū comitatu vndique stiparetur, quan-
tis donis ab omnibus ditaretur. Sanguinis
illustris, à quo descendebat, perpetuo quo-
dā stimulo fodiebatur. Meretrix enim quā-
esset, clarissimæ tamē nobilissimæque ma-
tronæ habitum ferebat. In publicum si quā-
do prodixisset, nihil fere mensē cōtinuum
omnibus in ore erat, quā eius magnificētia,
alijs prædicantibus, quā illustres viri ipsam
deduxissent; alijs quātus famulorum ordo
illā sequutus esset; alijs, quas matronas spe-
ctatrices habuisset, quā nitido cultu ornata
fuisset, quanta formæ excellentia fulsisset;
quibuscum denique amatoribus cōfabula-
ta fuisset. Aetate iā prouectā iuuenis forma
& ceteris dotibus egregius de matrimonio
interpellauit: cui illa, Heus, inquit, non tu
Flor

Floram iam septuagenariā, sed sestertium, quæ in arca habet c. c. millia quæris. Itaq; faceffe, & vale. Vetularum enim, qualis ego sum, pluris fieri solent nummi, quam coniugia. Nullam vnquam in toto orbe Romano mulierem tot naturæ dotibus insignem fuisse proditum est, ac Floram: Genuus illi clarum fuit, facies pulcra, temperamentum præstans, corpus venustū: in omni eius actione & corporis motu decorum quiddā & ciuile emicuit. Liberalitatē quoq; coluit & munificentia. Præcipuum ætatis florē in Africa, Germania & Gallia Transalpina consumsit: viros & domi & militiæ claros mira arte fortunis extuens. Anno ætatis LXXV. decedēs, populum Romanum heredem instituit, qui pecunijs ab ipsa relictis non modo muros refecit, sed etiā Rempublicam grandi ærealieno subleuauit: eoque Floræ, ciuis Romana quod esset, inque solennem illius beneficiij in patriam collati memoriam, templum statuit, idque Florę nuncupauit. Suetonius Trāquillus de Galbā Imperatore scribit, cum initio honorum ludos Florales edidisse. Quæ festiuitate Romanis vtriusq; sexus tantū nequitia indulgebatur, vt religiosissimus haberetur qui plurimum flagitij admisisset: tenebatq; matronas Romanas hæc persuasio, consequuturas Floræ gratiam venustatemq; quæ templum eius die ipsi dedicato, leuiore habitu cultæ adiuisent.

Non te sed
dotem.

Habeo

Habes Enriques præstantissime, tabulæ tuæ explicationem, & trium meretricum, quam petijſti hiftoriam: quas, quum lubricum ætatis tuæ cōſidero, affirmare auſim, ſi vel tu illarum æuo fuiſſes, vel illæ tuo forent, viuas quam pictas videre gratius acceptiusque tibi futurum. Mihi quidem trium Sanctorum vitam, quam hiftoriam iſtorum proſtibulorum deſcribere; decorum honeſtumque, fateor fuiſſet magis: ſed qui meus eſt erga te amor & obligatio, deſiderio tuo meam profeſſionem poſthabui. Simul tabulam ipſam tuam remitto, nihil dubitans, quin eas maiore adhuc, quam antea habuiſti, deinceps in precio habiturus, omnibuſque qui ad te acceſſerint, & picturam oſtenſurus, & hiftoriam narraturus ſis. Granata xvi. Maij,

MDXXXI.

Ad
F R I D E R I C V M
T H A L A S S I A R C H V M

E P I S T O L A

*In qua apud priscos vsitati sepultura ritus explic-
cantur, & Epitaphia aliquot descri-
buntur.*



Indignatione aduersus te com-
motus fuero, nugasegero : & si
nihil rescripsero, multo maiores
nugas egero. Video enim, per-
petuo tecum mihi belligerandum esse. Nō
quidem inficior, aliquam experiētiam me-
rerum consequutum esse peregrinatione,
lectione, & cum aduersa fortuna conflicta-
tione: tibi tamen, Domine, ætatis negocio-
rumque meorum habenda ratio fuit, cogi-
tandumque ea necessaria esse, tuas autem
quæstiones plus curiositatis, quam vtilita-
tis habere. Non semel & ore & literis tibi
significaui, quum statura sis humili, sed ani-
mo supra modum magno, rem fore multæ
commoditatis, si ea institueretur inter te &
Alphonsum Spinellum permutatio, vt tibi
de eius vasto corpore, ipsi autem de animi
tui magnitudine portio aliqua communi-

*Animus
anguste ha-
bitans fa-
cile erumpit.*

Caretur. Nā quū vtrūque considero illiū
 Quidē ignauos & somnolētos, tuos vero fero-
 vidos spiritus & viuidos, parum abest, quin
 te appellem animam sine corpore, illum ve-
 ro corpus sine anima. Vnum est quod me
 erigit, ætas vtriusque nostrum affecta &
 grauis, quæ faciet, vt minus frequenter de-
 incept scripturū iouicem simus. Nam, vt in-
 quit Plato, *Iuuenibus vita incertū, sed senibus*
mors incertū est. Deum precor, vt, quod re-
 stat nobis æui, sine longius futurum est si-
 ue breuius, ad eius voluntatem & seruiti-
 um exigatur. Nam vt fabula, sic vita, non
 quā diu, sed quam bene acta sit, refert.
 Sed, amoto ioco, decretum est mihi ad li-
 teras quæstionesque tuas quam breuissime
 deinceps respondere. Sapientis enim esse
 aiunt, vltro & bona cum gratia facere, quæ
 velis nolis, vel ingratij tamen faciunda
 sunt.

*Non quā
 diu sed quā
 bene.*

Quæris de sepulturæ & Epitaphiorum a-
 pud veteros ratione & forma. Vnde in men-
 tem mihi venit, te ipsum de sepultura & E-
 pitaphio ei incidendo iam cogitare. Admi-
 rabūtur opinor, & ridebunt etiam qui quæ-
 stionem tuam, meamque ad eam responsi-
 onem legent, dum peregrinas historias, &
 consuetudines inauditas me tibi quasi domi
 peregrinanti narrantem velut audient. Pli-
 nius libri septimi initio, malavitæ humanæ
 descri-

describens, dicit, ex omnibus animalibus
 quæ natura producit, solum hominem flere
 quum nascitur: in hunc solum cadere am-
 bitionem, superbiam, fastum, avaritiam,
 curiositatem & superstitionem: solum lon-
 gioris vitæ desiderio teneri: solum sepel-
 crum sibi, quo requiescat, condere. Recte
 omnino & vere. Nec enim vllum animal
 ceterorum est, quod vel abundantia ef-
 feratur animo, vel deprimatur inopia; quod
 vel deploret natiuitatem suam, vel mortis
 metu angatur, nec quod corradendi opes
 teneatur studio. Omnia vitam conseruare
 satagunt; de sepultura nequâquam sollicita.
 Soli homini marmor Genua mittit, Ala-
 bastritem Phœnicia, Creta Crystallum, e-
 bur Guineæ; tantum vt monumentum in-
 gentis precij constituat, quo ossa sua con-
 dantur, dum caro esca fit vermium. Non
 equidem eorum studium reprehendo, sed
 laudo potius; qui templa & sacella ædifi-
 cant, monumenta erigunt, tabulas & alia
 id gentis donaria ornamentaque dedicant;
 attamen satius fore pronuncio si homines
 vitam Deo placentem agere, quam sepul-
 turas sumtu magno sibi extruere laborent.
 Quam multa hominum tenuioris fortunæ
 corpora in cœmeterijs tumulata iacent,
 quorum animæ cœlesti quiete perfrui-
 tur; & rursus quam multorū ex fortunatis
 illis animæ infernalis ignis supplicia luunt

*Soli homi-
 sepulcrum
 curam ha-
 bet.*

quorum corpora magnificis & magno gē-
marum apparatu exornatis monumentis
condita asseruantur ! Ardente Troia, An-
chises senex monitus à filio Ænea vrbe ex-
cedere, ne sepultura ipsi cendum esset,
respondit, *Facilis iactura sepulcri*: significans,
nullius rei curam minus necessariam esse,
quam sepulturę. Et recte: viuos enim etiam
muscæ aut pulicis morsu videmus offendi:
et quod funeri suo curando non satis im-
pensum esset, hætenus quidem nemo fuit
conquestus.

*Darij se-
pultura
modi.*

Sed vt de sepulturæ modis aliquid dica-
mus, Scythæ, si Homero & alijs fides, defū-
ctos omnium operosissime sepelierunt, ac se-
pulcra maiorū maxima veneratione prose-
quuti fuerūt. Scribit Xenophon Thebanus,
fugientes Darij exercitū Scythia, Dario per
legatos percunctanti, quo tandem fugituri,
aut quem finem fugæ facturi essent, respon-
disse: Ad maiorum vsque sepulcra, ad quæ
vbi tu quoque nos insequens perueneris,
tum intelliges, ea multo pluris à nobis
quam vxores, filios ac fortunas fieri, im-
mo mortuorum ossa vita nobis chariora
esse.

Salaminij humandorum terga Agare-
nis capitalibus ipsorum hostibus obuerte-
bant, vt mortui quoque inimicitiam testa-
rentur.

Apud Massagetæ sanguine proximi è
defun-

defunctorum venis antequam frigeret, sanguinem omnem extrahebant, eoque auide epotato, cadauer sepeliebant. Hircani mortuorum cadauera vino abluta, oleo pervngebant: idq; oleum deinde cibis, & vinum potui adfundeabant.

Caspij mortuorum cadauera statim in rogum imposita exurebant, cinerem deinde in vase collectum, & vino admixtum, eibibebant: sic ut vivuorum intestina mortuorum essent sepulcra.

Scythæ vix quemquam, præsertim è magnatibus sepulturæ mādabant quin ei vivuum aliquem comitem veluti adiungeret. Quod si nemo forte esset qui id officij voluntarius obire vellet, mancipium aliquod emptum vna cum mortuo in terram defodiebant.

Bactriani (quorum mores immane quærum ab omni humanitate degenerabant) mortuorum cadauera suspensa, fumo, uti apud nos carnibus & piscibus salitis fieri solet, durabant: deinde ubi siccata fuissent, frustum inde defectum in ollis coquebant, mensisque appositum vorabant.

Quinimo fuerunt qui canes seu molossos ingentes alerent, quibus defunctorum corpora dilaceranda ac voranda obijciebant: sic ut canum intestina hominum essent sepulcra.

Ne vero d'icis causa tantum hæc à me scri-

bivel fingi potius existimes, legas suadeo ea quæ à S. Hieronymo contra Iovinianum, & in Polyanthea, titulo *De sepulturis* prodita sunt, vbi multo his plura ac non minus mira inuenies.

*Sepulcra
seu Mausolea
celebratissima*

De Beli, Nini, Semiramidis, Promethei, Ogygis & aliorum Ægyptiorum regum Sepulcris seu Monumentis Diodorus Siculus in Bibliotheca sua tam multa tamque fabulosa ac superstitiosa scribit, vt ab ijs recensendis hoc loco merito mihi abstinendum esse iudicem. Scythæ quidem defunctos suos sandapilis è ligni quodam genere omnis cariei experte impositos, in aperto campo passim humabant, Hebræi vel in vinea vel agro qui ipsorum esset, sepulcra sibi faciebant, aut in saxo incidi curabant, quorum ori lapis postea superimponeretur. Omnium autem fere gentium olim mos fuit, vt mortui in suis quisque ædibus vel prædio sepelirentur, quemadmodum hoc passim, in Italia præsertim, obuij tumuli testantur.

Romæ quatuor celeberrima olim erant sepulcra seu Mausolea. Cæsaris Octauiani Augusti, quod hodie *Aguchia* dicitur: Imperatoris Hadriani, vbi hodie Castellum est S. Angeli: Alexandri Seueri in Vaticano: & M. Aurelij in campo Martio. Multi quidem olim, Hebræorum, Persarum, Græcorum, Latinorum atque aliorum populorum

rum Monarchæ, Reges ac Principes sumtu-
osissima in toto terrarum orbe tam vero
Deo quã fictitijs numinibus templa ac de-
lubra exstruxerunt; nemo tamen illorum
in loco tam sacro humari voluit, ne scilicet
deorum honor & religio profanaretur. At-
que inde est quod in vetustis Martyriolo-
gij, vbi de Sepulcris fit mentio, non templa
sed cœniteria commemorantur. Post Con-
stantini Magni demum tempora mos inua-
luit vt defunctorum corpora in Ecclesijs
seu templis sepelirentur : in quo Vete-
res illas deuotionem magis & pietatem
quam auaritiam sequutos esse credendum
est.

Ad alteram Epistolæ tuæ partem venio,
quã diligentiam meam & in rebus memo-
rabilibus perscrutandis curiositatem lau-
das; quumque non dubites quin varia pas-
sim Epitaphia, præsertim Italiam cum Cæ-
sare obiens, notarim atque exscripserim, pe-
tis vt eorum tibi copiam faciam. Equidem
fateor hac in re bibonibus me non esse dis-
similem, & quemadmodum illi nihil ma-
gis requirunt ac lubentius adspiciunt quam
hederã seu tabernam, ita hæc talia à me non
minus curioso oculo quam animo cupido
notari. Et diuersorum quidem Epitaphio-
rum hic ibi collectorum satis magnã ha-
beo copiam: quorũ nonnulla grauiã sunt &
pietatem quandam spirant, alia acutis, alia
elegans

elegantibus, alia ridiculis formulis concepta sunt, quædam etiam singularem malitiã aperte præ se ferunt. Horum omnium exempla quædam ad te mitto, vt meliora inde magisque placitura eligens, cetera vel rideas vel contemnas.

Varie Epitaphiorum formula.

In sacello nosocomij Neapolitani sacrum cum Cæsare audiens, coque perfecto locum perlustrans, sequens Epitaphium Nobilis adolescentis sepulcro matris cura incisum inueni:

Qua mihi debebas suprema numera vite,

Infelix soluo nunc tibi, nate, prior.

Fortuna inconstans, lex & variabilis aui,

Debueras cineri iam superesse meo.

In eadem vrbe Monasterium est Deo dicatarum Virginum, S. Claræ titulo, in cuius templo sepulcrum vidi desponsatæ iam, sed eo ipso quo nuptiæ celebrandæ erant die morte abreptæ Virginis, his verbis conceptum:

Nate, eheu miserum, misero mihi nata parenti

Vnicus vt fieres vnica nata dolor.

Nam tibi dumque virum, tædas thalamumque parabam,

Funera & inferias anxius ecce paro.

Caput in templo quodam sacrum paracturus, è sepulcro semidiruto sequens enotaui Epitaphium:

Fui, non sum.

Estis, non eritis.

Caieta

Caietæ, quæ vetusta admodum & celeberrimo portu insignis Italiæ vrbs est, in vetusto quodam sepulcro Epitaphium vidi, his litteris scriptum, & animo cuiusque inscribendum:

STLVIVS PALLADIVS,

Vt moriens viueret,

Vixit vt moriturus.

Romæ stationes (quas vocant) pietatis ergo obiens, in D. Paulli templo singula accurate contemplatus, lapidi sepulcrali in soloq iacenti sequentia itidem aurea verba incisa legi:

Hospes quid sim vides.

Quid fuerim nosti.

Futurus ipse quid sis cogita.

Ibidem in monasterio Mineræ, vbi iam Dominicanorum habitat sodalitas, quum in hebdomada sacra diuinis interesset officijs, quod sequitur notavi Epitaphium;

O mors ò mors ò mors,

Aerumnarum portus,

Et meta salutis.

Cæsare in Africam ad Tunetanum bellum profecto, contigit vt Siciliæ Prorex, Comes Monteleonis de Calabria, moreretur, ob seueram administratę iustitię rationem, atque inprimis Camaratorenses Comitē & alios capite multatos, Siculis maxime inuisus. Eius cadauer quum Messanę in Franciscanorum æde fuisset depositū, qui-

dam sepulcro eius sequentia verba addiderunt:

*Qui propter nos homines,
Et propter nostram salutem,
Descendit ad inferos.*

Anno M D X X I I I . per Nauarram iter faciens, in loco quodam Viano appellato, non procul à Logronno, mane sacram quādam ædiculam ingressus, Valentini Ducis ignobili sepulcro sequens vidi incisum Epitaphium:

*A qui yaze en poca tierra,
Al que todo le temia:
El que la paz y la guerra
Por todo mundo hazia.
O tu que vas à buscar
D gnas cosas de loar,
Situloas lo mas digno
A qui pare tu camino,
No cures de mas buscar.*

Id est, vt nos liberiore stilo vertimus:
Hic gleba exigua tegitur qui nutibus ante
Omnia terrebat: cui vix suffecerat orbis,
Quem pace & bello varie permiscuit, hoc en
Iam tegitur tumulo. Qui transis forte viator,

Disce meo exemplo monitus, laudanda patrare,

Nec vastas animo nimium spes concipe frustra.

Bello

Bello quod in Insubria superioribus annis gestum fuit, miles quidā Hispanus satis strenuus & opibus mediocriter diues obierat; ab amicis loco admodum ignobili inter Placentiam & Vogueram sepultus, hoc addito Epitaphio:

*A qui yaze Campuzano,
Cui a anima llecio el demonio,
y la ropa el fennor Antonio.
id est.*

*Hic iacet miles Campuzanus
Iam mortuus sed olim sanus.
Animam reliquit demonio,
Peculium Domino Antonio.*

Alexandriæ de la palea alterius ex eadem gente militis vidi sepulchrum & iuxta id sequentia parieti inscripta verba:

*A qui yaze Horosco el Sargento,
El qual buio iugando,
Y murio beuiendo.
id est,*

*Horosco hic iacet Sargentus,
Ne dubita male contentus:
Qui vix t ludendo,
Mortuus bibendo.*

Astæ, Cæsari ad bellum contra Galliarum regem proficiscente, in ipsa expeditione alius quidā miles diem suum obierat, in Franciscanorum æde ibi sepultus. Is quamvis pauper, testamentum tamen condiderat, ac multa Legata fecerat: in quæ alius

uis quidam iocatus, sequens Epitaphium
sepulcro eis adscripsit:

*A qui paze Billandrando,
El qual iugo lo que tenia,
y mando lo que no podia.
id est,*

*Hic iacet Billandrandus,
Qui quæ habuit ludendo absumpsit,
Quæ non habuit, testamento legauit.*

Nicææ me præsentē alius quidam miles
sepultus fuerat: quumque vesperi ad vigili-
as pro ipso recitandas vnà cum alijs eò ve-
nissem, sequentia verba sepulcro eius car-
bone inscripta vidi:

*A qui paze el Soldado Billoria,
El qual mando el cuerpo ala yglesia,
y el coracon al amiga.
id est,*

*villoria miles hic iacet:
Qui corpus suum Ecclesia,
Cor vero amica tradidit.*

In Hispania mulieris cuiusdam vidi se-
pulcrum, (quā cognatione mihi iunctam si
quis dixerit, non mentiat) ad cuius se-
pulcrum hoc Epitaphium à nescio quo fu-
erat appositum:

*A qui paze la Sennora donna Marina,
que murio trenta dies antes que
fuese Condesa.
id est,*

*Hic domina Marina iacet, qua triginta diebus
prius*

prius mortua est quam Comitissa fieret.

Anno MDXV. quum Soriani Con-
uentus præfectus seu Guardianus essem, &
in castra ad Gomaram concionum habenda-
rum gratia itarem, in vetustum quoddam
sepulcrum incidi, cuius lapidi hæc verba in-
scripta legebantur.

*A qui yaze Iuan Husillo Calbo,
El qual ensennaua à nadar los mocos,
y à bayllar las mocas.*

id est,

*Ioannes Husillus Caluus hic iacet:
Qui pueros natare,
Et puellas saltare docuit.*

In valle Annozana ego aliquot annos vi-
uens, & vt pauper religiosus eleemosynas
à loci istius hominibus petens, aberrabam.
Quum ergo in monasterio Misericordie
de Paredes degerem, sepulcro cuidam in-
sculptum sequens vidi Epitaphium:

*A qui yaze Pero Calbo capatero,
Macstro de obra prima,
y gran pescador de labara.*

id est,

*Hic situs est Petrus Caluus, sutor sua præ-
fessionis*

*Artifex inter primos, & reticulo
piscandi peritissimus.*

Proxime elapso anno diœcesin meam
siue Episcopatum Mondonediensem visi-
tans, in Trassecani Archidiaconatus quoddam
templo

templo iuxta maris litus, Nobilis cuiusdam
Epitaphium legi his verbis conceptum:

*Aqui yaze Vasco Bello,
Home booy fidalgo.
Que trazendo espada,
A nenguen malo con ella;
id est,*

*Hic situs est Vascus Bellus,
Qui gladium nunquam non educens,
Nunquam tamen quemquam occidit.*

Prouinciam de Conceptione, quam vocant, ut custos obiens, & ad conuentum nostri Ordinis generalem proficiscens, forte in Lusitanos quosdam eiusdem Ordinis socios incidi, inter quos erat Guardianus Santareanus, homo perdoctus & bonus. Is quum animaduertisset singulari me Antiquitatum studio teneri, narrabat mihi in monasterio Santareano Nobilis cuiusdam Lusitani existare Epitaphium, his verbis conceptum:

*Aqui yaze Vasco Figueira,
muyto contra su voluntad;
id est,*

*Hic situs est Vascus Figueira,
prorsus prater suam voluntatem.*

Tam profunda iam paucis sed ipsissimis ut ita dicam, verbis concepta sententia, ita me Deus amet, non nisi ab emuncti ingenij ac iudicij homine proficisci potuit. Mihi quidem semper ita visum est, in Lusitanorum actionibus summam prudentiam, in di-

Reis singularem acrimoniam elucere. Quid enim verius tam paucis verbis dici poterat, quam Vascum Figueiram, aut quemcumque alium præter voluntatem suam in sepulcro iacere? Nam per Deum immortalem, quod nunc vnquam in toto terrarum orbe est, fuit aut erit tam operosum, tam elegans tamque preciosum sepulcrum, in quo lubenter & quasi ultro quisquam cõdi velit? Quis tam est ab omni sensu alienus, qui non in angusta & ruinosa quapiam cella viuere, quam in augusto ac spaciosissimo monumento mortuus iacere malit? Mihi crede, non solum Vascus Figueira in sepulcro suo, sed Machabæi quoque in suis Pyrramidibus, Semiramis in monumento suo pulcerrimo, Cyrus sub Obelisco, Augustus sub Columna, Hadrianus sub superba illa mole, & alij vnicumque sepulti, inuiti iacent. Quos omnes si nobiscum loqui, nobisque respondere possent, scio id certo professuros atque etiam per omnia sacra iuraturos, præter suam voluntatem in sepulcris se detineri. De te, Domine, illud mihi certo videor affirmare posse, si Vascus Figueira præter voluntatem in sepulcro iaceat, te non minus inuitum quod viuis tibi extrui curasti, monumentum quantumuis operosum atque elegans, subiturum.

Hac in epistola prolixior fui, non tam ut admirandi quam ridendi tibi materiam suppeditarem; solenniter illud tam hoc ip-

so protestans, non esse vt intra semestrem
 spaciū vllas à me exspectes litteras, etiam
 nec à prouocato quidem. Et quidem spero
 me si non à modestia tua & humanitate,
 saltem ab ipsa æquitate facile impetratu-
 rum, ne occupationes meas magis necessa-
 rias interpelles. Vallidoletæ x x x. Martij
 Anno M D X X I V.

Ad

RECTOREM TI-
 MAIVM

EPISTOLA:

*Cuius argumentum est, Probi patrisfamilias do-
 mum omni turpitudinis suspitione li-
 beram esse debere.*



Memoria proditum legimus Bo-
 næ deæ apud Romanos olim stã-
 te adhuc Republica non nisi ab
 honestis matronis sacra fieri so-
 lita. & quidem tanto cum pudore & vere-
 cundia, vt non modo viris interesse non li-
 ceret, verum etiam virorum statua & ima-
 gines obtegerentur. Inuentus tamen fuit
 perdita libidinis adolescens Clodius no-
 mine, qui muliebri veste indutus, honesta
 matronæ

matronam solam deprehensam, vitiauit. Licet vero criminis huius vel sacrilegij potius manifestus esset, largitionibus tamen is iudices ita corripit, vt absolutus fuerit: nec hoc contentus, iisdem Iudicibus quos vellēt, & formosissimarū quidem mulierū amores promisit & conciliauit. Et quidem *Gravissimū peccatum, alios ad peccatum inducere.* grauius multo illud est Clodij flagitium quo alios ad flagitia induxit quam quo flagitia ipse perpetravit. Alterum enim humanum est; alterum diabolicum. Hæc eo à me dicuntur, quod compererim filios tuos non solum ipsos multa nequiter facere, verum etiam alijs ad nequiter faciendum auctores esse. Quod ad gravem ipsorum culpam; sed ad grauiorem tuam infamiam pertinet. Id tu si scis, & dissimulas tamen, non recte facis; at si nescis, summam tuam prodis negligentiam & secordiam. Est enim viri honorati qualis tu esse vis, suum suæq; familiæ honorem magis sollicite quam argentum vel aurum habere ac custodire. Et Heli sacerdos non quod ipse nequiter faceret punitus fuit, sed quod filijs nequiter facientibus per conniuentiam indulgeret. Patris est liberorum quos obsequentes sibi habere cupit, primam infantiam recte educare, atque ab omnibus procul vitijs ad virtutem erudire, exorbitantium vero peccata nequaquam ferre aut dissimulare, sed quibus par est modis punire. Atque vtinam si-

*socium cul-
pæ, socium
pænæ.*

lij tui soli per se turpes ac flagitiosi essent, neque alios tamquam nequissimi illius Clodij imitatores, corrumperent; vt sic soli etiam punirentur. Quare euigila tandem quæso, habe curam tui gregis, tui honoris tuæ tuorumque salutis : nec dubita si illi Clodianæ culpæ sint participes, poenæ quoque participes futuros. Ego, si tu nescis, pro certo comperi Borgenlis xenodochij limina vix tanto pauperum, quam tua, scortorum & famosorum hominum numero frequentari. Huic tu malo, quamprimum ac sine omni mora remedium quære & adfer. id enim nisi feceris, amicum ego te nullo modo agnoscam, nec si possim iuuare velim.

Quod addis ad id ætatis te iam prouectum, adeoque fastidij plenum esse, vt Mathusalæ ætatem vixisset tibi videre, meo quidem iudicio rectius faceres si labores & miseras quas perpeffus es, ponderes, quam si annos quos vixisti numeres. Homini enim in delicijs viuenti etiam quantumuis longa vita, breuis; tristi e contra & miseris oppresso etiam breue momentum quamlongissimum videtur. Ais valde senem te tibi videri. Atqui non videri, sed esse senem oportet. Senex vero est apud quem peccata senescunt & cessant. Nihili nimis sunt homines quibus caput canis, & frons rugis plena, sed animus ad nequitiam semper viridis &

dis & intellectus plusquam puerilis est. Atque hinc est quod improbi senes vitam fastidiunt, & mortem tamen exhorrescunt; iidem nullam aliam ob causam morerent, quam quod parum temporis ad peccandum sibi superesse vident. Quos certum est non alium peccandi quam viuendi finem facturos.

Quod de stomachi tui imbecillitate & ciborum fastidio quereris, vellem equidem ut vterque nostrum, tu stomachi, ego pedum doloribus essemus immunes. Dicam tamen quod sentio: nimirum magis auaritiæ te quam stomachi vitio laborare. Memini quum Medinæ Campi vnâ essemus, te mihi dicere, si mense Maio futuro non plueret, te mille; sin plueret, bis mille modiorum frumenti messem sperare. Ex quo facile intelligebam non tam fastidiosum tibi esse stomachum quam animum cupidum & auarum. Sed tu, quæso, huic meæ parresiae ignoscas. Quum enim vere amicus tibi sim, par est ut omni adulatione posthabita, recta & salutaria tibi suggeram & inculcem. Vale;

Ad

N. S. ARMIENTVM,
HINESTROSÆ
PRAETOREM

EPISTOLA:

*qua docet patrentum indulgentia natos
corrumpi & perdi.*



Inter Solonis leges illam quoque ante plus minus viginti quinque annos legisse me memini: Ploratus & lamentationes in alieno funere Solon legislator prohibuit. Idemque statuit, nec subsidia nec alimenta à filio patri deberi à quo non esset arte aliqua ad vsum vitæ instructus. Tarquinio Superbo Romæ regnante, Amasis Ægypti rex legem condidit vt quisque apud censores vitæ suæ rationem redderet, demonstraretque vnde viueret aut quo quæstu sustentaretur: eum in finem vt homines ociosos, & tamquam fucos alienis laboribus victitantes è regno suo penitus profligaret, & omnibus artem aliquam ad vitæ tam priuatæ quam publicæ vsum necessariam discendi necessitatem imponeret.

Quorsum

*Lex contra
ociosos.*

Quorsum hæc, inquis, ad me? Eo scilicet, ut intelligas, nos heic quoque quam turpiter sese filius tuus nuper isthic dederit, rescivisse. Ego sane & tuam & filij tui vicem vere atque ex animo doleo; sed tuam tanto magis, quod omnes quorum hac de re sermonibus interfui, non tam filio quam tibi quidquid hac in re peccatum est imputant, ut qui plura antehac eius flagitia tuleris atque impunita dimiseris. Et quæso te, quid aliud expectandum ab eo fuit quem neque ad aulam, ut mores, neque ad scholam ut litteras disceret, mittere voluisti, neque ad quamcumque aliam artem quæ vel manu vel ingenio perficitur, adhibuisti, sed ocio, conuiuijs & libidini indulgere permisisti. In acerbo hoc casu multa occurrunt, quæ non dicam tibi, sed mihi quoque peccatus fodiunt, sed in primis factum ipsum, ut quo & Deus & vniuersus populus grauissime est offensus. Filius tuus in maximo versatur periculo, tu in luctu & squallore totus iaces, & boni illius viri Ioannis Carilli filia miserabiliter decepta, quod optimum habuit amisit. Tantamne audaciam in tam paucos annos cadere, ut adolescens duodeviginti, puellam quindecim annorum rapere ausit? Quem tu illis receptum fore putas? Vbi vigilias illos & precarias suas quasi stationes obituros putas, nisi in foro Medinæ aut Segouiæ, cum alijs perditis homini-

*A mala educatione
quid sperandum.*

bus? Quam leuis quamque ad eiusmodi flagitia proiectus esset filius tuus, iam dudum alij mihi narrauerunt; eoque quod ille fecit minus mirum mihi videtur: te vero tanta erga eum indulgentia hactenus vsum esse, facere non possum quin ob id grauius tibi succenseam, & magnam te quoque noxam commeruisse putem. Fateor quidem adolescentium lubricam esse ætatem & quæ à prauis cupiditatibus facile in deuiam abducatur: illud tamen quoque scio & has ipsas cupiditates recta disciplina corrigatque emendari posse, præsertim in ijs qui ad proborum societatem sese applicant à quibus bene agere condiscant. Et cupiditatibus quidem ac prauæ animi inclinatio-
 ni resistere, at à praua consuetudine vix ac ne vix quidem desistere possumus. Pa-
 rentes qui probos & morigeros habere liberos cupiunt, omnia eorum dicta, facta, adeoque vestigia quam accuratissime obseruare, nec ad vllum eorum peccatum con-
 niuere oportet. O stolidos, immo impios, qui tanquam indomito equo laxas iuuentuti habenas permittant. Quid enim aliud sequi potest, quam vt velut furore quodam acti in omne scelus, ac tandem præsentissimum exitium præcipientes ferantur? Multis in rebus solertiori sunt ingenio bruta animantia quam homo. Illa enim si quando lapsa aut læsa fuerint, ab ijs locis & rebus

*Consuetudo
 expelli non
 potest.*

rebus diligenter postea abstinere, adeo ut
nec fustibus eo adigi queant. At improbi
homines vnum idemque peccatum etiam
cum magno suo malo perpetrare, pro ioco
& ludibrio habent. Multa in hac vita ab ho-
minibus designantur flagitia, quorum pœ-
nas Deus sibi in alterum illud sæculum re-
seruat: at parentum in filios nimiam indul-
gentiam prauamque educationem Deus
hic plerumque, & quidem per ipsos filios,
tamquam parentum carnifices, vlciscitur.
Neque enim dubitandum est quin ij pro sce-
lerum ad quæ parentes in adolescentia conui-
uerunt numero, æque magnum, immo ma-
iorem dolorum atque ægritudinum nume-
rum fideliter in senectute sint reposituri.
Sic sentio, capitaliorem hostem honesto
patrifamilias contingere non posse, quam
male educatos luxuque perditos liberos.
Hostium enim iniurijs fortunæ ac vita etiam
nostra patent; at filiorum flagitij fama at-
que existimatio parentum læditur & macu-
latur. Insuper filius ira est patri suo, & do-
lor matri quæ ipsum peperit, Eoque ite-
rum dico capitaliorem hostem esse filium male edu-
catum quàm quemcumque alium extraneum.
Hostis enim insidias paterfamilias sæpe ac-
cusat & vim elidit; at vna est perditum filij
flagitio ægritudo patri non raro iugulum,
ut ita dicam, incidit, vitamque aufert. Quæ
cū extraneis intercedunt nobis cōtentiones,
quamuis & suas habeant molestias, alienæ

*Peßimi ho-
stes domo-
fici.*

*Peccanti
conniuens
in se crude-
lis est.*

tamen quodammodo sunt, ne tam graui-
ter nos angunt: at quæ domi nostræ & à no-
stris fiunt, cor ipsum sauciant, & acerbissi-
mum aculeum relinquunt. Qui peccanti
filio mitis est, in seipsum crudelis est: & qui
ad flagitia liberorum oculos claudit, latissi-
mam dolori aperit fenestram. Quisquis pa-
ter filio disciplinam subtrahit, illo ipso ca-
pitalem in se sententiam concipit ac pro-
nunciat; & vt apertius dicam, honorem at-
que exultationem suam æternæ addicit
ignominia, & quasi patibulo nomen suum
ffigit. Apud Romanos olim & alias quas-
dam gentes mos fuit, vt primum filij seu iu-
uenis delictum verbis, secundum multa
aut aliqua alia leuiori pœna, tertium vero
capite puniretur. Ea lex si hodie quoque v-
surparetur, credo ego nec tantam iuuentu-
tis passim improbitatem, nec tantam paré-
tū erga liberos indulgentiā fore. Nunc vero
quoniam liberorum flagitia à patribus dis-
simulantur, & à matribus, pæne dixerim,
adiuuantur, fit vt illi ea designent quæ
deplorari citius quam emen-
dari possunt.

Ad

INIGVM OSORIVM

EPISTOLA:

De hominum in ijs quæ scire volunt aut debent
ignorantia.



Ornelius Ruffus, Quintij Cincin-
nati temporibus coequalis, quum
aliquando sanus ac bene valens
cubitus concessisset, in somno
oculis sibi priuari à puero ut cæcus duci vi-
sus est. Nec somnium hoc modo, sed & res
ipsa fuit. Expergefactus enim mane Ruffus
quavis talpa cæcior, nec cælum nec terram
potuit contueri. Thebanus quidam multos
annos continua febris laborans, tandem in-
stati cum hostibus prælio se se immiscuit,
acceptoque ingenti vulnere, non ex eo tã-
tum, verum etiam ipsa febris conualuit. Ma-
millus Bubulus Hetruscorum Rex in præ-
lio itidem sauciatus fuerat, ita ut sagittæ
vincus vulnere in collo adhæresceret. Eidẽ
in venatione ceruum insequenti, & ab eo
quo cespitante effuso, vincus sagittæ ex ore
excidit, ac pristina sanitas fuit restituta. Ex
quo facile potest intelligi ignorare plerũ-

*Prodest se-
pe quod no-
cet.*

*Quidque est
prout res e
generis.*

Que homines quæ optanda quæ fugienda, quæ eligenda quæ reiicienda sint : adeo vt cum Satyrico merito exclamare possimus : *O cæcas hominum mentes ! d' pectora cæca quæ tantum est in rebus inane !* Ecce enim Ruffus in dulci somno oculis & lumine priuatur ; e contra Mamillus in casu periculofissimo magna vnlneris molestia & dolore liberatur. Omnia huius mundi nihil mali in se habent ; sed pro re nata vel bona vel mala sunt. Quæ bene eueniunt , bona censentur ; quæ male , mala. Quapropter sapienter eos facere puto , qui nec quidquam optant , nec quidquam abominantur , priusquam rei cuiusque euētum plene cognoscant. Quid velim , credo , intelligis : nimirum vt tibi gratuler , triennialibus quartanæ febris molestijs non ita pridem noua superueniente molestia liberato. Mirabilis hic casus facit vt iterum dicam , ac quantum possum exclamem , nescire nos quid bonum quid malum , quid vtile quid noxium nobis sit : adeo vt sæpe ea sequamur quæ fugienda , & fugiamus quæ sequenda atque optanda sunt.

Inter alia illud quoque salutariter diuinus monet Plato , vt nunquam illa ad deos precatione vtamur : Date mihi hoc vel illud , sanitatem , diuitias , &c. sed hac : Date mihi quod vobis placuerit , quodque vtile mihi esse scitis. Quæ sane precandi formulæ

la cum ea quam ipse Saluator & D. N. nos docuit, quā optime cōsentit. Israelitici populi imperium initio Iudices administrarunt; quorum illi pertæsi, regem à Deo petierūt. Et petitioni ipsorum Deus quidem, etsi quodāmodo inuitus, annuit; sed ea insequuta sunt vt tum demum populus votū suum damnarit quum pœnitentiæ locus non esset.

Verumenimvero vt sese isthæc habeāt, tibi ego, ac præsertim hac ratione febri molestissima liberato, iterum atque iterū gratulor. Credo equidem si eodem quo tuus ceteri omnes morbi remedio sanari possēt mœrorem & indignationem (his enim cōualuisse te aiunt) maiori in precio quā rhabbarum, cassiā fistulam, aut quodcumque aliud vnguētum aut potionem fore. O quam multi tam viri quam feminæ, si mœrori, gemitibus & lachrymis emtores reperiantur, breui ditescerent. Hæ enim tam vulgatæ sunt merces, vt nulla vel vilissimæ domus officina sit, in qua non affatim repeririātur. Me ipsum vide: cuius quos edo quotidie gemitus, & quas cōtinue sentio sollicitudines si Medinensibus nostris remedio esse possent, equidē vel momento eā me instructurū officinā confido quæ vniuersæ Hispaniæ, atque etiā Galliæ satis futura sit. Multis multa decisse vidi; at cui sollicitudo

templo iuxta maris litus, Nobilis cuiusdam
Epitaphium legi, his verbis conceptum:

*A qui yaze Vasco Bello,
Home boo y fidalgo.
Que trazendo espada.
A nenguen mato con ella:
id est,*

*Hic situs est Vascus Bellus,
Qui gladium nunquam non educens,
Nunquam tamen quemquam occidit.*

Prouinciam de Conceptione, quam vocant, vt custos obiens, & ad conuentum nostri Ordinis generalem proficiscens, forte in Lusitanos quosdam eiusdem Ordinis socios incidit, inter quos erat Guardianus Santareanus, homo perdoctus & bonus. Is quum animaduertisset singulari me Antiquitatum studio teneri, narrabat mihi in monasterio Santareano Nobilis cuiusdam Lusitani exstare Epitaphium, his verbis conceptum:

*A qui yaze Vasco Figueira,
muyto contra su voluntad:
id est,*

*Hic situs est Vascus Figueira,
prorsus prater suam voluntatem.*

Tam profunda tam paucis sed ipsissimis vt ita dicam, verbis concepta sententia, ita me Deus amet, non nisi ab emuncti ingenij ac iudicij homine proficisci potuit. Mihi quidem semper ita visum est, in Lusitanorum actionibus summam prudentiam, in di-

ctis

Etis singularem acrimoniam elucere. Quid enim verius tam paucis verbis dici poterat, quam Vascum Figueiram, aut quemcumque alium prater voluntatem suam in sepulcro iacere? Nam per Deum immortalem, quod nunc vnquam in toto terrarum orbe est, fuit aut erit tam operosum, tam elegans tamque preciosum sepulcrum, in quo lubenter & quasi vltro quisquam cõdi velit? Quis tam est ab omni sensu alienus, qui non in angusta & ruinosa quapiam cella viuere, quam in augusto ac spaciosissimo monumento mortuus iacere malit? Mihi crede, non solum Vascus Figueira in sepulcro suo, sed Machabæi quoque in suis Pyrannidibus, Semiramis in monumento suo pulcerrimo, Cyrus sub Obelisco, Augustus sub Columna, Hadrianus sub superba illa mole, & alij vnicuique sepulti, inuiti iacent. Quos omnes si nobiscum loqui, nobisque respondere possent, scio id certo professuros atque etiam per omnia sacra iuraturos, prater suam voluntatem in sepulcris se detineri. De te, Domine, illud mihi certo videor affirmare posse, si Vascus Figueira prater voluntatem in sepulcro iaceat, te non minus inuitum quod viuis tibi exstrui curasti, monumentum quantumuis operosum atque elegans, subiturum.

Hac in epistola prolixior fui, non tam ut admirandi quam ridendi tibi materiam suppeditarem; solenniter illud cum hoc ipso

so protestans, non esse vt intra semestre
 spacium vllas à me exipectes litteras, etiam
 neq̃ à prbuocato quidem. Et quidem spero
 me si non à modestia tua & humanitate,
 saltem ab ipsa æquitate facile impetratu-
 rum, ne occupationes meas magis necessa-
 rias interpelles. Vallidoleri x x x. Martij
 Anno M D x x i v.

Ad

RECTOREM TI-
 MAIUM

EPISTOLA:

*Cuius argumentum est, Probi patrisfamilias do-
 mum, omni turpitudinis suspitione li-
 beram esse debere.*



Emoriæ proditum legimus Bo-
 næ deæ apud Romanos olim stã-
 te adhuc Republica non nisi ab
 honestis matronis sacra fieri so-
 lita, & quidem tanto cum pudore & vere-
 cundia, vt non modo viris interesse non li-
 ceret, verum etiam virorum statux & ima-
 gines obtegerentur. Inuentus tamen fuit
 perdæ libidinis adulescens Clodius no-
 mine, qui muliebri veste indutus, honestã
 matronæ

matronam solam deprehensam, vitiauit. Licet vero criminis huius vel sacrilegij potius manifestus esset, largitionibus tamen is iudices ita corrupit, vt absolutus fuerit: nec hoc contentus, ijsdem Iudicibus quos vellēt, & formosissimarū quidem mulierū *Granißimū peccatum, alios ad peccatum inducere.* amores promisit & conciliauit. Et quidem grauius multo illud est Clodij flagitium quo alios ad flagitia induxit quam quo flagitia ipse perpetravit. Alterum enim humanum est; alterum diabolicum. Hæc eo à me dicuntur, quod compererim filios tuos non solum ipsos multa nequiter facere, verum etiā alijs ad nequiter faciendum auctores esse. Quod ad grauem ipsorum culpam; sed ad grauiorem tuam infamiam pertinet. Id tu si scis, & dissimulas tamen, non recte facis; at si nescis, summam tuam prodis negligentiam & secordiam. Est enim viri honorati qualis tu esse vis, suum suæq; familiæ honorem magis sollicitè quam argentum vel aurum habere ac custodire. Et Heli sacerdos non quod ipse nequiter faceret punitus fuit, sed quod filijs nequiter facientibus per conniuentiam indulgeret. Patris est liberorum quos obsequentes sibi habere cupit, primam infantiam recte educare, atque ab omnibus procul vitijs ad virtutem erudire, exorbitantium vero peccata nequaquam ferre aut dissimulare, sed quibus par est modis punire. Atque vtinam si-

*Socium cul-
pæ, socium
pœnæ.*

lij tui so'i per se turpes ac flagitiosi essent, neque alios tamquam nequissimi illius Clodij imitatores, corrumperent; vt sic soli etiam punirentur. Quare euigila tandem quæso, habe curam tui gregis, tui honoris tuæ tuorumque salutis : nec dubita si illi Clodianæ culpæ sint participes, pœnæ quoque participes futuros. Ego, si tu nescis, pro certo comperi Burgensis xenodochij limina vix tanto pauperum, quam tuarum, scortorum & famosorum hominum numero frequentari. Huic tu malo, quamprimum ac sine omni mora remedium quære & adfer. id enim nisi feceris, amicum ego te nullo modo agnoscam, nec si possim iuuare velim.

Quod addis ad id ætatis te iam prouectum, adeoque fastidij plenum esse, vt Mathusalæ ætatem vixisset tibi videre, meo quidem iudicio rectius faceres si labores & misérias quas perpeffus es, ponderes, quam si annos quos vixisti numeres. Homini enim in delicijs viuenti etiam quantumuis longa vita, breuis; tristi econtra & miserijs oppresso etiam breue momentum quam longissimum videtur. Ais valde senem te tibi videri. Atqui non videri, sed esse senem oportet. Senex vero est apud quem peccata senescunt & cessant. Nihili nimis sunt homines quibus caput canis, & frons rugis plena, sed animus ad nequitiam semper viridis &

dis & intellectus plusquam puerilis est. Atque hinc est quod improbi senes vitam fastidiunt, & mortem tamen exhorrescunt: Idem nullam aliam ob causam mœrent, quam quod parum temporis ad peccandū sibi superesse vident. Quos certum est nō alium peccandi quam viuendi finem facturos.

Quod de stomachi tui imbecillitate & ciborum fastidio quereris, vellem equidē vt vterque nostrum, tu stomachi, ego pedū doloribus essemus immunes. Dicam tamē quod sentio: nimirum magis avaritiæ te quam stomachi vitio laborare. Memini quum Medinæ Campi vnā essemus, te mihi dicere, si mense Maio futuro non plueret, te mille; si plueret, bis mille modiorum frumenti messem sperare. Ex quo facile intelligebam non tam fastidiosum tibi esse stomachum quam animum cupidum & avarum. Sed tu, quæso, huic meæ parresiae ignoscas. Quum enim vere amicus tibi sim, par est vt omni adulatione posthabita, recta & salutaria tibi suggeram & inculcem. Vale:

Ad

N. SARMIENTVM,
HINESTROSAE
PRAETOREM

EPISTOLA:

*qua docet patrentum indulgentia natos
corrumpi & perdi.*



Inter Solonis leges illam quoque ante plus minus viginti quinque annos legisse me memini: *Ploratus & lamentationes in alieno funere Solon legislator prohibuit. Idemque statuit, nec subsidia nec alimenta à filio patri deberi à quo non esset arte aliqua ad vsum vitæ instructus.* Tarquinio Superbo Romæ regnante, Amasis Ægypti rex legem condidit vt quisque apud censores vitæ suæ rationem redderet; demonstraretque vnde viueret aut quò quæstu sustentaretur: eum in finem vt homines ociosos, & tamquam fucos alienis laboribus victitantes è regno suo penitus profligaret, & omnibus artem aliquam ad vitæ tam priuatæ quam publicæ vltus necessariam discendi necessitatem imponeret.

*Lex contra
ociosos.*

Quorsum

Quotsum hæc, inquis, ad me? Eo scilicet, vt intelligas, nos heic quoque quam turpiter sese filius tuus nuper isthic dederit, rescivisse. Ego sane & tuam & filij tui vicem vere atque ex animo doleo: sed tuam tanto magis, quod omnes quorum hac de re sermonibus interfui, non tam filio quam tibi quidquid hac in re peccatum est imputant, vt qui plura antehac eius flagitia tuleris atque impunita dimiseris. Et quæso te, quid aliud expectandum ab eo fuit quem neque ad aulam, vt mores, neque ad scholam vt litteras disceret, mittere voluisti, neque ad quamcumque aliam artem quæ vel manu vel ingenio perficitur, adhibuisti, sed ocio, conuiujs & libidini indulgere permisisti. In acerbo hoc casu multa occurrunt, quæ non dicam tibi, sed mihi quoque peccatus fodiunt, sed in primis factum ipsum, vt quo & Deus & vniuersus populus grauissime est offensus. Filius tuus in maximo versatur periculo, tu in luctu & squallore totus iaces, & boni illius viri Ioannis Carilli filia miserabiliter decepta, quod optimum habuit amisit. Tantamne audaciam in tam paucos annos cadere, vt adolescens duodeviginti, puellam quindecim annorum rapere auserit? Quem tu illis receptum fore putas? Vbi vigilias illos & precarias suas quasi stationes obituros putas, nisi in foro Medinæ aut Segouix, cum alijs perditis homini-

*A mala educatione
quid spectandum.*

bus? Quam leuis quamque ad eiusmodi flagitia proiectus esset filius tuus, iamdudum alij mihi narrauerunt; eoque quod ille fecit minus mirum mihi videtur: te vero tanta erga eum indulgentia hactenus vsum esse, facere non possum quin ob id grauius tibi succenseam, & magnam te quoque noxam commeruisse putem. Fateor quidem adolescentium lubricam esse ætatem & quæ à prauis cupiditatibus facile in deuiam abducatur; illud tamen quoque scio & has ipsas cupiditates recta disciplina corrigatque emendari posse, præsertim in ijs qui ad proborum societatem sese applicant à quibus bene agere condiscant. Et cupiditatibus quidem ac prauæ animi inclinatio-
 ni resistere, at à praua consuetudine vix ac ne vix quidem desistere possumus. Pa-
 rentes qui probos & morigeros habere liberos cupiunt, omnia eorum dicta, facta, adeoque vestigia quam accuratissime obseruare, nec ad vllum eorum peccatum con-
 niuere oportet. O stolidos, immo impios, qui tanquam indomito equo laxas iuuentuti habenas permittant. Quid enim aliud sequi potest, quam vt velut furore quodam acti in omne scelus, ac tandem præsentissimum exitium præcipites ferantur? Multis in rebus solertiori sunt ingenio bruta animantia quam homo. Illa enim si quando lapsa aut læsa fuerint, ab ijs locis &
 rebus

*Consuetudo
 expelli non
 potest.*

rebus diligenter postea abstinere, adeo ut nec fustibus eo adigi queant. At improbi homines vnum idemque peccatum etiam cum magno suo malo perpetrare, pro ioco & ludibrio habent. Multa in hac vita ab hominibus designantur flagitia, quorum poenas Deus sibi in alterum illud sæculum reservat: at parentum in filios nimiam indulgentiam pravamque educationem Deus hic plerumque, & quidem per ipsos filios, tamquam parentum carnifices, vlciscitur. Neque enim dubitandum est quin isti pro scelerum ad quos parentes in adolescentia connumerunt numero, æque magnum, immo maiorem dolorum atque ægritudinum numerum fideliter in senectute sint reposituri. Sic sentio, capitaliorem hostem honesto patrifamilias contingere non posse, quam male educatos luxuque perditos liberos. Hostium enim iniurijs fortunæ ac vita etiam nostra patent; at filiorum flagitij fama atque existimatio parentum læditur & maculatur. Inspiciens filius ira est patri suo, & dolor matri quæ ipsum peperit, Eoque iterum dico capitaliorẽ hostem esse filium male educatum quàm quemcumque alium extraneum. Hostis enim insidias paterfamilias sæpe ac diu eludit & vim elidit; at vna est perditum filij flagitio ægritudo patri non raro iugulum, ut ita dicam, incidit, vitamque aufert. Quæ cum extraneis intercedunt nobis contentiones, quamvis & suas habeant molestias, alienæ

*Pessimi ha
stes domo-
stici.*

*Peccanti
conuincens
in se crude-
lis est.*

tamen quodammodo sunt, ne tam graui-
ter nos angunt: at quæ domi nostræ & à no-
stris fiunt, cor ipsum sauciant, & acerbissi-
mum aculeum relinquunt. Qui peccanti
filio mitis est, in seipsum crudelis est: & qui
ad flagitia liberorum oculos claudit, latissi-
mam dolori aperit fenestram. Quisquis pa-
ter filio disciplinam subtrahit, illo ipso ca-
pitalem in se sententiam concipit ac pro-
nunciat; & vt apertius dicam, honorem at-
que existimationem suam æternæ addicit
ignominia, & quasi patibulo nomen suum
ffigit. Apud Romanos olim & alias quas-
dam gentes mos fuit, vt primum filij seu iu-
uenis delictum verbis, secundum multa
aut aliqua alia leuiori pœna, tertium verò
capite puniretur. Ea lex si hodie quoque v-
surparetur, credo ego nec tantam iuuentu-
tis passim improbitatem, nec tantam paré-
tū erga liberos indulgentiā fore. Nunc vero
quoniam liberorum flagitia à patribus dis-
simulantur, & à matribus, pæne dixerim,
adiuuantur, fit vt illi ea designent quæ
deplorari citius quam emen-
dari possunt.

Ad

IN OGVM OSO-
RIVM

EPISTOLA:

*De hominum in ijs qua scire volunt aut debent
ignorantia.*

Ornelius Ruffus, Quintij Cincin-
nati temporibus coequalis, quum
aliquando sanus ac bene valens
cubitum concessisset, in somno
oculis sibi priuari à puero vt cæcus duci vi-
sus est. Nec somnium hoc modo, sed & res
ipsa fuit. Expergefactus enim mane Ruffus
quauis talpa cæcior, nec cælum nec terram
potuit contueri. Thebanus quidam multos
annos continua febris laborans, tandem in-
stāticum hostibus prælio se se immiscuit,
acceptoque ingenti vulnere, non ex eo tā-
tum, verum etiam ipsa febris conualuit. Ma-
millus Bubulus Hetruscorum Rex in præ-
lio itidem sauciatus fuerat, ita vt sagittæ
vincus vulneri in collo adhæresceret. Eidē
in venatione ceruum insequenti, & ab eo
quo cespitante effuso, vincus sagittæ ex ore
excidit, ac pristina sanitas fuit restituta. Ex
quo facile potest intelligi ignorare plerū-

*Prodest se-
pe quod no-
ces.*

*Quidque est
prout res e
generis.*

Que homines quæ optanda quæ fugienda, quæ eligenda quæ reiicienda sint : adeo vt cum Satyrico merito exclamare possimus : *O cæcas hominum mentes ! d pectora cæca ! quantum est in rebus inane !* Ecce enim Ruffus in dulci somno oculis & lumine priuatur ; e contra Mamillus in casu periculossissimo magna vlnneris molestia & dolore liberatur. Omnia huius mundi nihil mali in se habent ; sed pro renata vel bona vel mala sunt. Quæ bene eueniunt, bona censentur ; quæ male, mala. Quapropter sapienter eos facere puto, qui nec quidquam optant, nec quidquam abominantur, priusquam rei cuiusque euētum plene cognoscant. Quid velim, credo, intelligis : nimirum vt tibi gratuler, triennialibus quartanæ febris molestijs non ita pridem noua superueniente molestia liberato. Mirabilis hic casus facit vt iterum dicam, ac quantum possum exclamem, nescire nos quid bonum quid malum, quid vtile quid noxium nobis sit : adeo vt sæpe ea sequamur quæ fugienda, & fugiamus quæ sequenda atque optanda sunt.

Inter alia illud quoque salutariter diuinus monet Plato, vt nunquam illa ad deos precatione vtamur : Date mihi hoc vel illud, sanitatem, diuitias, &c. sed hac : Date mihi quod vobis placuerit, quodque vtile mihi esse scitis. Quæ sane precandi formu-

la cum ea quam ipse Saluator & D. N. nos docuit, quã optime cõsentit. Israelitici populi imperium initio Iudices administrarunt; quorum illi pertæsi, regem à Deo petierũt. Et petitioni ipsorum Deus quidem, etsi quodãmodo inuitus, annuit; sed ea insequuta sunt vt tum demum populus votũ suum damnarit quum pœnitentiæ locus non esset.

Verumenimvero vt sese isthæc habeãt, tibi ego, ac præsertim hac ratione febri molestissima liberato, iterum atque iterũ gratulor. Credo equidem si eodem quo tuus ceteri omnes morbi remedio sanari possẽt mcerorem & indignationem (his enim cõualuisse te aiunt) maiori in precio quã rhabbarum, cassiã fistulam, aut quodcumque aliud vnguẽtum aut potionem fore. O quam multi tam viri quam feminæ, si mcerori, gemitibus & lachrymis emtores reperrantur, breui ditescerent. Hæ enim tam vulgatæ sunt merces, vt nulla vel vilissimæ domus officinã sit, in qua non affatim reperriantur. Me ipsum vide: cuius quos edo quotidie gemitus, & quas cõtinue sentio sollicitudines si Medinensibus nostris remedio esse possent, equidẽ vel momento eã me instructurũ officinã confido quæ vniuersæ Hispaniæ, atque etiã Galliæ satis futura sit. Multis multa decisse vidi; at cui sollicitudo

*Mæroris v
bi que offa-
sim.*

ac tristitia defuerit, hætenus ego vidi ne-
minem. Nulla domus, mihi crede, tam opu-
lenta, nulla tam bene instructa est aut vm-
quam fuit, in qua non pecunia aliquando
defuerit, & mæror abundarit. *Spiritus tristis*,
inquit Sapiens, *exsiccat ossa*. Sed quid? an tu
ad hoc non Sapiens modo, sed ipsius quo-
que experientiæ scitum refutandum natus
es? vt cui mæroris æstus non ossium me-
dullas, sed prauos corporis humores exsic-
carit. Gaude & triumphā, mi Olori, cui re-
medium tam facile est ac semper paratum.
Si enim in morbum porro incidas, video
quid nobis agendum sit. Nimirum ad irā te
prouocabimus, aut aliā mæroris causā
obiiciemus. Quid dubitas? statim sanus ex-
silies, & morbum valere iubebis. Sed citra
iocum: nequaquam mihi tua placet condi-
tio aut corporis complexio, cui ægro non
consolatio, sed irascendi ac mærendi mate-
ria suggerenda est, quum alij quibus tam
bruta natura non obtigit, in ira ac mærore
à se depellendis, pecuniæ non parcant, & ab
istis rebus liberum esse non minimā feli-
citaris partem putent,

Quod si meo vti velis consilio, suadeo
vt gaudeas quidem te à febris liberatum; at
ex iracundia & mærore id factum, id om-
nino ne fateare: ne pro iracundo aut cere-
broso, vel etiam male morato homine ha-
bearis. De nostræ Aulæ moribus nihil scri-
bo,

bo, ne epistola mea in aliorum manus incidat, & minus ex quo non acciscatur interpretes. Vale.

Ad

FRANCISCAM DE
GVEVARA

EPISTOLA:

*qua emblemata quoddam, & vis amoris
explicatur.*

Charissima soror, eademque arrogans
virgo:



I non frater, sed amator tuus es-
sem; aut si tam desponsare te mi-
hi quam alij videre desponsatam
cuperem, causam fortasse habe-
res ex me quod scire petis querendi, & quod
desideras petendi. Quid tu mihi animi esse
putas pristinos tuos res cum presentibus
comparanti? Meministi quum mecum
esses; quam deuote sacra frequentaueris,
quam impigre loca sacra obieris, quam re-
ligiose ieiunaris, quam saepe confessa, quam
frequenter sacra communione usa fueris.
Quid? an haec omnia postquam Regina gy-
naeco adscripta es, in amatorias nugas lese
verte.

verterunt. Alphonſi Tellis domus profeſſo, in qua pariter mecum educata es, inſtar ſanctiſſimi fuit ſacrarij, cui ſane vix tota Hiſpania ſimile exſtitiſſe credo: eoque magis miror qui fieri potuerit vt tã cito munitatis moribus, è religioſa, mundana euafe-rit. Sed vtut hæc ſeſe habeant, quum germania mihi ſis, & quidem cordi meo vnicè chara, facere non poſſum quin petitioni tuæ ſatisfaciam, ac paullulum potius à profeſſione mea deſectam quam vllum meum in te officium patiar deſiderari: ſolenniter interim proteſtans, nullam aliam ob cauſam hæc à me ſcribi, quam vt tibi tuiſque ſociabus in hoc gratificer, & forte an melius quid quam quod petitis demonſtrem. Quod ſi hunc ipſum meum conatum calumniari quis nihilominus præſuſerit; eum ego Anticyras potius relegandum quam Aulicorum numero adſcribendum cenſeo.

Scribis ab amatore tuo elegans aurum emblema tibi dono datum, cui ſequentia verba inſcripta ſint: *Viuo, ſed iam non ego, verum illa in me viuit quæ mihi meipſo charior eſt.* Horum verborum quis ſentus ſit ex me ſcire cupis.

Dicam quod ſentio. Ac primum, eum qui tibi iſtud tam egregium donum dedit, amicum tuum eſſe nego. Amator forſan ſit, amicus certe non eſt. Amicus enim
ſemper

semper quidem amat; at qui amat, nō semper est amicus. Quid ergo? Apud vos in aula multi tam iuuenes quam prouectæ ætatis homines vos sequuntur, vobisque seruiunt qui vt amatores vestri vel amabiles dicantur, Amici certe dici non possunt. Ij namque omnes videre vos, audire, conferre sermones ac conuersari vobiscum mire gestiunt, atque adeo si quā paullo amabilius ipsis innuerit, beatos se putant: at vbi de matrimonio iungendo fit mentio, tergiuersantur, atque etiam rident vos ac nalo suspendunt adunco. Ex horum numero plane mihi videtur is esse qui te tam præclaro dono affectit. Quisquis enim multa tibi promittit ac pauca largitur; ac verbis liberalis, sed rebus parcus est, hunc tu nequaquam amicum esse putato, sed honori tuo insidiari. Quapropter te etiam atque etiam monitam volo, mea soror, semper vt memineris, quæ nā & ex quibus orta sis, & quid in futurum quæras aut speres. Memineris, inquam, te esse Beltrami de Guevara filiam, & quidem è nobilissimo totius Castiliæ sanguine natam. memineris te in aula Regia & lectissimarum feminarum ac virginum versari gynæceo, vbi quæ fideliter ac honeste Reginæ seruiunt, ad summa ac honestissima promouentur. Si quæ tamen quali neglectæ prætereuntur, magis id sua ipsarum culpa & secordia, quam Regis

*Ainant
multi sed
non ducunt.*

*Gratia sepe
pro dote.*

ac reginę culpa fit, vt qui nihil prius habent
quam vt omnes pro suo quemque merito
remunerentur. Memineris quoque cum in
finē te in gynæceum datam, vt tanto facili-
us honestis tuoque genere dignis nuptijs
potiri queas: siquidem constat in ambien-
dis regij gynæcei virginibus plerosque ma-
gis gratiam Regum quam dotem spectare.
Et te quidem quum adolescentula sis no-
bilis, formosa, & ob morum amabilitatem
plerisque, & præcipue ipsi Reginę grata;
non video quid impedire possit; quo mi-
nus honestum ac luculentum connubium
consequaris, modo tibi ipsa non obstes, sed
honorem tuum atque existimationem illi-
batam conserues. Vt enim in monasterijs
bona conscientia ad salutem, ita in aula bo-
na fama ad honestum coniugium præcipue
& ante omnia valet. Nec formæ tuæ, nec
generis nobilitati confidas suadeo. Si enim
decem sint inter aulicos qui tui tuique si-
milium amorem ambiūt, centum, mihi cre-
de, alij sunt qui in vitam moresque vestros
inquirunt.

Ais, totum gynæceum à me petere, vt
quid amor sit, in quo consistat, & quibus ex
rebus verus amor dignosci possit, demon-
strare velim. Sed quid hoc? nunquid præ-
postere à vobis factum? Quum enim e. rca
amoris negocia vos quotidie versemini, de
amore cogitetis, loquamini, ac tractetis,
magis

magis conueniens fuerit, uti ego ex vobis
quid Amor, vos ex me quid Dolor sit,
quærat. Religiosi enim est (qualis ego
sum) dolere & plorare; gynæcei vero mos
est saltationi atque amor operam dare.
Verum enimvero quum Amicitiae vim
iam supra tibi explicauerim, nunc quo-
que Amoris vim paucis ostendam; non ut
iustruptione mea in hoc rerum genere e-
ruditiorem, sed admonitione mea cauti-
orem te reddam. Malo enim ut ames tam-
quam Christiana, quam velut mulier.

Ante omnia operam dabis, mea soror,
ut prudens, taciturna, honesta, verecunda,
& imprimis erga Deū pia sis & religiola;
tum ut in fortunæ tuæ subducendis rati-
onibus plus te vnam quam quoscumque
alios respicias. Quidquid enim tandē fu-
turū sit, à rege quidem forsitan dotem, ab
vno vero & solo Deo maritum expecta-
bis. Cauē vana sis, leuis, nugax, & cicadę
instar garrula: cuiusmodi quę sunt, ea-
rum quidem colloquia aulici plerique
expetunt, sed coniugium auersantur. Præ-
clarę muliebris sexus dotes sunt, in vultu
grauitatem, modum in sermone, prudenti-
am in actionibus, in omni denique vita
honestatem quandam præse ferre. Etiam
leuissimus quisque formosæ quidem amo-
res, sed solius virtute præditæ coniugium
venatur.

*Solus Deus
verus para-
nymphus.*

*Amantium
conditiones.*

*Amoris
qua vis.*

Indicia.

Sed vt ad propositum redeam, equidem non ignoro quæ virginum vestra sit de Amore opinio, nimirum vim eius omnem in eo consistere, vt amans nitido utatur vestitu, vt cogitabundus ac tristis incedat; vt ante ædes & ostium amatæ obambulet, vt oculos emissitij, suspirijs, verbis denique delensificis amorem indicet, & amatæ animum expugnet. At tu mihi crede, hæc omnia meram sapere vanitatem, vel potius leuitatem. Verus enim amor infirmos confortat, excitat languentes, obliuiosis memoriam, prudentiam fatuis, desperantibus solatium, vitam denique moribundis restituit. Proprium vero amoris est, vt cuius animum semel occupauit, eum numquam ociosum esse patiatur; & quod caput est, dum quærit id quod amat, non sentiat id quod patitur. Qui oculos in rem aliquam tamquam eximiam defigit, multum interest laudetne eam vel amet. Quæ enim laudamus, nec amamus tamen, facile ex animo effluunt: at quod vere amamus, in eo omnes nostræ ponuntur cogitationes, eò omnis nostra fertur voluntas, id animo nostro, id oculis assidue obuersatur, id denique velut sigillo obsignatû, corde gestatur. Amoris indicia sunt, sibi ipsi placere ac displicere, tristem esse ac lætum, lentum atq; impigrû, fortem ac timidum, in summa denique spe despe

desperabundum. Omnino vero hoc in amore pessimum est, quod amans nō quid sibi in futurum conducat, sed quid in præsens gratum sit, peniti habet. Nulla vero in re verus Amor facilius agnoscitur quam quum amantes à se inuicem diuelluntur. Tum enim cor amantibus medium scindi videtur; tum inter mutuos amplexus vni verba desunt, alteri lachrymæ ex oculis vbertim fluunt. Sed & hoc certum veri amoris tam argumentum quam experimentum est, si amans ob nullam quamcumque rem ab amore diuertere se patiatur. Multi enim blandis verbis amorem alicuius præ se ferunt; quem tamen mox ob leuem causam desertum patiuntur. Hos equidem nequaquam amantium sed vicinorum tantum aut notorum nomine dignos censeam. In amoris enim domo nec manus umquam in dando, nec cor in amando deficit. Cognoscitur quoque ex eo amor, si amans amati causa res arduas aggrediatur, viles vero aspernetur. Amans enim nec amati imperium vlla tergiversatione, nec petitionem vlla excusatione eludere sustinet. Qui parum dat, parum amat, & qui hoc vel illud in aliquo amat, etiam hoc vel illud dat: qui autem vere amat, nihil omnino denegabit. Qui enim amore suo aliquem, multo magis fortunarum participatione dignum iudicabit.

Amans nihil suum habet.

*Amor puit
entiam re-
quiit.*

Sed & amantis partes sunt, non prudenter tantum omnia agere, verum etiam patienter ferre, dissimulare, ac con-
nuere. Qui enim mutuo se amant, ij fa-
cile non solum ab iniuria alteri inferen-
da, verum etiam omni verbo aspero aut
iurgio sibi temperabunt. Illa quoque a-
moris lex est, præsertim inter aulicos, vt
taciturni sint ac veluti muti. Veri enim
amoris interpret est non linguæ verbum,
sed cordis suspirium. Hoc pro certo ha-
be, mea soror, fuitiles ac leues amatores
lingua, sed veros amatores corde tantum
loqui, atqui amor inter labra tantum na-
tans, cum ipsa oratione euanesce; cordi
vero infixus, quanto magis continetur,
tanto magis accrescit. Si scire cupias quid-
nam omnium rerum quam maxime a-
mes, cogita de quo plurimum cogites ac
loquaris. Verus enim amor dissimula-
ri quidem aliquantulum, occultari vero
diu non potest. At si scire velis quid A-
mor sit, Epictetum audi, sic describen-
tem. *Amor est ociosus pectoris molestia: in puero
pudor, in virgine rubor, in femina furor, in iuvene
ardor, in senere risus, in derisore delicti nequitia.*
At pessimus Amor est is qui impudicitia
am producit: quam prisce Sapientes mon-
stro leonis caput & draconis caudam ha-
bente depinxerunt, eo quod violenta res
Amor sit, eius vero voluptas pœnitudi-

Amor quid

nem

mem ac dolorem indiuisos habeat comites. Quia vero mea ipsius non dico frons, sed penna etiam plura hac de rescribere erubescit, non sane dubito quin aliorum etiam plurimorum iudicia mihi subeunda sint, sic ubi epistolam hanc legerint ratiocinantium: O egregium monachum Gueuaram ! qui de Amore deque Amantium cruciatibus sic loquitur, sic scribit, ut nihil aliud quam amor operam dedisse videatur. Quibus hoc responsum volo. Quum in mundo natus, in mundo educatus, cum mundo conuersatus sim, nihil mirum videri debere si cum mundo etiam aliquando mundanis rebus sim abusus. Sed gratias quantas angustia peccatoris mei capere potest, Deo ago quam maximas, quod me è mundo extractum, ad religiosæ vitæ perfectionem perduxit, in qua peccatorum agere poenitentiam queam. Quod vero de Amore hoc quidquid est scribere ac disserere volui, Deum ac conscientiam meam testem laudo, non ideo à me factum ut Amandi artem quæquam doceam, sed ut ijs qui Amoris vim nondum experti sunt, quam noxia quamque luctuosa res sit demonstrarem, quocum non minus quam Scyllam aut Charybdim vitare discant. Si enim vel semel amore irretiri se passi fuerint, iam ante

*Ab homine
nihil huma-
ni alienum
putandum.*

prædico, millies errorem suum deploraturos, at ne semel quidem emendaturos.

Explicatio verborum supra positorum.

VErum ut ad donatæ tibi monetæ & verborum adscriptorum explicationem veniam; hæc quæ tu modo ab amatore tuo, ego iam olim à D. Paulo accepi. quæ quidem non eo quo ab illo tibi missa, sed quò à D. Paulo scripta sunt sensu tibi explicabo.

*SS. literis
non abuten-
dum ad res
profanas.*

Principio impium illum ac sacrilegum detestor atque abominor, qui tam sancta verba ad rem tam profanam detorsit. Neque enim sacrarum litterarum monumenta eo fine consignata sunt, ut monetæ & id genus emblematis, sed ut Christianorum cordibus inscriberentur. Sed expendamus quid D. Paullus, quid item amator tuus scriplerit, ut intelligas quantum inter utriusque sententiam intersit. Amasij tui verba sunt: *Viuo ego; sed iam non ego, sed in me viuit quæ me mihi charior est.* At D. Paulus ita loquitur: *Viuo ego, sed iam non ego, sed Christus solum in me viuit.* Dixi, iterum atque iterum dico; Male sit pessimo isti nebuloni, qui ad vanos suos amores sacra scriptura tam turpiter abutitur. O sancte Paul-
le!

le! Credo equidem si umquam suspicatus fuisses, fore ut verba tua, quibus ardentissimum Christi amorem ostendere voluisti, ad aulicum amorem transferrentur, ac veluti formula eius adhiberentur, numquam te ea dicturum, multo minus scripturum fuisse. Ante omnia ergo rogatam te volo, amantissima soror, ut monetam cui verba hæc inscripta sunt, statim confringas, aut verba illa deleri cures. Id nisi feceris, & Paullum tibi semper iratum, nec me umquam germanum tibi fere, persuasum habe. Sed ad rem.

Ait Apostolus: *Viuo ego sed iam non ego, sed uiuit in me Christus.* Obscura sane, atque adeo ænigmati similia hæc verba videntur. Quid enim hoc est quod dicit Apostolus, Viuere se, nec tamen se viuere? Quid? an non hæc maxime contraria, esse & non esse, viuere ac non viuere, vitam denique ac mortem copulare, atque vni veluti domicilio alligare videtur? Quocirca ad verba hæc bene ac recte exponenda non tam singulari ingenij acumine quam diuina gratia opus est. Non sine causa vero dixi, obscurum atque adeo obscurissimum esse hoc D. Paulli dictum: Ait enim se viuere; statim deinde addit, se non viuere; tum subiungit, et si

Viuere & mori quid sit.

viuat, non tamen se, sed Christum in se vi-
uere: sic vt gloriari videatur se vitam cum
eo qui vitæ dator sit & auctor, commu-
tasse. O diuine Apostole! quamuis tua om-
nia sint præclare dicta, fateor tamen me
verba ista tua legere quidem posse, non tã-
men penitus intelligere, multo minus
gustare posse. adeo vt si intelligere te ve-
lim, exeundum mihi à me ipso sit. In quo
enim Christus viuit, & qui in Christo vi-
uit, is neque in se viuit, neque de se quid-
quam nouit. Tam tener namque diuinus
est amor, vt cum nullo alio cuiuscunque
extraneæ rei amore copulari queat. S. Au-
gustinus verba hæc explicans, ait: *In eo quod
quisque diligit, in eo viuit.* Quasi diceret,
tantam vim esse amoris in corde quod oc-
cupauit, vt vltro à se exeat, & in id quod
amat, immigret; sic vt non minus ei qui a-
mat quam qui amatur, vitam præbeat. Si
tu, ò amator, te ipsum ames, in teipso viuis;
si amicum, in amico viuis; si Christum, in
Christo viuis. Vnde fit vt omnes qui se
mutuo amant, vno corde sint contenti, &
vno desiderio acquiescant. Quanta ergo
amanti diligentia adhærenda est prius vt
bene consideret quid sit id quod amat
quam amare incipiat! Qualis enim fuerit
amor quo teneor; talis erit vita quam ago.
Qui male amarit, male etiam viuet; qui ve-
ro bene vixerit, bene etiam amabit: adeo

*Sibi mor-
tuum Christo
viuit.*

*Amo, sed
vide quid
amem.*

vt si male collocatus sit amor, totum etiam vitæ tempus male collocetur. Non dicit Apostolus: Video Christū, audio Christum, tango Christū; sed ait Viuo in Christo. Neque enim vita in oculis quibus videmus, neque in manibus quibus tangimus, sed in corde quo amamus, consistit. Quapropter amor Christi & cor Pauli quamuis non eiusdem fuerint essentia, vnum tamen idemque desiderium habuerunt. Qui ex toto corde ac pectore amat, de eo quod amat semper cogitat, quod amat semper habet præ oculis, de eo quod amat semper loquitur, quod amat omni obsequio demereri sibi ac deuinci-reconatur, quod denique præstantissimū habet ei dat quod amat, nempe cor suum. **Mimus circumfertur vetus;**

Amans iratus multa mentitur sibi.

Quo significatur animum ægrum atque irritatum multa minari nec exsequi, multa promittere nec implere, multa suspicari nec indagare, multa denique dicere nec facere: siquidem nouit forte quid amet, non vero animaduertit quid loquatur. Nec ab hoc loco alienus & hic mimus est;

Amoris vulnus idem qui facit sanat.

quo innuitur, valde periculosum esse Amoris vulnus, quum medicina in eiusdem manu sit qui vulnus inflixit; sic vt in Amo-

*Amor man-
di, Mors.*

ris castris is qui medetur vulneret, & qui vulnerat medeatur. Sed nugashas atque ineptias vanis ac mundanis hominibus relinquamus, qui dicere non possunt; Viuo ego, sed iam non ego: sed potius: Morior ego, sed iam non ego: vt qui neque vere vmquam viuere incipiant, neque mori vmquam cessent. Cor amore Christi flagrans, nullum sui ipsius sensum habet, de se numquam cogitat, se non amat, se non desiderat; sed quasi extra se positum, ac domi peregrinans, immo ab omni sui conuersatione alienum, cum Apostolo dicit: *Viuo ego, sed iam non ego, sed uiuit in me Christus.* In hominibus ingenio ac consilio promptis, & sæcularia negocia impigre ac sedulo obeuntibus viuendum esse spiritum dicere solemus: quibus tamen sæpe nulli magis sunt mortui. Nimium enim quantum inter se differunt, Viuere in Christo, & viuere in Mundo! Vt namque vitam acquiramus, vita nobis perdenda; & vt viuere possimus, moriendum nobis est: sic vt qui Christum sequi velit, seipsum persequi; & vt faciat id quod debet, id quod cupit fugere atque intermittere debeat. Numquam Christus in Apostoli cor immigrasset, si ille non à seipso exisset; numquam in eo vixisset, si non sibi ipsi prius fuisset mortuus. Ex quo sequitur, vt Christus in nobis uiuat, propriam vi-

*Vita mors
est, mors
vita.*

tam

tam quasi nobis abdicandam esse. O Iesu benignissime ! ô vnica animæ meæ vita ! Vtinam vere cum Apostolo dicere possim : *Viuo ego , sed iam non ego , sed viuo in me Christus !* Viuo ego in te quando humilis sum ; viuo in me quando superbio ; viuo in te quando te laudauero ; viuo in me quando mundi vanitatibus fuero deditus ; viuo in te quando te amauero , viuo in me quando tui fuero oblitus : sic vt viuam tibi , mihi moriendo , & viuendo tibi , mihi moriar.

Ex his quæ dixi hæctenus , facile dispicere poteris , mea soror , quanta differentia sit inter id quod D. Paullus in epistola sua scripsit & id quod amasius tuus monetæ inscriptum ad te misit : quam rogo iterum atque iterum vt quamprimum cōfringas , ac confractam ei remittas . neque enim bonam tuam indolem ipsius stultitia corrumpi par est . Toti denique gynæceo meis verbis salutem dices , lectisque his literis admonebis , vt primam huius epistolæ partem tamquam ab aulico , alteram vero tamquam à Christiano profectam accipiant atque interpretentur . Equum vero esse , vt id potius quod velut prædicator , quam quod velut peccator exposui , laudent ac memori animo recondant . Tibi interim munusculi loco mitto frustum panni Hollandici lintei , thecam

*Non tam
quid quam
quomodo
dicatur , con
siderandum*

thecam scriptoriam, & librum Horarum: neque dubito, fore, vt quæ dixi, nimis multa, quæ mitto, nimis pauca tibi videantur; atque adeo vnà cum sociabus tuis prius de verbis meis querelam instituturam, quam vllum ex libello illo horarum pensum persoluturam. Vale etiam atque etiam, mea soror: quam felici coniugio auctam vnice videre exopto. Burgis III. Iauuarij MDXIX.

Ad

FRANCISCVM
MANRIQVES, &c.

EPISTOLA

In qua ostenditur, quam periculosum sit maritis coniugij fidem violare.

Difficile est
quidquid in
aui fac-
mini.



Escio equidem an vel charta nimis aspera, vel atramentum nimis crassum, vel calamus male temperatus, vel alia causa tertiùm iam mihi epistolæ huius scripti- onem auspicanti, remoram obiecerit, ad- coque fecerit, vt quæ iam scripseram, sem- per vel deleuerim vel eraserim, chartam deni-

denique ipsam confiderim atque abiecerim. Scribenti mihi non raro memoria tam facilis ac fecunda, & eloquentia tam prompta est, facillime ut omnia ad manum succedant, ac verba etiam non vocata vultro sese offerant; e contra nonnunquam is ingenij mei stupor, ea iudicij tarditas est, ut nec quidquam quod vel dictu mihi, vel alijs lectu dignum videri possit, in mentem veniat. Sed enim rem postea accuratius perpendens, facile intellexi nihil aliud & ingenio meo nubem, & pennæ meæ remoram obieciisse, quam querulum illum & infelicem vitæ statum in quo iam cum cognata mea Teresia versaris; cuius fortuna non minus consolatione indiget, quam vita tua correctione. Equidem omnia expiscatus sum, ut pernoscerem utrius culpa matrimonio vestro labe hæc atque infelicitas obuenerit. At nisi vel ego ipse, vel alij me fallant, illam quidem omni culpa vacare, eamque tibi soli imputandam esse deprehendi. Quod si illa culpæ quocumque modo affinis esset, hoc tibi de me promittas velim, neminem ab illa acerbiores pœnas quam me ipsum expecturum. Nobiles enim & generosæ mulieres ob grauiâ delicta non verbis tantum castigandæ, verum etiam morte & supplicijs acerbissimis afficiendæ, atque adeo viuæ defodiendæ sunt. In viro enim plus

*Mulier etiam
suspicio-
ne carere
debet.*

plus non requiritur quam vt probus sit; at in femina non satis est vt proba sit, nisi etiam proba videatur. Quum ergo vxor tua, mea cognata, non solum honesta ac proba sit, verum etiam ab omnibus pro tali habeatur; mihi innocentiam ipsius defendenti tuamque culpam accusanti ignoscere debes; non ignarus à cognatis atq; amicis & cōsilia petenda, & remedia acceptanda esse.

*Qualis vxor
ducenda.*

Philosophus quidam rogatus, quali cum muliere matrimonium esset contrahendum, respondit, cum ea quæ sit nobilis, vt maritus propter eam honoretur; quæ diues sit, vt vitam tanto melius sustentare possit; quæ sit iuuencula, vt marito seruire queat; quæ formosa sit & casta, ne pudicitia eius custode opus habeat. Si quis vir vxorem absque his conditionibus elegerit, cum eo melius actum iri existimo, si pompa ipsi funebris, quum si thorus nuptialis adornetur. Neque enim quidquam est infortunatius eo qui in vxore eligenda aberrauit. Recte tamen ac vere à Boetio in libello de consolatione Philosophiæ dictum existimo, *nihil esse ab omni parte be-*

*Nihil in hac
vita perfectum.*

atum Id quod tam in naturalibus quam humanis rebus omnibus experientia demonstrat. Ignis calore suo corpus fouet; ardore cruciat. Aer temperatus re-

creat;

creat; distemperatus, valetudini officit. Terram laudamus, ut quæ omnis generis fruges nobis producat; eam vero auersamur, quæ & seminantibus ingrata est & sterilis, & scrupositate sua nostros ambulantium pedes offendit. Aquis tam fontium quam fluminum, quod illæ sitim restinguant, hæ vero pisces nobis, aliasque commoditates præbeant, delectamur: eadem tamen plurimos homines absorbent, & eluuiionibus magnas inferunt calamitates. Iumenta magni facimus, ut quibus vehimur, & quibus agros nostros aramus; eadem tamen difficile gubernantur, & magnis cum impensis aluntur. Cibus abundans & superfluous vires tam corporis quam animi suffocat; nimis tenuis, debilitat. Diuitiæ curarum, paupertas molestiarum plena est. Solitudo tristis, frequens turba morosos facit. Qui alto & acuto sunt ingenio, plerumque stultitiæ aliquid admistum habent; qui rudi, pecoribus pæne sunt accensendi. Qui diuortium facit, auctoritatem perdit; qui uxorem seruat, infinitas curas & molestias sibi seruat. Qui liberis in matrimonio carent, orbitatem suam; ipsi eadem aucti, curas & labores suos deplorant. Assiduo labore corpus defatigatur, raro languescit.

Iam ad homines qui vniquam vixere celeberrimos veniamus; sane tam quod vituperium quam quod laudem mereatur deprehendemus. Herculis robur ac fortitudo commendatur; eiusdem tamen tyrannis vituperatur. Thebani Alcmanem vt sobrium laudant, in eodem tamen linguæ petulantiam notant. Lacedæmonij Lycurgum velut reipublicæ regendæ peritissimum commendarunt, eundem tamen vt minus æquum iudicem calumniati sunt. Athenienses Platonis diuinam doctrinam ad cælum vsquæ extulerunt; sed eiusdem notarunt parcimoniam. Æneas Troianus ob pietatem erga patrem bene, ob perfidiam erga patriam, male audit. Iulij Cæsaris laudatur mansuetudo & ad ignoscendum facilitas; eiusdem notatur superbia & fastus. Bellicosus fuit Hannibal, sed versutia adeoque perfidia plenus. Balduinus Longobardorum dux ob beneficentiam & liberalitatem commendatur; idem tamen ebriositatis infimulatur. Eloquentiæ laudem in Phalari crudelitas obscurauit. Denique da mihi quemcumque alium quantumuis magnum, cui non labe-cula aliqua fuerit aspersa? Non est sine fure farina, non sine putamine nucleus, non sine cortice arbor, non sine palea granum, non sine vitio homo quicumque. Quod si inter viros nemo omnibus perfe-
ctus

Etus virtutibus reperitur, sed magnis ple-
rique sunt vitijs obnoxij: quid de mulie-
bri sexu dicemus, qui & natura imbecil-
lior est, & facilius seduci potest? Mihi vl-
timam pueritiæ meæ memoriam recolens
ti vix quidquam frequentius auditum oc-
currit quam virorum de vxoribus & v-
xorum de viris querelæ: inter quos si ego
constituar arbiter, illorum causam iustā,
harum vero non iniustam pronunciaue-
ro. Vt enim diuersa vterque sexus ratione
creatus fuit, sic vtrique diuersæ admodum
conditiones atque affectus sunt innati.
Præter vnum Dominum & Seruatorem
nostrum I. Christum, matremque Virgi-
nem benedictam, nemo vmquam culpæ
fuit expers: sic vt meo iudicio non tam
scandalizari debeat qui alios videt peccā-
tes, quam mirari si quemquam quidquam
videat boni facientem.

Sed quorsum hæc tam multa? Eo nem-
pe, mi affinis, vt in memoriam tibi reuo-
cem coniugium quod cum Maria Teresa
cognata mea olim, & illa tecum, non vlla
coacti necessitate, sed mera voluntate in-
ducti contraxistis. Illa enim quia virgo e-
rat ampliter dotata; tu quia fratrum natu
maximus, opulentam hæreditatem creue-
ras, facile vterque luculentam matrimo-
nij conditionem inuenissetis. Sed tu velim
cogites, satis illam a te visam, omni obser-

*Vberes que-
relæ & ius-
sæ in ma-
trimonio.*

*Matrimonia
vltionea.*

*Nulli omnia
conspiciunt.*

uantia & seruitio cultam, atque etiā adeo multa importunitate exambitam, cum in finem, vt relictis alijs, te maritum sibi deligeret. Quod quum illa fecerit, alijsque repudiatis conditionibus, se tibi mancipauerit; non video quomodo æquum sit, vt tu ipsa posthabita, alijs iam placere studeas. Quod tanto magis mirum mihi videtur, quod sciam paucos tui similes tam generosam, opulentam, ætate & forma florentem, tantisque virtutibus ornati habere vxorē; sic vt ex aulicis nemo tibi condoleat, inuideant fere omnes. O quam multas videmus mulieres, quæ si vel maxime diuites sint, formosæ tamen non sunt; aut si formosæ sint, non tamen sunt nobiles; aut si nobiles sint, non tamen castæ sunt ac ceteris sexu illo dignis virtutibus præditæ; aut si quibus oportet virtutibus ornatae sint, non tamen sunt iuuentulæ; aut si iuuentulæ sunt, aduersa tamen fama laborant: sic vt maritis plorandi, & amicis gratiam inter coniuges refarciendi numquam desit materia. Tam prospere ac feliciter nonnulla eueniunt coniugiâ, vt diuinitus facta; alia vero tam infortunata sunt, vt ab ipso diabolo, (si ita loqui licet) conciliata videantur. Ex quo merito felices illi, meo iudicio, habendi sunt qui felici coniugio sunt potiti, at quibus mulier nobilis, diues,

diues, iuuenula, formosa & virtutibus ornata mulier contigit, & tamen alienos quærunt ac venantur amores, ijs ego neque stultius neque infelicius quidquam fieri posse existimo.

Sed ut ad rem ipsam propius veniam, sic habeto, Mariam Tereſiam uxorem tuam, cognatam meam, dolenter apud me questam esse, te nocturno tempore domo egredi, lectari scorta, pererrare plateas, prensare lenas, inire diversoria, conducere fidicines, atque hoc modo facultates tuas non sine lummo vitæ discrimine, turpiter abligurire. Quum vero tu antehac vniuersam ferre Galliam, & Lusitaniam, & Italiam ac Germaniam peragraris, iamdudum, mihi affinis, tempus mihi videtur ut nugis istis relictis, sapere incipias, præsertim quum propriæ familiæ cura tibi iam incumbat. Iuuenturis excessus ætati solemus tribuere; at maritorum illicitos amores sectantium, ac sua per summum dedecus abligurientium leuitati nulla omnino potest idonea reperiri excusatio. Vere illud, atque adeo libere affirmare mihi posse videor, qui tam cum uxore quam facit itibus suis calculum male ponit, omnium suarum rerum rationes pessime subducturum. Quod si tu ita ut cœpisti perrexeris, neque cupiditates suas

*Acas alia
alias mores
postulat.*

*Quæ illicitos
amores se-
quantur in-
commoda.*

refrænaueris, nihil aliud tibi expectan-
dum scito quàm exstimationis infamiam,
periculum animæ ac corporis, domesticorum
scandalum, & fortunarum detri-
mentum. Quamprimum enim vxor ma-
riti leuitatem subolfecerit, clam quæ po-
test furripere ac domo exportare incipit.
Quod si non moueat te animæ periculum;
fortunarum saltim damnum te moueat:
quarum, vxore iam ducta, & liberis au-
ctus, non dominus es, sed tutor tantum &
administrator, nec minori pcena dignus
est qui fortunas suas dilapidat quam qui
alienas furatur. Non mouet te fortuna-
rum iactura? at honorem saltim & existi-
mationem tuam tuearis. Quod si honoris
iactura non afficeris; moueat te saltim a-
nimæ periculum; quum tam tenera Chri-
sti lex sit, vt vel cogitatione violetur, &
tam stricta Dei mandata, vt alienas vxor-
es non modo non contrèctare, sed ne
concupiscere quidem liceat. Si non mo-
ueat te animæ, at domus & familiæ tuæ pe-
riculum te moueat. Quamprimum enim
leuium feminarum amores sectari cœpe-
ris, & de tua & familiæ tuæ salute actum
esse exstimato. Quod si nulla te erga do-
mum ac familiam afficit pietas; at capitis
ac vitæ tuæ rationem habe. Sic enim ple-
rumque fieri videmus, vt cui omnes aquæ
dulces sunt, & qui omnium fores pultando
oberrat,

oberrat, tandem propter illas ipsas quarum causa honorem iam ante perdidit, tandem valetudinem quoque, atque adeo ipsam vitam perdat. Credo ego vxorem tuam multo facilius passuram vt parce illam habeas, arcte custodias, incessas conuijs quotidie, immo verberibus contundas, quam vt alienos amores secteris. Neque enim quidquam ægrius mulieri potest accidere, quam si maritum videat secum quotidie expostulantem ac iurgantem, cum alijs vero se oblectantem. Nescio ego, an maior dicenda sit mariti confidentia, res eiusmodi facere audentis; an vxoris patientia, fieri ista sustinentis. Quem enim ad insaniam ista non redigant? maritum foris ridere, domi iurgare; surripere vxori quod amicæ largiatur; amicam bene ac delicate, vxorem male atque aspere tractare; domi cum fame liberis confluantibus, foris alienos pascere ac saginare.

*Mulieris
zeleotypia
laborant.*

Ceterum non Christianæ tantum verum etiam naturalis legis hæc vis est, vt quam fidem vxor marito debet, eandem maritus debeat vxori. Ideoque facile ego mihi persuadeo, si quam prompta mulieribus de viris est querela, tam facilis esset castigatio; nec tam frequentes illarum de viris querimonias, nec tantam marito, um in peccando fore confidenti-

*In Matrimo-
nio reci-
proca esse
debet fides.*

am. Ab illa ipsa hora qua contractum est matrimonium, neque vir neque vxor sui corporis habet potestatem: adeo vt quisquis eius alteri copiam fecerit, fure peior censendus sit. Caue ergo, mi affinis, ne vxori tuæ, cuius ætati & formæ nonneminem insidiari credibile est, causam des amorem suum aliò transferendi. Prognata est illa è Gueuararum, Bassanorum & Roblesiorum stirpe, in qua nulla omnino leuis femina, nec vir dissolutæ vitæ est repertus. Nobis certe quotquot cognatione illam attingimus, abunde satisfacere, si tam fidelis ipsi fueris maritus quam ipsa fidelis tibi est vxor. Quod si nec animæ nec honoris tui respectus hoc vt facias à te impetrare non potest, impetret saltim domesticæ pacis ac tranquillitatis desiderium. Crede enim mihi, voluptates eas omnes quas foris ex alienis ceperis, domum tibi reuerso care admodum constituras, ac multis iurgiis ac conuicijs redimendas fore. Quam sapiens enim, modesta ac taciturna sit mulier, citius tamen vitam amittet quam zelotypiam celabit. Sed neque lenarum neque famularum taciturnitati hac in re fides: qui si vel maxime te non prodant, tanta tamen eiusmodi in rebus vxorum est sollertia, curi-

*Ex vna volu-
ptate mille
doleris.*

curiositas ac perspicacia, ut quo maritorum latibula peruestigent, viuos pecunia corrumpere, & carminibus mortuorum manes euocare non vereantur. Sed quoniam inuitus initio in tam odiosæ rei mentionem incidi, plus quam tempestiuum mihi videtur ut epistolæ huic finem imponam. Vnum hoc prius à te peto ac contendo, ut superioris vitæ culpam emendare velis. Quod si feceris, nobis quidem rem gratam tibi vero utilem, honestam ac necessariam feceris. Sin minus, illud scias me quidem affinem tibi nomine, affectu vero amicum nequaquam futurum. Quod restat, Dei optimi maximi tutelæ teque meque commendi: te, ut melius sapias, me, ut seruire ipsi, ut debeo, possim.

Auilæ VIII. Ianuarij Anno

MDXXVII.

Ad

N. G V E V A R A M,
A V C T O R I S C O G -
N A T A M ,

E P I S T O L A

*In qua eius canicula obitum lugentis
stultitiam irridet.*



T mœrorem tuum, & causam
eius ex literis illinc ad nos scrip-
tis intelleximus; sed, mihi cre-
de, numquam tu tantum ibi fle-
uisti, quantum nos hic risimus. Fuit sem-
per hæc ab initio mundi, atque ad finem
eiusdem erit rerum humanarum condi-
tio, vt flente vno, alter rideat; vno surgen-
te, alter ruat. Sic videas alibi summam in
mari esse malaciam, alibi tempestatem &
procellas sæuire; & in terra hic plueret, i-
bi solem lucere. Sic inter homines huic o-
culi ex fletu, illi ex risu ilia dolent. Quem-
admodum vero tempestatem tranquillitas,
& tranquillitatem tempestas; sic res
aduersas secundæ, & secundas aduersæ ex-
cipere solent; eoque cauendum vt neque
illis deprimi, neque his efferri nos patia-
mur. Neque enim vñquam vllus dolor
tantus

*Variū mun-
di statum.*

tantus fuit quin tandem aliquando cessarit, neque vllum tantum gaudium cuius extrema fere luctus non occuparit.

Nobis quidem hic postquam tam de catellæ tuæ morte quam de tuo inde concepto mœrore renunciatum est, mihi crede, vix ridendi finem facere potuimus. Quid enim magis ridiculum hominem catellæ morte sic affici, vt in febrim incidat, ac lecto decumbat?

Quæcumque in hominum vita eueniunt, triplici fere modo accipiuntur. Aut enim deplorantur, aut ridentur, aut dissimulantur. Me si quis roget quid in hoc tuo casu faciendum sit, equidem nec deplorandum, nec dissimulandum, sed multo risu prosequendum esse censeam. Amasti enim antea vti vana, iam ploras vti fatua mulier. Multis verbis Gaspar Gueuara cognatus noster me rogauit, vt te inuiferem, ac consolarer; quam aiebat non minus catellæ suæ morte affici quam olim ego germanæ meæ sororis Franciscæ fuerim affectus. Cui respondi: Pueros recens natos nec ambulare, nec edere, nec loqui, flere tamen posse; eoque non fletum, sed causam fletus spectandam esse. Prima nostra omnium mater Abelem filium suum, Iacobus Iosephum, Dauid Absalonem, Annas Tobix absentiam, Hieremias propheta Hierosolymitanæ vrbs excidium,

*Aut ploras
mum, aut
ridemus,
aut dissimu-
lamus.*

Lachryma-
rum VII.

Magdalena peccata sua, & Seruator noster Lazari mortem defleuit. Quid tu, mea cognata? Canem nempe luges. quod genus luctus neque audiuisse neque legisse me vllibi memini. Quod si lachrymarum sanguinis guttæ sunt ex corde ad oculos defluentes, multum sane facere existimandus est qui amici mortem deplorat. Immo tantum ego tamque gratum officium præstitisse illum iudico qui vnica lachrymula, amici mortui sepulcrum irrigat, quam qui viuo fortunas suas omnes communicauit. Pedum est ambulare; linguæ, loqui; manuum, laborare; flere, cordis. Sunt enim oculi nihil aliud quam porta visus, & cordis velut spongia, qua ipsius affectus eliquantur. Anxium & afflictum cor medio corpori inclusum, nec pedes habet ad ambulandum, nec manus ad laborandum: sed lingua tantum quid amet indicat, & lachrymis quid doleat, testatum facit. Quod si tam cor quam oculos flentis inspicere liceret, videremus profecto tot sanguinis guttas de corde cadentes, quot lachrymarum guttæ ex oculis promanant. Si enim cor non mœreret, oculi certe non plorarent. Ex quibus sane facile intelligi potest, mea cognata, quam tenere catellam hanc amaueris, cuius mortem tam impotenter defles. Si enim scire velis quid maxime quis-

quisque amet aut oderit, non linguæ verba, sed cordis suspiria spectabis. *Lachryma amoris interpretres.* Lingua cogitationum, at lachrymæ amoris sunt interpretes. Et verba quidem quæ tam viri quam femina loquuntur sæpe ficta sunt; lachrymæ vero quas profundunt veræ sunt. Iniuriam profecto mulieribus viri faciunt, in eo quod lachrymas earum fictas esse dicunt: quæ quidem semper veræ sunt, sed in eo viros decipiunt, quod hoc vel illud se deplorare simulant, quum tamen aliud deplorent. At per ludum & iocum quasi animi causa lachrymas profundere eas posse, non facile mihi quisquam persuadebit. *Mulierum lachrymae quales.* Hanc vero dissimulationem aliud se deplorare quam reuera deplorant fingentium, nec laudi illis nec vitio dare possum. Excelsus namque animus nihil magis celat & abscondit quam quod omnium maxime amat. Importunus est quisquis alterum rogat, quid mœstus sit? cur flet? quid cogitet? quid animo inclusum gerat? Quorum importunas interrogationes si quis ambigua responsione eluserit, haud multum, meo iudicio, peccabit. Neque enim fletus nostri causa alteri revelari potest, quin simul quod amamus prodatur.

Hæc omnia ed à me dicuntur, mea cognata, ut lachrymarum tuarum defensionem quodammodo suscipiam, quas ex bono

*Peccata de-
fenda.*

bono quidem & non ficto, sed partim prudenti animo profudisse te credo: præsertim quum audiam febri te etiamnum, atque adeo lecto affixam detineri. Verum enimvero ut tatear tibi quod res est, non tam ego fletum tuum admiror, quam causam eius detestor. O quanto satius fuerat peccata quam caniculam à te defleri! Quis ferat, virginis genere illustis, vita honestæ, opulentæ patrimonio, venustæ forma, moribus amabilis, & ceteris in rebus cordatæ ac prudentis animum catellæ amore occupari? præsertim quum amans & amatum, ut Plato docet, vnum fiant. Ex quo sane sequitur qui rem rationalem amet, rationalem quoque fieri; qui brutam, brutum. Quum tu ergo canem amaueris, si quis sibilo illo, bis, bis bis, canum more te vocauerit, an merito ei irasci possis? Dici non potest quantum hic tuus tam ineptus caniculæ amor ruborem ac pudorem mihi incutiat; quem plerique alij non rident tantum, sed etiam vituperant. Et profecto non iniuria. Neque enim vel oculi vel cogitationes nostræ in res tam nihili defigendæ sunt, sed in eas quæ & amari dignæ sunt, & quæ amatæ amanti quum decus afferant tum vtilitatem. Optima & præstantissima corporis pars Cor est; Cordis, amor; qui si male collocetur, næ ego infelicem illum hominem existimandum puto.

puto. Neque enim umquam bene viuet qui male amat.

Sed videamus quid tu amaris. Canicu-
lam amasti ; quæ ad nihil aliud tibi pro-
fuit, quam quod vestes tuas, pilis, sinum
pulicibus, cubiculum sordibus oppleuit,
latratu somnum tibi interrupt, & à puel-
lis forte calcata, ad iram & iurgium te pro-
uocauit. Quantum vero negocij bestiola
illa tibi facessit ? quæ æstate saponem la-
uanda, hyberno tempore sinu fouenda,
optimis de disco tuo buccellis alenda, tum
precioso etiam collari & nolis argenteis
deauratis exornanda, contra denique cy-
nocleptas tam sollicitè custodienda fuit:
ut nulli fere liberi parentibus maiores cu-
ras exhibere possint. Equidem nescio va-
trum felicior catella illa fuerit, à te tanto-
pere adamata ; an tu infelicior quæ rem
tam vilem ac contemptam amore tuo dig-
nari non dubitasti. Illud vero scio, tam vi-
cinos quam domesticos caniculam hanc
summo odio habuisse, quod illi amici qui-
dem tui dicerentur, hæc vero optimas de
mensa tua buccellas deuoraret. Nō repre-
hendo eos qui simiam, cercopithecum,
psittacum, sciurum, aut quid tale animi
caussa alunt; at stultitiæ eos damno qui res
has nimio opere amant. Et illorum quidem
vita necessarijs alimentis sustentanda, mors
vero nequaquam lachrymis prosequenda est.

Quo-

*Canicularis
incommoda*

Quoniam ergo caniculæ obitum tam grauitè fers, non parum à prudentis & Christianæ feminæ officio discedere te pro certo habeto. Qui enim cor vere Christianum habet, non rem tam nihili qualis est bruta illa bestiola, sed peccata potius sua deplorabit. Quod si prætori Caratænensi caniculæ tuæ mortem & peccata tua eadem lance quis appenderet, eum sane hanc sententiam pronunciaturum existimo, mortem caniculæ risu, sed peccata tua lachrymis prosequenda esse. Quod vero contra plerumque fieri videmus, causa est quod rei amissæ iacturam facile sentimus, at peccatorum nullam habemus rationem. Proinde æquius est ut Dei potius qui te creauit, quam caniculæ quæ tibi mortua est, memor sis. Neque enim anima tantum, verum etiam intellectus à Deo tibi datus est ut scire posses quomodo tam canicula quam quibuscumque alijs rebus uti debeas. At misera illa nihil aliud habuit quam linguam ad latrandum, & dentes ad mordendum.

Quamuis autem omni pietate erga mortuam hanc caniculam defuncta tibi videre, ego tamen illud à te neglectum, eoque grauitè dolendum tibi puto, quod ad funus eius Confraternitatem Misericordiæ non aduocaris, ut eius deprecationibus & indulgentijs misera illa frui posset.

set. Alexander Magnus equo suo Bucephalo, Augustus Cæsar psittaco, Commodus simiæ, Heliogabalus auculæ, Virgilius Culici magnifica tam sepulcra quam epitaphia construxerunt, adeoque exsequias celebrarunt. Equidem credo, si hæc tibi nota fuissent exempla, te illorum imitatione non honesta tantum sepultura, verum etiam funebri apparatu & exsequijs catellæ tuæ funus ornaturam fuisse: quamvis lachrymæ tuæ multo plus quam funebri illorum apparatus & sepultura, tam stultitiæ quam dedecoris habere videantur. Sed & illud à te per summam negligentiam omissum mihi videtur; quod Gallardam obstetricem parturienti caniculæ non aduocasti, nec S. Christophoro votum fecisti, nec S. Quitteriz zona parturientem incinxisti. Quæ remedia nescio vtrum viventi plus quam mortuæ fletus tuus fuerint profutura. Sed & crediderim gallinas ad offam, & ova placentę conficiendæ, tum saccharatos aliosque id genus liquores quibus ægram reficeres, & munda linthea quibus catulos inuolueres, in parato habuisse. Quod si ita est, age velut inter cognatos quæ dixi ista ita dividamus, ut tu gallinas & electuaria mihi mitas, lachrymas vero tuas tibi ipsi serues. Sed iam extra iocum: meum consilium est

est vt lachrymas omnes abstergas, & è lecto quamprimum surgas, ne non nugas agere, sed desipere, atque adeo insanire videaris, &c. Burgis v l l l. Ianuarij
M D X X I V.

Ad

D. VILIAPANDVM
P R A E T O R E M G R A -
N A T E N S E M

EPISTOLA:

In qua de boni Iudicis officio disputatur.



Litteras tuas, vir doctissime & amice singularis, Velliegas domesticus tuus mihi reddidit, ex quibus intellexi cur & serius ad meas responderis, & cognati mei Petri Gueuaræ causam hætenus expedire non potueris, ob multiplices nempe occupationes & lites, quibus forum illud perstrepit. Quam tuam excusationem non solum admitto, verum etiam de ijs quæ in cognati mei causâ hætenus egisti, gratias habeo atque ago.

Ceterum pro ea qua semper te complexus ac prosequutus sum beneuolentia facere

hoc loco non possum quin admoneam te atque horter, ut in munere tuo tam graui administrando non diligenter tantum sed *Iudex quod* caute etiam ac prudenter verleris. *obseruare* Quibus *debeate* enim de alijs iudicandi & iustitiam administrandi commissa est potestas, memori animo semper infirum illed tenere debet, quod Iosaphat rex iudicibus à se super populum Israeliticum constitutis praecepisse dicitur, quum ait: *Videte quid faciatis. Non enim hominis exercetis iudicium, sed Domini: & quodcumque iudicaueritis, in vos redundabit.* Similia praecepta Iehro Moytis Iocergius iudicibus praescribit. Is enim quum vidisset Moysem ut populum iudicaret ledentem, & populum à mane ad vespeream ei assistentem, sic inquit: Quid facis in plebe. Cur solus sedes? & omnis populus praestolatur à mane usque ad vespeream. Cui respondit Moyles: *Venit ad me populus, quarens sententiam Dei. Quumque acciderit eis aliqua disceptatio, veniunt ad me ut iudicem inter eos, & ostendam praecepta Dei & leges eius.* At ille: *Non bonam rem facis. Stulto labore consumera, &c.*

Hic notandum est, quod Moyse populo ius dixerit, hoc loco nequaquam improbari. Neque enim malum hoc sed bonum erat opus; quod tamen si alia ratione fieret, melius esse potuisset, ut postea dicitur. Minus namque bonum cum maiori

collatum, vitiosum quodammodo, ad-
eoque vix bonum videtur: sicut econ-
tra minus malum cum pessimo compara-
ratum, quandam boni rationem habet.
Quo sane sensu Ietro Moysen ait, *Rem
non bonam facere. eoque addit: Stulto labo-
re consumeris & tu, & populus iste qui tecum est.
Ultra vires tuas est negotium. Solus illud non
poteris sustinere. Sed audi verba mea atque con-
silia: & erit Dominus tecum. Estote tu populo in
his quæ ad Deum pertinent ut referas quæ dicun-
tur, ad eum: Ostendasque populo ceremonias &
ritum colendi viamque per quam ingredi debe-
ant, & opus quod facere debeant. Prouide autem
de omni plebe viros sapientes & timentes Deum,
in quibus sit veritas, & qui oderint auaritiam, &
constitue ex eis tribunos qui iudicent populum
omni tempore*

*Viris com-
mittenda
iudicia.*

In hac Ietronis Moyfi dato consilio pri-
mo notandum est quod ait, *Prouide viros:*
innuens Mulieribus nequaquam iudicia
vel imperia committenda esse, ob sum-
mam quæ huic lexui innata est, inconstan-
tiam, leuitatem ac temeritatem. Sed & vi-
ros ait eligendos, non pueros. Præclare, ut
omnia, D. Augustinus, Facile ait, esse iudi-
care, at iudicatum rescindere, durum esse
ac difficile. Quocirca Iudicem nō puerū,
nō simplicē aut fatuū, sed ætate grauē, sū-
maque prudentia, castitate & tēperantia or-
natū esse oportet: quique adeo à plerisque om-
nibus

nibus pro sale terræ, ut cū Christo D.N. loquar, & luce Mudi habeatur. Atali enim, nō ab alio iustitiā administrari videmus.

Romanum Imperium quamdiu in lenū *Sapientibus* ac prudentum virorum fuit manibus, non integrum tantum & saluum nātū, verum etiā incredibilia sum sit incrementa: at quāprimum eiusdem gubernaculis iuvenes inexperti ac temerarij sunt admoti, primo iustitia, deinde ipsa Respublica, atque adeo quo totum terrarum orbem ante complexi fuerant, ingens illud imperium fuit pessum datum. Recte ergo Ietro in populi Rectoribus sapientiam requirit, ut scilicet quid iustum & æquum sit, intelligant, atq; ita ex æquo & bono ius dicere, & salutaria alijs consilia dare possint. Væ enim eis qui cæcos sequuntur duces!

Vult etiam Ietro, ut Iudices Dei sint timētes. *Dei timētibz* Recte aureum illud eloquentiæ flumen S. Ioannes Chrysostomus in Homelijs super Euangelium D. Matthæi inquit, eum qui homines magis quam Deum timeat, facile à iustitia declinaturum.

Eos denique ad iudicandi munus adsciscendos ait Ietro, qui auaritiā oderint, *non auariz* id est, qui donis & muneribus, etiā sapientum oculos excæcantibus, & iustorū verba peruertentibus, corrupti se non sinant.

Ego, ut & ipse aliquid d cā, sic existimo, Iudici eadē obseruāda quæ ijs qui pugilatu

*Iudici-
ca-
uenda acer-
bitas.*

se se exercent. Vt enim his interdicitur, ne punctim feriant, aut lethiferis ictibus illa statim petant: sic quibus Iustitiæ admini-
strandæ munus incumbit, nihil magis ca-
uere debent, quam ne acerbioribus feren-
dis sententijs & sanguini fundendo assue-
scant. Rerum enim capitalium iudices, qui
munus suum ita exercent ut ultionis cupi-
ditati simul satisfaciant, subtilis Doctor
Scotus ait mortaliter peccare, adeoque
homicidas esse. Et sane tales ego nequaquam
pro Iustitiæ ministris, sed pro execrabili-
bus tyrannis habendos censeam. Sed nec
immodicis multis reorum facultates bo-
nus Iudex exhauriet. Quia quidem in re
multi non leuiter peccant, qui ærarium
Principum, subditorum sudore & sangui-
ne augere student. Enimuero & illos tam
graves multas miseris imponendo, & hos,
exigendo, tam temporali quam æterna sa-
lute se euersuros prædico. Neque enim
iusta est Principum excusatio, culpam om-
nem in Iudicem conferentium: quum eo-
rum sit non tam multas exigere, quam
sententiæ æquitatem diligenter examina-
re, & in omnibus conscientia recte consu-
lere. Multi enim Iudices ut Principis fiscum
locupletent, subditos etiam iniustis, aut
certe æquo grauioribus multis urgere nõ
verentur: quorum flagitijs Princeps nequa
quam subscribere debet. Requiritur ergo
in

in Iudicibus, ut ab omni tam crudelitate quam avaritia alieni sint, ne tanquam hirudines subditorum sanguinem ac medullam exfugant; multo minus vero munera accipiendo, iustitiam corrumpant. Iustitiam olim pictor quidam depinxisse dicitur, oculis captam & manibus truncatam. Eam picturam quum alius vidisset, atque ab illo imperfectam relictam existimaret, ad ea quæ deerant supplenda manum admovit. Id ille conspiciens, graviter homini succensuit, inquiens: Quid tu, inepte, corrigere ea vis quæ correctione non egent? Equidem si iustitia oculos haberet

Pictura Iustitiae.

ad περισσεωλυψίαν, & manus ad δωροδοκίαν
non ego istam Iustitiam, sed omnis iniustitiæ matrem dixero. Qua pictura ac verbis pictor ille Iudicibus omnem officij sui rationem breuiter quidem, sed accurate descripsit. Vt enim ad scopum collineantes, alterum oculum omnino claudunt, altero vero conniunt, quod nisi faciant, scopum ferendi nulla spes est; sic Iudex ut recte iudicet, ac medium tangat, tam oculos claudere debet, ne vlllo vel munerum vel personarum respectu moueatur, quam manus abstinere, ne donis ac muneribus à recto & iusto transuersus agatur; atque ita pro pecunia animam suam pignori opponat. In quam sententiam S. Augustinus Sermone quodam Iudices grauissimis ver-

bis mouet, vt tam audiendis partibus quã iure dicundo, nihil quam ipsam Iustitiam præ oculis habeant, & ne ab innocentibus quidem vllum accipiant munus, aut quidquam vel ipsi faciant, vel ab alijs fieri permittant, quo alterius caussa deterior reddatur. Dona enim, vti paullo ante quoque diximus, & sapientum oculos excæcant, & iustorum verba peruertunt. Id vero tanto magis cauebit Iudex, ne cum paruo dono, ipsius inferni accipiat velut auctorem. Neque enim in uitam lucrum sine iusto damno haberi potest. Vbi cumq; tale lucrum, ibi damnum quoque statim præsto est. & illo quidem arca fortassis aliquanto fit plenior; at hoc cõscientia vulneratur. Ex quo apparet, iudicẽ ab ijs actionibus quibus & vitæ & fortunæ miserorũ iugulum petatur, abstinere oportere.

*Iustitia non
peruertenda*

Sed & idem cauere debet, ne transuersim Iustitiæ gladio in quemquã incurrat, id est, ne Iustitiæ normã suo arbitratu inflectat, aut per iniustitiã vni ademtũ, alteri tribuat, vel cõdénato innoxio, nocetẽ absoluat. De talibus Isaias vates sic loquitur: *Principes tui infideles, socij furũ Omnes diligunt munera & sequuntur retributiones Pupillo non iudicant, & caussa vidua non ingreditur ad eos.*

*Iudicis officij
Indicare*

Porro expolitis quæ in bõno Iudice esse debent qualitatibus, Ietro eiusdem nobis officium describit, quum ait, constituendos

endos esse qui populum iudicent, id est, ius dicant, omni tempore. Quemadmodum vero in arte gladiatoria punctim ferire prohibitum, at cæsim, permissum est: sic Iudex, quantum fieri potest, partes nequaquam inter se committere, sed lites omnes, quoad eius fieri potest, præcidere ac resecare, & inprimis Aduocatis ac rabulis forensibus fibulam ponere debet, ne lites ex litibus serant, & sumtibus alijsque molestijs non necessarijs partes grauent. Hinc Ecclesiastes cap. ix. ita præcipit: *Quodcumque facere potest manus tua, instanter operare: quia nec opus, nec ratio, nec scientia erunt apud inferos quo tu properas.* Ait: *Quodcumque facere potest manus tua.* quibus verbis opera meritoria, ac præsertim rectum iudicium intelligit. Addit, *instanter*: ne vmquam bene facere cessemus. Rationem vero subiūgit, quod quantum ad temporalia atque externa, nullū opus, vel ratio (aninæ scilicet vel conscientia) nec quantum ad diuina, vlla in inferno sit scientia. Ex quo recte inferri potest, quum omnibus iugiter boni aliquid operandum, tum Iudicibus lites nequaquam prorogandas, sed quam fieri potest citissime expediendas esse.

Iustitiæ vero comes misericordia esse debet: sine qua non illa iam Iustitia, sed crudelitas est & tyrannis. Hinc D. Gregorius veram Iustitiam, inquit, cum compassione

*Iustitia re-
peratam
misericor-
dia.*

& misericordia; falsam, cum ultionis cupiditate esse coniunctam. Licet enim iusti peccatoribus iuste ac merito irascantur; multum tamen interest vtrum illud superbia quadam & odio, an vero iustitiae ac pietatis zelo fiat. At qui ita elato sunt animo, vt sine vlllo Dei atque hominum respectu miseros & inopes iniustis iudicijs opprimere non vereantur, ijs ego vix sceleratius, ac proinde intelicius quidquam esse existimo, illud constitutum sibi habeat Iudex, iustitiam ab misericordia nunquam seiungendam esse. Id quod Albertus Magnus similitudine quadam declarat, inquit, Castaneam si integro cortice igni imponatur, magno sonitu rumpi & ex igne resiliire; & multum etiam nouo vasi inclusum, nisi spiraculum ei detur, ipsum vas percurrere. Ad idem facit quod S. Gregorius lib. x x. *Moralium*, cap. II. scribit, in Arca Veteris Testamenti Virgam & Manna caeleste coniunctim atque vnà fuisse asseruata, ad docendum, Prælati & Iudicibus virgam prudentiae & discretionis, & Manna benignitatis simul esse adhibenda. Hinc Dauid Psalmo x x i i i. Domino ait: *Virga tua & baculus tuus, ipsa me consolata sunt.* Per virgam intelligitur iustitiae animaduersio; per baculum vero misericordiae lenimentum. Sit ergo Iudex non iustus tantum, sed etiam misericors: quorum

quorum alterum sine altero vitio est attine. In utroque tamen modus adsit. Ut enim nimia atque intempestiva Iudicis misericordia peccatis ansam dat; ita nimius eiusdem rigor & stricta iustitia omnem spem in misericordis præcidit, & desperationem adfert. Taceo quod interim Iudex ipse nemini miserendo, Dei misericordia seipsum quoque indignum facit. Est enim gratissimum Deo sacrificium misericordia. Ut paucis dicam, Iudicis est viduos & orphanos contra potentiorum iniurias tueri, subuenire miseris, vestire nudos, sanare vulneratos, ægros reficere, ius denique inter omnes æquabiliter dicere, ut manus sit trunco, pes claudis, auris surdo, oculus cæco.

Quæ omnia, si tu ipso opere expleueris, primum equidem in Dei gloria locum tibi promitto. Vbi namque magnus ille Iudicij dies aduenerit, mali Iudices, mihi crede, sine ullo fine plorabunt; at boni, æterni gaudij felicitate potuentur.

Ad

RODERICVM EN-
RIQUES,
EPISTOLA:

In qua dictum illud S. Iobi, *Factus sum mihi
ipsimet grauis*, ac simul intestinum ho-
minis bellum explicatur. 3



In consilio meo quod Toletiti-
bi nuper dederam, vt nempe
conciones summa animi atten-
tione audires, & in Confessione
nihil ommitteres, vsus fuisses, & tu importu-
nitatis, & ego inciuilitatis notā facile po-
tuissimus effugere. Sed tanquā abest vt me-
um illud consilium amplexus sis, vt etiam
ab eo tempore in contrarium magis niti
mihi quodammodo videare. Quanto e-
nim frequentiores à me coram Cæsare ser-
mones habentur, tanto minus tu eis affice-
ris; sic vt plerumque me dicere incipiente,
tu dormire incipias; eo tamen minus mo-
lestus auditor, quod omnibus quæ à me
dicuntur, capite annuere videris. Puto e-
quidem, si non totas noctes in plateis ob-
errares, ac deinde in multam vique lucem
sterteres, tam longe somnolentiam illam
à te quoque fugituram quam à me, qui to-
to

to die in studijs consumto, & nocte per quietem transacta, sequenti mane lucem ipsam rursus anteuerto. At tibi tuicq; similibus vsitatum iã arque adeo solemne est, templa nugis, & conciones somno dicare. Sed tam hæc quã alia quę multa quotidie à vobis peccanter, huius loci nō sunt. Nunc quem à me petis de intestino hominis bello coram Cæsare à me habitum sermonē, scripto consignatum tibi mitto. Scio namque facilius te mihi & alijs quæ tu tū somniaris quã quæ ego dixerim, narrare posse.

Ait d. uinus vir Iobus *Factus sum mihi ipsemet grauis*. quasi diceret: Non ego de aliorum erga me morositate conqueror, non alios quod negocium mihi & molestias exhibeant, inculco; sed mihi ipse grauis sum ac molestus. Mira admodum, atque adeo inaudita mihi hæc Iobi videtur querela. Quamuis enim nihil vsitatus ac familiarius sit homini quam errare ac labi: quotus quisque tamen suum errorem agnoscit, ac non potius in quemcumque alium culpā à se transfert, aut varias ei quærit excusationes? Iam sterilitatē terræ, iã maris pericula, iã aeris intemperie, iam lubricitatem fortunæ, iã amicorum inconstantiã & hypocrisim, iam præcipitē temporis celeritatem, quid denique non inculamus? At qui se ipsos accusent, paucos ego vidi. Mihi quidē idem facere videtur homines quod infelices

*Sibi quisque
blandiuntur.*

infelices lufores , qui male cadente alea , chartas dilacerant , & talos proijciunt , parum interea memores non his , fed vel ipforum imperitiæ vel finiftræ fortunæ culpam imputandam eſſe.

Quia ergo verba hæc vt breuia , ita obſcura aliquo modo ſunt , idemque diuinus vir eodem loco vitam hominis militiæ ſiue bello comparat ; age vt melius vtrumque intelligatur , primo bellorum aliquot ſpecies explicabo.

*Bellum
genera.*

Quinque vero potiffimum bellorum genera reperio. Primum Regale : ſecundum , Ciuile : tertium , Plusquam Ciuile : quartum , Perſonale : quintum , Cordiale.

*Bellum Re-
gale.*

Bellum Regale eſt , quod Rex contra Regem , Princeps contra Principem , aut Reſpublica contra Rempublicam gerit : quale fuit inter Alexandrum Magnum & Darium , inter Romanos & Carthagi-

*Quis primum
belli auctor.*

nienſes. Primus huius belli auctor fuiſſe dicitur Belus , Nini filius : à quo etiam Belli etymon nonnulli deriuant ; idque omnium primum in Aſſyria (quæ Suria hodie) geſtum fuiſſe aiunt. Alij ad Nimrethum Beli filium , Nini nepotem , primam belli originem referunt : quem S. Scriptura Hominum Oppreſſorem nominat , eo quod inuitis imperaret , & quæ vellet eriperet. Alij Chodorlaomorem Elamitarum re-

gem

gem, eum qui Lothum cū omni substantia eius ceperat, sed ab Abrahamo post victus ac captus fuerat, primum copias in aciem produxisse opinantur. Aliter Ægyptij sentiunt, affirmantes Promethea regem suum primum belli gerendi modum suis commonstrasse, contra Orestem Sicyoniorum regem, ob Salaminj regis filiam, vnicā vniuersi regni hæredem, armis sumtis. Quisquis vero ille sit, equidem omnibus diris deuouendum, ac dignum qui æternis flāmis vstuletur, existimo: vt qui tam scelerato inuento, ad mutuas cædes commissis inter se hominibus, quod in vita hac pulcerrimum est, pacem nimirum & amicitiam, non inodo violauit, verum etiam funditus, quantum in se fuit, tulit. Antefream enim hanc ætatem, mortales rursi habitabant, terræ fructibus vel vltro prouenientibus, vel manuum labore productis, vefcentes, antra pro domibus, ferarū pelles pro vestibus habētes, nudis incedentes pedibus, adeoque communia omnia habentes: quam a tatem auream poætæ nominant.

Bellum ciuile est, quod ciuis contra ciuem, aut diuersæ vnius ciuitatis factiones inter se gerunt, vt apud Carthaginenses inter Hannonem, & Aldrubalem, Romæ inter Marium & Syllam, inter Cæsa-rem & Pompeium, &c. quorum contentio.

*Bellum Ci-
uile.*

tentiones nonnisi alterius partis morte
exstingni potuerunt.

*plus quam
ciuile:*

Est aliud belli genus, quod Plusquam
Ciuiile dicimus, vt quando pater contra
filium, aut frater contra fratrem, vel cog-
natus contra cognatum arma capit. Ci-
uile quidem illud fuit bellum quod inter
Cæsarem & Pompeium gestum fuit, si
ciuium factiones spectemus; at si ipsos
auctores & duces, vrpote socerū & gene-
rum, plusquam Ciuiile. Quam miserum,
putas, fuit spectaculum, post pugnam
Pharsalicam hic fratres, ibi cognatos vi-
dere mutuis vulneribus interfectos iacē-
tes? Plusquā Ciuiile bellum fuit inter He-
rodē Ascalonitam & filios eius Archela-
um & Philippum, in quo filios patris
vitæ insidiantes pater tandem occidit.
Plusquam Ciuiile bellum fuit quod im-
pius Absalon Dauidi patri intentauit, vt
regno eum exueret: in quo tamē ipse di-
uina ultione periit, in quercu pendulus,
& tribus lanceis confossus, &c. Et hoc
quidem belli genus omnium periculo-
sissimum est & grauissimum: quod ple-
rique quanto propiori cognatione sese
contingunt, tanto, rupto semel cognati-
onis illo vinculo, acerbioribus odijs sese
mutuo persequuntur.

Duellum.

Quartum bellum particulare est seu
personale, Duellum proprie dictum,
quando

Quando scilicet bini inter se de capite & Vita dimicant, grauem aliquam ob causam. Hoc modo Alexander Magnus & Porus de Indiæ imperio; Aeneas & Turnus de Lauiniæ coniugio, Dauid & Goliath de libertate & seruitute populi Israelitici; Constantinus & Maxentius in ponte Danubiano; Viriatus Hispanus & Marcius Romanus in via quæ Hispali Valido letum ducit, decertarunt: vti latius ex historijs videri potest.

Hactenus dictorum ad intestinum hominis bellum Applicatio.

Quintum belli genus est non regis contra regem, non ciuis contra ciuem, non cognati contra cognatum, non vnus hominis contra alterum, sed eiusdem hominis contra seipsum: quod quidem præ ceteris omnibus quæ hæcenus enumerauimus, & cœptu est periculo sissimum, & victoriam longe habet difficilimã. In hoc enim bello qui vincit, vincitur; & qui vincitur, vincit. Ideo vero Cordiale bellum nominauimus quod in corde nascatur, in corde geratur, & in corde tandem finiatur, tum scilicet quando lachrymæ pro tormentis, & suspiria pro ictibus adhibentur. In hoc bello pugnant inter se Amor & Timor, Voluptas & Tépérâtia, sermo & silentiũ, misericordia & du-

& durities, diligentia & pigritia, patientia & ira, auaritia & liberalitas, turbatio & quies, frequentia & solitudo, venia & vltio, ratio denique & sensus. In hoc bello non cum alijs, sed soli; non palam, sed clam; nō in campo, sed in animo; non ferro, sed cogitationibus; & quidem non contra alios, sed contra nos ipsos; non in aliorū conspectu, sed in nostro corde, pugnamus. Illud vero omnium est molestissimum, quod qui in hoc pugnae genere vincere vult, prius vincatur oportet. Hoc pugnae genere victi sunt quotquot Deo vniquam grati in his terris vixerunt: qui tanto maiorem consequuti sunt victoriam, quanto atrocius contra se gesserunt bellum. In hoc enim vel salus vel perditio nostra consistit, si ratio sensualitatem vincat, aut ab illa vincatur.

Quis vero non miretur Iobum liberis orbatum, fortunis omnibus spoliatum, ab amicis vexatum, ab uxore irrisum, tantis denique afflictum miserijs quantæ homini accidere possunt maximæ, afflictum, non tamen de alijs, sed de seipso tantum quer, dum non sine lachrymis ait: *Factus sum mihi ipsimet grauis*. Eodem bellice generis exerecitus fuit Apostolus quum inquit: *Infelix ego! quis me liberabit de corpore mortis huius?* Quando ceret: O me infelicem & miserum hominem! quando tandem liber

ac tutus à me ipso. Quando erit vt facere
 possim quod volo; & non velim quod non
 possum? De eodem bello S. Augustinus
 loquitur, vbi ait: O quoties victus & al- *S. Augusti-*
 ligatus fui, non ferreis quidem catenis, sed *nm.*
 meis ipsius sensibus! Et quoties apud me in
 clamorem & heulatum erupi, non super
 alios, sed super me ipsum; quod maligno
 spiritui voluntatem meam tradidissem,
 ipse vero voluntatem meam in non velle
 conuertisset. De hoc etiam bello exaudi-
 endus est S. Anselmus, inquiens: Væ mihi!
 quid incipiam, miser? quo fugiam? quum
 mihi ipse aduerser: & quod pessimum est,
 querelas fundo, à peccatis tamen non de-
 sisto. *Mihi ipsi enim grauis factus sum.* De eo-
 dem loquitur Isidorus, quum ait: Iudici-
 um meum adeo obscuratū, memoria mea
 tam occupata, intellectus meus tam obu-
 sus, & cogitationes meæ ita alienatæ sunt,
 vt nec quid desiderem, aut de quo querar,
 scire ipse aut rogantibus respondere pos-
 sim: sic vt sæpenumero me ipse apud me
 ipsum scisciter & quæram. Hoc bellum
 quoque innuit S. Bernardus, inquiens: O
 bone Iesu, quam *factus sum mihi met ipsi gra-*
 uis! Fame quippe debilitor, saturitate nau-
 seo, frigore contrahor, calore liquefio, so-
 litudine contristor, offendor frequentia:
 & quod omnium pessimum est, nec cum
 alijs nec mecum mihi ipsi pax est. Idem

S. Hieronymus bellum sensit Hieronymus, quum ait: Ne-
 gare non possum, quod *factus sum mihi met-*
ipsum.
 „ *ipsum grauis.* Ex dæmonis namque suggestio-
 „ ne & carnis exstimulatione sensus mei ho-
 „ norem tantum quærunt, inhiant diuitijs,
 „ aucupantur fauorem, & multis imperare,
 „ multa possidere, multum posse, reliquos ve-
 „ ro omnes nihili facere volunt: sic ut vnus
 „ imperare cupiã omnibus, labore interim
 „ omni ac molestia carere velim. Hoc idem

S. Ambrosius bellum innuit S. Ambrosius inquit:
um.
 Quia de me ipso noui quod *Mihimet ipsum gra-*
 „ *uis factus sum,* hominum fugio conuerlati-
 „ onem, ne mores meos mutent; diabolum fu-
 „ gio, ne me irretiat, Mundum fugio, ne cum
 „ ipso damner; diuitias abdico, ne me cor-
 „ rumpant; honores, ne me offerant; & ta-
 „ men etiam sic quotidie magis magisque
 „ virtutum studium in me languescit; Mun-
 „ di vero amor inualefcit.

Horum ego S. S. Patrum hoc loco au-
 thoritate uti volui, ut nos miseri pecca-
 tores eorum exemplo excitati, tanto ma-
 iore cum cura & sollicitudine in bello hoc
 utamur. Quis enim sibi ipsi confidat, quum
 tam sanctos viros tam grauitè audiat de
 imbecillitate sua conquerentes. Sapiens e-
 nim nemini minus confidit quam sibi ip-
 si. Hic mihi occurrit quod bonus ille San-
 tilianæ Marchio in ore frequenter habe-
 bat, inquit: *En la guerra que posseo siendo in*
fer

Magnus est
 error confi-
 denia sui.

fer contra si, pues yo mismo me guerreo, & si en-
 dame Dies dimi. id est: In bello hoc quod ego ipse
 contra meipsum gero, tu ò Deus, defende me contra
 me. Nam Factus sum mihi metipsi grauis. Si Re-
 gem iratum habeam, regni excedam fini-
 bus; si iudicem, aliam quæram iurisdic-
 tionem; si vicinum malum, aliam condu-
 cã domum: at si meipsum hostem habeam
 quomodo à me ipso fugiã? Factus sum mihi-
 metipsi grauis: siquidẽ in vna cordis mei do-
 mo ea quæ maxime sunt contraria seque-
 strantur veluti & includuntur, Amor & o-
 dium, desiderium & contemptus, prosperi-
 tas & aduersitas, quies & turbatio, spes &
 desperatio: sic vt quanto magis mihi con-
 fido, tanto magis à meipso delertum me
 ac proditum sentiam. Factus sum mihi ipsimet
 grauis: siquidẽ dies noctesque mecum de-
 libero, nec tamen quidquam concludo
 quid eligere quid fugere, quid amare quid
 odisse, quid dare quid seruare, quid de-
 cere quid tacere, quid obliuisci quid vlcisci
 debeam: & vt paucis dicam, omnibus in
 rebus infelix, & tamen in illa ipsa infelici-
 tate felix sum. Factus sum mihi metipsi grauis:
 siquidem omnia tritus huius quam viuo
 vitæ, me defatigant, omnia me irritat, om-
 nia molestiæ, odio ac nausæ mihi sunt:
 sic vt viuere non cupiam, nec tamen cupi-
 am mori. Factus sum mihi metipsi grauis: si-
 quidẽ superbia me inflat, cõsumit me inui-
 dia, sagnat inertia, exhilarat me gula,

Vita brevis
 incommoda.

stimulat luxuria; & quod omnium horum malorum caput est, etiam si peccare cesso, non tamen peccati me poenitet, sed piget actæder; sic ut non ego peccata, sed peccata me deferant. *Factus sum mihi metipsi grauis*: siquidem quæcumq; mala mihi accidunt, nemini nisi mihi ipsi imputare possum: morbum, crapulæ; inopiam, prodigalitati; exsilium, delictis; poenitentiam, errori. *Factus sum mihi metipsi grauis*: quia oculis meis permitto ut videant vanitatem; auribus, ut audiant adulatorum verba; linguæ, ut nugetur aut mentiarur; pedibus, ut popinas ingrediantur; cordi, ut mundana zemet & vana: sic ut si quod membrum mei corporis à peccato se contineat, non peccati odio, sed poenæ metu id fiat. Quia ergo *mihi metipsi grauis factus sum*, cum quo pacem, quæso, colerem, qui mecum ipse bellum gero? Cui non molestus sim, qui ipse me ferre non possum? De quo non conquerar, qui assidue de me ipso queror? Quid boni quisquam à me exspectet, qui mihi ipse vix quidquam boni facere possum aut volo? Cur vitam exoptem, qui mihi ipsi vitam tam acerbam reddo? O miserum me atque infelicem hominem! Ah quam *mihi metipsi grauis factus sum*! Quos ego crudeliores habere inimicos possim quam meas ipsius cupiditates? quæ spe iam me inflant, mox ad desperationem adigunt.

Factus

Factus sum mihi metipsi grauis, quoties recordor tam multa me à Deo habere, & tam pauca dare: tantum temporis mihi concessum, & tam inutiliter à me consumptum; tantis beneficijs me affectum, tamque exiguam pro ijs à me repensam gratiam; tam impigrum me fuisse in peccando, & tantum tardum ac desidem in emédando; tot mala perpetrasse, & tot bona omisisse: hæc omnia, inquam, quum recordor, & viuere erubesco, & mori pertimesco, &c.

Hæc fere tum de hoc argumento à me dicta sunt. Quoniam vero rebus tam sanctis profani quidquam attexere nefas est; scribendi finem facio, Deum comprecatus, vt diuina ipsius adspirante gratia, hæc vt à me dicta & scripta sunt, ita animo vtriusque infixæ maneant, & optatum adferant fructum. Auilæ XXX. Augusti MDCCVIII.

R. D. P.

ANTONII GVE-
VARAE,*De Ira.*

DISSERTATIO:

*In qua Psalmographi illud, Irascimini & nolite
peccare, explicatur.*

REm stupendam, casum inaud-
tum, & pœnā cuius exemplum
in Ecclesia nullibi vſitatum ex-
stat, hodiernum nobis proponit
Euangelium, quo Dominus & Saluator
noſter Ieſus Chriſtus ementium & ven-
dentium in templo menſas ſubuertit, ar-
gentum diſſipauit, feneratores fures &
latrones nominauit, & flagellis cæſos è
templo eiecit. In quo illud primo conſi-
derabimus ſanctiorne fuerit zelus quo
incenſus fuit Chriſtus, an horribilius lu-
dæorum peccatum: vt facta vtriuſque
comparatione, intelligamus, vbi homines
ad extrema peccatorum venerint, Deum
quoque ad extremas deſcendere pœnas

Blaphemus ſit proſecto, qui exiſtima-
uerit, zelum hunc quo inflammatus fuit
Chriſtus, cum peccato aut labe aliqua fu-
iſſe

isse coniunctum. Neque enim diuina lex fert vt Redemptor ac Peccator simul quis dici possit. De Christo exclamat D. Ioannes Baptista: *Ecce Agnus Dei.* addit statim: *Qui tollit peccata Mundi.* quibus verbis non immaculatum tantum Agnum, verum etiam peccati expiatorem eum vocat. Peccator peccatorem conuertere, peccatum vero ipsum tollere non potest. At Christus ita ab omni peccato fuit immunis, vt non modo non peccare voluerit, sed ne potuerit quidem.

Dicit vero regius vates: *Iraſcimini & nolite peccare.* Innuens licere quidem irasci, sed non peccare. Et quidem sæpius Prælati aut iudicis ira Deus magis offenditur, quam ipso rei peccato. Difficilis sane res hoc loco nobis mandatur. Quomodo enim irascar sine peccato, quum ira vnum sit è peccatis mortalibus? Quare tanto mirabilius, immo absurdus quoque præceptum hoc videri possit, Irascendum nempe esse, nec tamen peccandum. Mihi enim rem accurate perpendenti, Angelicæ quæ humanæ naturæ propiora illa videntur, vt scilicet iniuria aut contumelia affectus iræ moderetur, manus contineat, linguam frænet, aures obturet, & cor veluti sub iugum cogat, rationem denique sequatur: quum plerique beneficiorum cito obliuiscantur, iniurias etiã sero vlciscantur.

Sed quo melius verba illa intelligamus, disquiremus quas ab causis salua conscientia, irasci possimus. Tanta enim est peccato cum ira affinitas, vt vix ab ea vniquā separari posse videatur.

*Quando &
quibus non
irascendum.*

Dicat quis: Facile est conijcere quibus irasci liceat, nimirum ijs qui honorem & existimationem nostram lædunt, aut bonis & fortunis vel vi vel fraude nos evertunt. At ego aio, tanti hæc nequaquam esse debere vt propterea iræ fræna laxanda sint. Boni enim viri est honorem suum armis, fortunas iure defendere. At inquis, ijs certe irasci licet, qui conuicijs & calumnijs nos insectantur. Et hoc nego. Est enim veri Christiani etiam virulentissima conuicia & maximas quasque iniurias non vl-cisci sed obliuisci. Quid? Non mihi irasci liceat si nequam aliquem hominem thoro meo insidiantem deprehendero? Iterum nego. Est enim matrimonij honestas tam tenera, vt sine mariti probro mulier impuditiæ insimulari nequeat. Quod si ergo res integra adhuc fuerit, quæ par est remedia adhibebis; sin minus, quod emendari non potest, dissimulabis. At nunquid famulis & ancillis mandata nostra vel obliuiscuntibus vel minus recte exsequentibus irasci licet? Ne his quidem. Est enim patrisfamilias ministrum errantem admonere, murmuranti minari, contumacem dimittere

tere. Quis vero amicis & cognatis non irascatur, si forte rebus secundis elati, tenuitatem nostram despiciant, aut in rebus aduersis desertos nos patiantur? Ne hoc quidem facies : sed potius sic cogitabis, non nostros illos, sed fortunæ fuisse amicos; adeoque patefactam hac ratione illorum falsitatem gaudebis. Sed enim merito irascar multa promittenti & nihil præstanti? Ne huic quidem. Tanti enim est apud sapientem patientia, ut spe sua frustrari quam alterius leuitati irasci malit. Annon vero, inquis, mihi ipsi irasci liceat, nihil recte vel dicenti vel agenti? Nequaquam. Erroris namque remedium non in irascendo, sed in emendando est positum. At quis non fortunæ irascatur, alios eleuanti, nos deprimenti? Minime, inquam. Si enim fortuna pro merito cuique tribueret, iam non fortuna, sed Iustitia dicenda sit. Ut ergo sit quod dicitur, dat cui que non quod debet sed quod vult. Esto, inquis; attamen diaboli insidijs & Mundi fraudibus irasci licebit? Non, iterum inquam: Siquidem vtrumque horum prius nos commonefaciunt quam decipere instituunt. Quis enim nescit, carni innatum esse ut nos incitet, diabolus in eo totum esse ut nos tentet, Mundum ut nos seducat? Atqui merito irascetur, qui infra ceteros homines se esse, nec tantum quantum alios habere, posse ac valere

lere se viderit? Minime gentium. Nam qui alto & excelso sunt animo præditi, nō tam alijs fortunas, dignitates & quidquid horum est, invident, quam de sua, ista nō dum meritorum, imperfectione dolent.

*Quibus &
quando ira
sci illeat.*

Quando ergo, inquis, & quibus irasci licei? Meo iudicio, ijs tantum, qui & Deum peccatis suis ad iram prouocant, & nos ad peccandum incitant. Qui enim vere Christianus est, maiori odio habebit eum qui animæ quam qui fortunis nocet. Irascetur vero si viderit plerosque tam solliciti Principum mandata obseruantes, diuinā vero legem sine vilo pudore transgredientes. Sæpenumero Mundi huius peruersitatem mecum admirari soleo, in eo quod tam exacta mensuræ ac ponderum habeatur ratio, vt si quid iusto breuius aut leuius repertum fuerit, confringatur statim & in ignem coniciatur, ipse etiam reus grauiter multetur: at diuini nominis contumeliæ & blasphemix, aliaque enormia peccata non modo non puniuntur, verum etiam ab ijs ipsis qui punire debebant, & impune committantur, & in alijs tolerantur. Peccare quem, mirum non est: at tam impudenter homines in peccatis non modo perseuerare, verum etiam indies progredi, sane stupendum est. Mundum mihi quis hunc videat, & quæ in eo ad summum peruenerunt, superbiam

perbiam, auaritiam, libidines, blasphemias, periuria, &c. annon merito exclamabit; nec legem esse qua ista vetentur, nec Deum à quo puniantur? Sed est profecto Deus, qui tarditatem supplicij grauitate olim compensabit. Vnū vel alterum peccatum committere, mirum non est; at omnia vniuersim, stupendum est. Sunt autem mundanis adeo quidam immergi delicijs, vt si vel vnum vitium intentatum relinquunt, vitam sibi acerbam putent. Diem, mensem, annum in peccato perseuerare non quidem mirum, sed miserum est; at totam vitam in peccatis transigere, & ne semel quidem de vitæ emendatione cogitare, plane diabolicum est. Tales enim tandem quid peccare sit, nesciunt. At pessimi omnium sunt, qui non peccant solum, sed in peccatis etiam gloriantur. His enim grauissime Deus irascitur, & raro ignoscit. Deum quippe cōtemnunt; ad peccata prompti, ad conuersionem tardi, ad perseuerandū obstinati, audaces ad perficiendum, & in iactantia cffrontes. De his Isaias: *Peccata sua predicauerunt vt Sodoma, & non celauerunt.* quasi diceret; Nō hoc mihi dolet, ô Israel, quod peccas, sed quod, vt Sodomitæ, in peccatis gloriaris. His quidē & horū similibus irascendum est. Moyses tot tantaq; passus tum demum excanduit, quum Israelitas vidit vitulum adorantes.

Quum

*Exemplum
Matathie.*

Eli.

Davidis.

Quum Matathias fortissimorum Machabæorum pater, supremi sacerdotij dignitate indignissime deiectus, & direptis omnibus ipsius fortunis, per summam contumeliam etiam templi aditu esset prohibitus, non tamen iratus fuisse, aut conuicia conuicijs, iniurias iniurijs rependisse legitur. Idem tamen Iudæum quendam ethnicorum idololatrarum more sacrificare cernens, tanta exarsit iracundia, ut in ipso vestigio hominem interfecerit. Tanto odio, tanto furore impia regina Iezabel Eliam Prophetam persequabatur, ut is fugæ & periculorum pertæsus, veris & ardentibus votis mortem optarit. In his tamen omnibus nullam umquam in quemquam vindictam spirasse aut suscepisse noscitur, quam in sacerdotes illos Baalitico idolo sacrificantes, quorum trecentos una vice iugulauit. Dauides non filij Absalonis rebellionem, non Semei conuicia, non Saulis persecutionem, non Ammonitarum regis inimicitias tam grauiter tulit quam diuinæ legis quem in populo suo passim videbat, contemptum. Vnde inquit: *Exitus aquarum deduxerunt oculi mei, quia non custodierunt legem tuam.* quasi diceret: Plorandi ac lamentandi nullum finem facio, quoties, ô Deus, non eas quæ mihi, sed quæ sanctissimo nomini tuo ab ijs à quibus mini-

minime par est inferuntur, iniurias video ac mecum considero. O altum mysterium ! ô insignem viri Deo charissimi zelum ! Et sane æquum est vt factas. D. N. & Seruatori iniurias pro nostris accipiamus , quum nostra ille peccata pro suis susceperit atque expiaret.

Horum tam sanctorum ac diuinorum virorum exempla si imitemur, mandatū hoc, *Irascimini & nolite peccare*, facile implebimus: si nimirum peccatis irascamur, & peccatoribus condoleamus. Tum vero recte condolebimus, si quantum in nobis est, operam demus, vt & ipsorum animæ ne pereant, & honos integer maneat. Sed ô præpostera hominum consilia, iudicia, & conatus ! Plerique enim non peccatis, sed peccatoribus irascuntur : sic vt zelum in iram , & iram in vindictam conuertant : & sub zeli & castigationis prætextu, priuatæ vltionis cupiditatem expleant.

Porro Iræ peccatum non odij tantum verum etiam periculi plenum est. Hominem namque iracundum vix vicinum, nedum amicum quisquam ferat. Sed & irati hominis habitum quis non fugiat ac detestetur ? Videas in eo oculos rubicundos & scintillantes , genas turgidas & ardentes, artus omnes tremantes, cor palpitans, aures obturatas & surdas , linguam impeditam, manus argutas & ad inferendam

*Peccatum,
non peccatore
m odoris.*

dam iniuriam promptas : sic vt neque quid ipse dicat animaduertat, neq, quid ab alijs dicatur, intelligat. Miseri profecto sunt iracundi, vtpote omnibus, domesticis, alienis, odiosi: adeo vt neque amici eos ament, nec quisquam ministrare eis sustineat. Equidem hominum eiusmodi valde me miseret, vt qui quum maxime ira efferuescunt, ludibrio tum à plerisque habentur: sic vt alijs ridentibus, ipsi ringantur, nemini quam sibi ipsis grauiores. Quid, quod bilioso & iracundo homini nihil secreti tuto communicari potest? vtpote quod ille exundante bile statim sit effusus. Sed & consilium quomodo dari possit homo sui plane cerebri & præceps? Ex quo facile apparet iracundo homini non modo Reipublicæ gubernacula, verum etiam nullum plane officium committendum esse. Quum enim aliqua hic accidat quæ punienda, aliqua quæ dissimulanda sunt: facile fiet vt iracundia victus, quum poenam mitigare debebat, eam exasperet, & e contra. Hæc de ira.

*Remedia
contra iracundiam.*

Optimum vero iracundiæ remedium est, vt quidquid fieri vel dici nobis possit, ante animo præcipiatur. Quod qui fecerit, iracundiam facile ita continebit ne fræna ei laxet. Quam necessaria est, inopi pecunia, & stulto sapientia, tam necessaria

necessaria omnibus hominibus est patientia. Tot enim tantæque molestiæ quotidie homini obijciuntur, ut longe plures patientia vincendæ sint quam lingua aut alijs modis vindicandæ. Quod si omnes & singulas iniurias vlcisci, aut omnibus molestijs quæ nobis obijciuntur, irasci velimus, vix umquam manus à vi, linguam à querelis, oculos à fletu, & cor à suspirijs & gemitibus continebimus. Neque enim quemquam hominum vidisse me memini, quem non citius vita quam labor & ærumna deseruerit. Quumque videam homines plerosque in profundum non negotiorum tantum, sed & vitiorum demersos, magis sane admiror quemquam vivere quam tot quotidie mori: quippe quibus finem laboribus huius vitæ imponere cogitantibus, ipsi labores finem vitæ imponunt. Quod si Medici tam animi ægritudines quam corporis morbos sanare possent, equidem plures ipsorum limina assidue obsessuros puto quam ciues olim Roma habuit. Est namque animi tristitia tam commune ac peruulgatum malum ut ab omnibus fugiatur, à nemine tamen effugiatur. Equidem ex vobis omnibus quotquot hæc legitis vel auditis scire cupiā, an vllum toto vitæ tempore diem transegeritis, quo non vel membri alicuius vel animi dolorem senseritis, vel iniuria affecti vel furto expilati, aut mendacio onerati.

Quod

*Vita hæc
molestiarum
plena.*

Quod si quis omnibus his sese opponere aut amoliri ea ab se voluerit, is vitæ exitum citius quam operis initium reperiet. Vt enim mare sine tempestate & fluctibus nauigari, bellum sine periculis geri, via sine labore non cõfici; sic vita etiã sine molestijs, & querelis transigi non potest. Equidem nullum vmquam vidi hominem cui iustæ tam ad querimoniam quam fletum causæ non fuerint. Quin mirabor potius, quemquam esse qui querendi ac plorandi finem faciat: quum superbia nos præcipitet, torqueat inuidia, consumat iracundia, gula impediât, caro tentet, premat inopia, seducat ambitio, omnia denique miserrimum cor tantis curis & molestijs affligant, vt honestam mortem tam inuisæ & odiosæ vitæ longe præponat.

Horum omnia quæ hætenus dicta, & plura adhuc dici possunt, summa esto; si irasci sine peccato velimus, quædam dissimulanda, alijs adhibenda remedia, nonnulla ex animo plane oblitenda, pleraque ferenda, in omnibus vero rationem ducem sequendam, & cupiditates coercendas nobis esse.

Ad

FRANCISCVM
MENDOZAM, PALEN-
tiæ Episcopum,

EPISTOLA:

*Qua putidi Hispanorum, Gallorum & Italo-
rum tam in salutando quam scribendo au-
licismi perstringuntur.*



Litteræ tuæ redditæ mihi sunt,
quibus à me petis vt formulas
quasdam tam salutandi quam
valedicendi elegantiores tibi
indicem ac præscribam. Ad ipsam rem
quod attinet, quamuis nõ exiguum in au-
lico decus sit, debitum vnicuique, serua-
to vbique decoro, honorem exhibere; mi-
hi tamen quæstio hæc tam noua accidit,
vt de ea ne per somnium quidein vmquã
cogitarim, nedum eius decisionem in li-
bris meis investigarim. Equidem multos
Grammaticorum, Logicorum, Philoso-
phorum, Theologorum, atque etiam A-
strologorum libros euolui: ea tamen de
re vlla præcepta me reperisse, aut è viua e-
tiam magistrorum voce hausisse, non
memini. Litteræ quas ad me scribis ita

*Aulica ele-
gantia ca-
pit.*

Gg

com.

comparare sunt, ut antea eas quidem accipiam, sed non nisi suspensio velut animo ad eas respondeam. Quia enim tam amanter atque eleganter scriptas non amanter accipiam? At quia plerumque res continent raras ac fere inusitatas, sit ut cunctanter quoque mihi ad eas respondendum putem.

Sed ut ad quaestionem ipsam veniam, multum sane interesse puto quibus quibusque verbis tum gestibus in civilis vitae conversatione, praesertim vero in mutuis salutationibus, utamur. Videmus enim qui vel caput decenter non aperiunt, aut venientibus tempestive non assurgunt, aut occurrentibus obviam ipsi ultro non procedunt, aut denique ne cuique qui debetur, titulum tribuunt, rusticitatis, vel fastus & arrogantiae notari; inprimis eos qui in aulis versantur. Neque enim sacerdoti magis convenit Missam attente & devote legere, figulo ollam affabre formare, sutori calceum, sartori vestem apte concinnare, quam aulico in omnibus tam dictis quam factis elegantiam quandam adhibere: quum Regum ac Principum aulae omnis elegantiae officinae quaedam esse debeant.

Ad illud quod attinet, quomodo occurrentes nobis salutandi, aut abeuntes dimittendi sint, equidem certi nihil praescribere

scribere possim, quum id nequaquam è libris discatur, sed totum à cuiusque regionis more ac cõsuetudine ac personarum conditionibus dependeat. Quo tamen petitioni tuæ aliqua ex parte satisfaciam, paucis indicabo quid olim, quid etiam apud nos vsitatu sit; ita tamen vt non quod à me è pristini temporis memoria repetitum vel hodie vsurpatum, sed quod ab alijs decenter adhibitum tibi videbitur, eligas, & vbi voles, vsurpes.

Idum eos in via sibi occurrentes, hac formula salutationis lego vti solitos: *Dominus vobis scum*. At veri Hebræi sic se mutuo compellabant: *Aue mi frater* Sophistæ è Græcia *Auete omnes*. Romanis in congressu, *Salus*; in discessu, *Vale*, in ore erat. Carthaginenses non verbis, sed osculo inuicem sese salutabant. Et Turcæ hodieque nulla alia salutatione vtuntur, quàm quod in congressu humeros, in discessu vero genua aut vestem etiam mutuo exosculantur. Sed omnia ista persequi infinitò sit. In Italia, vt etiam alibi, salutationes pro diei partibus distinguuntur, &c.

Sed ex omnibus quæ hodie ab Italis, Gallicis & Hispanis adhibentur formulis nullæ mihi magis ridiculæ ac putidæ videntur quam quod aiunt: *Beso las manos de vuestra merced*. Item *Beso las pies de vuestra senno-ria*. Nec non: *yo soy siervo y esclauo perpetuo de*

*Manus & pedes oscu-
laris putantur
& simile.* *vue, tra casa.* Quibus non manu s tantum
 sed pedes etiam eorum quos salutant, ex-
 osculari, adeo mancipio se illis tradere tes-
 tantur. Equidem, vt meum quoque in-
 terponam iudicium, sic existimo nihili
 omnino hominem fuisse qui primus has
 nobis elegantias est commentus: quin aio
 agrestem plane ac barbarum fuisse. Oscu-
 larum annis alterius vile est: pedes, puti-
 dum & turpe. Manibus emungimus mu-
 cum, detergimus sordes, fricamus scabi-
 em, & quas non corporis partes attrecta-
 mus? Pedes sudore plerumque fetent, cal-
 lo sunt obducti, conspersi puluere, & lu-
 to inquinati. De me illud mihi credas ve-
 lim, malle me armum vel pedem buculæ
 aut ouis bene apparatus comedere, quā
 ve elegantissimi aulici manus aut pedes
 osculari. Annon credis in Principum au-
 lis quamplurimos reperiri qui pedes &
 manus aliorum osculari se dicunt, inte-
 rim pedibus & manibus truncare eosdem
 mallent. Si alter alteri dicat, Amicus tuus
 sum: Opera mea tibi promta & parata
 semper est: Vtere meis tamquam tuis: Fa-
 ciam quæcumque grata tibi esse intellexero:
 Si quid à me fieri velis, tuo arbitratu
 mihi impera: & si qua alia eiusmodi sunt
 quibus amicitiam & obsequium alijs offe-
 rimus; à bonis moribus nequaquam ab-
 horret; at dicere, Osculor manus & pedes

vestros, & elegantia caret, & ab omni ratione est alienum. Pedum enim oscula Pontificis dignitati debentur; at suas ipsius manus osculari sacerdoti Missam celebranti conuenit.

Nos, si Christi magis imitatores, quam profanæ adulationis affectatores esse cupiamus, non temere alia salutatione utemur quam D. N. Iesus Christus & ipse usus est, & suos uti docuit, nimirum, *Pax vobis; Aut Pax sit huic domui*; putidis illis aut licis, nis cū auctoribus suis Antieyras relegatis. Sed quinam illi sunt, quæris? Equidem iuxta tecum nescio; si tamen coniecturæ locus est, existimo quemadmodum saltans saltantem sequitur, sic leui adicui homini tale aliquid forte siue per imprudentiam, siue per iocum & irrisionem excidisse, quod seruilibus ingenijs ita placuerit, ut ad seria locœcismos istos transferre non dubitarint. Auilæ XXII. Nouemb.

MDXXXIII.

Ad
EPISCOPVM BAR-
RIENSEM,
EPISTOLA:

Qua docetur, quam periculosum sit habere ho-
mines amicos, Christum vero
inimicum.



N oratione illa inuectiua quam
 Æschines contra Demosthenem
 habuit, inter alia hæc verba ha-
 bentur: Nosti, ô Demosthenes,
 vt sis qui videri vis, oportere te in ijs quæ
 aggredieris esse magnanimum, in promil-
 sis veracem, in consilijs prudentem, in co-
 gitationibus sincerum, in actionibus ius-
 tum, in verbis cautum. Atqui horum nul-
 lum in te reperitur: quum sæpius facias
 quæ non debes, & loquaris quæ non sen-
 tis. Recte sane Æschines. Neque enim pro
 sapiente habendus est qui in factis tantum,
 sed qui in verbis quoque prudens sit &
 circumspectus. Par sane est vt quis eorum
 quæ facit, sed nescio an magis quæ loqui-
 tur, diligentem habeat rationem: quum
 generosus & verecundus animas facilius
 illatam

illatam ignoscat iniuriam quam verbum
aliquid contumeliosum. Inulte facta e-
mendari saepe possunt; at verba contum-
liosa nec reuocari nec corrigi possunt. En-
se caro, sed conuicio cor vulneratur.
Quæ eo à me dicuntur, quod suspicer ex-
istimare te, quum nuper præsentis Impera-
toris in concione quadam inter alia affir-
marim, non minus periculosum esse ho-
mines habere amicos quam Deum inimi-
cum, verba illa mihi forsitan imprudenti &
non bene præmeditato excidisse. Quod si
ita est, tota erras via. Ego enim cathedra
conscensa, tanta in ijs quæ dico cautione
accura vtor, vt in peccatorum exomolo-
geli maiori vti non possim. Et merito:
quum locum illum ipse Dei filius sua per-
sona consecrarit, & in eo Dei Verbum &
diuina mysteria, non hominum commen-
ta, somnia & nugæ sonare debeant. Qui
enim in hunc locum inepta, profana, ri-
dícula afferunt, non sane pro diuini Ver-
bi præconibus, sed pro circumforaneis &
ægyptiis habendi sunt. Mihi quidem vide-
tur, concionatori suggestum consenturo
non tam quid dicere quam quid non dice-
re velit, præcogitandum: adeoque caute
singula verba proferenda ac si vnum tan-
tum eo die esset explicandum.

Quod ergo tam celebri die in tam il-
lustri hominum con'essu, & quidē audiēte

Concionato-
уи миним.

sapientissimo nostro Principe concionan-
tem me & verbis meis scrupulum tibi in-
iecisse, & plerosque auditores offendisse
dicis, magnā profecto mihi facis iniuriā.
Fateor sæpe ac sæpius me cogitatione &
delectatione, omissione, contenta, visu,
verbo & opere peccasse; quidquam tamē
de cathedra temere atque inconsulto di-
xisse, nego atque protestor. Quod nam-
que in foro mendacium, id in templo sa-
crilegium est. Nec tamen inficias iuerim,
me tum nimis alte fortasse in diuina illa
mysteria fuisse ingressum, sic vt singula
non vti res postulabat, satis explicare pe-
tuerim; inter quæ sane & illa à te notata
verba fuerunt. Boni enim concionatoris
munus esse semper existimaui, mysteria
omnia quæ textus verbis continentur, si
prolixè explicare non possit, saltim velut
intento digito indicare. Quod tum tem-
poris spacio exclusus facere non potui,
iam faciam, & sententiam verborum
meorum declarabo; sperans quam scri-
benti mihi hæc laboriosa, tam legenti tibi
grata & iucunda fore.

Dixi tum, nuncque iterum dico, &
Creatorem habere inimicum, & creatu-
ram habere amicam, vtrumque periculo-
sum esse. Medicis & amicis in morborum
ac necessitatum periculis opus habemus.
At numquid consultius fuerit pericula
fugere

fugere quam medicorum & amicorum operam aduocare? Multum interest pro amico aliquem, an proximo habeam. Quē enim pro amico habeo, eum vti mundanū diligo: è quo amore siue amicitia multæ sæpe confusiones & incommoda nascuntur. Rogo, domine, vt verba mea diligēter attendas, Non illud dico, malum esse amicos habere; sed, periculosum ac laboriosum. Neque enim amicus vere dici potest nisi cuius fides nostris aduersis rebus aut periculis fuerit probata. Immo quanto maior is fuerit, tanto maiori cum periculo quam fidus is nobis sit, periculum faciemus. Quam multis, per Deum immortalem, vel generis nobilitas, vel amicorum & clientum multitudo, vel magnatum fauor stimulos ad peccandum subiiciunt! qui si his carerent, intra modestiæ & verecundiæ limites facile se essent contenturi. At stultum est periculum prouocare, ad cuius depulsionē amici opera tibi efflagitanda sit. Quantum amicis fidendum sit, ipse D. & S. N. exemplo suo nos docuit. Quum enim is duodecim à lege ad Euangelium vocasset, & ex piscatoribus Apostolos fecisset; postea ab vno negatus, ab altero proditus, & ab omnibus desertus fuit. Numquam desunt amici qui cibum nostrum comedunt; at pauci, immo nulli sunt qui pericula no-

stra depellant, & necessitatibus succurrat. Inepti ac ridiculi homines, vix noscentes antea inter se vbi semel mensa vel hilarior potus eos cōiunxerit, non amicitiam tantum, verum etiam nescio quas fraternitates inter pocula contrahunt: at quamprimum vini illius quod vnà potarunt calor deferbuit, omnis illa amicitia & fraternitas simul exspirat: neque vel obulum alter alteri sit commodaturus: sic vt noti quidem seu familiares multi reperiantur, sed pauci amici. Pompeio illi Magno optimus ante amicus, vt videbatur, Ptolemæus caput auferri iussit. Senecam ingratus discipulus Nero mori coegit. Ciceronem C. Iulius Cæsar M. Antonio ad cædem obiect. Idem Cæsar à fidissimis, vt rebatur, amicis, Cassio & Bruto multis vulneribus confossus periit. Ex quibus non inepte quis inferre posset, tutius sæpe homines inter hostes quam apud amicos vivere.

Vis scire quæ hodie ab amicis expectanda sint? Nimirum vt compellare volentibus se subtrahant, & auxilium implorantibus, fortunas, honorem aut vitam amici causâ periclitari se posse negent. Tum quæ alij postulent? Nihil quidem istorum, sed longe maius, vt nimirum conscientiam animæque salutem amici voluntati & commodis posthabeant

ant, eius iniurias seu veras seu putatitias vi & armis vlciscendo, aut periurio causam eius adiuuando. O quam multiplex in foro periuria committunt; deinde non quidem periurij turpitudinem, sed mercedis quæ ipsis representatur, exiguitatem deplorant & detestantur. Tales ego amicitias, tales amicos à me procul in malam rem facessere iubeo, vtrique fortunas suas nobis negant, & conscientiam nostram deprædantur. Si quis apud se rationes ineat quot amicis succurrerit, quot desertos passus sit; credo equidem si vnus sit qui fidem ipsius laudet, vicenos fore qui perfidiam ipsius acculent. Non sine causa dixi, periculosam rem esse vera virtute carentem amicam. Sunt enim quidam adeo impudentes, vt si vel caput coram nobis aperuerint, aut nobis os surrexerint, aut de via decesserint, aut domum nos deduxerint, statim existiment non domo tantum, sed etiam arcas nostras ipsi patere debere, adeoque nihil ipsis negandum esse. Huiusmodi vero hominum amicitiam quis non fugiat atque etiam detestetur?

O vnice sacram & benedictam Iesu Christi amicitiam! quæ sola omni scrupulo & periculo cares. Est enim Seruator noster tam benignus, vt omnia sua nobis largiatur

largiatur; tam sincerus, vt conscientiam
& animam nostram non lædat, sed sanet.
Quæ cum Deo nobis intercedit amicitia
secura est, vt quæ numquam nos destituat;
certa est, vt quæ numquam nos fallat;
sancta est, vt quæ nihil iniustum patiatur,
& animum nostrum refrænet; utilis est, vt
quæ diuina nobis bona communicet; ad
omnia denique est sufficiens, vt quæ di-
uinam nobis gloriam largiatur. Solus
Deus boni, fidei, iusti, sancti & æterni ami-
ci nomen meretur. Neque enim in eli-
gendis amicis opes sequitur, aut pauper-
tatem auersatur. Principum & magna-
rum amicitias plerique captant, sed pau-
ci assequuntur. At Deus sine vlllo perso-
narum respectu, seu diues sit seu pauper,
siue dominus siue seruus, omnibus ami-
citie suæ fores aperit; non tam nostro me-
rito, quam suo amore inductus. Non ille
hominum instar, manus nostras respicit,
vt videat quidnam ipsi dare velimus; nec
oculos, vt attēdat an in orbem defixi sint;
nec pedes, vt videat quonam ituri simus;
nec os, vt intelligat quid dicamus: sed cor
tantum, vt palam faciat quantum nos ip-
sum amemus. Lazari morbis & scabie af-
flicti amicitiam Deus non respuit, nec
Magdalenæ peccatricis, nec Zachæi pub-
licani, nec Simonis leprosi, nec Dimæ la-
tronis. In domo Dei non illud quæritur,
vnde

unde veniat quis, & qui sit; sed qui esse cupiat, & quó tendat. Non enim locum ubi consistimus Deus attendit, sed scopum ad quem collineamus. Quoniam ergo tam parum est quod possumus, tam parum quod habemus, tam parum quod Deo præstamus, numquam sane is nos in suorum amicorum numerum esset recepturus, nisi bona nostra desideria & conatus operum loco acceptaret. Quod longe secus in amore mundano se habet, qui nec desiderijs acquiescit, nec præstita obsequia agnoscit, multo minus remuneratur. Quod si verum est, uti est, eum in finem à nobis eligi & coli amicos, ut tam consilio quam ope nobis quotiescumque necesse fuerit succurrant. Dei certe, non cuiusquam alterius amicitia omni studio nobis ambienda fuerit; ut qui nullum unquam suorum amicorum desertum passus est aut patietur.

Habes quæ tum in hanc sententiam breuiter dicta, hoc vero loco clarius aliquanto à me explicata sunt. Quibus si nō acquiescas, Aluarum medicum cōseo ad eas, petasque ut helleboro cerebrum tibi purget, quo & in retinendis ijs quæ audis magis fida memoria, & in scripturis interpretādis meliori iudicio vtare. Gratae x i. Octob. M D x l i i.

Ad

Ad

ALPHONSVM SPI-
NELVM, &c.

EPISTOLA:

*De Senectute, eiusque honore &
privilegijs.*



Vamuis Solon, Lycurgus, Pro-
metheus, Numa Pompilius &
ceteri plerique diuerſas in le-
gibus ſuis ferendis quiſque ſe-
quuti ſint rationes, in tribus tamen præ-
cipue conueniunt, nimirum deos co-
lendos, miſeros adiuuandos, & ſenes
honorandos eſſe. Nec proſecto hæte-
nus vlla vñquam toto terrarum orbe
fuit tã barbara natio, vbi horum aliquid
fuerit interdictum. Hæc enim iuri na-
turali ita conſentanea ſunt, vt ſingula-
ri lege ea ſancire aut iubere, nihil opus
videatur. A Eſchines in oratione quam
ad Rhodienses habuit, apud inſularum
Balearium incolas ſeptem tantum le-
ges fuiſſe teſtatur: ſcilicet, Deos co-
lendos eſſe, inopes ſubleuandos, ſenes
honorandos, Regibus ſeu magiſtratui
obedi-

obediendum, tyrannis resistendum fu-
res tollendos, & ab exterorum consuetu-
dine indigenis abstinendum. Apud anti-
quissimos Romanorum neque generi ne-
que pecuniæ præstantiorem honorem
quam ætati tribui solitum, A. Gellius au-
ctor est. Addit, maiores natu à minori-
bus cultos ad Deum prope & parentum
vicem. Hunc vero morem à Lacedæmo-
nijs Romanos accepisse, apud quos Ly-
curgi legibus maior rerum omnium ho-
nos maiori ætati habebatur. Philosophus
quidā à rege rogatus, qua arte subditi fa-
cilime ac rectissime regi possint respon-
dit. si procures ut senes rempublicā, iuue-
nes & viri bellum, & mulieres domestica
negociagerant. Si enim permiseris ut fe-
minæ viris munia sua præripiant, ut iu-
venes otiosi obambulent, senes in vlti-
ma hæreant linea & tuæ securitati & sub-
ditorum salutis parum consuletur. Apud
Romanos olim ij qui veterani diceban-
tur, quinque gaudebant privilegijs: quod
ad inopiam redactis è communi ærario
victus subministrabatur, quod sedenti-
bus rem diuinam facere, quod gestare di-
gitis annulos, quod obferatis feribus ci-
bum capere, & talaribus togis uti licebat.
Qui mos à Numæ Pompilij temporibus
ad ætatem vsque Q. Fabij Cincinnati
nisi memoria me fallit, duravit. Post
quam

quam vero Romanis tertium ab Hannibale ingenti prælio victis, suboles civitati tam ad eius defensionem quam bellum foris gerendum necessaria visa est; & ad prolem populi frequentandam præmijs atque inuitamentis vsus fuit. tumque lex lata est, vt in publicis officijs & honoribus plurimum liberorum parentes ceteris præferrentur. Eadem lege cautum fuerat, vt si sex liberorum parens tres, trium vere, duos in prælio amisisset, potior esset non is qui plures genuisset, sed qui plures amisisset. Tanti namque eos faciebant qui pro patria pugnando occubuissent, quàm si nos eos qui pro Christiana religione mortem oppetierunt.

Sed vt ad rem tandem accedam, dico tres istos quos dixi honorum gradus in tua vnus persona concurrere. Nam & quinquagesimum iam ætatis annum excessisti, & duodecim filios procreasti, è quibus quatuor in bello contra barbaros interfecti sunt. Verum plane mihi persuasum habeo, omnes illos honores tanti tibi non esse vt iacturam hanc redimere ijs non malis. Est enim is rerum in hoc Mundo status, vt multum in dies honori & existimationi detrahatur, ad labores vero & æumnas plurimum accedat. De me vt aliquid dicam, iam ego quadraginta quatuor annos in hoc mundo vixi, tam
tam

tam vero humanorum casuum varietatem expertus sum, ut non tam producendæ quam emendandæ vitæ teneam desiderio. Neque enim ad salutem refert quam diu, sed quam bene vixerimus. Cum S. Anselmo dico: *Vivere erubescō & mori pertimescō*. quasi diceret: Ego si vitæ meæ annos & peccatorum meorum numerum iusta appendam lance, etsi vitæ me tædet ac piget, mortem tamen fugio, ut qui sciam & benefactis præmia, & peccatis pœnas à Deo paratas esse. Ergo tam multos vitæ meæ annos numerans, & tam male eos collocatos perpendens, facere non possum quin in suspiria, fletum & lamenta erumpam. Hei mihi misero! à quo non solum mali commissi, sed etiam boni ommissi ratio in extrema illa hora exigetur. Nihil boni equidem in me reperio quam forte vnum hoc quod & peccata mea detestor, & aliorum probitati & virtutibus inuideo. Atque utinam tam facile culpam emendare quam agnoscere queam! Sic enim vix peccare exorsus, pœnitentiam statim sim acturus.

Quum ergo tu septuagesimum vitæ annum excefferis, ego vero à quinquagesimo haud procul absim, plusquam tempus est ut omnibus alijs profanis curis posthabitis in bona Deoque placentia opera vite incumbamus. Nam quotquot sumus

*Inopinanti-
bus mors ob-
repsit.*

mortales, maiorem vitæ nostræ partem de vitæ emendatione cogitando consumimus; dum interim nihil opere promouētibus, in ipso conatus nostri initio mors obrepit. Reuoca tibi in memoriam, quot bellis interfueris, quantas molestias & labores exhauseris, quot morbos euasceris, quot amicos perdideris: simulque illud cogita, longioris vitæ spacium Deum tibi indulxisse, non quod mortem sæpe sæpius meritus non sis, sed quod prioris vitæ pœnitentiam atque emendationem Deus à te expectet. Non equidem negauerim, ad bonam hominis valetudinem multum conferre quum alia tum inprimis victus temperantiam: breuiorem tamen aut longiorem vitam non medico aut temperantiæ nostræ, sed Deo acceptam ferendā esse, aio, vt in cuius vnus manu dies nostri sunt quos ille pro suo liberrimo arbitratu vel abbreviare vel prolongare potest. Ego te, mi domine, rogo atque oro, vt in verbis cautus, in victu temperans, in dando benignus, in consulendo prudens esse studeas; quo pluris ob morum quam ætatis grauitatem ab omnibus fias. Tu enim si ætatis tuæ annos modo numerare ac iactare velis, non deerunt qui vitia tua numeraturi & secus à te facta suis coloribus depicturi sunt.

*Non cans
sed moribus
senex se ta
cet.*

Memini me à te arthritide grauiter laborante.

borante olim rogatum, ut senum Privilegia, siue proprietates & conditiones describere tibi vellem. Etsi autem non ignoreo hac de re alios melius quam me scribere posse, ut qui nondum inter ætate prouectiores numerer (quum senectutis privilegij Romani à quadragesimo septimo ætatis anno demum frui cœperint) ac proinde de rebus ignotis disputare videri possim: faciam tamen quod petis, sed hac conditione, ut ne mihi succenseas, multo minus irascaris. Propositum namque mihi est, paucas quasdam quæ in difficilibus & morosis senibus reperiuntur, proprietates explicare: sub quorum numero nequaquàm illos cōprehensos volo, quorum ætas cum facili quadā morum gravitate iuncta est, quorum prudentia Respublicæ gubernatur, & consilijs iuuenum studia & actiones diriguntur; sed me ipsum tamquàm vagabundum erronē, te tamquam morosum, Alphonsum Riberam tamquam nugacem, Petrum Spinellum tamquam lusorem Rodericum Oregonium tamquam amatorem, Sancium Naiarem tamquam delicatum, & Guterium Hermosillam tamquam impatientem: hos, inquam, & qui similibus vitijs laborant, non illos, sed hic coloribus depictos dabo. Cicero, Possidonius, Laertius & Sarisburiensis Polycraticus multa congefserunt quibus probare

Conati sunt, senectutem non modo non moleſtam, ſed & iucundam eſſe: ſed perloquem lapidem iurare auſim, aut eloquentiam ſuam in hac re oſtentare illos voluiſſe, aut quid ſcripſerint ipſos neſciſſe Videamus namque ſenectutem eiꝱſmodi morbum eſſe, è quo nemo niſi qui moriatur, conualeſcere poteſt.

Sequuntur ſenũ Priuilegia ſeu proprietates.

Senibus proprium eſt, oculos habere ſtilantes, & viſum obtuſum; & quamuis aer nubibus careat, nubes tamen in oculis circumferre. Vnde fit vt quæ aſpiciunt vel gemina ipſiſ; vel nota ignota, aut econtra videantur, ſic vt pro amico peregrinum ſæpe appellent.

Senibus proprium eſt, vt aures continuo eis tinniant, & tamen ipſi nihil audire ſe querantur, eoꝛque clamandum potius cum ipſiſ quam loquendum ſit. Illud vero permoleſtum eſt, quod ſi quos videant ſermonem inter ſe conferentes, nec quid loquantur audiant, ſtatim vel honorem ſuum traduci, vel in facultatum ſuarum detrimentum conſilia iniri putent.

Senũ priuilegium eſt vt capilli etiam quando non peccuntur ipſiſ deſſuant; ecõtra in ceruicibus perigo etiam non fata,
ſuc-

succrescat. Tum vt caput ad solem fricantibus, surfures & lendes sinum impleant, & humeris instar niuis incumbant. Quominus vero caput lixiuio abluant eiusdem debil tate prohibeantur.

Senum priuilegium est, primoribus carere dentibus, eoque blæsa verba proferre. Et quia dentes molares vel obtusos admodum vel putridos habent, à durioribus cibis & frigido potu facile abstinent.

Senum priuilegium est, vt laxis caligis, foccis & calceis fenestratis sine vlla superbiæ nota, sed non sine arhtritidis dolore vtantur.

Senum est, hyberno tempore in hypocaustis vel ad focum sedere, æstate in sole apricari: inde aridum guttur in taberna vinaria mero proluere. Senes bibant.

Senum est, capite semper nutare, manibusque tremere, adeo vt vitrū mero plenum sine effusione vix ori ad mouere queant.

Senum est, mane pro ientaculo haustum vini Maluatici aut vini absynthiaci bibere: deinde hora decima præcise prandere: hora secunda pomeridiana merendam, & hora sexta vespertina cœnam sumere: sicque cubitum ire: mane vero ante lucem surgere, & familiam clamore & strepitu excitare.

Senum est, baculum assidue secum circumferre, non tantum vt eo innitantur gressumque adiuuent, sed & vt eo titiones in foco ordinent ignemque foueant, vel etiam famuli dorsum metiantur.

Senum est priuilegium, non petita à Consule aut pretore venia vel sudariolum cingulo appendere, naribus emundendis & collo mappam iniicere, ori & manibus detergendis.

Senum prauilegium est, lente admodum edere, & inter edendum crebro ructare: tum etiam hospites inuitatos non diu expectare, sed interim dum illi veniunt, cellam vinariam ingredi, & quod vinum optimum sit, degustare.

Senum est quum tempestatem modo, tum in primis Lunæ incrementa & decrementa diligenter obseruare. Quin etiam obseruare ista negligentes podagra sedulo commune facit: adeo vt tempestatis prognostica senes in corpore secum circumferant.

Senum est, contra frigus & gelu tamquam capitalem hostem diligenter se munire. Hinc videas in ipsorum cubiculis fenestras & rimas omnes obturatas, vestes vero ipsorum pellibus subductas.

Senum est, vbi confederint, pedibus scamno inpositis, in cubitum procumbere, & somno oppressos, clarum stertere: nec tamē

enes som
nolenti.

nec tamen vllum eo nomine soluere vectigal.

Senum est, ante lectum patinam in qua exsuptant, & matulam, pone lectum vero sellam præsto habere: tum noctu famulum aut famulam in eodem cubiculo iacentes, vt puluinum aut tegumentum delapsum porrigant, aut hoc vel illud faciant, inclamare

Senum est, solitudinem fugere. Hinc *Curiosi.* vel in foro obambulant, aut circa tabernas ex obuijs res nouas expiscantur. Tum si quid forte audierint, non ipsi modo credunt, verum etiam alijs pro vero & indubitato, ac sæpe non sine mantissa vel additamento, obtrudunt.

Senum prauilegium est, quod sine vlla *Merobibi.* violatione Canonis, *Si quis suadente diabolo,* panem decorticatum comedunt, & vnum sine aqua bibunt.

Sed nec illud aspernandum senum est priuilegium, quod buccellas quidem quas ori inserunt, non autem vitra quæ exhauriunt, numerare licet.

Senum, sed beatiorum, priuilegium est *Auasp.* quod semel fere singulis mensibus thesaurum suum obseratis cubiculi foribus, explicant, pecuniam numerant, & per sortes seu species distinguunt; deinde iterò reconditis, tamquam dracones ita inuigilant & incumbunt, vt fere dentem citius è

maxilla quam numum ex arca moueri sibi patiantur.

Iidem non auari modo, sed & sordidi, nemini quidquā dant: vestes optimas in armario asseruant, centunculis interim vestiti; vina etiam optima vendunt, deterius ipsi bibunt. Quid multis? viuere inopes volunt vt diuites moriantur.

Senibus hoc proprium est. cum Medicis, pharmacopolis, dulciarijs & id genus hominibus frequenter conuersari. Et si non desunt qui tabernas in quibus melius vinū venditur, etiam sine hedera norunt ac visitant.

Senum priuilegium est, quod in Senatu, in templo, & in conuiujs supremum occupant locum, primi fere sententias dicunt, primi manus ad patinas porrigunt: quibus in rebus ea plerumque prolixitate in sermone, aut ciuilitate in moribus vtuntur, vt alijs nauseam moueant, alijs deridendos se propinent.

Senum priuilegium est, vel vitium potius, quod loquentes vltro interpellant, etiam si qua de re sermo sit nesciant; & non rogati, sententiam dicant.

Eorum priuilegium est, quod etiam nō vocati quasuis ædes ingredi & non inuitati mensæ assidere solent. Mihi quidem ea de causa aliquando senem amicum reprehendenti respondit ille: Hoc scito, Gueuara, canis

nis honoratis nullas fores esse obseratas.

Senibus proprium est, queri, irasci, stomachari, vel tristes esse, melancholicos, suspiciosos, morosos, vno verbo dicam molestos. Cuius rei causa est, quod ut in senibus sanguis est frigidior, ita cholera seu bilis feruentior; unde fit ut ad iram & querelas magis propendeant quam ad risum.

Senibus vsitatum est, longioribus hybernis noctibus aut diebus feriatis narrare assidētibus quas lustrauerint regiones, quas pugnas pugnaverint, quanta euaserint pericula, quas & quam pulcras amicas habuerint: interim parum memores quantum ætas ipsorum processerit, quamque inutiliter sit transacta. Qua de re si quis mentionem velit iniicere, statim illi sermonem aliò conuertunt.

Senibus mos est præteritam laudare ætatem, & præsentem accusare, aientes, apud homines olim maiorem fidem, sinceritatē liberalitatē, fuisse; iā vero omnem obedientiam erga superiores, fidem erga amicos, misericordiam erga afflictos, charitatem & iustitiam erga omnes, terris videri excessisse. Huius vero rei causa est, quod & per imperitiam quæ pueris ipsis facta sunt, non animaduerterint, iuuenes vero quæ alij, strenue & ipsi peccarunt; eoque non sæculi malitiam, sed ætatis suæ imbecillitatem de-

testantur, per quam ipsis quæ alijs faciunt, facere non licet.

Solenne senibus est, ut antequam cubitum eant, dorsum & crura sibi fricari iubeant: ac sæpe, quando iam vestibis spoliati, lectum conscensuri sunt, ancillam inclament: Huc sodes Maria, propere è cella bonum vini haustum mihi prome, ut tanto melius longissimæ huius noctis tedium fallam.

Senum priuilegium est, quod sine vilo pudore, dum per scalas descendunt, famulantium humeris innituntur; ascendentes vero eorundem manibus alæ suppositis, adiuuantur: ac si nimis altæ scalæ sint, semel aut bis veluti interstringent, & ad recipiendum spiritum quiescant.

*Tristis est
recordatio
maleactæ
ætat.*

Senibus proprium est, ut si vel soli sint vel in lecto vigilantes cubent, præteritos ætatis suæ annos in memoriam reuocent, quomodo scilicet, & quibus studiis illos transegerint, quos habuerint amicos, rebus humanis iam defunctos; quam agiles & robusti olim ipsi fuerint, quam debiles vero & effeti iam sint: quarum rerum recordatio non tristitiam modo, sed & timorem ipsis incutit, ut qui videant se à morte quamproxime abesse, nec vilo modo eam posse subterfugere.

Licet

Licet leni in tempore cum Curionibus seu parochis de sepultura, & cum Confessario de testamento agere. In quo quidem tam sunt instabiles, ut nullam ultimam voluntatem habeant, sed *Senes in constantes.* quamdiu viuunt, in singulos fere dies, immo horas eam mutant: tum etiam locum nullum ubi sepeliri velint, facile reperiant, ut qui etiam cum omnibus senectutis incommodis viuere, quam corporis exsuuias in templum aut cœmeterium deponere malint.

Senum proprium est, ut quacunque incedunt, latere nulli possint: quippe quos si non videas, ex tussi tamen, screatu, aut baculi quo gressum adiuuant strepitu, vel denique querelis quas demurmurant, facile audias

Senum priuilegium est, cibo lente atque ociose vesci: ac si forte buccella gulæ adhærescat, largiorem vini haustum affundere, ut tanto facilius illa in stomachum descendat.

Senibus mos est clauēs arcæ in qua pecuniam asseruant, uti & cellæ vinariæ & penoris, cingulo appensas secum circumferre; & si quid inde promendum sit, statim iurgia ciere, nec se tantis sumtibus pares esse posse clamare.

Solent etiam senes quot annos nati sunt rogan-

Ad

L V D O V I C V M

B R A V V M.

EPISTOLA:

In qua quam turpis senilis sit amor ostenditur.

Excors & senex Domine.

Go enim si alio titulo te compellem, conscientia mea iniuriam facturus mihi videor. A Etatem tuam video? Senex es. Vitam & mores? Nobili & honesto viro, qualis tu videri vis, minime digni sunt. Epistolae sane quam ad me misisti, argumentum è tuo cerebro depromptum, & scriptura è tua manu profectam esse, etiam sine nomine tuo facile mihi ostendit: simulque illud, quam parui honorem tuum facias, adeo ut ad summum impudentiae culmen peruenisse videaris. Duo, opinor, menses ad quatuor & sexaginta annos tibi desunt. Ecquid tu melius sapere tot annis non didicisti? Sed ea peruersorum & obstinatorum hominum est conditio, ut viuere prius desinant quam emendare se incipiant.

Nota par-
rhesian au-
ctoris.

Quod vero acrius ad litteras tuas respondeo, non eo fit quod à te, sed quod tales.

Quam

*Qui de quibus
rebus
consulendi.*

Quamuis enim de re leuissima scriptæ sint, meæ tamen personæ & statui non nisi grauius ad eas respondere conuenit. Quid tu, malum, ad me, & Christianum, & Theologum, & concionatorem, & sacerdotem, & Franciscanum Monachum de amoribus scribis? Quid ad eam rem consilium à me petis? Non quidem nego olim me quoque ex eorum hominum qui nihil nisi mūdā sapiunt, fuisse numero. Fateor me quoque amoris causa in plateis totas noctes obserasse, fenestras, fores obseruasse, litteras amoris interpretes & dona etiam ad amicas misiculasse, & quæ sunt eiusmodi omnia fecisse; hæcque ad confusionem meā fateri, quam ad condemnationem negare malo. Sed Deo meo gratias ago, & agam dum uiuam, quod me in feruore iuuentutis meæ ex Mundo & maximis eius periculis extraxit, ad id vitæ genus traduxit, in quo tutius ipse seruire possim. Quod si tamē cum vitæ genere nō mores quoq; mutasse, fateor sane multo me tã Deo quã hominibus detestabiliore quam quamuis de Mundo futurum. In Mundo enim multi sæpe improbi sunt, quia probi esse non possunt at in Monasterijs nemo improbus est, nisi qui probus esse non vult. Quod muris & leptis includimur quod in angustis versamur cellulis, quod victu & uestitu aspero utimur, non eo fit quod in his rebus perfectionem nostram consistere existimemus, sed ut peccandi vi-

temus fomites & occasiones. Fateor inter mundanos etiam multos pios reperiri: iidem tamen, credo, non negabunt, eos qui in claustris viuunt, à peccatorum assultu esse tutiores. Et profecto, si verum fateri volumus, inter mille vix vnum reperiās qui à peccato abstineat, si peccati habeat occasionem.

Hæc quidem eo a me dicuntur, vt intelligas, non mihi sed tui similibus, nempe Mundo immergi, hominibus morbum tuum vel insaniam potius fuisse aperiendam. Mei enim officij potius est peccata te confidentem audire, quam amandi præceptis instruere. Quid enim à te fieri possit ineptius? Primo significas mihi te, iuuenem scilicet sexaginta quatuor annos natum, graui amore esse percussum. Deinde exemplum petis à me epistolæ, qua amicæ amorem indices, ac vicissim ipsius amorem exambias. Quid hoc aliud est quam petere, vt tibi gratificer, & inter cæca Dei obliuiscar? Et si autem tua illa amica quæ vel qualis sit nescio, facile tamen fero, immo rogo vt hanc meam epistolam legendam ei exhibeas; quæ si recte lecta atque intellecta fuerit, & ego impudentiam tuam egregie vlcisca, & tu stultitiæ tuæ admoneberis, & illa quanto per te decepta sit, animaduertet.

Ac primum in tua ætate ista, falsum perhibes testimoniū, immo periuriū cōmittis.

Ais

Ais enim immensis te amoris causa doloribus affligi, atque adeo perire: quum capulares istiusmodi, qualis tu es, senes non amoris, sed senectutis doloribus cōficiātur, & pereāt; neq; amātes sed amētes; nō proci, sed porci dicēdi sint; nec tā quod amorē, sed quod ossa sua trāsferre velint, cogitare debeant. In ista ætate fieri potest vt ames, nō vero, vt ameris. Si quā enim forte blandior te vultu intueatur, non tamen illa, mihi crede, personam tuam, sed marsupium intueatur. Istius ætatis hominem nulla mulier amare simulat nisi vt ludibrio habeat. Neque enim existimare debes iuuenulas senibus gratis nubere. Quæ iuueni nubit, facit id vt cupiditates suas expleat; quæ seni, vt crumenam impleat. Quid tu ista ætate, an carmen ad fores occentabis, an fidibus canens per plateas oberrabis, an ad ædium eniteris culmina, & per fenestras te immittes? Mundanæ enim & vanæ mulieres non secreto tantum, verum etiam in publico serui sibi volunt. Iam ad vestitum quod attinet, quomodo ætati tuæ conuenit iuuenilis habitus? Caligæ adstrictæ, calcei angusti, pennatus pileus, vestes denique segmentatæ, fimbriatæ, laciniosæ, polymitæ, & quæ in primis amicæ tuæ præferant colorem. Nam ab amatoribus eiusmodi mulieres exigunt non tantum vt prudentes sint in scribēdo & suaves in loquendo; sed etiā

vt elegantes sint & nitidi in vestitu.

Quomodo vero in morosa tua ista ætate ferre amicæ importunitatem poteris, quotidie vel epistolam ad te scribendis, vel aliquid poscentis? Cui si vel statim non responderis, vel quodcumque etiam denegaris, ilicet de amore tuo actû erit. Sed & quomodo tu in ista tua ætate mœrorem fingere, aut falsa suspiria ducere poteris? quum hæc vt ab omni grauitate aliena sunt, ita maxime in eiusmodi amoribus requirantur; sic vt leues istiusmodi mulieres parum se gratas amatoribus suis existiment, nisi tristitiam suam ex ipsarum absentia conceptam & literis testentur, & fores ipsarum frequentibus suspirijs pulsant. An tu vero quotidie in forum descendes vt exquisitum aliquem cibum; aut phrygionum & aurifabrorum tabernas quotidie intrabis, vt cimeterium aliquod compares, quæ amicæ tuæ dono mittas? Sunt namque adeo delicatæ & auaræ id genus meretrices, vt nisi quotidie dapnabilem aliquem cibum, aut singulis septimanis securatos aliquot, vel singulis mensibus nouam ab amante vestem accipiant, amanti statim valedicant. Iam si amicam tuam noti eorum tantum quæ facis quotidie, sed etiam quæ cogitas consecram feceris, illa procul dubio & dorsum in lecto tibi obuertet, & mensæ

*Mulieres fo-
le. erumpo
sint voluit.*

cernua atque obliqua affidens, vix limis oculis intueri te dignabitur. Sed nec vllum alium quæstorem aut domesticæ rei procuratorem constituere tibi quam tuam ipsam amicam licebit. Nā mulieres eiusmodi ijs sunt moribus vt omnia quæ domi sunt, in sua velint esse potestate. quibus si non des quidquid petunt, surripiunt quidquid possunt. Nec verò tuo tibi arbitrato pecuniam & facultates dispensare licet. Quidquid enim amica tua in alios erogatum senserit, sibi perijsse existimabit. Ne tu vero existima, te si isthoc ætatis amoris operā des, vllum arduum vel ferium saltim negocium moliri, nedum perficere posse. Nam si amica animaduertit te alias quoque res curare, statim negligi se à te & contemni quiritabitur: quippe quæ persuasum habeat, ceteris omnibus rebus sui vnus curam esse præferendam. Quid, quod domus tua posthac nō amplius, vt ante, amicis & notis patebit? Nam si amicos admiseris, illa continuo vt semissam facias, clamabit. Neque dicendi quod senseris, nec cum vlla alia muliere vel leniter iocandi potestas tibi posthac erit. Illa enim si vel formam alicuius laudaueris, aut blandiusculis quamuis aliam oculis adspexeris, aut verbis compellaueris, suas statim tibi fores occludet, & ad alias quæ melius tibi placeāt, vel etiam in maximam

*Mulieres
zeio: 2p^a.*

nam malam rem facessere te iubebit. Atque ut vel maxime amor hic tibi procedat, fieri tamen non potest quin is vel tibi ludibrio, vel illi fraudi sit. Si enim illa in ijs quęcumque volueris, morem tibi gesserit, utrique sane opera & oleum peribit; sin te, uti solet illi ætati fieri, tractauerit, tu sero te deceptum, & non te sed aurum amatum, non sine damno deprehēdes. An vero tu isthac ætate vel in multam noctem vigilare, vel mane solis ortum longe possis antevertere? Quorum utrumque tamen si amoribus tuis potiri velis, necessario faciendum, ut scilicet amicę limen ingressurus, tam vespertinis quam matutinis tenebris vicinos fallas.

Plura his non addo: interim quomodo ista accepturus sis, expectans. Quod si purgans hoc medicamentum vim aliquam habuisse intellexero, mox leniens aliquid addere non negligam. Toleti VII. Octobris M D XXIX.

Ad
E V N D E M
 EPISTOLA:

*In qua & probi senis conditiones aliquot enume-
 rantur; & amoris explicatur per-
 tinacia.*

*Moribus de-
 bet respon-
 dere titulum*



Obilissime & cordate Eques: ex lite-
 ris tuis summa cum voluptate
 intellexi, pharmacum quod
 morbo tuo nuper adhibui, tam
 fuisse efficax, quam optaram potius quam
 separaram. Vt verum fatear, inciuitatis
 meae qua te Excordem superioribus meis
 appellaueram, nunc me quodammodo
 poenitet; eoque par est ut iam longe ho-
 norificentiore atque isthoc tuo animo
 & facto dignum titulum tibi tribuam: ut
 qui admonitionem meam atque adeo ob-
 iurgationem non æquo tantum accepe-
 ris animo, sed & mores vitamque emen-
 daris.

Ais, superioris meae epistolae verba cor
 tibi penetrasse, adeoque pæne effodisse,
 mores tuos accuratius excutienti. Id quo
 iamdiu nihil gratius mihi auditu accidere
 potuit. Neque enim ego ista scripseram
 ut oculis tantum legeres, verum etiam ut
 animo

animo infigeres; atque inde teipsum tibi quasi repræsentares. Id vnice mihi credas velim, nequaquam illud me spectasse vt molestia aut ægritudine te afficerem, sed vt ad morum emendationem reuocarem.

Quid tu? Ais, quamprimum meam legeris epistolam, te lena pueroque dimisso, amori valedixisse. Factum tuum laudo; at multo magis laudauero si in eo quod cepisti instituto perseueres. Vitia namque vbi animum semel occuparunt, tam altas radices agere solent, vt vix extirpari possint. hinc fit vt quæ iam abscessisse existimamus, in intimis adhuc lateant penetralibus. Tu quod fecisti, bene vertat tibi perpetuumque sit, ex animo voueo; ego vero quæ scripsi, ignosci mihi peto: quamuis iam sane quum emendatum te videam, iram tuam nihil morer. Citius enim abit odium quam euellitur vitium.

*Discuntur
facile, vix
vntquam
deducuntur
vicia.*

Eadem illa tua epistola à me petis, quum superiori mea inter alia leuium quoque & amori operam dantium senum conditiones descripserim, vt iam quibus moribus laudabiles senes ornati esse, quæ facere, quæ cauere debeant, paucis tibi indicem. In quo sane facere non possum quin tibi morem geram, quamuis fortasse stilus meus non tantum in consulendo habiturus sit prudentiæ quantum in reprehendendo habuit acrimoniæ: quod fa-

*Reprehensio
alterius fa-
tiles est.*

cilius sit quævis in alium dicere, quam bonum consilium dare. Ego tamen ut petitioni tuæ aliquo modo satisfaciam, consulam tibi ut potero, ea tamen conditione, ut quicumque hæc legerit vel audierit, non oblectandis ista auribus, sed emendandis moribus scripta esse putet.

Qui tuæ ætatis sunt senes, & verbis tam cauti, & factis tam probi esse debent, ut ne minimum quid vel faciant vel loquantur quod iuste reprehendi possit. Futilis enim & dissolutis moribus senex vno vel facto vel verbo magnum toti Reipublicæ damnum inferre potest.

*Error iuue-
num est,
Prudentia
Senum.*

Senum est, non exemplo tantum alijs præluere, verum etiam salutaria petentibus dare consilia: ut sic iuuenum temeritas senum prudentia compescatur & regatur.

Senum est sedatis uti moribus, ut sicut in iuventute olim turbas & rixas ciebant, sic iam paci studeant.

Senum est erudire ignorantes, & defendere imbecilles: quos si re non possunt, consilio saltem iuuare debent. Afflictus namque homo sæpe magis eo quod audit quam quod accipit subleuatur.

Senum est molesta quævis negotia à se amoliri, ac bonam temporis partem visitandis locis sacris & hospitalibus consumere. Quis enim neget æquum esse ut qui

qui Mundi vanitates olim sectatus sit, iam tandem sacra loca frequentare & animæ curam gerere incipiat?

Senum est, omnem domi molestiam deponere; in templo vero peccata sua deffere: siquidem maiorem de salute sua fiduciam habere non potest, quam qui facit v iuus quod debet, & moriens quod potest.

Senum est in dictis modestiam adhibere, in narrationibus prolixitatem vitare. Inprimis vero ab omnibus fabulis & nugis, nedum illiberali & scurrili sermone abstinere. Quod enim in iuvene leuitati, idem in sene extreme vel dementiæ vel malitiæ adscribi solet.

Senum est rixas litesque omnes fugere, immo rem aliquando negligere quam forensibus se litibus implicare malle. Adolescentes enim vt labores facile ferunt, ita odia facile contemnunt: quibus sustinendis senes pares esse nequeunt.

Senum est cum bonis & probis conuersari, in quorum sinum omnia quæ volunt tuto possint deponere. Fido namque amico nihil in hac vita iucundius est & præstabilius.

*Fide, sed
v. de.*

Senum est eiusmodi sibi deligere amicos, qui animo sinceri sint, sermone iucundi, in petendo verecundi. Amicitia enim & importunitas vix vlla copula

iunguntur; & quod dicitur, ex eadem patina non diu capiunt cibum.

Senum est pueris nuces relinquere, & rei familiaris curā habere. quam qui neglexerit, nē eius sape frigebit focus.

Senum est puro & nitido vti vestitu; non tamen lasciuo. Affectata enim in vestitu elegantia, in iuvene curiositas, in sene leuitas censetur.

*Odia disti-
mulanda.*

Senum est nec odia cum æmulis, nec iurgia cum vicinis serere. Neque enim generoso animo grauius aut molestius quidquam accidere potest, quam si contumeliose aliquid in se dictum sentiat, vlcisci tamen non queat.

Senum est, erga miseros & afflictos sumā vti pietate & misericordia, quos iuuenes plerumque ob rerum imperitiā aspernantur. At senes qui magnam humanorum casuum varietatem sunt experti, atque ipsi etiam acerba interdum degustarunt, hoc persuasum habere debent, quantum ipsi pauperibus, tantum Deum ipsis misericordiæ impertiturum.

Senum est eiusmodi libros circumferre, quorum lectio & ad animæ promouendam salutem, & temporis fallendum tædium faciat. Quum enim nullas ad laborandum, immo vix ad ambulandum sufficientes vires habeant, fieri non potest quin assiduīs cogitationibus distrahantur:

coque

eoque satius est vt aliorum factis legendis, quam suis ipsorum non sine molestia ruminandis animum habeant occupatum.

Senum est, à societatibus, publicis consilijs & Reipublicæ administratione, quantum fieri potest, abstinere. Quum enim ibi vel de priuatis vel de publicis vtilitatibus, & quidem ab ijs quibus animus & genua, quod dicitur, adhuc virent, consilia suscipiantur: fit plerumque vt senum aliorumque qui paullo circumspectiores sunt, cunctatio contemnatur.

Quod si tamen in consilium adhibeantur, diligenter cauebunt, ne temerarij, pertinaces, aut loquaces videantur. Opinione enim iuuenilis ætas plerumque ducitur; at senes rationem ducem sequi debent.

Senum est sobrietati, pudori & castitati in primis studere. A Etati enim illi virtutes magis quibus vita, quam cani quibus caput splendet, laudem conciliant & auctoritatem.

Senum est, singulis diebus sacro Missæ officio, & precibus vespertinis interesse. Quod si quis onus hoc nimis graue existimet, cum eo ita agam, vt toties iam senex sacrum frequentet quoties olim iuuenis amicæ limen frequentauit.

Iam ad corpus quod attinet, animæ
li 5 qui-

quidem in primis, sed & iltius cura habenda est: quum senectus, Galeno teste, morbus sit numquam decrefcens, & fanitas nunquam perfecta.

Dabunt ergo operam vt in ædibus habitent quæ aere gaudeant libero, & soli sint expositæ, & in quibus omnia non ad salubritatem modo, verum etiam oculorum atque animi oblectationem conducant. Meo quidem iudicio à sene nulli sumtus melius collocantur quam qui in comoda & salubri domo impenduntur.

Sed & diligentem cubiculi habebunt rationem, in primis ne vento illud sit peruium, nec humido loco positum. Seni enim vel tenuis aura per fenestram aut rimam intrans, plus nocet quam multæ olim noctes iuueni sub dio vigilatæ.

Senum est, pane bono & optime cocto in cibum, & vino sincero & sapidissimo in potum vti. Quum enim senum corpus morbis plerumque, & animus ægritudine confectus sit, bono cibo corporis vires quodammodo reficiuntur, & bono vino curæ & tristitia animo expelluntur. Vulgatum illud est, Vinum lac esse senum.

Tantum cibi & potionis senes adhibere debent, Catone apud Ciceronem suadente, vt reficiantur vires, nō opprimantur. tum ciborum in primis habendus est delectus. Et si enim pecuniam senex habeat qua

qua quosuis e bos sibi emat, calorem tamen non habet quo eos concequat & degerat. Et velut lychnus nimio affuso oleo extinguitur, sic corporis & animi vires nimio vniō.

Senum est procul à fluminibus & riuis degere, nec in loco quocumque humido diu commorari, aut in locis vento expositis dormire. Nam quum non minus teneri fere sint quam pueri, aer facile corporis poros penetrat, & humor ossa.

Quum semper alias, tum in cœna temperās & sobrius senes esse debent. Si namque frigidum & debilem stomachum multo cibo aut potu obruerint, multum sane ruſtabunt, sed parum dormient.

A vestibulis ipsorum sordes omnes abesse debent. Indusium candidum, toga pura, lectus mollis, & cubiculum totum mundum & purgatum, & contra aeris etiam iniurias aulæis munitum atque ornatum. Qui namque diu cupit viuere, sordes omnes à corpore abstergere, & curas ex animo eijcere debet.

Nec tamen domi desidebunt semper, sed, præsertim qui obeliōri sunt corpore, in campum aliquando exspaciabuntur, & conuenienti aliquo exercitio corpus exercebunt; ne spiritus aruina præfocatus eos destituat.

Sedu'o etiam cauebunt, ne familiæ vel diari-

diarium maligne exhibendo , vel ſalaria tarde ſoluendo, obtreſtandi , aut maligne ſeruiendi præbeant occaſionem : tum ne ad viuum omnia reſecent, ſed potius cōniueant aliquando , & commodum caſtigandi tempus exſpectent. Qui enim famulum non vt debet corripit, ad ſeruiendum tardiorē, ad furandum vero promtiorē & aſtutiorē eum facit.

Senum denique eſt, eorum præſertim qui pedem alterum, quod dicitur , iam in cymba Charontis habent , diligenter ad mortem ſeſe præparare, ne improuiſo ab ea opprimantur, ſed anima iam inter extrema labra natante , omnibus tentationum nebulis diuinæ conſolationis luce diſcuſſis , fiducia pleni ex hoc Mundo emigrent , & in extremo illo iudicio imperterriti conſiſtant , & cum omnibus fidelibus æternæ vitæ gaudia ingrediantur.

Sequuntur contra illicitos amores remedia aliquot.

SUb finem epistolæ ais, licet amorem abieceris, nondum tamen te omnem dolorem abieciſſe ; nec prohibere poſſe, quin is identidem recurrat, & oſtium cordis tui pulſet: eoque conſilium à me petis quo penitus cum animo queas euellere atque exturbare. Equidem amoris tam facile

facile te obliuisci non posse, nequaquam miror: quum amantes cæci sint, & nec ipsi quid velint quidve cupiant satis sciant: vt quorum animus assiduis curis & cogitationibus distractus, vix vnumquam apud se est. De remedijs Amoris multa passim apud scriptores, Plutarchum, Hermogenem, Horatium, & in primis apud Ouidium, qui de hac re ex professo scripsit, exstant. Verum quidquid illi scripserint, aut alij scribant, ego vnum hoc remedium contra amorem præstantissimum esse aio, vt numquam incipias amare. Tam mala bestia amor est, vt vel tenui filo capi & ligari se patiatur; at nullis armis postea abigi possit. Hic illud verum est: *Agricus eijcitur, quam non admittitur hospes.* Canem cauda, lupum auribus tenere laboriosum; dimittere, periculosum est. Sic impudicâ mulierem facile in domum tuam introduxeris; sed non tam facile eieceris. Hamus est amor, qui capit quando capitur. Vnusquisque ergo sibi attendat quibuscum conuersetur, quas domos frequenter. Talos quidem in manu & potestate sua habet lusor, sed iactus admodum est incertus.

Multum quoque iuuabit tot tantorumque qui in amore sunt, dolorum recordatio. Salubriter D. Augustinus monet, inquiens: *Quoties feminam adis, existimes te in inferni*

*infernii ianuam ingredi. Sathanaque sagitta penetrari. Femina siquidem fuit ab initio peccati aucupatrix, eritque semper malorum inexhaustus fomes. Audi quid post homines natos sapientissimus rex Salomon de eiusmodi amoribus loquatur. Ne intenderis, inquit, fallacia mulieris. Fauus enim destillans labia meretricis; & nitidius oleo guttur eius. Nouissima autem illius amara quasi absinthium; & lingua eius acuta quasi gladius anceps. Pedes eius descendunt in mortem, & ad inferos gressus eius penetrant. Ecquid vero turpis iste amor affert quam corpori imbecillitatem, labem famę & honori, facultatibus detrimentum, vitę exitium, scandalum proximo, & æternum tandem animę interitum? Pythagoras rogatus à quodam quando mulieris vitendum sit consuetudine, respondit: *Quum te ipso voles fieri infirmior. Nec vero corpus tantum eueruat libido, verum etiam ita fascinat atq; irretit, vt nullis modis aut artibus expedire homo se possit. O quoties putas, monstrorum ille domitor Hercules Omphales amoribus extricare se voluit nec potuit! eo quoque adactus, vt inter mulieres muliebria officia faceret, & imperiosę dominę sandalio caput demulcendum præberet. Quid M. Antonius? Annon Cleopatraz amor non honorem modo & imperium, sed vitam quoque posthabuit? Iossem hoc loco infinita producere**

ducere exempla eorum, quos quasi inuitos ac reluctantes Amor perdidit: de quo verissime illud dici potest:

—— *facilis descensus Aueri.*

*At vitare fuga, superasque euadere adamas,
Hoc opus, hic labor est.*

Ad ipsum amorem quod attinet, suadeo ut nemo non modo alteri, sed ne sibi quidē ipsi fidat. Vtrumque en. m & amare & amari, naturale est homini, ut quos semel amor copularit, ij nodo insolubili coniuncti, ac veluti conglutinati videantur. Optimum vero remedium fuerit, ocium fugere, & assiduæ tam humanarum quam diuinarum rerum contemplationi vacare. Ociosa enim mens per illicitas sæpius cogitationes euagatur, à quibus abest sublimium rerum meditatio. Et numquam alta cogitabit qui feminarum accessibus gestiat. Grauius Poeta non grauius Martialis:

Queritur Aegisthus quare sit factus adulter?

In promptu causa est, desidiosus erat.

Et alius in iisdem castris bene versatus:

Ocia si tollas, periere Cupidinis arcus.

Sed ex omnibus rebus nihil est quod libidinem magis proritet quam superflui potus ac cibi vsus. Magna est inter gulam & libidinis instrumenta cognatio. Sic ego existimo, qui ventrem non nimis repleat, facile omnes libidinis faces extincturum: quorum præcipuus fomes gula est.

Recte

Recte Comicus Poeta ; *Sine Cerere & Baccho friget Venus*. Bene pastos iuuen cos lasciuire videmus. Et Germani dicunt, in do-lio vini pleno plus gaudij quam in psephopæctarum pera esse reconditum. Ebrietatis certe pedisequa est Luxuria. An non immoderatus vini vsus Loth Patri-archam , vt incastum cum filiabus com-mitteret , induxit? *Vt homini cicut a venenum est , ita & vinum* : inquit Aristoteles. Bacchi feruorem lymp ha restinguendum Sa-pientes monent. Et alius primum pocu-lum ait esse necessitatis , secundum hilari-tatis , tertium voluptatis , quartum furo-ris. Quoniam ergo luce clarius manife-stum est , ebrietate & gula libidines mirum in modum incendi ; suadeo vt temperan-tia , labore , vigilijs , orationibus , rerumque diuinarum contemplationibus corpus ita constringas & maceres , ne in libidines efferuescat , ac quod D. Paullus Apostolus ad Rom. x i i i . capite scribit , semper ob oculos habeas : *Abijciamus opera tenebrarum , & induamur arma lucis ; sic vt in die honeste am-bulemus. Non in comessationibus & ebrietatibus ; non in cubilibus & impudicijs ; non in contentio-ne & amulatione : sed induimini Dominum Iesum Christum , & carnis curam ne feceritis in deside-rijs.*

Plura quæ multa tamen possem , hoc loco non addam ; sperans si ijs quæ à me præscrip-

præscripta sunt, recte usus fueris, & in tua
ista ætate facile tam turpis amoris oblitu-
rum. Interim illud à te contendo, ut si
forte vlcus illud tuum asperiori manu
contrectauit, eique cataplasma violentius
applicui, æquo animo accipias. Est enim
amoris morbus tam occultus, ut nec ex
vultu nosci, nec ex arteriæ pulsu depre-
hendi possit; sed in cordis lateat penetra-
libus, sic ut qui eo laborant, eius quidem
dolores sentiant, derogere tamen alijs eru-
bescant: eoque efficacibus admodum me-
dicamentis expellendus sit. Nosti etiam il-
lud, senes canes vix loris assuescere: & ve-
rustas pelles multa materia esse maceran-
das: & vlcus inueteratum nõ leui aut sub-
penfa manu tractandum esse. Terreat te
exemplum Burgi Licentiati, hominis
tibi optime noti, qui quum & ipse iam
senex amor operam dare cœpisset, subi-
tanea morte ante paucos dies est exstin-
ctus, cum magno amicorum mœrore, &
ceterorum omnium qui ipsum noue-
rant terrore, &c. Burgi xxi v. Fe-
bruar. M D X X I I.

Ad

ABBATEM COM-
PLUTENSEM
EPISTOLA:

Cur Deus bonos affligi permittat.



Antonius de Guevara predicator &
Chronista Imperialis, domino Abbati
Complutensis Ecclesie salutem impar-
titur plurimam.

Binas tuas accepi litteras, quibus dicis, te omnibus in rebus erga me amici officio esse functum. Equidem fateor quod dicis, & immensas ago gratias pro eo quod facis. Nec me amicum habuisse vnquam scio, qui verior aut sincerior fuerit. nam etiam solent res secundæ immutare homines; te tamen erga me nulla amplitudo fortunæ mutauit. Tu quidem mihi, & ego tibi à cunabulis semper fuimus idem. Tu alter ego; & ego alter tu, vnaque anima incolens duobus corporibus. Nescio quid de te alij sentiant, ego te alterum Scipionem, alterum Piladem, alterum Iontham, alterum Prometheum sum expertus. Quæcunque volui, te adiuvante semper sum consecutus.

Quæris à me, cur Deus Optimus Maxi-
mus

mus patiatur, ut tot aduersa eueniant bonis viris. Ad hoc tibi respondeo, quod nil accidere bono viro mali potest, quia non miscentur contraria, ut inquit Philosophus. Aduersarum rerum impetus, viri fortis conturbat, sed non vertit animum; quia semper in eodem statu permanet. Vir bonus & iustus omnia externa facile sustinet. Sentit illa; & non victus, sed victor euadit. Tunc apparet qualis & quantus sit, & quibus polleat virtutibus, cum ostendit quid eius possit patientia. Omnia ad exercitationes obijci sibi putat; quia virtus sine aduersario marcet. Non decet heroicum virum ut dura ac difficilia formidet, & de facto conqueratur, quia æquo animo ferenda sunt; & ut inquit diuinus Plato, non quid, sed quemadmodum feras interest. Deus optimus Maximus habet aduersus bonos viros paternum animum. nam castigat omnem filium quem recipit, ut verum colligat robur. Languet per inertiam sanguinata corpora: nec labore tantum, sed etiam mole & ipso suo onere deficiunt, inquit Seneca. Non fert ullum ictum illæsa felicitas. At ubi assidua rixa fuit cum suis incommodis, callum per iniurias duxit, nec ulli malo cedit; sed etiam si succiderit, de genu pugnat. Est enim Deus amantissimus bonorum, & illis ferocem fortunam, cum qua exerceantur, assignat, Nec

vnquam boni viri miserearis. Potest enim miser dici, sed non potest esse. Sæpe, immo sæpiissime, sonat & vibrat in auribus meis vox illa Demetrii, dicentis: Nil mihi videtur infelicius eo, cui nil vnquam euenit aduersi.

Sæpe aduersa fortuna fortissimos viros, & sibi pares quærit. Contumacissimum & fortissimum quemque aggreditur, aduersus quem vim suam exerceat. Quid vltra dicam de fortuna? Ignem experitur in Mutio, paupertatem in Fabricio, exilium in Rutilio, tormenta in Regulo, venenum in Socrate, ingritudinem in Scipione, sanguinem in Catulo, & mortem in Catone. Non inuenit magnum virum, nisi mala fortuna. Infelix est Mutius, qui sua dextera ignes hostium premit? Infelix est Fabricius, qui agrum suum; quantum à republica vacauit, manu propria fodit? Infelix est Torquatus, qui bellum gessit, non solum cum Pyrrho, sed etiam cum diuitijs oblatis ab eo? Infelix est Regulus, quem aduersa fortuna duxit in crucem, & quem documentum fidei & exemplum patientiæ fecit? Qui talia patiuntur, absit vt infelices eos vocemus. Sunt enim felices, non parua, sed felicitate magna.

Sed & Deus in hac vita suos castigat,
vt quo

vt quoniam à peccati labe non sunt immunes, eam hoc modo eluant, & sic quasi defæcâti ad æternam illam vitam transferantur. Quanto vero satius est hic pati quam ibi? Quid, quod Deus hac ratione suorum patientiam tentat. Nec vero id eo facit, vt eos perdat; sed vt hoc modo probatos, longe maioribus donis beet. Iobum illum videamus: qui hic quidem acerbissime vexatus, at postea multo maioribus diuitiis quam vñquam antea habuerat, à Deo donatus fuit. Quid multis? Nullus vñquam Deo charus fuit, quem non multis aduersitatibus exercuerit.

Hac de re si tu plura scire desideres, non ad S. tantum Scripturam, verum etiam ad præstantissimum Philosophum Senecam te remitto: cuius hac de re singularis exstat libellus. Vale, iterumque vale.

Ex Pincia, di exij. Maij, millesimi
quingentesimi duodecimi
anni.

Ad

LVPVM SALA-

REM

EPISTOLA:

Qua eius auaritia reprehenditur & quadam auaritia proprietates explicantur.

Consultissime, idemque auare domine,



Pistola tua recte mihi est reddita: cuius argumentum etsi quadam me voluptate affecit, nescio tamen an maior sit molestia quam ex hominum de te fama hausi, vno ore dicentium, ita te auaritiæ esse deditum, vt nihil nisi de corradendis diuitijs cogitare videaris. Noueram patrem tuum, magnæ auctoritatis & illibatæ, vt mihi semper visus est, conscientie virum: qui magnos in studia tua sumtus fecit, nō quidem vt colligendi pecunias, sed vt leges interpretandi; non vt clientes aut consultores auro emungendi, sed vt iniuria subleuandi artem addisceres. Quia vero salus tua mihi chara est, facere non possum quin breuiter tibi ostendam in quam intricatum labyrinthum sis ingressus, & in quanto verferis periculo; eumque

*Iurisconsulti
officium.*

que in finem quædam auaritiæ inco-
moda (omnia quis posset?) exponam.

Elimelech, magnæ inter suas auctori-
tatis & potentia, quin etiam Iudex ac
Princeps Israelitici populi, quum in mag-
na rerum omnium caritate assiduas ta-
melicorum rogationes ferre non posset,
relicta patria, in alienam terram profe-
ctus est, ut ibi peregrinaretur. Quoniam
vero id malo animo & consilio fecerat,
omnibus facultatibus exutus, unâ cum
duobus filiis non multo post periit. In
quo exemplo duo notanda sunt. Primû,
quod diuitum erga egenos sit officium.
Alterum quæ & quanta incommoda af-
ferat auaritia. Ad primum quod attinet,
monentur diuites, ne importunas egeno-
rum & opem vel stipem po'scentium pre-
ces & sollicitationes ægre atque impati-
enter ferant, ne idem illis accidat quod
Elimelecho & quod Sapiens ijs euentu-
rum minatur qui aures suas ad preces e-
geni obturauerint, nimirum, ut ipsi quo-
que clament, nec tamen exaudiantur. Di-
uitis illius epulonis à Christo D.N. in E-
uangelio nobis propositi exemplum ve-
lim semper ob oculos habeant auari di-
uites. Quid enim illo miserius? qui ne
guttam quidem aquæ, qua linguam refri-
geraret, consequi potuit; non sane aliam
ob causam quam quod panis micas de

Elimelech
exemplum.

Exemplum
diuitis epu-
lonis.

mensa sua decidentes Lazaro denegasset. Quid vilius aquæ gutta? Hanc tamen quoque Deus iustus iudex ei denegavit. Iustum enim erat, vt qui rem tam vilem, nimirum panis micæ, esurienti qua famē sedaret, dare recusauerat, guttam quoque aquæ, qua ardorem suum mitigaret, ne consequeretur; sed æternis flagitiis, sine vlla sui consumptione, cruciaretur. O quā multi huius similes passim reperiuntur, nec tamen haberi volunt! quibus nihil in animo atque ore est quam Adfer, adfer; qui velut hirudines, miserorum sanguinem & medullas exsugunt; qui iam has iam illas ædes, iam hos iam illos agros coemunt, nec prius satiantur quam infelicem animam efflarint. Hi sane nihilo meliorem euentum aut vitæ exitum sibi polliceri debent quam diues ille habuit; cui procul dubio, si ita moriuntur, æterni illius supplicij & cruciatus socij addentur.

*Auaritia
que mala
adferat.*

Ex quo patet quæ quantaque incommoda & mala ex auaritiæ vitio existant. Ecce enim, Elimelech qui facultates suas in patria egenis distribuere recusauerat, easque secum asportans in alienam terram, asseruauerat, in exilio inter peregrinos moritur. O auaritia, quantum malorum hominibus causa es! Recte Ecclesiasticus, auaro homine ni-

hil

hil perniciosius , turpius & abiectius esse dicit : non quod auaritia maius alijs in suo genere sit vitium , sed quod diuitiæ per eam congregatæ fomites sint & nutrimentum , & vt perapposite D. Apostolus ait , radix omnium malorum. Idem 1. ad Timotheum v. 1. ait : *Qui volunt diuites fieri, incidunt in temptationem & laqueum diaboli & desideria multa inutilia & nocua , qua mergunt homines in interitum & perditionem.* Et ad Ephesios v. Auaritiam ait esse idolorum seruitutem: non quod vere idololatria sit auaritia , sed per quandam similitudinem; quod Auarus pecuniam Deum suum faciat, & pro Deo suo habeat & colat , vt quam omnibus alijs rebus quæ in toto Mundo sunt, præfert.

Sequitur Explicatio dicti Paulini , quomodo Auaritia idolorum sit seruitus.

SEd quo D. Apostoli dictum melius Sac rectius intelligatur , iterum dico, Auaritiam non proprie esse idololatriam , sed tantum per similitudinem, quæ est inter idololatram & auarum. Quæ in duobus consistit. Primo in excessu

amoris. Secundo, in seruitutis subiectione. Quantum ad amoris excessum, similes quodammodo sunt idololatra & auarus. Quisquis enim (teste S. Augustino) rem quampiã magis amat quam cetera omnia, ei se subijcit ac quasi seruit. Quum ergo auarus pecuniam magis amet quam reliqua omnia quæ vñpiã in Mundo sunt, eius sane seruituti se mancipat, immo ex ea Deum suũ facit: atque ideo idololatriam committit.

Sed dicat quis, eadem ratione gulam seruitutem esse diaboli, quum lurcones ventrem suum pro Deo habeant, vti Apostolus ad Philippenſes loquitur: *Quorum venter Deus est.* Respondeo, nullam hic proprie esse similitudinem: quum gulones ventrem suum nõ magis ament quam seipsos, sed eo tantum amẽt quatenus ad sustentandam vitam & delicias capiendas est necessarius. Auarus autem pecuniam magis quã seipsum aut vitã suã amat: vt qui sæpe famem, sitim, frigus & quæuis mala pati, adeoque mori malit quam paucos aliquot numulos erogare. Vnde sapiens, *Insatiabilis, inquit, est oculus cupidi: in parte iniquitatis non satiabitur, donec consumatur, arefaciens animam suam.* Ex quo patet Auarum magis seruire pecuniæ, quam cupediarium ventri.

Altera idololatræ & auari similitudo consistit in seruitutis subiectione. Hic vero
tria

tria notanda sunt, primo veneratio, secundo immolatio seu sacrificium, tertio custodia seu asseruatio. Quo ad venerationē, auarus idololatræ similis est in eo, quod quēadmodum idololatræ idola sua tēplis inclusa venerantur eisque seruiunt, nec tamen appropinquare illis aut ea contingere audent, ob magnam reuerentiam qua ea prosequuntur: sic auari pecuniam in tanta habent veneratione, vt arcæ quidem inclusam seruent, contingere tamen non audeant, sed veluti rem sacram, illibatam ad hæredes transmittant. O miseros homines, qui eo quo alij ad luxum tam turpiter postea abufuri sunt, ad necessitatem & honestatem vti non audent! quique pecuniæ tamquam imperioso domino tanta cum sollicitudine, cura & anxietate seruiunt! Et quemadmodum idololatræ tēplis idola sua asportari nequaquam ferūt; sic auaris nihil grauius potest accidere, quam si pecuniam ex arca sua eximi & aliò transportari videant: cuius tamquam non ad vsum, sed implendas tantum arcas factæ, condi semper sunt, numquam promi.

Ad sacrificium seu immolationē quod attinet, S. Chrysostomus probat auaros idololatræ non modo similes esse, verum etiā multo peiores ac detestabiliores. Idololatræ enim idolis suis & deastris boues,
vitu-

vitulos, agnos & alia quæ in externis sunt facultatibus, immolant; at auari seipsos pecuniæ, adeoque diabolo immolant. Quæ enim terra marique non adeunt pericula, vt lucrum faciant? quæ sane Dei aut diuini amoris causa numquam essent subituri. Nec vero acquirendi tantum cura, sed etiam continuo amittendi metu cruciantur. Quod si vel paululum ipsis pereat, seu furto seu vi ablatum, ad desperationem statim adiguntur, adeoque non tantum præmœrore contabescunt, verum etiam sæpe manus sibi ipsis consciscunt violentas, & longam ex se literam, vt Comicus iocatur, faciunt.

Tertio in custodia seu asseruatione quoque auari idololatri sunt similes. Nam sicut idololatræ idola sua nō aliter custodiunt quam si veri ipsorum dii essent; sic auari pecuniam custodiunt tanquam Dominum & Deum suum. Qui re aliqua utitur tanquam sua, suam illam esse ipso facto demonstrat. At contrarium in avaris videre est. Pecunia enim avarum non aliter quam pro seruo habet, & velit nolit, seruire sibi cogit. Hinc quemadmodum vsus & fructus signum est dominij & proprietatis; sic custodia, subiectionis & seruitutis.

Ex his

Ex his multisque alijs, quæ in hanc sententiam dici possunt, liquido, opinor, constat, Avaritiam servitutem esse non idolorum modo, sed & diabolorum. Atque utinam nulla exstarent exempla, qui pecuniæ cupiditate inducti, viuos diabolos adorarunt, & detestabiles cum eis contractus & pacta inierunt, ut diuitias consequerentur. Quis ergo non fateatur cum Apostolo, Avaritiam omnium malorum esse radicem? quam, ut idem ait, appetentes, errant à fide, & inferunt se doloribus multis. Nemo Deo dignus est nisi qui Mundi huius diuitias contemnit. Quod nō ita accipies, quasi ego omnes diuitias abdicare & abijcere te iubeam; illud tantum moneo, ut pecuniam & quæ habes ita possideas, ne cor apponas: semperque illas quandoque relinquendas tibi fore cogites. Magnus est qui & in paupertate diues, & in diuitijs pauper esse potest. Diues nemo nascitur. At natus, lacte & pane est contentus. Natura ad sui sustentationem panem requirit & aquam. Quisquis cupiditates suas coercet, ne deorum quidem opibus invidet, ut cum Seneca loquar. Inquieta est Mundi huius felicitas: qua alius inflatur, alius mollescit, alius obbrutescit. Sæpius, & magis ex fide ridet pauper quam diues.


diues. Nulla cum cura, nulla sollicitudo cruciat. Immo curæ omnes tamquam nebulæ ex animo ipsius dispelluntur. Diuites econtra, & qui beati dicuntur, fictis videntur gaudijs. Splendor ille purpuræ splendida est miseria. Diuitiæ, honores, & quæ eiusmodi sunt, à recta nos deducunt semita: opinione hominum preciosa, sed in se, vilia & abiecta. Quæ laudantur, non quod expetenda sint; sed expetuntur ideo, quod laudanda sint. Inflant animum diuitiæ, paritunt superbiam, afferunt curas, & quod pessimum est, à Deo auerunt. Vera bona fiduciam gignunt: falsa, audaciam. Ex virtutibus, animi existit magnitudo, ex diuitijs insolentia. Magnus rex est qui cupiditates suas regere potest. Tale ego regnum tibi opto, mi amice, rogans & obsecrans, vt avaritiæ valedicas, & non pecuniam, sed animæ tuæ salutem quæras, proximo succurras, egenos re iuues, nullumque diem abire patiaris quin liberalitatis & beneficentiæ tuæ aliquod exstet exemplum. Quantiscumque te laboribus defatigaueris, quantiscumque curis confeceris, quidquid comparseris, alijs tandē relinquere cogaris. Memineris mortis quæ inuitabilis est; & extremi illius transitus, qui dubius est & anceps. Cōtinuo aures tuas pulset vox illa: *Redde rationem villicationis tuæ.* Quo meo consilio si tu obtem-

obtemperaueris, & auaritia abiecta liberalitati studere cœperis, amicum semper me habebis. Sin minus, Deum comprecor ut vitam quam longissimam tibi largiatur. Neque enim auaro quidquam peius optari potest quàm longa vita. neque quidquam recti facit auarus quam moriens.

De

LINGVA EIVSQUE
EFFECTIS
DISSERTATIO,
super illo:

Mors & vita in manibus lingua. Prouerb 18.

 I quis quemcumque hominem roget, quid in hac vita maxime omnium expetat? Vitam, procul dubio respondebit. Quid maxime formidet? Mortem, dicet. Quamdiu enim viuimus, utimur fruimur ijs quæ habemus; at per mortem desinimus esse quod sumus. Quid ergo mirum est, tanto perire à nobis vitam expeti, & mortem formidari? quum D. N. & Seruator Iesus Christus in mortis agone constitutus, mortem deprecatus sit, inquiens: *Transseat à me calix iste.* Et D. Apostolus Paullus longioris

gioris vitæ ostendit desiderium, quū ait: *Nolumus spoliari, sed supervestiri.* Quis ergo non optet quod iusti & sancti viri optarunt? quis non metuat, quod tam inculpati homines metuerunt? Animantia sui similia procreant, fruges è seminibus, & semina è frugibus existunt; volucres oua excludunt, vt, quia moriendum sibi vident, superstites sui similes relinquunt. Tā homines quam reliqua animantia edunt, bibunt, dormiunt; vestiuntur, laborant, vt vitam sustentent, & mortem vitent. Seipsam namque conseruare studet natura; cui nihil magis repugnat quam non esse. Homo periculo se egrotans lubentius medicum audit, quorumvis ciborum vsum permittentem, quam sacerdotem, extremam vnctionem suadentem: quod ille longiorem promittat vitam, hic vero propinquam mortem ob oculos ponat.

Hoc bonus rex Ezechias satis expertus est, cui Isaias vates primo mortem intra illum ipsum diem, deinde longiorem vitam annunciauit: sic vt quem peccata mortis reum fecerant, ei preces vitam impetrarint. Nullum tam brutum est animal quin Naturę quodam instinctu ignem fugiat ne amburatur, aquam ne suffocetur, præcipitium ne casu exanimetur. Etiam quę vitam non amare videntur, mortem tamen fugiunt & timent. At homo non

morte m

mortem modo timet, sed & vitam vnice amat. Qui enim vult, scit quod & quid sit: at mortuus quid se futurum sit, nescit. Iucundum est homini opes habere, multum posse, bene valere, at omnium iucundissimum, Viuere: adeoque nemo tam auarus est quin de fortunis suis aliquid deini & vitæ addi, quam de vita detrahi & fortunis addi malit.

Sed ó rem admirabilem! Tantumne thesaurum quo nullus in terra preciosior, tantas diuitias quibus nullæ maiores, tantumne bonum ex omnibus vnum vnicum, immo omnium bonorum diuinitus nobis concessorum præcipuum, vitam nempe, in Linguae potestate sitam esse! Sic est profecto. Quod ianua ædibus, hoc homini os officium præstat per quod vt corporis altrix esca ingreditur, sic animi indices cogitationes egrediuntur. Quod ergo Sapiens ait, mortem & vitam in linguae esse manibus, hoc dicit scilicet, ante os tamquam domus nostræ ianuam stare vitam vt abeat; & mortem vt ingrediatur. Nescio sane, an vlla corporis parte, periculosiori loco tam diuersæ inter se res, quarum altera nihil charius, altera nihil magis odiosum est, collocari possint, quam in ore & lingua. Quum enim vtrique ianua hæc semper pateat; & vita sine vilo sensu exire, & mors non animad-

*Os vite &
mortis offi-
cium.*

uerfa ingredi, & sic vtraque custodem facillime fallere poterit.

Habemus thesaurum vasis in fictilibus, inquit D. Apostolus. Quibus verbis ostendit, in quantis molestijs, laboribus & periculis versentur Christiani, tam preciosa dona in tam fragilibus vasis portantes, Eidem scilicet in intellectu, Charitatem in voluntate, cognitionem in oculis, assensum in auribus, in manibus beneficentiam, temperantiam in gula, castitatem in genitalibus, amorem in corde; vitam denique & mortem in lingua. Cui non miserandum videatur, tam præclaras virtutes & diuina dona tam fragilibus vasis, tamque futilibus & putridis fere mēbris asseruari, quæ & facile frangantur, & difficilime tractentur & regantur? Optandum sane fuerat, si vllæ hac iure apud Deum preces essent valituræ, vt vitæ locum ac sedem magis secretam ac tutam quam lingua est, assignasset. Quæ quoniã & osse caret quo volubilitas eius sistatur, & neruo quo adstringatur: fit vt loquenda nonnunquam taceat, & tacenda læpius loquatur. Inter tenera tenerimum, inter inquieta maxime inquietum, & inter periculosa membra periculosissimum est lingua loquax, vt vitæ & mortis receptaculum. Quisquis ergo vitam seruare, quisquis mortem vitare cupit, magna cura & sollicitudine linguam suam custodiat

stodiat; ne viuenti, nec tamen sentienti,
mors obrepat.

De diuersis linguæ effectis.

Porro verbis illis Sapientis, diuersi lin- *Diuersi lin-
guæ effectus*
guæ effectus significantur. Nam vt bona
lingua vitam saepe multis seruauit, ita vel
vnum malæ linguæ verbum non paucos
morti dedit. Caue, caue quid loquaris.
Nobilis & excelsus animus contumelio-
sum verbum grauius fert, quam plebeius
ferale vulnus. Sed ne velut dicis causa
hæc à nobis quis dicta existimet, exem-
plis è S. Scriptura petitis omnia plana fa-
ciemus.

Impius Cainus, à Deo de fratris cæde *Caini pecca-
tum lingua
commisum.*
rogatus quum deprecari culpam debuisset,
in hæc verba prorupit: *Maiores iniquitas
mea quam vt veniam merear.* Ad quæ verba
S. Augustinus, Mētiris, inquit, Cain, men-
tiris: quum Dei misericordia multo ma-
ior sit quam iniquitas tua. Deo enim pro-
prium est, ignoscere; vlcisci vero alienum
& quodammodo contrarium. Quocir-
ca Cain grauius in eo peccasse videtur
quod lingua loquutus est, de misericor-
dia Dei desperans, quam quod manu
perpetrauit, fratrem occidens. Exse-
crabile erat Caini paricidium; sed despe-
ratio, diabolica. Et peccato quidem

Deus offenditur ; sed multo magis veniæ desperatione.

*Iudæi Chri-
stum linguam
crucifixerunt*

In historia Passionis D. N. & Seruatoris Iesu Christi ex Euangelistis vnus ait hora tertia, alius hora sexta Iesum fuisse cruci affixum. In quo nulla contrarietas, sed mysterium potius latet. Id enim sic intelligendum est, Iudæos hora tertia petiisse à Pilato, vt Christus crucifigeretur; sed hora sexta demum, permittente Pilato, crucifixum : sic vt priori illa hora Christus Dominus noster primo Iudæorum linguis, altera vero militum manibus fuerit cruci affixus. Tantumne linguâ peccatum posse committi, vt qui Christum ea crucifixerunt, id est, lingua ad crucem sibi tradi petierunt, non minorem, adeoque maiorem noxam meruerint, quam qui cruci manibus eum suis affixerunt ! Sed mirum hoc non est ; quum hi qui clauis Domini manus & pedes confixerunt, ex ignorantia; qui lingua, ex destinata malitia peccarint.

*Christus pro
crucifixorum
bonis orat.*

At illud multo magis mirum est, quod Dominus noster in cruce pendens, pro illis qui clauis ipsum confixerant, non verò pro illis qui lingua crucifixerant, patrem suum cœlestem deprecatus est, inquiring: *Ignosce illis quia nesciunt quid faciant.* Ex quo patet non milites & satellites Pilati nescisse quid facerent ; at Iudæos quid loqui-

re vult

rentur bene sciuisse illud inprimis hic notandum est, à militibus & Pilati ministris Christum denudatum, consputum, spinis coronatum, virgis cæsum, & cruci tandem affixum; à solis vero Iudæis illud *Crucifige, crucifige*, exclamatum: unde hi sapientius quam illi tam iniustæ necis rei existimandi sunt. Quidquid enim in Christum D. N. à Iudæis peccatum fuit, lingua peccatum fuit qua crucifigi eum postularunt: qua falsos testes contra eum instruxerunt: qua in cruce pendenti tam acerbe illuserunt. Et iam ante iidem lingua Christi honori detraxerant, doctrinam calumniati fuerant, vitam & mores infamare studuerant: ad mortem denique sola lingua prodiderunt. Quis ergo non à lingua magis improborum, quam à bonorum cultis & armis cauendum sibi putet?

Magnus ille vates saias Luciferi casum exponens, inquit: *Quia dicebas in corde tuo: In cælum conscendam & super astra Dei exaltabo solium meum, & similis ero altissimo: propterea ad infernum detrahêris.* In quibus verbis primo notandum est, Luciferum è cælo detrusum non ob vllum aliud peccatum quam animi præsumptionem, qua futuram ad quam adspirabat, magnitudinem conceperat; & linguæ (vel cordis potius) incontinentiam, qua nefarium istum conatam indicarat; eoque ex angelo pulcerri-

Luciferi
peccatum
quale.

mo , omnium tæterrimus dæmon est factus , non ob id quod opere tentarat , sed quod corde loquutus fuerat . Quapropter , ô homo , etiam atque etiam expende non modo oris , sed cordis tui verba . Ecce enim , Luciferum non mala opera quæ fecerat , sed superbæ cogitationes quas conceperat , cælo expulerunt ; sic vt Dei contemptus cœli ipsum fastigio deiecerit , & sui ipsius exaltatio ad inferos detruferit .

*Sennacherib
regis bla
sphemia.*

Sennacherib Assyriorum rex cum maximis copijs ad Hierosolymam oppugnandam proficiscens , inter alia Ezechia regi hæc nunciari iussit : *Non te seducat Deus tuus in quo habes fiduciam . non enim poterit quis eripere vos de manu mea , &c. Quis est de vniuersis dys gentium quas vastauerunt patres meis qui potuerit eruere populum suum de manu mea : vt possit etiam Deus vester eruere vos de hac manu .* Quibus impotentis tyranni insolentiæ & blasphemiae plenis verbis Deus tantopere fuit iritatus , vt misso angelo in ipsius exercitu ad centum & octoginta millia vna nocte trucidarit , ipsum deinde tyrannum qui tum euaserat , filijs ad cædem obiecerit . Ecce ibi tantæ potentiæ tyrannum , antequam ad destinatum peruenisset locum , antequam vel vnum hominem eorum quos internecioni destinauerat , occidisset , non modo caltris exutum , & in-

ingenti clade affectum, verum etiam paulo post vita ab ijs quibus vitā dederat spoliatum; non aliam ob causam quam quod linguæ contra Deum frāna laxasset. Et ante & post illa tempora complures Assyriorum, Persarum, Medorum & Ægyptiorum reges, Israelitico populo arma intulerunt, & non modo gravissima damna dederunt, verum etiam multa crudelissime patrarunt. nec tamen eam ob causam tam conspicuo exemplo à Deo puniti sunt, eam tantum, credo, ob causam, quod armis belligerantes. & animo & linguæ moderabantur. Si reges subditis, magistratus ciuibus, Prælati subditis iustitiā administrent, magnam sane laudē merentur; sed non minorem vituperationem ac dedecus, si cuiquam male dicant. Delinquens enim sæpe conuicium aliquod aut gravius in se dictum acerbius fert, quam vel grauissimam pœnam. Nec ducem in castris, nec Prælatum in Monasterijs vel moribus insolentem, vel verbis acerbum esse in suos oportet: quibus nullum potest honorificentius contingere elogium, quam hoc, si omnes ipsorum timere iustitiā, & laudare linguam & humanitatem dicantur. Si infelix ille Sennacherib non acerbis conuicijs, sed armis Ezechiam regem oppugnasset; fortasse Deo tum magis vltus fuisset propitio,

*Pœna verbis
non exasperanda.*

& tam præsens quum sui cum suorum exitium vitasset. Qua in re neque prudentis regis, nec magnanimi bellatoris officio functus est. quum armis, non verbis pugnandum sit.

*Babylonica
turris adifi-
catores lin-
gua abusi.*

Caini posteri turrim ad cælum vsque educere conati sunt, vt si forte diluuii m terris iterum à Deo immitteretur, in ea ab exitio tueri se possent. Existimabat t quippe homines superbissimi, penes se potestatem esse mortem euitandi, non penes Deum, vitam ipsis adimendi. Sed magnum illud mysterium est, quod Deus nō ipsoꝝ oppida euerti, non regiones vastari, non fortunæ eripi eis permisit non cœptas subtractiones deiecit, non fulmine viuos ad Orcum demisit, sed linguarum tantam confusione puniuit. Ex quo recte quis inferre possit, Deum magis iritatum fuisse superbis & insolentibus verbis quæ loquuti fuerāt, quam opere quod ædificabant. Si namque turri magis quam verbis fuisset iratus, cæmenta, lapides, & quęcumque congeriebantur, disiecisset ac distlasset non vero linguas ipsoꝝ diuississet, vt alter alterum non intelligeret, nisi externis quibusdam signis. Erat autem ante id tempus, S Scriptura teste, vniuersa terra labij vnius: quia vero Deus impios hominum conatus videbat, confudit linguas ipsoꝝ, vt non audiret vel intelligeret

garet vnusquisque vocem proximi sui. Poterat hos Deus eodem modo quo Pharaonem aquis submergere, quo Sodomā & Gomorram sulphureo perdere imbre, quo Aegyptios tenebris damnare, quo Moyfis sororē lepra percutere, quo Aaronis filios ad infernum viuos demittere: horum tamen nihil illis fecit; sed quia lingua peccarant, per linguam eos puniuit. Atque vtinam omnes qui multa garriendo, in murmurando, conuiciando, calumniando, blasphemando lingua abutuntur, eodem modo vti Baby lonicæ turris ædificatores, in linguis punirentur, & a nemine intelligerentur! Tunc enim sine dubio, auditoribus destituti, omissis nugis, seria potius & vtilia essent loquuturi

*Et aures à
calumniis auer-
tenda.*

Post mortem Saulis quum Dauid ab A- *Saulis occi-*
malechitarum cæde reuersus biduum in *si historia.*
valle Ebron commoratus esset, vidit hominem propere, conscissa veste, & capite puluere consperso accurrentem. Qui rogatus à Dauide vnde veniret, respondit, Se venire ex castris Hebræorum. & nuncium afferre non modo de fuga Israelitarum, sed & de cæde Saulis & filij eius Ionathæ. Vtcrius quærenti Danidi, quomodo id comperisset, respondit idem: Casu veni in montem Gelbæ, & Saul incumbebat super hastam suam. Qui quum vidisset me, dixit mihi: Quisnam es tu? Et aio

ad eum : Amalechites ego sum. Et loquutus est mihi : Sta super me, & interfice me, quoniam tenent me angustiae : & adhuc tota anima mea in me est. Stansque super eum, occidi illum Et tuli diadema quod erat in capite eius, & armillam de brachio illius : & attuli ad te Dominum meum. Apprehendens autem Dauid vestimenta sua, scidit, omnesque viri qui erant cum eo : & planxerunt, & fleuerunt, & ieiunauerunt vsque ad vesperam super Saul, & super Ionatham filium eius, &c. Dixitque Dauid ad iuuenem qui nunciauerat ei : Vnde es tu? Qui respondit : Filius hominis aduenae Amalechitæ ego sum Et ait ad eum Dauid : Quare non timuisti mittere manum tuam, vt occideres Christum Domini? Vocansque Dauid vnum de pueris suis, ait : Accedens irrue in eum. Qui percussit illum : & mortuus est. Et ait ad eum Dauid : Sanguis tuus super caput tuum. Os enim tuum loquutum est aduersum te, dicens : Ego inte. feci Christum Domini.

*Amalechites
a suis ver-
bis se iugulat.*

Ex hac historia patet, à Dauid e iuuenis huius cædem fuisse imperatā, non tã propter paricidium ab ipso perpetratum, quam linguæ incontinentiam, qua illud professus fuerat & iactarat. Sic miser hic Saulem gladio, at lingua seipsum occidit. Notum omnibus erat, quo animo

Saul

Saul in Dauidem fuerit, & quam acriter eum hætenus fuisset persequutus: eoque existimabat hic iuuenis, si Dauidi hostis, & quidem à se occisi interitum nunciaret, non modo bonam apud ipsum gratiam se initurum, verum etiam egregio munere cohonestatum iri. At Dauid nec spem nuncij, nec suam ipsius utilitatem, quæ ex morte Saulis ad ipsum redundabat, respicere, aut tantum apud se posse voluit, quominus culpam & scelus contra Deum commissum puniret. O quam paucos hodie reperiās Dauidis similes! qui scilicet hostis mortem veris lachrymis deplorent, & lugeant immo ulciscantur quoque. Quis hodie non hosti interitum non dico imprecatur, sed machinatur? cui non de hostis interitu nuncium accideret gratissimum? eo tantum, quod aliqua inde speratur utilitas: sine qua etiam plerique eum quem metuunt, aut oderunt, perijsse gaudent. Immo quotus quisque vel amici obitum vere atque ex animo lugeat? O inusitatum atque inauditum exemplum, ut quis eum occidi iubeat, qui capitalem nostrum hostem occidit, à quo ipsi ad necem fuëramus conquesti! Ut quis hostis sui iniurias, etiam post mortem ipsius, ulciscatur! Magna hæc est perfectio: quum Christus in Evangelio non à nobis exi-

gat

*Odor hostis
mortui gra-
tissimus.*

gat vt hostem mortuum lugeamus, sed vt viuo amorem & beneuolentiam præstemus.

*Dauidis
perfectio.*

Nemo miretur, me hoc in proposito diutius aliquanto immorari. Inter pauca singulare & rarum est hoc exemplum. Optimus enim rex Dauid non inimicum tantum suum dilexit, sed luxit quoque, sepeliuit. & de paricida vindictam sumpsi, non aliter quam si suus ipse eadē fuisset vindicanda sic vt etiam ante legem Euangelicam Dauid perfectus fuerit. Euangelicus Dubites hic, vtrum maior laus sit Dauidis, quam iuuenis illius probum: qui multipliciter sane peccauit: quod lex acie fugit, quod regem Saulē occidit, quod eadē eius gaudius fuit, quod nuncium eius ad Dauidem perferre, & de ea iactare se ausus est. Quare iusto supplicio fuit affectus, qui tot tamque mala vna ferre serie ædidi facinora

In horribili illo diuitis Epulonis & Lazari exemplo ait Dominus & Saluator noster, à diuite illo Abrahamum his verbis compellatum: *Pater Abraham, miserere mei, utpote gentilis tui. Pergit: Et mitte Lazarum, ut intingat extremum digiti sui in aquam; ut refrigeret linguam meam: quia crucior in hac flamma.* Hic primo notandum est, quantum inter hanc & illam alteram vitam sit discrimen. In hac vita moris est, vt diuites ab egenis

*Differentia
huius & il-
lius vite.*

egenis rogentur ; in illa vero diuites egenorum implorant opem. In hac vita mendicorum à diuitibus subleuatur egestas ; at in illa mendici diuitibus de suo elemosynam largiuntur. Vt breuiter dicam omnia contratio se modo habent. Hunc diuitem vide. Quantillum petit ! guttam scilicet aquæ, refrigerandæ linguæ. Ac iniustitia Dei nequaquam eum exaudire, multo minus voti compotem facere voluit, eam ob causam, quod & ipse rem vilissimam, panis scilicet micæ, canum prædam, pauperi Lazaro denegasset.

Deinde illud quoque consideratione dignum est, quod diues hic condemnatus in nullo membro corporis maiorem senserit cruciatum quam in lingua. Luxe-
ius in victu & vestitu perstringitur quidem in Euangelio ; at multo grauiora fuisse peccata quæ lingua commiserat, exitus ipsius & pœna docet. Non ille oculorum quibus vanitates aspexerat, non aurium quas nudis & futilibus rebus audiendis præbuerat, non manuum quibus omnia quæ potuit corraferat, non pedum quibus ad conquirendas diuitias discurrebat, non gula per quam tot cupedias, Lazaro interim esuriente, transmiserat, sed linguæ deplorat cruciatum. Quis ergo non linguam suam tamquam feram & indomitam bestiam refrænandam sibi putet

*In quo di-
ues potissi-
mum peccarit*

putet, ne & alijs temporale, & nobis æternum inferat damnum? In homine cuiuscunque conditionis, nihil magis requiritur, quam vt in sermone modestus sit & cautus, vtque tam filendi quam loquendi omnia teneat momenta. Sed præceptum hoc homines diuitijs elati, parum ad se pertinere existimant: qui vbi cibo & vino incaluerunt, mox nugantur, garrunt, præsentibus vexant, absentes traducunt, miseris illudunt, viuos sepeliunt quasi, & mortuos è sepulcris effodiunt. Ex horum numero diues hic fuit, nempe belluo, aleator, nugator, calumniator, detractor, subfannator, blasphemator: qui quum solum se in hac vita beatum esse iudicarit, æquum sane est vt in illa perpetuo sit miser; sicque cum extrema sui perditione aliam post hanc vitam superesse intelligat. Cum Lazaro hic nihil sibi rei esse voluit: ne ergo ibi quoque sit. Sui similibus delectatus est societate: eam quoque ibi cum iisdem colat. Neque enim quidquam magis est iustitiæ consentaneum, quam vt qui eorundem flagitiorum hic sunt socij, ibi quoque eorundem sint socij pœnarum.

Ex his quæ hæcenus dicta sunt, breuiter inferri potest: Si Cain inuidus, Lucifer superbus, elatus Sennacherib, audacissimi Babylonicæ turris molitores, imprudens ille

ille Amalechita, & diues ille Epulo lingua non male fuissent vsi, neque hic vitæ, neque ibi animæ iacturam facturos fuisse.

Mortem in manibus linguæ sitam esse, *De bonis lin-
gæ effectis.* hætenus demonstrauius: restat iam vt

vitam quoque in eiusdem manibus positam esse demonstremus. Inter omnes corporis humani partes nihil magis necessariū est corde, nihil subtilius sanguine, nihil pulcrius oculis, nihil grauius carne, nihil tenerius auribus, nihil arteriæ pulsui inquietius, nihil mollius liene, nihil periculosius lingua. Non sine causâ profecto dicimus, Linguam ex omnibus corporis humani partibus omnium esse periculosissimam. Cor enim cogitat, voluntas assentitur, vident oculi, aures audiunt, pedes ambulāt, manus tangunt: sed Lingua occidit, & quidem magis quam vllus culter vel gladius. Hic enim carnem lædit; at Lingua ipsum Cor & viscera penetrat. Mihi quidem instar nudi parietis Lingua videtur, in qua sapiēs pulcras & ad deuotionē accommodatas imagines; stultus vero mille ineptias & stultitias depingit. Nam si recte vtare, salutem; si male, interitum tibi affert: quum Lingua aliud nihil sit quam cogitationum nostrarum præco, & mentis interpres. Quo vero melius intelligatur quantum boni bona lingua possit efficere, historiā quandā Dauidis regis es.

Scrip-

Scriptura aliquanto altius repetemus, tristem quidem illam auditu, sed scitu & necessariam & nō iniucundam: vt discamus inde facilem quidem esse peccatorum lapsum, sed & resipiscentiam non omnino esse difficilem; si quis concessis à Deo medijs vtatur.

*Davidis
praestantia.*

Ex singulari Dei permissu Saule regno spoliato, David rex Israelitarum factus est & vnctus: qui non minus Deo gratus fuit, quam Saul fuerat inuisus. Inter patriarchas David fuit honoratissimus, inter reges maximus, inter propheta illuminatissimus, inter duces fortissimus, & inter omnes Israelitas gratiosissimus: quod facile apparet è praestantissimis quibus à Deo ornatus fuit donis; & è maximis quibus ab eodem liberatus fuit periculis. Quid enim? E caula eum ad aulam prae ceteris omnibus suis fratribus traducit; pro plectro sceptrum ab alio ablatum, ei tradit, non regia tantum dignitate eum exornat, sed & prophetico spiritu donat: & quod omnium est maximum, Deum & Saluatorem totius Mundi è semine ipsius nasciturum promittit. Tam charus Deo David fuit, vt ipsi tribuat quod numquam vlli hominum tribuisse legitur: adeo vt inuento eo, exclamare non dubitarit. *Iuueni virum secundum cor meum.* At quæ causa fuit cur tam im-

penſe

penſe & ardenter Dauid Deus amarit? Ea nimirum, quod Dauid impenſe quoque & ardenter Deo ſeruiſſet. Ex quo patet, amorem quo Deus nos complectitur, & cultum qui ipſi à nobis exhibetur, eadem menſura menſurari, & eodem pondere ponderari.

Quum hoc modo Dauid proſpera v-
tens corporis valetudine, auctoritate &
potentia inter reges ſui temporis floren-
tiſſimus, in pace & ſumma felicitate viue-
ret, res quæpiam incidit quæ non minus
honorem ipſius & exiſtimationem læſit,
quam vniuerſum populum magno ſcan-
dalo affecit. Veriſſimum eſt illud poetæ:

*Omne animi vitium tanto conſpectius in ſe
Crimen habet, quanto maior qui peccat habetur.*

Et Principes maiorem pœnam merentur
ob ſcandalum quod dant, quam ob pec-
catum quod committunt. Quod ſi Dauid
tum Pſalmis ſcribendis fuiſſet intentus,
aut foris bellum geſſiſſet, aut de publicis
negocijs in Senatu deliberaſſet, aut alia
quæ ipſius erant muneris, obijſſet, facile
& Dei iram & populi ſcandalum vitare
potuiſſet. Sed ita ſemper fuit, itaque ſem-
per erit, vt quibus cum hoſte foris pax eſt,
domi à vitijs oppugnentur. Ait D. Au-
guſtinus in libro De Ciuitate Dei, Cartha-
ginem poſtquam deſtructa eſſet, Romæ
plus nocuiſſe quam quum opibus adhuc

*Oculum pulu-
nar Saibani*

*Acrior est
cum vitijs
quam cum
hoste cōten-
tio.*

floreret, & armis cum ipsa vehementissime non vtra imperaret, sed vtra esset, contenderet: quod ante id tempus pleraque vitia Romæ vix nomine nota essent, quorum postea veluti momento vberima seges succreuit.

Quid vero illud est, inquis, quod Dauidis illam felicitatem interpellauit? Accidit quadam die vt surgeret Dauid de stratu suo post meridiem, & ambularet in solaris domus regia: viditque mulierem se lauante ex aduerso, super solarium suum. Erat autem mulier pulchra valde. Misit ergo rex; & requisitumque est ei quod esset mulier. Nunciatumque est ei quod ipsa esset Bersabee filia Heliam, vxor Vria Ethai. Misit itaque nuncijs, tulit eam. Quæ quum ingressa esset ad illum, dormiuit cum ea. Et reuersa est domum suam concepto fetu. Habes primum peccatum Dauidis, cui fenestram aperuit ocium. Audi reliqua. Quum Bersabe vereretur ne maritus, Dauid, ne populus flagitium hoc rescisceret: peccatum peccato cumulare quam deprecari maluit: scriptisque ad Ioabum militiæ præfectum, sub cuius signis militabat Vrias, litteris, iussit Vriam in primo aciei cornu collocari, vbi asperrium est prælium, & in ipso prælij ardore deferi, vt interficeretur. Quod etiam ita factum est. Sed ô Dauid! Annon tuum est illud: *Abyssus abyssum iuuocat.* An nescis-

Homicidiū.

nesciebas peccatum vnum aliud post se trahere, & hoc rursus aliud, donec tandem in ipsam abyssum perueniatur? Non hoc te fugerat, sed cupiditate & libidine victus, quasi vltro manum præbuisisti: è gulæ vitio ad ocium, ex ocio ad aspectum, ex aspectu ad desiderium, ex desiderio ad sollicitationem, ex sollicitatione ad fraudem, ex fraude ad adulterium, ex adulterio ad homicidium progressus. Laqueis quidem Sathanas Dauidem implicuit, sed ijs quos sibi ipse contexuerat. Quod si tanto amasset Deum opere quanto ab ipso amabatur, numquam fane scelere hoc se obstrinxisset. Tantam enim eorum qui ex animo ipsum amant, eique omnibus viribus seruire student, Deus curam gerit, vt in grauiora peccata numquam eos labi patiatur. Quod vero erramus nonnumquam, decipimur, labimur, adeoque in cæno peccatorum volutamur, mirum non est, nec exemplo caret: quum etiam Angeli lapsi sint & peccato involuti. Tantum Deus nobis cum lachrymis deprecandus & exorandus est, vt si forte, permittente ipso, ceciderimus, ipso adiuuante mature resurgamus. Dauid ostendere volens quomodo Deus amicos suos tractet, inquit: *Non dabis fluctuationem iusto.* De peccatoribus

*Deserentes
se Deum de-
jeris.*

vero : *Deduces eos in puteum interitus* . Quasi diceret: Tanta ô Domine, tu cura & sollicitudine tuos custodis, vt etiam è medijs fluctibus emergant, malos vero & hostes tuos sic persequeris, vt etiam in terræ speculuncis & puteis submergantur & suffocentur. Terribilis est vox illa qua regius propheta vtitur, dum dicit, malos non in flumen aut stagnum, sed *in puteum interitus* deduci. Ex reliquis enim aquis, immo ex ipso mari multi sæpe enatarunt : at si quis in profundum aliquem & angustum puteum delapsus sit, vix vertere se, nedum eluctari inde potest. Tum vero in puteum homo delabitur, & quasi pro conclamato habendus est, quando Deo permittente, peccatis ita immergitur, vt nullam inde eluctandi ac resipiscendi inuenire possit viam. Hæc de peccato Dauidis dicta sunt, in quod ille quidem incidit, sed Dei adiuuante misericordia, mature sese rursus expediuit, sic vt quamuis casu hoc grauissime fuerit afflictus, facile tamen sit resanatus.

Postridie eius diei quo Dauid tantum designarat flagitium, à Nathane propheta diuinitus missio commonefactus fuit; Quandoquidem duplici crimine, adulterio nempe & homicidio se maculare ac Deum offendere non dubitarit, reliquum esse vt hoc diuina exigente iustitia dignas
tantis

rantis flagitijs expectet pœnas. Verbis his perculsus David sublati in cœlum oculis, in verbum hoc erupit: *Peccavi* Erat David magni quidem, sed honesti & verecundi animi. Quum ergo scelus suum propalatum audiret, non erubuit tantum, verum etiam, vt facile credi potest, vehementer ingemuit, & cum lachrymis dixit: *Peccavi*.

Equidem arbitror Dauidem tanto facilius à Deo veniam impetrasse eo quod culpam suam non detestatus modo, sed & confessus sit. Maius enim peccatum est, peccatum negare vel excusare, quam ipsum peccare. Nullas latebras, nullos colores aut excusationes David peccato suo quaesivit, vt diceret: infirmum se esse, & hominem à quo nihil humani sit alienum, à carne stimulatam, à diabolo supplantatum, velut ex improviso in hoc peccatum incidisse: sed culpam ingenue & simpliciter fassus est, absque vlla circuitione dicens: *Peccavi*: sic vt se ipsum accusando, quodammodo excusarit.

Hic illud imprimis notandum est, non Deum à Dauide, postquam atrox illud peccatum commiserat, sed Dauidem à Deo fuisse quaesitum & prauentum. Vnde patet immensa vis diuini amoris, quo Deus suos complectitur, adeo vt etiam si in peccatum aliquod labantur, non tamē

diu ei adhærescant, sed à Deo extrahantur Matthæum Christus D. N. è teloneo ad se vocauit; Paulum in itinere Damascum versus prostrauit, sed mox erexit; cæco in via luminis vsu; claudo apud piscinam comporanti sanitatem restituit. & adolescentem Naimiticum quum iam efferreretur, resuscitauit. O. quanto plures sunt quos Deus quærit quam qui Deum quærunt! O ineffabilem diuini amoris magnitudinem! Siccine, ò Deus, non quærentes te quæris, non rogantes sollicitas; excitas dormientes, & nolentes etiam trahis! sic, vt si quis pessum eat, id non tam fiat ex eo quod peccarit, quam quod peccare non cessarit, nec vitam mature emendarit. Deo ergo ad ianuam cordis nostri pulsanti aperiamus, quærenti occurramus, sequamur ducentem, vocantem audiamus, promittenti credamus, & beneficienti seruiamus. Tam liberalis & munificus est Deus noster, vt plura nobis largiri paratus sit quam ab ipso petere audeamus! Illud tantum vnice caueamus, ne tam beneficum dominum ad iram prouocemus; quod fit, si in peccatis perseueremus. Eamus cum fiducia ad thronum gratiæ eius. Si namque Dauidem Deus, à quo tantopere offensus atque irritatus fuerat, tam sollicite quæsiuit: quis dubitet cum nobis quoque fore propitium, si
modo

modo ex toto animo cum colamus & veneremur. Ad domum Dei vt nemo ingredi compellitur, ita neque ingredi prohibetur. Quis non miretur, Dauidem casu tam graui afflictum ita secure agere, ac si Deo magnum cultum præsstitisset: & tamen à diuina gratia præueniri, excitari, & quasi rogari, vt surgere modo, & domum reuerti velit. Resipiscenti enim veniam non oblatam, sed iam iam datam esse.

Neque illud prætereundum mihi videtur, quod quamuis Dauid oculis peccarit quibus Bersabeam aspexit, peccarit auribus quas amoris præbuit internuncijs, peccarit manibus quibus litteras de Vria occidendo scripsit, peccarit corde quo impudicum illum amorem cōcepit, peccarit denique toto corpore quo adulterium commisit; nulla tamen re magis peccarit quam suo exemplo. Non legitur Dauid hic magnam vim lachrymarum profudisse, non corpus ieiunio aut alijs castigationibus, quibus sancti homines multum vsi sunt, & adhuc etiam vtuntur, macerasse, non vllum votum nuncupasse, sed vnum tantum hoc verbum dixisse, *Peccavi*. Non enim salutis nostræ cardo in verborum multitudine, sed in vitæ morumque emendatione, & Christiano dignis virtutibus consistit.

A
Peccatis de-
stendum.

O Iesu benignissime ! ô vnicum animæ
 meæ solatium ! Vtinam, vtinam cum Da-
 uide illud tantum dicere possim, *Peccaui* :
 non vero, *Pecco*, aut *volo peccare* ! Tum enim
 certo certior essem, peccata mihi eo ipso
 momento à te remissa esse, ac diuinæ tuæ
 gratiæ & misericordiæ fores patere. Sed
 væ misero mihi & infelici homini ! qui
 quum ad calcem vitæ meæ iam peruene-
 rim, vix vllam adhuc de moribus ac vita
 emendanda cogitationem suscepi. Vere
 potuit David rex dicere, *Peccaui*; vere po-
 tuit S. Petrus Apostolus dicere, *Peccaui*; ve-
 re potuit Maria Magdalena dicere, *Pecca-*
ui; vere potuit cruciarius dicere, *Peccaui*.
 Hi enim omnes peccarunt quidem, sed à
 peccatis conuersi, nihil magis cauerunt
 quam ne iterum peccarent. At miser ego
 fateri & dicere cogor, non tantum me he-
 ri aut hodie peccasse, sed cras etiam, adeo-
 que semper peccaturum, nisi tua, ô mitis-
 sime Iesu, benignitas & misericordia mi-
 hi succurrat. Cado iam iam, nisi me suf-
 fulcias; neque resurgere vnumquam potero,
 nisi tu me erigas. Si David ad Deum dix-
 isset, *Pecco*, aut, *Peccabo*, Domine numquam
 à Deo exauditus, multo minus veniam ef-
 set consequutus : sed quia dixit, *Peccaui*,
 cum firmo proposito amplius non pec-
 candi, quamprimum verbum illud pro-
 loquutus fuit, peccati veniam meruit. O
 sanctam,

sanctam, ò benedictam, ò suauissimam D. *Dei ad ignoscendum facilius.*
 N. Iesu Christi legem ! Pro tot tantisque delictis quæ quotidie committimus, Deus nihil amplius à nobis exigit quam ut cum Davide ex animo quis dicat, Peccaui Domine; neque post hac, tua adiuuante gratia, peccabo. Quid faciam miser ! Negare non possum, Domine, cuius animus mihi est conscius; celare nō possum, quod tu solus omnium optime nosti. Puer peccaui, peccaui adolescens, peccaui iuuenis, vir peccaui; hoc vnum iam a te peto, Domine, ut gratiam tuam mihi largiari, ne in hac decrepita mea ætate peccare pergā, & quæ iuuenis peccaui, senex quoque peccē. Peccare iā cessarat David quando Deus ita deprecatus est: *Delicta iuuentutis meae ne memineris, Domine.* Neque enim in tā tenera ista ætate sensi quid facerem, nec sciui quid desiderarim.

Illud quoque obseruatione dignum est, quod dauid non peccata quæ puer, *Actus peccata aggrauat*
 sed quæ iuuenis, maturo iam & confirmato iudicio, commiserat, condonari sibi petit. Quæ enim pueri peccant, ignorantia; at quæ iuuenes & viri, malitiæ adscribenda sunt. Senex iam dauid delictorum iuuentutis suæ veniam rogat: & sane credibile est, si vel minimi peccati sibi fuisset conscius in decrepita ista ætate à se designati, eius culpam multo magis & fastu-
 rum

rum & deprecaturum fuisse. Ex quo facile potest intelligi, quantum ad veniam à Deo impetrandam illud faciat, vt & peccata corde sentiamus, & lingua fateamur, & opere posthac vitemus quæ Deus quidem condonat, sed ita ne amplius eadem committamus.

Illud denique hoc loco notandum est, eodem momento quo Dauid dixerat, *Peccaui*, Deum dixisse, *Ignoui*. Quod si res actionesque hominum diligentius intueamur, videbimus profecto Deum ad peccata remittenda multo esse promptiorem quam nos ad fatenda. In quo sane tacita quædam inter Creatorem & Creaturam apparet conspiratio. Nam commissum adulterium sequuta est Bersabee imprægnatio, imprægnationem proditio ad necem Vriæ, Vriæ mortem Nathanis increpatio, increpationem culpæ confessio & pœnitentia, pœnitentiam Dei gratia & misericordia: sic vt eadem celeritate qua Dauid Dominum fugerat, à Domino quæsitus sit & in viam reductus. Ex quo patet, Linguam quæ multis vitam ademit, Dauidi vitam conseruasse. Nam vt culpa reum ipsum fecerat; sic culpæ confessio veniam ei impetrauit.

Ex quo vno patet, quantum boni bona lingua efficere possit, quum vnum verbum ad duplicis ac tantæ noxæ expiationem

nem satis fuerit. Odelica uen & mirabile
meimbrun ! In tuis manibus vita & mors si-
ta sunt. Vita quidem ijs qui recte te utun-
tur; mors, qui male, Demus ergo operam
ne cum Lucifero superbe, ne cum Caino
impie, ne cum turris Babilonica aedifica-
toribus vane, ne cum Semacherib elate, ne
cum Amalechita imprudenter, sed cum
Dauid humiliter & ingenue loquamur.
Loquatur vnusquisque veritatem ad pro-
ximum suum. Nuga & scurrilia ne audian-
tur quidem inter nos. Bonos mores cor-
rumpunt colloquia praua. Vitemus eos,
quorum guttur, vt Dauid ait, sepulcrum
patens est; qui linguis suis dolose agunt;
quorum lingua nouacula est acutior.

O Deus, qui vitam & mortem ac lin-
guam nostram in manu tua habes; da, quaesu-
mus, vt ea ad nominis tui gloriam, proxi-
mi nostri commodum, ac nostram ipsorum
salutem semper utamur: per Dominum no-
strum Iesum Christum, qui ad vitam
æternam nos perducatur,

Amen,

Antonij
DE GVEVARA

De

Perseuerantia Oratio.



On minima Sapientię pars censetur, Fratres charissimi, ab alijs exemplum capere, vt aliorum in commodis edocti, melius sapere, & ex aliorum vitijs, nostra emendare discamus. At profecto, si omnia excutiamus, nihil omnibus in rebus, si modo voti nostri compotes fieri velimus, magis necessarium est quam vt in bono perseueremus. Exemplo nobis sit vxor Lothi, cui nō minus quam marito interdictum fuerat, ne Sodomis egressa respiceret: quod interdictum quum contempsisset, in statuā salis conuersa fuit. Quod vero in salis statuam, & non in aliud saxi aut lapidis genus mutata dicitur, mysterio non caret. Hoc enim ij homines denotantur, qui vbi boni quid agere cœperint, mox deficiunt, nec in instituto perseuerant, vt & ij, qui in rebus aduersis respiciunt, id est, animum despondent, & de promissione Dei dubitant, & de auxilio desperant. Salis insuper illa statua nos monet, ne insulsi simus, id est,

*Vxor Lothi
in statuam
salis conuer-
sa.*

est, stolidi & fatui, omnique quasi sapientia destituti. Hanc enim historiam Nicolaus Lyranus & alij Catholici Doctores mystice sic interpretantur. Quemadmodum, inquit, sal omnium ciborum condimentum est, sine quo vix quidquam palato sapere potest, sic pœna huius mulieris virtutes & sapientiam commendare nobis debet, vt tanto eas tenacius amplectamur, & à vitijs desistamus. Hinc etiam D. N. & Saluator Lucæ xvi. eos hortatur qui in agro sunt, ne reuertantur. Mystice per vxorem Lothi denotantur ij qui à diuina gratia vocati sunt, sed ad ea quæ antea deseruerant, mox retrouertuntur. De quibus idem D. N. & Saluator Lucæ ix. loquitur, dum ait eum qui aratro manum admouerit, & retrospiciat, non esse aptum ad regnum Dei. Quibus omnibus moneamur, ne si à peccatis destiterimus, ad vomitum redeamus, nisi æternum velimus subire supplicium. Quod ergo Lothi vxor retrospiciens in salis statuam mutata, nobis ob oculos ponitur, eo fit, vt exemplo ipsius territi, melius sapiamus, & tam temeritatem quam secordiam fugere discamus.

Sed inprimis illud hic nobis præcipitur, vt in bono semper progrediamur, neque vmquam manum remittamus. Quo loco diligenter notanda sunt ea quæ de
Per-

Perseuerantia S. Bonaventura scribit, nimirum : Perseuerantiam triplicem esse. Primam esse voluntatis, qua omnes passionēs & affectus vincuntur & quasi vincuntur. Et hæc illa virtus est quæ Fortitudo appellatur. Deinde perseuerantia quoque appellatur bonum propositū in bonis operibus & virtutibus perseuerandi : & hæc illa est proprietas quæ ad omnes virtutes requiritur. Tertio Perseuerantia dicitur illa qua quis ipso actu in bono ad finem perseuerat.

Perseuerantiam Theologi singularem virtutem esse dicunt, cuius munus est, in omni opere bono & laudabili quæ sustinenda sunt sustinere, & ad finem vsque, vel quam diu necessarium fuerit perdurare S. Thomas quomodo specialis virtus sit Perseuerantia declarans, inquit, Perseuerantiæ obiectum esse rem bonam, sed grauem & difficilem: eoque fieri vt si specialis causa illius difficultatis incidat, ibi quoque peculiaris virtutis nomen Perseuerantia illa accipiat.

In virtutum obiectis duo plerumque sunt, Bonitas nēpe & difficultas & quidē tam in specie facti, secundum rationem proprii obiecti, quam in temporis continuatione seu perseuerantia.

Quemadmodum vero Temperantia & Fortitudo speciales sunt virtutes, quū illa moderatio sit voluptatum, per se fræ-

natu difficillium; hæc audaciæ & timidi-
tatis, maxime in ijs quæ mortis pericula
& dolores concernunt: sic Perseuerantia
specialis virtus est, & in boni ad finem vs-
que perduratione consistit. Hanc virtu-
tem S. Bernardus ita cõmendat, vt Chri-
stiano homini illud vnum assidua mente
cogitandum, & opere implendum dicat:
Perseuera, perseuera perseuera. neque enim co-
ronatum iri nisi qui strenue decertarit. at
strenue decertate cum solum qui ad finem
vsque in bono perseuerat. Alio loco idẽ
Bernardus inquit: Sine perseuerantia nec
seruitium mercedem, nec beneficium
gratiam, nec fortitudinem laudem incre-
ri. Quod si astutia Samsonis, & Salomo-
nis sapientia perseuerantiam habuissent
comitem, nec illum roboris, nec huic
sapientiæ cum tanto etiam animæ pericu-
lo iacturam facturum fuisse. S. Hierony-
mus inquit, apud bonos Christianos non
initium sed finem esse quærendum: pro
exemplo nobis D. Paullum Apostolum
proponens, qui male cœperit, sed bene
cursum finiuerit: quum Iudæ felix prædi-
cetur initium, sed exitus plusquam infau-
stus. Qui enim bene incipiunt, nec in pro-
posito perseuerant, tanto grauiorem si-
bi damnationem accersunt: sicut hoc quã
plurimis aliorũ quoq; exemplis demon-
strari posset.

D. Gregorius de Perseuerantia loquens ait, Frustranea esse omnia bona opera, si non ad finem vsque vitæ sine cessatione cōtinuentur, Frustra enim ad metam currit, qui in medio subsistit cursu; nec progreditur. Id faciunt quotquot initio quidem rem magno calore aggrediuntur, sed mox tepescunt, immo plane refrigerantur & cœpta omnino omittunt. D. Augustinus in epistola ad Fratres in eremo Perseuerantiam mirum in modum commendat, illud D. Paulli inculcans, dicentis, neminem coronatum iri nisi qui decertarit, & ad finem vsque perseuerarit. Quocirca parum est bene incipere, nisi quis etiã constanter progrediatur. Multi cum Israelitis per desertum ambulant, sed pauci in terram promissam perueniunt. Idem dicit, Perseuerantiam informare merita nostra, recreare currentes, coronare pugnantes, & ad salutis statum perducere. Longam hanc illam esse & talem Iobi vestẽ, & caudam hostiæ Deo immolandæ. Hanc unicam illam esse virtutem qua Deo conciliemur & deuinciamur.

Et sãne hæc illa virtus est, quæ martyribus, virginibus, Cōfessoribus immarcescibilẽ illam coronam imposuit. Hæc illa vestis est sine rugis, sine omni macula. Caue & Christiane quisquis bene cœpisti, ne cadas ne disistas; ne sis instar sceni, quod iam viret,

viret, sed defectum statim marcet. Laboremus diligenter, perseveremus constanter. Vos in primis, o Monachi, vos o Virgines, ita currite ut comprehendatis, & inoffenso pede ad calcem perveniatis. Cogitate, Fratres charissimi, diabolum quidquid potest, sic currentibus obijcere, ut vel eos retardet & à cursu absterreat, vel etiam omnino supplantet; illorum deinde casu ad pessimos suos conatus abutatur. Contra has insidias nullum præsentius est remedium quam Perseverantia. Hæc enim sola ita comparata est ut bonum cœptum felici coronare possit exitu: ut sic prima ultimis, & media utrisque respondeant. Turpe profecto monstrum est, quod pulcrum habet initium, & malum finem. Longè turpissimum vero est, quod iustitiæ prima sui parte consentaneum videtur, sed posteriori in iniquitatem exit. Monstrum Horatius ridiculum fore dicit:

*Humano capiti cervicem pictor equinam
Iungere si velit & varias inducere plumas,
Undiq; collatis membris: ut turpiter atrum
Desinat in piscem mulier formosa superne.*

At mihi credite, turpius monstrum est, vita bene cœpta, sed male continuata, ac pessime terminata. Monstra sunt, qui caput hominis sed ventrem bouis, & pedes lupi habent. Quid, quæso, iuvatur, viam in-

*Monstri in-
star est be-
ne incipere
& male fi-
niri.*

*Pœnitentia
vera num-
quã est sera.*

gredi nisi progrediare, & nisi ad destina-
tum peruenias locum: satius profecto fu-
erat, viam veritatis numquam cognouis-
se, quam ab ea deflectere. Hoc scitote, aut
in bono vobis perseverandum, aut mortem
subeundam. Si ergo iam operi manum
admouistis, si ædificare cœpistis, in opere
strenue pergite, nec prius desistite quam
supremam operi imposueritis manum.
Quod si nondum cœpistis, agite quam-
primum vos operi accingite. Si diabolo
flore[m] ætati vestræ consecrastis, saltim
fæces Deo consecrate. Misericors est De-
us noster; neminem ad se quamvis sero ve-
nientem spernit, neminem repellit. Cum
filio perduto vos obuijs vlnis excipiet;
candida vos induet veste; annulum digi-
tis vestris inseret, & calceis induet pedes
vestros. Tunc renouabitur vt aquilæ iu-
uentus vestra. Semper ob oculos vobis
ponite Iudæ Iscariotis exemplum, cuius
præclara initia turpissimum & cum æter-
no animæ exitio coniunctum habuere exit-
um. Saulis & Salomonis exempla in me-
moriâ vobis reuocate, qui per inconstā-
tiam in summum dedecus & extrema pe-
ricula sunt delapsi. Magnus est eorum nu-
merus qui bene cœperunt; sed exiguus
eorum qui constanter perseverarunt. Es-
tote prudentes, & caute ambulate.
Qui stat, videat ne cadat. Beatus, atque
iterum

iterū beatus est qui in bono bene incipit, & in eo ad finem vsque perseverat. Non enim qui bene cœperit, sed qui ad finem perseverauerit, saluus erit. Recte D. Augustinus Perseuerantiam in bono certum prædestinationis & electionis ad æternam salutem signum esse ait. Et S. Bernardus Perseuerantiam ait finem esse & perfectionem omnium virtutum, & bonorum operum thesaurum, sine qua nemo Deum videre, aut æternam gloriam adipisci potest.

Quanam omnium virtutum regina sit.

HOc loco non abs re facturus mihi videor, si illud breuiter disquiram, quanam omniū virtutū sit nobilissima & maxime necessaria, adeoque digna quæ ceterarum Regina dicatur.

Haec quæstionem multi quidem doctrina & Christiana pietate præstantes viri ventilarunt: quibus tamen omnibus parum inter se conuenit: ut verum hic sit illud, Quot capita tot sensus. Horum ego aliquot opiniones indicabo, deinde meam exponam.

Sunt qui Humilitati primas adscribant, ut quæ radix sit & fundamentum ceterarum virtutum. Id sentire videtur D. Gregorius, inquit, Qui ceteras

*Humilitas
est præstan-
tia.*

omnes virtutes habeat, humilitatem vero non habeat, similem esse ei qui cineres invento ferat. Hos enim statim dissipari; ac tantum abesse ut integri domū deportari queant, ut etiam ferentis oculos oppleant & excæcent. Nec ab hac sententia alienus est D. Augustinus quando ait, per Humilitatem Deum factum esse hominem, per eam mortali vitam esse datam, per eā cælos apertos, Mundum purgatum, & animas è limbo liberatas. Idem D. Virginis Mariæ humilitatē ianuā Paradisi, & scalā cœli appellat, per quam Deus in terrā descenderit. Ex quibus non iniuria colligere quis possit, Humilitatem omnium virtutum esse præcipuam & quasi reginam. Sed hæc sententia à vero aliquantum discrepare mihi videtur. Potest enim ficta esse Humilitas: de qua Ecclesiasticus cap. xix. sic loquitur. *Est qui nequiter humiliat se, & interiora eius plena sunt dolo. Et est iustus, qui se nimium submittit à multa humilitate: & est iustus qui inclinat faciem suam, & fingit non videre se quod ignoratum est.* Talis est hypocritarum Humilitas, quam externus illi moribus ac gestibus præ se ferunt, animis interin mirum in modum elati.

An Fides.

Alij Fidem omnium virtutum reginā faciunt: quam D. Paullus Apostolus vocat spèrandarum rerum substantiam, & non apparentium argumentum. Idem ait, sine fide

fide impossibile esse, placere Deo. S. Augustinus Fide vocat omnis boni fundamentum, & principium salutis, sine qua nemo Filiorum Dei numero adscribi possit, sine qua etiam nemo in hac vita iustitiam, aut in altera illa æternā felicitatem queat adipisci. Sed quamvis magnam virtutem Fidem esse non negem; reginam tamen omnium virtutum esse dicere vix ausim, quum Fides etiam in malis Christianis, adeoque in ipsis diabolis reperiatur. Teste enim D. Iacobo Apostolo, Et dæmones credunt, & contremiscunt: quamvis hoc de Fide actuali, non vero infusa intelligendum sit.

Nonnulli cum Salomone sapientiæ primas tribuunt. Salomon certe eam rō formę tantum, dignitatibus, diuitijs, & si quę alia bona externā sunt, sed omnino omnibus rebus huius vitæ præfert; eoque ad illius studium omnes exhortatur. Apud illum Sapientia de seipso sic loquitur: *Accipite disciplinam meam & non pecuniam; doctrinam magis quam aurum eligit. Et paullo post: Mecum sunt diuitia & gloria, opes superæ & iustitia. Melior est fructus meus auro & lapide precioso; & genimina mea argento electo. Quid multis? Hanc vnā virtutem tot nominibus commendat, vt nec argento, nec auro, nec gemmis comparari possit aut debeat. Vnde concludunt nonnulli, hanc*

*Sapientia
an summa
virtutum.*

inter omnes virtutes tenere Principatum. Sed & hi meo iudicio, à scopo aliquantum aberrant. Duplex enim est Sapientia. Vna bona, altera mala. Hæc tamen astutia vel calliditas potius dicenda est. De hac Sapientia loquitur D. N. & Saluator Iesus Christus, Luc. XVI. inquit, Filios huius sæculi sapientiores seu prudentiores esse filijs lucis, in generatione sua. Et D. Paullus hanc intelligit, quando dicit, Sapientiam carnis, mortem esse. Et alibi: Sapientiam huius Mundi, stultitiam esse apud Deum.

*An Castitas
seu Virginitas
sua.*

Non defunt qui omnibus virtutibus Castitatem siue immaculatam Virginitatem præferunt: quæ inter alia hoc elogium meruit, vt Angelorum soror dicatur. Ait S. Hieronymus, illiba à in sæculari statu castitatem & omni carnis appetitu carentem, nõ humanam, sed angelicam esse vitam. Et S. Ambrosius hominum virginitatem, Angelorum virginitati præfert: quum homines ex deuctis in corde cupiditatibus, magnam victoriæ laudem adipiscantur; Angeli vero, vt qui nullos sentiunt carnis stimulos, castitatem facile tueri possint. Quod locis quibusdam perpetua nix reperitur, non adeo mirum est, quum nec pedibus ibi conculcetur, nec solis radijs liquefiat. At quis non miretur, si nix pedibus conculcata, medio in cœno candorem tueatur?

Eodem

Eodem modo, quamuis Angeli in cœlo, vbi nulla est contrarietas, vbi nullæ sunt tentationes, virgineam suam puritatem conseruent, non vsque adeo mirum videri debet. At hominem carne circumdatum, in media hominum turba viuentem, tot tantisque expositum tentationum stimulis, illibatam tueri pudicitiam, vtrarum, ita summa laude dignum, & quasi quiddam diuinum est. Quia ergo ex ijs quæ dicta sunt patet, hominum Virginitatem multo plus laudis mereri quam Angelorum castimoniam; non inepte quidam existimare videntur Castitatem omnium virtutum esse reginam. Sed & horum opinio, vt quidem ego sentio, à vero deuiat: quum virginitas & castimonia eiusmodi plerumque cum stulta quadam arrogantia, & arrogante stultitia coniuncta sit, vt videre est in quinque illis fatuis Virginitibus, quæ etsi Virgines fuerint, oleum tamen in lampadibus suis non habuerunt, eoque cœlo exclusæ, nuptialibus epulis & gaudijs, quæ spe iam deuorauerant, priuatæ sunt, audientes illud: Non nouo vos.

Quidam Spem supremo inter omnes *Au Spes* virtutes loco collocant. Vnde Salomon Beatum in Domino sperantem appellat. Et regius vates, Beatus, inquit, vir qui sperat in eo. Sanctus Augustinus

Virtutem hanc ad cœlum laudibus extol-
lens, turrim eam munitissimam vocat, in
quam qui confugiunt, non confundan-
tur, sed gratia repleantur, non decipian-
tur, sed illuminentur, non fame contabe-
scent, sed saturentur. Ab hac eadem ait ti-
morem hominum expugnari, & omne
mundanum solatium annihilari, falsas &
inanes cupiditates extinguere, superbiam
contemni, inuidiam retundi; omnia de-
nique vitia profligari. In hac ait charita-
tem regnare, ut quę omnia credat ad salu-
tem necessaria, & promissa diuinitus pa-
tienter expectet. Hac ait cogitationes
nostras acui, charitati imponi fastigium,
eamque ad hostes etiam extendi. Hac ait
Patriarchas omnia vicisse, prophetas om-
nia sustinuisse, Apostolos etiam mortem
ultro lætis animis subiisse. Hac vna freto
martyres cruciatus acerbissimos, durissi-
ma supplicia Virgines sustinuisse, &
Confessores omne genus contumelias
perpeffos esse. Hęc eandem ait tam in cœ-
libatu quam in matrimonio castitatis &
continentiæ esse custodem. Hanc orpha-
norum & viduarum, hanc ægrotorum,
hanc egenorum, hanc peregrinorum, v-
num esse solatium. Hac denique omnia
huius vitæ incommoda & misérias non
patienter tantum, verum etiam alacriter
perferri ac superari. Ex his tam præclaris
clo-

elogijs nonnullis Spes omnium virtutum regina esse videtur. Sed his in mentem illud reuocandum est, etiam improbos Spem habere, quamuis vanam & stultam. Hinc Magister sententiarum talem non Spem, sed præsumptionem & stultam confidentiam appellandam esse dicit. Et Salomon Prouerb. x. inquit, Spem impiorum perituram.

Alij supremam inter virtutes excellentiam Iustitiæ adscribunt, vt quæ non solum suum cuique tribuat, verum etiam pacem & concordiam, immo ipsa regna conseruet. Hanc D. Augustinus non vno loco commendat, inquit, Per hanc castitatem & puritatem regnare, per hanc florere dignitates, & per hanc patientiam operari. Qui hanc amplexus fuerit, vnâ cum Moyse & Israelitis per cruore peccatorum rubefactum mare siccis pedibus transiturum. Hanc mensuram esse quæ pœnæ mensurandæ, & merita magna & parua ponderanda sint. Infinita sunt, quæ in huius virtutis laudem adferri possunt. Eoque non absurda eorum videtur sententia qui Virtuti huic principem locum assignant. Sed enim fieri sæpe videmus, hanc ipsam virtutem non incorrupte seruari, sed vel amore, vel odio, vel donis & muneribus inflecti. Bene notandum mihi illud videtur quod Isaias cap. xi. in-

Nō 5

quit:

Quit: *Erit iustitia cingulum lumborum eius, & fides cinctorum renum eius.* Quo innuitur, quemadmodum cingulo media pars corporis cingitur; sic Iustitiæ esse semper & in omnibus medium tenere, & ex æquo omnibus, magnis & paruis, diuitibus & egenis, dominis & seruis, ius esse administrandum. At quis non videt, cingulum hoc non medio semper circumduci, sed nimis sæpe ad zonam, quæ à cingulo dependere solet, sese inficere; sic vt corrupti muneribus iudices, innoxios cõdemnent, & nocentes absoluant. Et profecto tã rara hæc virtus est, vt etiam si præstantissimam eam esse lubens fatear, tamen ob id ipsũ quod in tam paucis reperitur, principatum ei adscribendum non putem.

De Patientia.

Patientiam alij summis laudibus extollunt, & omnium rerum perfectionem in se complecti dicunt. Hinc S. Iacobus ait, Patientiæ opus perfectum esse debere. Quasi diceret, Qui patientiam possideant, perfecta opera facere; & post multos exantlato labores, perfectam felicitatem adepturos. Glossa vero super illud Saluatoris, *In patientia possidebitis animas vestras*, Patientia, inquit, radix est & clypeus omnium virtutum. Vnde non immerito videtur inferri posse, primum locum inter omnes virtutes Patientiæ seu Tolerantiæ deberi. Sed & isti hallucinantur. Multi namque reperiuntur qui

qui patientissime aduersa quæque tolerant interim tamen omni vitiorum genere pleni sunt. Diuinæ Reuelationis D. Ioanni Apostolo factæ capite II. hæc verba habentur. *Angelo* (id est Episcopo) *Ephesi Ecclesia* *hæc scribe* : *Hæc dicit qui tenet septem stellas in dextera sua, qui ambulat in medio candelabrorum aureorum* : *Suo operatua, & laborem, & patientiam tuam, & quia non potes sustinere malos, & tentasti eos qui se dicunt Apostolos esse, & non sunt; & inuenisti eos mendaces: Et patientiam habes; & sustinuisti propter nomen meum, & non defecisti. Sed habeo aduersum te pauca, quod charitatem tuam primam reliquisti. Memor esto itaque unde excideris: & age penitentiam, & prima opera fac, &c.* Ex quibus verbis luce clarius apparet, Patientiam nō modo non summam, sed aliquando ne virtutem quidem esse.

Alij Fortitudinem ceteris virtutibus anteponunt; quum Sacra Scriptura Domini gaudium nostram appellet Fortitudinem. S. Ambrosius Fortitudinem ait, ceterarum virtutum decus conseruare & tueri, pugnare contra vitia, neque vquam vinci, sed semper victricem discedere. Vnde quidam efficere volunt, Fortitudinem pro virtutum præcipua habendam. Sed & horum opinio à vero non parum absçst. Nam Fortitudo superbiam sæpe & proximi contemptum
habet

habet adiunctum. Hinc Dominus apud prophetam Isaiam cap. xlii. dicit: *Ecce visitabo super orbis mala & contra impios iniquitatem eorum Et requiescere faciam superbiam infidelium; & arrogantiam Fortium humiliabo.* Sed & docet experientia, multos sæpe fortitudine ad res vanas, immo impias quandoque abuti: quibus cum propheta dicerelicet: *In vanitatibus consumsi fortitudinem meam.* Ex quo manifestum est, eos quoque errare qui primam inter virtutes locum Fortitudini adscribunt.

De Misericordia.

Nonnulli Clementiam seu Misericordiam omnium virtutum reginam faciunt, vt quæ aditum nobis ad cælum aperiat, teste ipso D. N. & Salvatore Iesu Christo, qui Misericordes beatos appellat, eo quod & ipsi misericordiam à Domino sint consequuturi Et S. Augustinus tantam vim & efficaciam Misericordiæ esse scribit, vt numquam inanis ad auctorem redeat. Salomon Proverb. xi. ait: *Bene facit anima sua vir misericors: qui autem crudelis est, etiam propinquos abiicit.* Et ibidem: *Clementia praparat vitam, & sectatio malorum mortem.* Idem misericordiam Deo omni sacrificio gratiore esse dicit. Micheas propheta non solum misericordiam nobis commendat, sed & regulam quandam, ad quam ea exerceri debeat, præscribit, nimirum, vt iudicium faciamus, & misericordiam

cordiam diligamus. Quia ergo tantia-
 pud Deum est misericordia , præcipuum
 ei inter virtutes locum quidam tribuere
 non dubitant. Sed & hi in errore sunt. Vi-
 deas enim non paucos Misericordiæ flu-
 dere operibus , eleemosynas largiendo,
 nudos vestiendo, esurientes pascendo ; at
 impiam interim vitam agere , fenore a-
 lios exhaustos, aut per fraudem circū-
 uenientes: idem facientes ac si quis bouem
 furatus , exta deinde pro eleemosyna
 pauperibus erogaret : aut si quis viginti
 spoliaret, & vnum deinde nudum vesti-
 ret. Talis misericordia Deo nequaquam
 accepta est quum, Syracide teste, impio-
 rum sacrificijs Deus non delectetur , nec
 ad iniustorum holocausta respiciat. Nec
 profecto sacrificijs eiusmodi peccata ex-
 piari possunt. Qui vero de pauperum
 spolijs sacrificat, idem facit ac si filium in
 conspectu patris iugularet. Ex quo faci-
 le colligi potest, neque huic virtuti inter
 reliquas regnum deberi.

Sed & illi à scopo aberrare mihi vi-
 dentur, qui Temperantiæ primas tribu-
 unt: quamuis ea vna sit ex quatuor cardina-
 libus virtutibus; cuius munus in coer-
 cendis cupiditatibus versatur. S. Bona-
 uentura Temperantiam pro materiæ vel
 obiecti , à quo cupiditates excitantur,
 qualitate describendam esse dicit. Vnde
 intel-

intelligitur, Temperantiam malorum tantum cupiditatum esse vrectricem, vel potius victricem. sic ut Temperantia circa prauas tantum cupiditates refranandas versetur. Quod vero virtus hæc ceterarum regina dici non possit, inde præcipue patet, quod Charitate, quæ est omnis perfectionis vinculum, caret.

De Charitate

Hinc multo sane meliori iudicio & ratione nonnulli præcipuum inter virtutes locum Charitati adscribunt: ut in qua, S. Gregorio attestante, ceterarum omnium bonitas & perfectio consistat. Atque ideo hæc non virtus simpliciter, sed forma virtutis à Philosophis vocatur. Nam sicut forma, secundum Philosophorum placita, dat esse rei; sic Charitas ceteras virtutes informans, facit ut virtutes dici mereantur. Sed non ipsi tantum virtuti, sed operibus quoque virtutis perfectionem largitur Charitas, ut per ea homo ultimum finem, qui per se Deus est, assequi possit. Multo vero perfectius est id quod primo & per se in Deum dirigitur, quam quod aliud respicit. Talis vero est Charitas siue Amor Dei, cuius primus & vnus scopus est cum Deo se coniungere. De hac Charitate S. Paullus Apostolus, altiore nobis ad cælum viam monstrans, i. ad Corinth. xiii. sic loquitur: *Si linguis hominum loquar & angelorum, Charitatem autem non habeam,*

beam, factus sum velut æsonans aut cymbalum
tinniens. Et si habuerim prophetiam & nouerim
mysteria omnia & omnem scientiam, & si habue-
ro omnem fidem ita ut montes transferam; Cha-
ritatem autem non habuero, nihil sum. Et si distri-
buero in cibos pauperum omnes facultates meas;
& si tradidero corpus meum ita ut ardeam, Chari-
tatem autem non habuero, nihil mihi prodest. Ex
quibus & alijs, quæ plures adferri hoc
possent, rationibus, effici videtur, Chari-
tatem omnium virtutum esse reginam.

Verum enimvero sentiant alij quod
volunt, mihi quidem Perseuerantia, quã-
uis cardinalibus virtutibus non annume-
retur, omnium tamen virtutum excellen-
tissima magistra & regina videtur: ut sine
qua ceteræ omnes inanes sunt & infru-
ctuosæ. Ipsum Saluatorem nostrum au-
diamus. Qui, inquit, ad finem vsque perseue-
rat saluus erit. Non dicit, qui incipit, qui
progreditur; sed, qui perseuerat. S. Gre-
gorius omnem bonorum operam boni-
ratem in Perseuerantia sitam esse dicit.
Hæc multis V. T. typis fuit adumbrata,
præcipue vero eo quod Deus in lege præ-
cepit, ut in sacrificijs cauda hostiæ vnâ cõ-
bureretur. Caudam vero hostiæ immolat
qui bonorũ operũ sacrificiũ bono fine cõ-
summat. Et Iosephus à patre Iacobo plus
ceteris dilectus, tunica talari indutus fuisse
dicitur, quæ nihil aliud est, nisi bonus finis

De Perseu-
rantia.

S. Gregorius Mariæ Magdalenaë & comitum ipsius, quæ ad Christi corpus vngendam venerant, amorem deprædicans, vim eius inde potissimum demonstrat, quod quum discipuli omnes à sepulcro recessissent, ipsæ tamen recēlere ab eo noluerint. Atque eam ob causam Christum quoque postquam à mortuis resurrexit, primum ipsis apparuisse, ut quæ singulari charitate & zelo ipsum ante quæsiuerant. Et S. Ambrosius in eandem sententiam scribit, Christum Mariæ Magdalenaë primum à resurrectione se conspiciendum exhibuisse, quod incredibili charitate incensa, apud sepulcrum substitisset. Sic sapientes illas virgines nullam aliam ob causam à sponso fuisse intromissas, quam quod aduentum ipsius magna vigilantia expectarint, & in bono ad finem vsque perseuerarint. Quibus etiam S. Augustinus iisdem fere verbis, in libro De verbis Domini, adstipulatur.

*Perseuerantia virtutis
præcipua.*

Ex his omnibus recte concludi potest, Perseuerantiam omnium aliarum virtutum reginam esse. Quid enim, quæso, profuturum sit tibi, si hodie credas, cras vero rursus infidelis fias? Quam mercedem sperare poteris, si hodie castimoniam serues, at cras libidine te polluas? Quem fructum adferet tibi hodierna humilitas, si crasei superbia & arrogantia succedat?

Quod

Quid profuerit, si hodie quidvis perferas ac patiaris, cras vero ita morosus sis, ut nemo te iam ferre possit? An ex temperantia laudem aliquam sperabis, si hodie abstemius sis & continens, cras vero hellueris ac libidineris? Quid prodest, si quis hodie Deum amet, cras negligat? atque utinam non sint qui nullum esse Deum cupiant, quo impune peccare possint. Quid prodest, si hodie mitis sis & beneficus, cras immisericors & sæuus? Quid liberalitatem profuturam tibi existimas, si hodie egenis de tuo largiaris, cras de alieno rapias, quâ vi quâ fraude? Quid profuerit, si hodie ieiunio & precibus vaces, cras vero quodvis flagitium & scelus designes?

Hæc quum ita se habeant, agite, in virtutum studia & bona opera ita incumbamus, ne umquam remittat manus nostra, ne retrospeciamus, multo minus retrogrediamur, sed ut in Fide, Spe & Charitate, per assiduum ieiunij & precationis usum ad finem usque perseueremus donec tandem ex hac lachrymarum valle & exsilio ad cœlestem patriam perducamur.

Derecta I V V E N T V T I S

M O D E R A T I O N E ,

O R A T I O M. Aurelij Imp.



Tinam, amici, & constituendi quod subterfugere nequeo, & vobis mandandi quod mandaturus sum, necessitate non constringeretur ! nempe ut dicam, quod dii & mihi adsint propitij, & vos persequantur iusti ; meque simul ut à me & à vobis omnia dii mala auerruncent, precari. Viro enim fata aduersa habēti satius est ad mortuos commigrare, quam inter viuos morari. Sed cum vos susceperim summa diligentia quæritos, hoc animo, uti præceptores essetis filij mei Commodi ; Deos testor immortales, ex animo me dolere, vestrumque dedecus dedecori mihi ducere, ac poenæ vestræ partem maximam ad me redundare. Sed fieri aliter non potest: Nō enim decet tam arctam esse inter, homines amicitiam, ut sit illius gratia existimationis discrimen adeundum. Cum autem quos quæro sapientes, non tantum ad erudien-

*Summa ex
præceptoribus
dedecore
dolorem te-
statur.*

ruendum Commodum, verum ad corrigendos etiam eos, qui male viuunt in meo palatio, expetam; contra ac volebam euenire video; quod cum ex fatuis fieri sapientes debeant, ex sapientibus fatuos fieri animaduerto.

An nescitis aurum purum putum *Acris obius*
 prunarum violentissimarum igni de- *gario.*
 nitate (precioque) nihil deperdere; &
 viri cordati prudentiam inter hoc genus ineptias elucere? Etenim in fornace auri exploratur puritas; & in stulti ineptijs prudentia probatur cordati. An vos fugit, nec sapientem inter sapientes, nec fatuum inter fatuos cognosci; sed inter cordatos obscurari fatuos, & inter fatuos emicare sapientes? Ibi enim suam sapiens monstrat sapientiam, ubi stultitia redundant cuncti, solusque ipse prudentia non destituitur. An ignoratis in vulneribus lethalibus peritæ suæ specimen edere chirurgum; in morbis desperatis artem suam ostendere medicum; in prælijs dubijs virtutem suam declarare ducem; & in atrocibus tempestatibus experientiam suam probare nauclerum? Ad eundem ergo modum in maxima vulgi lætitia suam oportet grauitatem exferat sapiens.

An nescitis ab animo sedato profici- *Animum ino.*
 sci in homine intelligentiæ perspicaciam, *erat in eo*
 Oo 2 memo-

*sedatus sum
mum viri
decum.*

memoriæ promptitudinem, grauitatem gestuum, personæ tranquillitatem, famæ puritatem, & super omnia linguæ moderationem? Nam is demum nomen meretur sapientis, qui maximè tum in actionibus circumspectus, tum in verbis moderatus est. An ignoratis, quam parum proficit linguam habere volubilem, memoriam viuacem, intelligentiam perspicacem, scientiam locupletem, eloquentiam vberem, stylum suauem, experientiam diuturnam; si his omnibus instructi, quum magistri esse debeatis, viri estis in actionibus improbi? Turpissimum profecto est virtutis spectatæ Imperatori, magistros ipsum præficere filijs eos, qui discipuli sunt scurrarum. An vos fugit, quum mortales in terris vniuersi ad vitæ honestatem deuincti sint, multo magis ad eam obligari qui maiorem sibi scientiam arrogant, quique sua mundum eloquentia se territuros autumant? Est enim regula verissima, Semper actiones malas fidem detrahare verbis bonis.

*Lex velus
in sapientum
& doctorum
delicta.*

Ac ne quid fingere videar, in memoriam vobis reuocabo antiquissimam Romanorum legem, Cinnæ æuolatam, huius sententiæ: Grauiorem pœnam delicti (vel errati) palam admissi eruditus, quam homicidij clam perpetrati idiota luit. O legem iustam; immo vero iustissimam!

O iustos

O justos felicesque ciues Romanos, quot-quot leges hujus ferendæ autores fuistis! Idiota enim non plus quam vnum gladio periram jugulat: Sapiens vero multos malo vitæ exemplo perimit. Nam vt dicebat Plato diuinus; Plus exemplo peccant Principes & sapientes, quod præbent, quã peccato, quod committunt. Diligenter hoc contemplatus sum, neque diuersum ab eo quod dico, scriptores affirmant, tunc ad ruinam inclinare cœpisse Romam infelicem quando relegata ex curia columbina simplicitate, calliditas cœpit serpentina dominari. Nihil enim omnino est, quod magis Principum acceleret interitum, quam si viris se stipatos sapientibus, quorum consilijs vtantur, existimantes, viros sese improbos, à quibus decipiantur, habere deprehendunt.

Ruina initium.

Quam dulce fuit antiquitus videre politiam Romanam, antequam Syllæ Marij-que seditionibus distraheretur, à Catilina Lentuloque perturbaretur, à Iulio & Pompeio conuelleretur, ab Augusto & Antonio euerteretur, à Tiberio & Caligula contaminaretur, à Nerone & Domitiano corrumperetur! Nam plerique horum Principum etiam si viri fuerunt præstantes, multaque imperio regna adiecerunt; plura tamen nobis vitia attulerunt, quam regna subegerunt, & quod omniū

Eiusque autores.

est pessimum, regnis iam amissis, vitia retinuimus.

*Recensio-
rum cum
priscis illis
collatio.*

Si Livio & alijs authoribus fides habenda est, videre in senatu olim licuit ciues natu adeo grandes, canos tam venerandos, viros tam experientes, senes tam moderatos, vt nihil eorum conspectu venerabilius, nihil oratione admirabilius posset cogitari. At quis temperet à lacrymis, videns in locum senum priscorum iuuenes successisse locutuleios, adeo peruersos & improbos, vt & reipublicæ exitio, & ciuitati offendiculo sint? Infelicissimam enim terram, & in extremas angustias adductam esse necesse est, quæ tam impotenti tenetur iuuenum dominatu; vt omnium suspirijs senum in vitam reditus requiratur. Si fidem ijs habemus, quæ veteres dicunt, non possumus negare Romam matrem fuisse omnium actionum laudabilium, quemadmodum Græcia antiqua fons fuit omnium scientiarum, ita vt Græcorum opus esset loqui, & Romanorum gloria, agere. Sed contra jam malo nostro fato fit. Nam Græcia blaterones omnes Romam relegauit, & Roma sapientes omnes exulatum misit in Græciam. Quod cum ita sit, exulare cum vniuersis sapientibus in Græcia malo, quam Romana cum stultis ciuitate frui.

Aristonicus

Ita me dii amant! amici, vt ego puer
oratorem

oratorem Romæ vidi, domini mei Adri- *eloquentiâ*
 ani ministrum aulicum, nomine Aristoni *suam factis*
 cum, statura mediocri, & facie macilenta, *de honesta-*
 cuius etiam patria ignorabatur. Verunta- *nit.*
 men eloquentia erat tam consummata,
 ut si tres in curia horas oraret, nemo esset,
 qui strepitum excitaret. Olim enim si is,
 qui orabat in Senatu, graciosus erat, non
 aliter atque Apollo ipse audiebatur. Cete-
 rum Aristonicus ille adeo tum suavis in di-
 cendo, tam dissolutus in viuendi modo
 fuit, ut nullum vnquam in senatu verbum
 dixerit, quod non æterna esset memoria
 dignum, atque inde digressus nihil vnquã
 visus sit facere, quod non grauissimam
 mereretur animaduersionem. Et si autem
 admodum eram, ut dicebam, tum adole-
 scens; tamen conspectum tam nequam phi-
 losophi vniuerso populo ingratisimum
 fuisse recordor, cum, quod omnium erat
 deterrimum, nulla esset spes emendatio-
 nis & in dies magis illius magisque minu-
 eretur autoritas. Nemo quippe est, qui
 tantam adipiscatur eloquentia famam,
 quin maiorem vitæ impuritate sibi con-
 ciliet infamiam.

Quæro nunc ex vobis, amici, cum so- *Et infamiâ*
 pientes habeamini, vtrum melius, aut *sibi maxi-*
 ut clarius dicam; vtrum minus malum *maius concē-*
 fuisset, philosophum illum idiotam, & *trant.*
 probatæ vitæ, an insigniter, quod fuit, elo-
 quentem

quentem & famæ sinistra esse ! Fieri sanè non potest, quin si semel tantum ille de me dici audisset¹, quod ego de ipso dici sapissime audiui, auctor mihi futurus fuerit, idque vt facerem me impulsurus, vt sepeliri potius, quam ita infamis, quemadmodum ipse vixit, Romæ viuere optarem. Indignus enim est qui inter homines agat, cuius nonnulli quidem verba probant; actiones autem cuncti damnant.

*Priscorum
philosopho-
rum iancti-
tas.*

Primus Romæ Dictator fuit T. Lartius, primusq; equitum Magister Sp. Cassius, & inde ab illorum æuo, qui primi dictaturam gesserunt, ad Syllam vsque & Iulium, qui primi tyrānidem inuaserunt, anni intercesserunt CCCXV. quo tempore neque verbum futile ab vlllo philosopho prolatum, & multo minus quicquam dignum reprehensione factum fuisse legimus; ac si quid aliud Roma permisisset, indigna illa, qua tum floruit, celebritate fuisset. Neque enim potest fieri, vt bene subditi regantur, si sapientes, à quibus reguntur, dissolute viuant.

*Recentiorum
eum
præsentis col-
latis.*

Ita deos experiar propitios ! ita etiam vir bonus habear ! vt quoties cum animo meo considero tum quæ de Roma legi, tum ea quæ nunc oculis video, nihil aliud possum, quam gemere propter præterita, & deplorare præsentia. Video enim, quomodo tum pugnarint exercitus, impe-
rarint

rarint tantum senes, annili sint vt frugi essent iuvenes; video quam bene imperarint Principes, quam promte obtemperarint subditi. Video denique, quod omnium maxime mirandum, quanta libertate gratiaque vsi sint sapientes & eruditi, quanta in humilitate & despectatione vixerint idiotæ. Iam vero satis prorsum nobis aduersantibus, contrarium videmus ærumnolis hisce temporibus, vt plane nesciã vtrum prius deplem, virtutes & fortia facta defunctorum, an vitia inertiamque superstitum. Nullus enim modus esse debebat bonorũ prædicandi præstantiam, & nullum debebamus finem facere vituperandi malorum improbitatem.

O quam dulce fuisset videre secula illa gloriosa, tam gloriosis frui senibus & philosophis! Ex aduerso vero quam dolendum pudendumque nunc est, videre tot philosophos dissolutos, & tot iuvenes contumaces! qui Romæ, vt dixi, vniuersæ exitio, & toti Italiæ offendiculo sunt. Homines enim improbi malitiæ abundantia rempub. affligunt, & virtutis penuria patriam pessundant. Vt idem denuo repetam, amici, CCCCXV. annos nobis durauit prosperitas, & tam diu Roma floruit, quam diu maiestatem in actionibus, & in verbis simplicitatem retinuit, summumque illius bonum fuit, quod à bonis diues,

Tanta mutatione deploratio.

à malis inops erat. In summa , fortunata non potest dici ciuitas, quæ multos ciues, sed quæ paucos habet vitiosos.

*Dimissionis
causam
aperit.*

Sed vt ad rem ipsam propius accedā, ideo vos dimittendos censui, quod me uidente, die festo Genij non admodum vos sedatos, præfente Senatu , ostendistis, vt omnium oculi magis conuersi essent in gesticulationes vestras, quam in ea , quæ vel agebant vel dicebāt Pantomimi. Quas ineptias si vobis licitas arbitrabamini, quia regiæ vos domus ministros esse noueratis, non minus, mihi credite, talia cogitantes, quam facientes peccastis. Principum enim familiaritate neminē adeo niti decet, vt siue serio siue ioco reuerentiæ Principi exhibendæ rationem nullam habeat.

*Vaticum
præcepta dat*

Cum autem à me dimittamini , ad vaticum naultas potius pecunias, quā multa præcepta à vobis optari noui. Verum vtrisque vos, & pecunijs scilicet, quibus in itinere faciendo , & monitis , quibus in vitā agenda vtamini , instruam. Neque miremini consilium me illis dare, quorum est alijs consulere. Sapissime vsu venit, vt medicus morbos curet alienos, & non cognoscat proprios. Sit ergo vltimum verbum , & postremum consilium hoc, vt Quando accesseritis ad feruiendum Principibus & magnatibus, elaboretis, vt

in classe potius censeamini virorum honestorum, quam eruditorum; inodertorum quam ardelionum, taciturnorum quam loquacium. Nam In Aulis Principum, si eruditus præter eruditionem nihil habet, prosperitas magna est, si placet. At Vir honestus nunquam displicet.

M. Aurelij

EPISTOLA

Ad Catulum Cenforium,

De obitu filij sui, &c.



Arcus Cenfor nouus & iuuenis, Catulo Cenforio seni S. & obseruantiam. Cum binas ad te dederim literas, ne vnus quidem mihi respondisti: quod si factum, quia non poteras, æquo animo fero: Sin, quia nolebas, est quod doleam: Sin obliuione id factum, te reprehendo; sin quia me parui pendis, prouoco; sin somnio es prohibitus, non est habenda somnijs fides. Quod si non vis, vt valeat iure testamenti, si possim de tuis tanquam amici gloriari literis; valeat saltim iure condicillorum, si me tanquam filium pater monueris & obiurgaris.

*Cur ad binas
id: eras nihil
responderit,
quarit.*

Est

*Iuueni &
senum offi-
cia inter se
mutua.*

Est quidem iuuenum virtute præstan-
tium honorare senes prudentes ; est item
senum, qualis tu es, erudire & docere val-
de iuuenes, qualis ego sum Iustum enim
est, vt & nouo iuuentutis robore senum
fulciatur & sarciaur imbecillitas, & lon-
ga similiter senum experientia caueat, ne
per ætatem teneram, & ignorantiam na-
turæ insitam in fraudem incidamus. Male
cum iuuentute agitur, quæ corporis ro-
bore pollet, animi vero virtutibus desti-
tuitur : at Senectus illa honorata est, quæ
quanto magis viribus extrâ neruisque
deficit, tanto magis virtute intus repul-
lulat & reuirescit. In arbore quidem fru-
ctibus collectis, folijs delapsis, floribus
arefactis, viridiores & vegetiores radi-
ces esse experientia docet. Ad eundem
modum, exacto adolescentiæ vere, &
iuuentutis æstate, postquam hyeme sene-
ctutis accedente corrupti sunt fructus
carnis, deciderunt folia fauoris, marcue-
runt flores voluptatum, & foris exarue-
runt vanæ spei cortices; æquum est, vt
tum optimæ sint intus actionum radices.
Senes, quibus vere nomen hoc conuenit,
honestis potius actionibus gloriari quam
canis decet. Honorem enim non capitis ca-
nicie, sed vitæ integritate comparatur.
Ea demum respublica gloriosa, felixque
Princeps illius dominus, vbi iuuentus est,
quæ

*Senectus
flos animi.*

quæ laboret, & senectus, quæ consulat.

Qua ratione naturalis vita conseruat^{Alia aliam ;}
 tur, eadem habere se debet politica gu-^{etatem de-}
 bernatio, vt videlicet quemadmodum
 fructus nec vno tempore proueniunt
 vniuersi, nec vno omnes desinunt; sed
 desinentibus alijs, alij incipiunt: ita vos
 quidem docentes, nos vero obedientes,
 parentum instar seniorum & pullorum
 nouorum in nido veluti curiæ, plurimis
 alij nudabimur, alij armabimur; lassique
 ita parentes & volandi impotentes filio-
 rum opera tenerorum nutriuntur. Ita vir
 bonus habear! ita animo quieto mihi,
 Catule, videre te contingat, vt ne ver-
 sum quidem ad te hoc anno scribere de-
 creueram! Stilum enim meum tua he-
 betarat negligentia. Verum ingenij mei
 inertia, & ingens officij mei periculum,
 consilia tua semper flagitant. Hoc enim
 habet priuilegium sapientia, vbicunque
 sedem fixit, quod sapientes insipientium
 dominos, & insipientes sapientum man-
 cipia facit.

Equidem te mei oblitum arbitror, dum
 temporis diuturnitate in ortu Verissimi,
 filij mihi vnice chari, obliuioni à me tra-
 ditam credis: Nec sane iniuria. Sæpe enim
 tempus plagam sanat, quæ ratione sanari
 non potuit. Verum hac in parte haud
 scio, maiorne sit error tuus, an meus do-

*Lucius ex
 obitu filij an
 cerbitatem
 exponit.*

lor! deos enim testor immortales, minus crudeliter infelicia filij mei viscera à ver-
mibus famelicis, quam ærumnosi patris a-
nimum doloribus acerbis lancinari, ita
quidem ut nulla appareat proportio. Fili-
us enim semel tantum mortuus est; pater
vero miserrimus singulis moritur momē-
tis. Quid vis amplius dicam? nisi, invidia
quidem ipsius mortem, at commiseratione
vitam meam esse prosequendam. Ille e-
nim moriendo viuit; at ego viuendo mor-
rior.

*Eius reme-
dium expli-
cat.*

Mihi quidem efficacissimum videtur in
calamitosæ vitæ casibus, turbulentisque
fortunæ procellis esse remedium, vbi pa-
rum industria, & longe minus vis prodest,
ut doleamustanquam homines, & dissi-
mulemus tanquam prudentes. Si lingua
palam exprimerent singuli, quæcunque
clam in corde sentiunt, cælum credo su-
spirijs rumperent, humumque lacrymis
inundarent. Quod si cor serio afflictum
oculis liceret intueri corporeis; appareret
mehercule, quantum vnica sanguinis gut-
ta, quam intus sudat, omnibus præponde-
ret lacrymis, quas plorando foris effun-
dit. Nam maximi dolores corporis, nulla
ex parte cum minimo animi cruciatu cō-
parandi sunt. Omnibus quidem, quæ cor-
pori possunt contingere, malis remedia

exco-

excogitarunt homines : At si ærumnosum cor loquatur, nemo audit ; si lacrymetur, nemo videt ; si queratur, nemo credit. Quid igitur tali faciendum, nisi ut vitam, qua moritur, odio habeat, & mortem, qua vivit, amet?

Heroicæ virorum excellentium virtutes non in tolerandis corporis, verum in dissimulandis animi affectionibus consistunt. Hæ enim humores perturbant, sine ullo gestuum externorum indicio; febrem accendunt, sine pulsus variatione ; humi nos prosternunt, in genua deiiciunt, vndis ore tenus mergi, mori denique, vita non amissa, cogunt : In summa vitam prolongant, ut magis affligamur, tumulumque negant, ne in illo requiescamus.

Quum autem considero non modo calamitatibus me diuexari, sed ex ipsis etiam consolationibus tædium capere, semperque inde fame, hinc fastidio cruciari ; hoc utor remedio, ut silentio dissimulando partim, partim largiter deplorando, partim corde dolorem premendo, vitam, eius quod habeo amittendi metu suspensus, & quod amisi recuperandi spe destitutus, transigam. Atque hæc eò dico, ut si forte neque lachrymari, neque lamentari me ita, ut defuncto modo filio, vides, ne minus ardere pectus meum

meum arbitreris : sed ingenti æstu interno, omnem foris oculorum absumi humorem, visceraque infelicia veluti accensis carbonibus deflagrare statuas.

Heroum filij nō x.e.

An te fugit, mi amice, quanto dolori sit patri honorato mors filij boni ? Omnibus in rebus munifici in nos dii sunt, præterquam in concedendis filiis virtute præstantibus. Equidem diligentissime obseruauī, quod quo sublimior est cuiusque status, eo maior est hæredum bonorum penuria. Molestissimum sane auditu, at longe acerbius visu est, quod parentes diuitijs proficiunt, filij vitijs deficiunt; quod parentes filijs honori, filij parentibus dedecori sunt; quod parentes quietem filijs parant, filij senectutem parentibus iniucundam reddunt; quod parentibus morti est præmaturus filiorum obitus, at mortis paternæ tarditatem deplorant filij. Quid dicam ? quod per incuriam dignitatem opesque filij perdunt, quas summa parentes cura compararunt. Hoc enim persuasissimum habeas, diuitias parentum labore & industria parari posse; easdem solis filiorum virtutibus conseruandas esse Nunquam permittunt dii, vt perpetuum sit, quod à mala profectum intentione, detrimento fundatur alieno, & ab improbo possidetur hærede. Cumque malo parentum fato sit, vt opes filijs relictae

relictæ vitijis seruiant voluptatique eorū,
qui sunt vitiosi; & merentibus ipsis, & dijs
iubentibus, hæres simul pèssum it atque
hæreditas.

Diligenter velim consideres, quod di- *Melioris fi-
lij obitum.*
cturus sum. Erant mihi duo filij, Com-
modus & Verissimus. Horum ætate mi-
nor & virtute maior mortuus est. Sem-
per arbitratus sum, viuentē bono, me fo-
re pauperem; at nunc improbo supersite,
diuitem me fore cōgito, hac adductus ra-
tione, quia tam benigni sunt Dij, vt patri
pauperi non dent filium improbum, &
vix vnquam bonum patri diuiti tribuant
filium. Cumque prosperitas nulla since-
ra sit, quā non contāminet fortuna ad-
uersa, seriū aut maturius ibi nos supplan-
tans, vbi lapsū nos videt grauiore ruitu-
ros: ideo permittunt, vt parentes auari;
cumulatis magno cum labore pecunijs
plurimis, cum hac moriantur molestia,
quod eas filijs relinquunt improbis dila-
pidandas. Non minus, mihi crede, deplo-
ratur à me filius, à dijs mihi relictus, quam
fato ereptus: supersticijs enim inertia im-
mortalem facit defuncti memoriam:
Praua quippe indoles & conuersatio su-
perstitum, desiderabilem efficit mortuo-
rum societatem. Semper improbi nequi-
tia vita illum priuari flagitat: semper bō-
nitas deplorari meretur.

*Acerbissimi
la^m i^mpla-
tia.*

Parum, mihi crede, abfuit, quin ad infaniam confpecta filij morte adigerer. Veruntamen illa me consolatur cogitatio, quod alterutrum necesse erat, vt scilicet aut ego illius mortem viderem, aut ille meam; quod illum mihi dii tantum mutuo, non domo dederunt; quod ipsi proprietarij sunt, ego tantum vsufructuarius; quod omnium regula esse debet iusta illorum voluntas, non appetitus noster inordinatus. Quando filium occiderunt, alienum me restituisse, non de meo quicquam amisisse, arbitror. Postquam autem placuit dijs quiete filio dare, quia bonus; & affligere patrem, quia malus est; gratias illis ago pro vsura temporis, quo me frui vita illius permiserunt, patientiamque illis offero, quam in filij morte prestiti, eosque precor, vt iram hac poena contenti suam mitigent; rogo item, vt cum vitam filio minori ademerint, maiorem (Commodum) in virum bonum laudatumque faxint euadere. Ego hic Romæ tuam intellexi mœstitiam, quam isthic Sami ex maxore meo percepisti. Itaue dii precor faxint propitij, & vt lætitiā ipse ex tuis capias filijs, & ego luctum meo nomine susceptum lætitiā compensare possim.

Salutat te Faustina, cuius te vehementer commiseresceret, si ipsam videres Nā

ocu-

oculis lacrymas, corde suspiria effundit, manibus se verberat, & lingua seipsam execratur. Neque cibum interdum, neque somnum noctu capit; tenebras amat, lucē auersatur: Neque ego quod sub intimis natum est præcordijs, in intimis do cre præcordijs miror. Adeo quippe inmoderatus est amor maternus, ut licet extinctus in tumulo iaceat filius, nihilo minus viuum in corde mater circumferat; cum ita natura comparatum sit, ut qui fuit in vita carissimus, ingentem semper relinquat in morte molestiam.

Me scito vitam agere afflictissimam, quia vultu lætitiā præmefero, animo interim omnis lætitiæ experte. Interviros autem sapientes si quis doloribus angatur assiduus, & lætitiā tamen vultu simulet, quid aliud est, quam si viuis sepe-liatur, etiam si tumulo non inferatur? Magnam tibi videbitur, quod dixi; Sed maius, ita me dijam ent! est quod sentio. Sæpe mihi videor crepaturus, quia non audeo id oculis deplorare, quod animo semper obuersatur meo. Quoniā autem necesse habeo, ut nonnulla tecum communicem; celeriter quæso aduola, ut de ijs confabulemur. Nam quia dijs visum est filium mihi eripere tā exoptatū, abs te solatia petā, qui mihi amicorum es charissimus. Paucis ab hinc diebus venerunt huc legati Rhodiorum, quibus bonā equorū

*Non est magis
rore descen-
sum humanū
bonū malum.*

dedi meorum partem. Adducti etiam ad me sunt ex Hispania vltiore equi octo, de quibus tibi quatuor mitto, qui tales opto euadant, vt tibi probentur. Dij te seruent, & mihi meęque Faustinae lätitiam aliquam concedant. Vale.

Ad
CINCINNATVM
M. AVRELII,
EPISTOLA:

In qua eum reprehendit quod ex equite mercator sit factus, &c.

*Crebrimē
epist. las fla
gitas.*



Inde à solenni festo matris Berecynthiae nec ministrum è domo tua vidi, nec literas abs te scriptas legi; quę res suspicari me cogit, te aut valetudinis periculum adiisse, aut amicitiae iam nostrae oblitum esse. Amicitia quippe quo arctior, hoc frequentiorem exigit communicationem aut visitationem. Nolim te deinceps adeo incuriosum, nostri que immemorem esse, vt neque visum scilicet nos venias, neque literas subinde saltem scribas. Amicorum enim intimorum epistolae licet praesentiae desiderium non prorsus adimat, spem tamen nutriunt,

Paratam

Paratam tibi ad ista responsionem no- *Excusatio nem silentij refutas.*
 ui, tot scilicet in republica te Capuana
 negotijs distineri, vt nihil superfit ad scri-
 bendum otij: Sed ego contra respondeo,
 nullum tibi negotium tantas occupatio-
 nes afferre posse, vt legitimum sit impe-
 dimentum, quo minus per literas cum a-
 mico colloquendi commercium retine-
 as. Solum enim illud tempus nos viuere
 possumus dicere, quod deorum cultui, &
 conuersationi cum amicis tribuimus.
 Quicquid præterea temporis colloquen-
 do, negotiando, laborando, dormiendo,
 comedendo, requiescendo consumimus,
 non in codicem vitæ, sed in tabulas mor-
 tis referamus oportet. Eiusmodi quippe
 operibus, etiam si corpus recreatur, ani-
 mus tamen non refocillatur. Iurato ergo
 mihi crede, amice, fieri non posse vt vlla
 in re quisquam acquiescat; dum animus
 illius inquietus est. Non enim in ossibus
 neruisque corporis, sed in viuis animæ
 potentijs nostra consistit consolatio.

Diu est, quod ego te, & tu me nosti; diu
 est, quod ego te, tu me amas. Cum igitur
 amici tam vetusti simus, vt mutuis amici-
 tiam renouemus officijs æquum est. Falso
 enim nomen vsurpant amicorum, inter
 quos non maior, quam inter alienos inter-
 cedit conuersatio. Eum qui mecum non
 loquitur, nihil ad me scribit, me neque vi-

det, neque iniicit, nihil mihi dat, nihil à me accipit, non quidem inimicum mihi velim; veruntamen parum mea refert, amicum se meum prædicare Nulla enim in re magis consistit peculiaris amicitia, quam ut amici cordis sibi inuicem penetralia (ut sic loquar) aperiant, & familiariter inter se converſentur.

Dices fortasse Cincinnate, intervallum locorum, quod Roma abes, in causa fuisse, ut nostra refrigesceret amicitia. Animi quippe teneri ut eius, quod amant, præsentia exardescunt, ita eius, quod exoptant, absentia cruciantur Ego vero sic respondeo: Vina mollia, quo longius ab eo loco, ubi nascuntur, auehuntur, eo firmitiora fiunt Ad eundem modum, in hoc veri cognoscuntur amici, dum quanto longius inter se corporibus distant, tanto arctius voluntatibus copulantur. Cū ergo semper fidelem & ad omnia paratum me sis expertus; cur suspicionem, quæso, sinistram de fide mea concepisti? Viridia foris folia non esse intus arborem aridam arguunt; & actiones extra bonæ, quales interius mens sit, ostendunt. Si amicus, Cincinnate, verus perhiberi vis, hanc amicitiaæ legem teneto: quod ubicunque non est amor perfectus, semper in obsequijs aliquid desideratur; contra vero, qui perfecte amat, perfecte & constanter

ter seruit Equidem tuus & fui, & sum, & ero; iniurius es, si non totus meus es

Olim cum ego iuuenis essem tu senex, ego te pecunijs; tu me consilijs bonis iu-
Amicitia
et virtutis
est benefi-
ciali tibi mun-
ero confer-
re.
 uabas. Hæc vero ætas alios mores polluat. Cum enim cani senem te esse pronunciant; facta vero ut iuuenem accusent; sty-
 lum vertamus necesse est, ut ego scilicet bonis te iuuenem consilijs, etiam si de tuis mihi nihil des pecunijs adeo quippe mihi videris auaritiæ deditus, ut ne vno quidem denario consilia consiliario-que Romanorum omnes sis emturus. Verum tamen pro mea in te beneuolentia, proque amicitiae nostræ iure, consilio te nunc utili instruam, ex quo intelligas, quid viro bono faciendum sit, ut à dijs diligatur, ab hominibus ametur & obseruetur. Itaque si vitam inter homines quietam agere Cincinnate cupis, quæ ad te scripta mitto, memoria semper teneto:

Primum, beneficiorum acceptorum memor esto, & iniuriarum tibi illatarum ut obliuiscaris, studeto.

Deinde, exiguum id quod tuum est, magni; & multum illud, quod aliorum est, parui æstimato.

Præterea, bonis te semper adiungito, & improborum commercia fugito.

Ad hæc, Erga maiores grauem, erga minores affabilem te præbeto.

Porro, Præsentibus semper benefacere studeto, & de absentibus bene semper loquitor.

Tum Fortunatum jacturas vel maximas parui, existimationis vero vel minimas magni semper existimato.

Item, Neque vnius rei consequendæ gratia multas, neque multarum incertarum causâ vnam certam in aleam mittito.

Postremo te rogo moneoque, vt Non plus quam vnum amicum habeas, & ne quem inimicum capias, caueas. Hæc præstanda sunt ei, qui bonus numerari cupit.

Non audior, sed operis effector laudandum.

Non dubito, quin vbi hæc præcepta videris, singularem inde voluptatem sis percepturus; sed longe maiorem ego caperem, si eadem abs te præstita viderem. Præclara enim præcepta dare & perscribere facillimum, eadem vero opere præstare, difficilissimum est.

Equidem & pro amicitiae coniunctionis, que necessitudine, & pro ea, quam in te animaduerti, habilitate, honestissimis semper muneribus vt præficereris curauim. Nam me intercedente & ædilis, & tribunus, & quæstor ærarius, & magister equitum creatus es; quæ munera tam prudenter obijsti, vt & gratias mihi Senatus egerit, quod ea me autore adeptus esses, & memoriam inde

sem-

sempiternam tibi comparaueris. Iam vero quippiam de te cognoui, quod utinam neque ego vnquam rescuiſſem, neque ipse feciſſes! quod scilicet præfecti rerum capitalium munere deserto, mercaturæ terrarumque tractandæ te tradidisti; & qui eques dudum Romanus spectabaris, iam mercator Capuanus conspiceris.

Huc vsque cum scribendo perueniſſem, aliquantisper suspensum tenui calamum, dum scilicet cogito, vtrum prius in te vituperarem, officij tam honesti desertionem, an eam, ad quam te abieciſti, humilitatem ac vilitatem. Si tui oblitus eras; at maiorum meminisse debueras, qui vt liberos ac nepotes insignibus equestribus claros relinquerent, vitam inter labores profuderunt; cum tu jam dignitatem, quam illi sanguine in campis effuso pepererunt, pecuniarum cupiditate perdas.

Maiores tui, neque enim falli me puto, vel ſcio potius; ergo ſi in vitam reuertentur, qua fuerunt circa honores ambitione, non diuturnate lucis vſura frui ſineant. Filios enim, ſi honore parâtes priuant, optimo jure vita privare illi poſſent. (Arces, opida) villæ, domus, montes, aquæductus, nemora, greges, ſervi, gemmæ, pecuniæ, à maioribus relicta, temporis tandem longinquitate pereunt: nec quicquam eſt eorum, quod perpetuo teneamus

Vita genus
mutatum
improbat.

præter celebrem, quam nobis reliquerunt vitæ famam Quod cum ita sit, Filio, in quo maiorum fama extinguitur, vitæ viliorem diuturniorem concedi, consanguineis probrosum est.

Cum Cicero maxime floreret totamque suis consilijs rempub gubernaret, eiusque sapientia & potentia nonnullos videret, & forte quidam generis humilitatem ei exprobrasset : Dijs, inquit, gratias ago singulares, quod generis tui nobilitas in te finitur; ego vero ita vivo, ut sim posteris meis nobilitatis initium (& virtutis exemplum) Non sine commiseratione ac dolore maximo cognoscimus, tot viris optimis & nobilissimis in familia aliqua extinctis, tam perditos vitiososque succedere filios; ut æque præsentium memoria per infamiam, quam maiorum per famam propagetur.

Mirari satis nequeo, Cincinnate, cur hostes, equitis Romani more, desieris oppugnare, & mercator, tanquam è plebe aliquis, factus sis. Vis tu relictis extraneis, male domesticis facere? Vis ei, qui vitam nobis dat, vitam adimere, & qui vita nos orbat, cum morte liberare? Vis turbulentis quietem dare, & quietos tranquillitate privare? Vis dare ijs, qui nostra auferunt, & auferre ijs, qui de suo nobis dant? Vis liberare condemnatos, & condemnare

& condemnare innoxios? Vis tuæ tyrannus esse reipublicæ, non defensor patriæ? His enim omnibus se obstringit, qui depositis armis mercaturæ se tradit. Diligenter mecum perpendi, quid te impulserit, ut ordinem equestrem, cui gloriam omnem debebas, desereres, & vitæ genus tibi infame susciperes. Tibi, inquam, infame, viro scilicet militari, cum id vitæ genus ipsi, qui in eo nati sunt, honorificum sit in ciuitate.

Sic habeto Cincinnate, non dampnari à me commercia & negotiatores, non vituperari e mentium vendentiumque contractus; Ut enim sine equitibus bene geri bellum nequit; ita sine mercatoribus non potest stare ciuitas. Verum non aliam inuenio desertæ militiæ, & institutæ mercaturæ causam quam, ut ociose sedens in foro rapias, quia per senium latrocinari in falsibus nequis. Emito ergo vili Cincinnate miserrime, & pluris vendito; multa promittito & pauca prestat; mensura in accipiendo dandoque diuersa utitor; nequis te decipiat, vigil, imo peruigil esto, quod in huiusmodi rebus solenne est ijs, qui mercaturam exercent. Ego vero juratus affirmo, Iustiore fere mensuram, qua vitam tuam dii metientur, quam tabernæ tuæ vltam.

*Mercatura
magna &
ceprosa non
est admodum
vituperanda.*

Qui

Qui excelsa, spatiosa ac speciosa extruere volunt ædificia, in ponendis fundamentis summam adhibent vigilantiam. Vbi enim minus solida sunt fundamenta, periculosa sunt fabricæ. Turres mundi, status scilicet prosperi, in quibus filij vanitatis nos iactamus, arenæ superstructæ sunt instabili, vt quantumvis firmæ validæque sint, ab aurula minima moueantur; prosperitatis æstu dehiscant, & aduersitatum imbri labefactentur, & cum minime putamus, à morte funditus solo æquentur.

*Homines
perpetuitatis
quid.*

Cum ergo videant homines perpetuitatem sibi denegatam, eam sibi parare conantur, ædificia molientes superba, & status filijs relinquentes amplissimos, qua in re non minus quam in ceteris stulti sunt. Quamuis enim palæ aureæ, rutra argentea, structores reges, tignarij fabri nobiles sint; & præterea in fodienda vsque ad intima viscera terra mille anni consumantur, dum ad abyssum infimam descendatur: certo tamen certius, nusquam inuenturos rupem solidam, petramque viuam, in quam tuto domum construant, & sui memoriam immortalem reddant.

Omnia dij immortales cum hominibus mortalibus communicarunt, præter immortalitatem; ideoque ipsi immortales dicuntur, quia nunquam moriuntur;

nos

nos vero mortales, quia nullo non die morimur. Cum igitur homines finem habeant, opes finem non habituras, Cincinnate, reris? Siue viride, siue maturum, siue putre, siue decerptum, siue excussum, necesse tandem est vitæ huius pomum à carnis miseræ arbore auelli: quod ne utiquam parui æstimabis. Etsi enim mori naturale est, tamen sæpe nos in folijs aut floribus iuuentæ, morbi pruina; aut calamitatis ictus aufert: ut cum viuos nos cubitu surrecturos remur, in æternam claudamus lumina noctem. Laboriosa, sumtuosa, inextricabilis & prolixa textu tela est; sed ut multis diebus detexitur, ita puncto temporis abruptitur. Tristissimum visu est, tanto cum labore hominem educari, tanto sumptu statum assequi honestum; & cum minime putamus, ita perire, ut nulla vtriusque relinquatur memoria:

Per mutuum inter nos amorem, Cincinnate, te rogo, per deos te immortales obtestor, ne mundo credas, cuius est proprium sub auro tenuissimo multam abscondere ætiginem; sub veritatis colore mille nos onerare mendacijs; breui voluptati myriadem miscere dolorum; quibus maximam ostentat beneuolentiam, eos citius decipere; quanto plus bonorum suorum det, tanto maiora inferre damna; ioco sibi seruientibus mercedem serio reddere;

*Felicitati
bracteat
non creden-
dum.*

reddere, & à quibus serio amatur, ij bona ludicra dare, denique ex somno securissimo cum maximo nos expergefaccere periculo. Tu quidem mundum, eum que fraudes vel nosti, vel ignoras. Si nosti, cur ei seruis? si nosti, cur eum sequeris? An non dementem, quæso, judicares furem, qui restim emeret, qua strangularetur; aut homicidam, qui gladium fabricaret, quo decollaretur, prædonem, qui puteum monstraret, quo mergeretur; aut proditorem, qui in forum prodiret, ubi in quatuor partes laniaretur; aut seditionis autorem, qui suo sese indicio proderet, ut lapidaretur. Sed longe medius fidius tu stultior es, sicum mundum noris, mundo seruis, mundum sectaris.

Fortuna

magna mea

est seruum

Dicam tibi quiddam, tam eximium & singulare ut illius obliuisci nunquam debeas, Maiore scilicet fide nobis opus esse, ut non credamus, quas oculis videmus, vanitates vanissimas quam ut miracula credamus stupenda, quæ auribus audimus. Ne transmittas incuriole, sed rumines quæso, quod dixi quippe quod profunditate non caret. An tu censest incinnate Diuites & illustri loco positos viros quia mulum habent pecuniæ paucas habere curas? Tu vero mihi credas velim, amice. Fam esse bonorum luvius mundi rationem, ut priusquam dena in
felix

felix aliquis millia HS arca claudat, animum illius centena curarum & molestiarum millia diuexent.

Viderunt illud prisca, Videmus id hodierni, videbunt idem posterum, Pecunias, quas acquirimus, finitas; curas litesque, quas secum trahunt, infinitas esse. Paucae Romae familias imaginibus insignes & dignitate illustres videmus, quæ breui temporis spacio non expertæ sint graues in animis curas, acerrimas cum vicinis inimicitias, magnam hæredum inuidiam, immoderatas amicorum flagitationes, periculosam inimicorum malitiam, in primis vero litigiosa in senatu certamina, Qui quidem interdum ut vnicam fortunarum lacunam solidarent, quatuor existimationi imposuerunt. Quod egociuis euenire vidi, ut quod filio vnice caro relicturi cumularant, illo hæres alius, quem minime putabant, magna cum securitate frueretur. Nihil enim iustius, quam ut qui in vita fraude alios circumuenerunt, cogitationum suarum vanitate se circumuentos agnoscant in morte.

Admodum iniusti forent dii iusti, si malis tempus locumque darent, quicquid mali facere in animum inducunt, perpetrandi. Sed adeo D I I prouidi sapienteq; sunt, ut cōnuere & improborum cæptis aliquantisper fauere & aspirare videantur; eademq;

eadem vero cum maxime ex destinato fluunt, tanto maiore cum dolore interrumpant. Inmites diſ forent, & indigna vterentur tolerantia, ſi quæ mali cum detrimento plurimorum cumularunt bonorum, eorum uſuram illis & tranquillam & diuturnam concederent. Maximæ mihi ſtultitię videtur eſſe, cum plorantes nos naſci ſciamus, & cum gemitu moriendum nobis videamus, quod tamen ridentes ſuſtinemus viuere. Vellem ſcire ex mundo, cuiusq; amatoribus, cum in mundum cum fletu ingrediamur, & ex eo cum gemitu emigremus, cur ridentes velint viuere? cum regula qua metimur, omni e parte recta eſſe debeat.

Quis te ſcſcinauit, Cincinnate, vt ob vnicum te aquæ cantharum, quo ex pelago mundi indiges, manus quæſi decorticare fune curarum, corpusque in tantorum laborum pugna frangere, & ante omnia propter vnicam aquæ alienæ ſitulam, exſtimationem propriam in aleam mittere iuuat? Iurato mihi credas velim; quantumuis multum pecuniæ habeas, æque te ſiti enectum iri ex pelago illo bibentem, quam cum in campo aqua carebas.

Amici erro. Conſiderata iam ætate tua, ſi me in conſilium adhiberes, mortem à dijs petere,
Æ graniter vt tanquam ſenex cordatus conquieſce
ſ cenſat.

res

res; non diuitias, vt stulti iuuenis more nequiter viueres. Multos ego largis persecutus sum Romæ lacrymis, è mundo videns illos discedere: te vero Cincinnate, lachrymis & persecutus sum & sequor sanguineis; ad mundum te redire conspiciens. Et authoritas in senatu tua; & maiorum sanguis, & amicitia mea, & tua dignitas, & cognatorum existimatio; & ciuitatis offensus tantam in te cupiditatem refrænare debuerat. Cogita Cincinnate infelix, Canos venerandos, qui decidunt, honestis debere occupari exercitijs. Quoniam sanguine clarus, meritis grauis, ætate grandæuius, & ciuibus charus eras; considerare debueras, Plus rationem quæ semitis (angustis) bonos ducit, quam vulgi opinionem, quæ latissima improborum via est, valere. Quamuis enim altera ingressu angusta sit; non tamen ad cæcandos oculos, perinde vt altera; pul-
rulenta est.

Consilium tibi dabo, quod si male cesserit, non me amicum porro habeto. Quæris quod sit? Cauē caducarum diuitiarum quasi sebo viscoso te porro onerēs, cum tam tenue habeas vitæ ellychnion. Nam qui pari tecum ætate sunt, disfluere potius quam illustrare videmus. Huic consilio monitum adiungo, vt Nunquam presenti fidas prosperitati: quippe

*Solutari il-
luminati ut
consilium.*

Qq

que

Quæ fortunæ semper infelicis augurium est. Cum vt stultus callem conscenderis tam abruptum, pedetentim suadeo descendas vt cordatus; ita ab omnibus descendisse potius, quam cecidisse dicaris. Finem facio jam scribendi; summa vero hæc est, quam diligenter obseruabis, Execratione dignum esse te & vitæ genus, quod amplexi, mercatores egeni viuitis, vt locupletes moriamini. Execratione vos dignissimos esse, denuo repeto, & repetam, quoniam Improbi vnus cupiditas cum detrimento multorum explenda est bonorum.

*Salutatio
minuscule.*

Salutat te Faustina mea, non paruo dolore affecta, [vbi te mercaturæ deditum, tabernam Capuæ aperuisse cognouit Equum tibi mitto, quo veharis, & calammum Tripolitanum magni precij, quo pro scipione vtaris, præterea anulum preciosum & gladij capulum Alexandrinum, quæ tibi mitto, non quod ijs indigeas, sed ne laudatum, quo vtor, donandi morem negligam.

Pamphilia amita tua, mea vicina mortua est, de qua hoc habeo affirmare, multis jam annis non obiisse feminam, quæ talem de se famam relinqueret, quod scilicet inimicos reconciliauit, egentibus succurrit, exules visitauit, inimicis caruit,
omnes

omnes amicos habuit, sola denique, ut perhibent, tempus la omnia illustravit. Priscilla sobrina tua recte valet, quamvis propter obitum matris magno in luctu versetur, nec sane immerito. Nam si solos dolores quos in partu matres sustinent, lachrymis prosequeremur sanguineis, precium persolvere illis dignum non possemus. Dij te custodiant, & à te, à me Faustinaque mea fortunam auertant sinistram.

*Prosequitur auctor avaritia de-
testatione.*

Ptolemæus
apud amicos
cœnabat.

Ptolemæum quintum Plutarchus in apophthegmatis refert, adeo tum vitu-
facilem, tum dictu affabilem omnibus fuisse, ut ad amicos familiares cœnatum sepe ierit & cum iisdem pernoctarit quo facto vehementer ab illis sese amari demonstrabat. Nam, ut vere loquamur, Principem, ex cuius vita reipublicæ totius salus pendet, paucis sese in mensa, paucioribus in cubiculo decet credere.

De eodem Ptolemæo hoc quoque narratur, quod amicos aut peregrinos ad prandium aut cœnam vocaturus, ab alio sedilia, ab alio stragula, ab alio pocula, ab alio mensas, & cetera ad eundem modum vœda petierit. Erat enim Princeps adeo largus, ut quod in crastinum ministri emerant,

id vespere dilargiretur. Cum autem Ægyptij procures quodam die frequentes conuenissent, eumque rogarent, vt ad largiendum esset restrictior; alioquin & inopiam ignominiamque ipsius, & regni vniuersi indignationem esse metuendam; in hanc illis sententiam respondit:

*Factum suū
inuenit.*

Vehementer erratis Ægyptij, Principem pauperem & egenum discrimini probroque esse obnoxium existimantes. Bonos enim Principes magis placere sibi decet, quod alios locupletent, quam quod opes amplissimas habeant. O felicem rempublicam, quæ talem meruit habere Principem! ò felicem linguam, quæ talem potuit proferre sententiam! Profecto optime suadebat Princeps ille optimus ceteris Principibus vniuersis, Honestius & vtilius ipsis esse, si alios diuites facerent, quam si ipsi diuites essent. Si enim multa habeant, nunquam deerunt, qui petant; si parum, nunquam deerunt, qui ipsis seruiant.

Titum Imperatorem autor est Suetonius Tranquillus libro de Cæsaribus, quondam super cœnam, ex intimis duxisse suspirium præcordijs, & amicis illius causam percontantibus, memorabilem illam (meritoque laudatam) vocem edidisse: Amici, diem perdidi: quibus verbis innuebat Imperator optimus, eum diem sese

se se inter vitæ dies minime numerare, quod nihil cuiquam toto die illo præstisset. Ita Princeps ille generosus, fortis, magnanimus, non ob multa, quæ multis diebus dederat, sed quod vnus dies nihil danti abijisset, ingemiscebat ac dolebat.

Pelopidas Thebanus, vir auo suo illustris & prædiues, cum in possidendo fortunatus, & in largiendo minime parcus esset; quodam interrogante, cur adeo foret in dando prodigus? Tibi quidem ait, multa dare; at mihi etiamnum plura dare debere videor: Pecunias enim mihi seruire, non à me velut adorari oportet. Malo enim diuitiarum mearum dispensator; quam domus meæ procurator appellari.

Plutarchus in apophthegmatis refert, *Alexandri ad Darium responsio.*
 Darium vt Alexandro paupertatem exprobraret, missis nuncijs quæsiuisse, vbi pecuniæ essent ad cogendos contra se milites: Alexandrum vero respondisse: Renunciarent Dario, ipsum thesauros suos arcis clausisse æreis: se vero nullos habere thesauros præter amicorum animos. Renunciarent item, omnes illius thesauros vnicum hominem furari posse; suos vero thesauros, amicos scilicet, neque ipsum neque vniuersos (mortales) sibi posse eripere. In eandem sententiam cum Alexandro ausim dicere; non posse vocari pauperem, qui amicis diues est, nec diuitem,

qui ab amicis pauper est. Euentus enim responsum comprobauit, dum Alexander cum amicis Darium thesauris orbauit, Darius vero cum thesauris suis Alexandrum amicis priuare nequijt.

Magis fugienda existimationis quam diuitiarum.
Seneca.

Viros natura verecundos, & loco illustri positos, summo studio auarorum probrum decet declinare. Infinites enim pluris est honor, qui perit, quam opes, quæ parantur. Si Principes & megistanes ad magnanimitatem natura duce feruntur, naturam ducem sequantur: Sin autem naturali inclinatione ad tenacitatē prouisi sunt, vim sibi ipsi afferant: quod si facere recusarint, iam nunc diem fore dico, quo ipsos pœniteat. Est enim regula generalis, Cupiditates immoderatas venenatarum semper esse incitabula linguarum.

Cogita tecum frater, qua vigilantia imple ueris, ut alium suis spolijs bonis, eadē vel maiore usurum alterum, ut tuo te spolijs honore; quod si periculo honorem exponis, vix securam te habere vitam arbitror. Neque enim vel lex vlla iubet, vel patientia vlla tolerare potest, ut ex sudore meo vitam sibi vicinus voluptuosam paret. Tanti pauper aliquis pallium detritum, quanti diues vitam voluptuosam facit: vnde facile colligitur, si pallio diues pauperē spolijs, fore ut à paupere vita priuetur.

Fuit Phocion vir inter Græcos non vulgariter

gariter celebris & honoratus: non tam ob sapientiam, quam ob rerum caducarum contemptum. Huic cum Alexander centum talenta dono misisset, eos qui afferebant, percontatus est, cur tantum munus Alexander sibi potius, quam vlli è philosophis Græcis mitteret? Illis vero respondentibus; Ideo ipsi Alexandrum mittere, quod ipsum ab avaritia alienissimum, & virtutis studiosissimum audisset, respondit Phocion: Renunciate Alexandro; Si ipse, quid sit esse Principem, nesciat, me probe nosse, quid sit esse Philosophum. Est enim philosophi, pecunias contemnere Principum; Principis vero, consilia petere à philosophis. Et porro ait: Renunciate item Alexandro, quod mihi misit, non amici benigni, sed inimici crudelis esse indicium. Si enim bonum me credebat, opera danda ipsi erat, ut qualem me credebat, talis manerem. Digna profecto tali viro oratio.

Dolendum profecto est virum nobili loco natum, ita avaritiæ esse deditum, ut famæ & existimationis nulla habita ratione, dum paulum modo corradat opum, ad exercenda se demittat opificia, quæ ad homines potius humiles, quam viros generosos & nobiles pertinent, quæ quidem res non solum ipsi dedecori, sed amicis quoque uniuersis probro est. Ut idem pressius

Viros nobiles nihil ordine suo decet indignum suscipere.

dicam; Animi mihi videtur prorsus degeneris, virum nobilem ordinis equestris neglecto officio, ad obeundum agricolæ munus se demittere, vt scilicet equi in boues, lanceæ in vomeres, scuta in tribula, scutigeri in bubulcos, tæniæ in lora mutantur; denique in villa opus facere gaudeat, & in finibus pugnandi periculum refugiat.

*Nobilitatis
recentioris
cū antiqua
lōmparatio.*

Proh quantum equites nonnulli huius æui, à maioribus, qui olim fuerunt, degenerarunt! Maiores enim Mauris à se interfectis gloriabantur; at hodie filij illorum tantum iactitant, quot vehes frumenti comportarint. Nunquam suspirare solebant equites prisca, nisi cum in discrimine versarentur præsentis: at posterij hodie si mense Maio non pluat, plorant. Certabant maiores, quis plurimos sustentaret cataphractos: certant posterij, quis ad cōgerendum sit solertissimus. Hæc inter prisca erant colloquia, domum Titij ducentos, domum Sej trecentos alere cataphractos: Recentium hodie colloquia sunt, istam domum esse sex millionum, illam decem: itaque haud verè dicere, cū bi de multis gloriantur (redituum) millionibus, quemadmodum illi de multis sibi placebant, quos aiebant, cataphractis, nihil hoc aliud esse, quam patres spatham capulo apprehendisse, filios illam vaginæ mucro-

mucrone arripere. .

Cum omnes bonæ artes interierint: ordinis equestris ars maxime omnium iacet: Nec vero sine causa artem nomino: Non parum enim temporis philosophi prisci scribendis legibus, quas equites obseruarent, consumserunt. Vt nunc rigidissimus videtur ordo Carthusianorum; ita quondam rigidissimus erat equitum, quibus ego juratus affirmo, Si in seruandis legibus equestris ordinis, equitum fungerentur officio, futurum ut neque in vita tempus superesset, ut essent vitiosi, neque in morte mali Christiani arguerentur. Verus eques & minime simulatus, non sit superbus, malitiosus, furibundus, gulosus, timidus, impurus, tenax, mendax, blasphemus, deses: in summa non calcari aureo, sed vitæ integritate gloriatur.

Vtinam tanta hodie Principes vterentur diligentia, in explorandis ijs, quibus animas commendant, quanta Romani vtebantur in ijs, quibus arma credebant! Antiquitus enim non accipiebat balthei militaris dignitatem, nisi qui natalibus clarus, statura virili, sermone moderatus, bello exercitatus, animo impavidus, armis felix, & vita integer erat: In summa omnibus se probaret, & nemini querimoniam causam præberet necesse erat. His autem virtutibus qui effulgebant equites, mul-

*Veteres in
creandis e-
quitibus
quid specta-
runt.*

ris etiam Romæ priuilegijs fruebantur; Solis enim licebat annulos digitis (aureos) induere; equis (per plateas) vehi; gestare ephestrin; insignibus vti gentilitijs; foribus clausis prandere; è poculis argenteis bibere, in Senatu sententiam dicere; duello prouocare; vexilla militaria petere; arma habere, legationibus fungi; & portarum vrbis custodiæ præsse. Autor est horum Blóduſ libro de Italia illustrata.

Si Plinium in epistola quadam, Plutarchum in politicis, Senecam in tragœdia, & Ciceronem in paradoxis audimus, nihil erat in quo vigilantiores antiqui essent, quam in explorandis ijs, qui equestris ordinis honorem alijs conferebant; quod tantum abest vt hodie obseruetur; vt qui satis pecuniæ ad emendum dominatum aliquem congeſſit, continuo pro equite se gerat, & quod omnium pessimum, ordinem hunc affectet, non vt contra hostes pugnet, sed vt tanto licentius vitijs indulgeat. Vt Chistianus aliquis bonus sit, Christum contempletur crucifixum: Vt eques bonus sit, scuti sui intueatur insignia, quæ auus aut proauus promeruit: Ibi enim manifestum fiet, ea consecutos illos non domi nequiter agendo, sed in imperij limitibus sanguinem profundendo.

:

Ad

M. A V R E L I I

I M P.

EPISTOLA:

Ad

*Mercurium Samnitum in qua auaritia
taxatur.*

Micitia nostræ indicia sunt opera, quæ inter nos exercemus, beneuolentiæ. Nam simulatque tuum hic infortunium rescui, mox tabellarium, consolandi tui gratia alegeui, tu vero valetudine istic mea audit, amicum ad me visendi gratia misisti; vnde & te mei memorem, & me tui minime oblitum fuisse manifestum est. Et tabellarium meum, qui istuc ibat, & nuncium, qui huc veniebat, tuum, Capuæ inter se obuiam factos cognoui; quorum ille mea ad te desideria, hic literas ad me tuas portabat. quod si tam curiose meas legisti, quam ego tuas attente audiui; perspicue inde cognosces, quod æque animus meus curis plenus sit, atque angoribus conficitur.

Quod misisti, qui in tertiana me cōsolaretur, & gratū habeo, & magnas tibi gratias ago. Cōmodū enim & cōsolatio tua
& visi-

& visitatio hora illa venit, qua febris desinebat. Quod si perinde in mea manu re totam relinquere dijs placuisset, quemadmodum membri s meis febriculam implicare ipsis placuit; neque discedendi potestatem solatijs tuis facerem, neque redeundi locum feberi darem. O ingentem superbiam nostram! o miseram hominum conditionem! Ego qui multa alijs regna eripere affecto, ne vnicam quidem febriculam artubus possum meis expellere. Quid, obsecro Mercuri, multum nos optare, affectare, cōsequi, superbire prodest, cum & dies tam breues, & vires tam debiles habeamus?

*Amicorum
est idem
velle, idem
molle.*

Diu jam est, quod inter nos amamus, & à multis jam annis inter nos nouimus: & quo die tua meæ se fidei credidit amicitia, extemplo mea se tibi devinxit fides, ut & mala tua mea forent, & bona mea forent tua: Siquidem ea demum, secundum diuinum Platonem, Vera est amicitia, vbi corpora quidem diuersa, voluntas vnica est. Admodum mihi Suspecta videtur amicitia, vbi & animi inter se dissident, & voluntates discordant. Multos enim Romæ inuenias, qui verbotenus tantum aliorum amici sunt: cumque inter ipsorum & amicorum ædes vix decem intersint domus, animis vltra decies mille parasangas distant. Quod fedus Capuæ, cum
tu Ro-

tu Roma discederes, & è Samnio ego redirem, fecerimus, nosti: à quo tantum ab est ut recedam, ut ego alter tu hic sim, modo tu alter ego istic sis, ut & absens ego tibi semper præsens sim, & te absentem tanquam præsensem habeam.

Ex tabellarij quidem tui sermone cognoui, magnam te fortunarum iacturam fecisse; ex ipsis vero literis tuis longe maiorem esse tuum angorem perspexi. Allatum ad nos est, te nauem mercibus onustam in Græciam misisse; nautas vero & institores sua potius uti prudentia, quam tuæ satisfacere cupiditati voluisse, mercibusque in mare abiectis, suæ tantum saluti prospexisse. Quo quidem in casu tam periculoso & difficili neque te æquum est illos incusare; neque illos necesse est tibi satisfacere. Non enim stultius fieri quicquam potest, quam si quis propter alienas fortunas periculo exponat vitam propriam.

Tum ei quod dixi veniam Mercuri, tum multo magis ei quod dicturus sum dabis; nimirum cum nautæ & procuratores neque filij, neque agnati, neque amici tui essent; Dum modo merces tuæ portum incolumes attigissent, parum tua interfuisset, si mari illi profundo fuissent absorpti. Sed ne hoc quidem reticebo, licet id inuitus dicam, & multo magis ipse inuitus audias, nimirum prout parui vos auari aestimatis aliorum

*Gravior d
naris mer-
cium iactu-
ra, quam a-
nimarum.*

liorum filios, & prout immoderate opes
amatis proprias; quantumvis vbertim tu-
arum iacturam opum deplores; ne vnā
quidem lacrimulam effunderes, licet om-
nes illos submersos videres. Acerb' us enim
Romani mercatores decem H. S. quæ lu-
crari nequeunt, quam decem virorum,
quorum opera illa lucrantur, interitum
descent.

*Amici mi-
nistros &
nautas accu-
santis per-
uersitas im-
probata.*

Mihi vero nec iustum, nec honestum
videtur, ea te facere, quæ ad me deferun-
tur, quod videlicet de ministris quereris,
& nautas accusas, ab hominibus miseris
repetens in terra, quod in potestate sua pi-
sces habent in mari. Vt enim Fortunas pro
salute, vita ac fama mutet, nemo obligatur:
Itaque vehementer me tui miseret, Mercu-
ri, quod nauis sibi exonerata, tibi oneri est,
& quod pessimum, quod nauicularij non
tot (mercium) fascēs, vt ego arbitror, &
tu lentis, in mare proiicerunt, quot in ani-
mum tuum sollicitudines ceciderunt.

Nunquam ita animatum, vt ipse es,
quemquam vidi; qui cum perspicias, non
potuisse nauem nauigare securam, nisi su-
pellectilem preciosam in mare abijceret;
diuitijs te ad sepulcrum ambulaturus one-
ras. Heu angoris plenas & execrabiles diui-
tias! cum quibus tot periculis, tot caibus
terra marique subiaceamus! Si probe inge-
nium noui tuum; ego operam in plumbo
& itan-

& stanno, quam in corde tuo curis distra-
cto inuestigando malim ponere; Siquidem
vno in loco profundi maris plumbum tu-
um subledit, tua vero avaritia per terram
diffusa est vniuersam.

Si forte hodie morereris & viscera tua *Acerbi sar-*
medici nouacula aperirent, prius, ita me *cismi.*
mater Berecynthia, magna illa omnium
deorum Romanorum genitrix amet! pri-
us (inquam) cor tuum plumbo suffoca-
tum, quam viuum in corpore inuenirent.
Non potes iam tu tertiana, vt ego, simplici
laborare; sed æstus corporis, & dolores a-
nimi geminam tibi pariēt, quam ægritudi-
nem non in lectulo, sed in naui; non in ter-
ra, sed in mari, non physicorum, sed nau-
tarum ope curare potes. Physici enim pe-
cuniam tibi erepturi; nautæ vero, quo lo-
co plumbum tuum decidisset, monstratu-
ri essent. Sed noli te afflictere mi Mercuri,
nam si plumbum in terra tecum non habes
illud te secum in mari habet: & hoc te so-
lare, quod cum ante in arcis habueris, iam
in visceribus id habeas. Illic enim vita tua
submersa est, vbi plumbum tuum subse-
dit.

Nunc demum Mercuri intelligis, cum
fortunas tuas scopulis suspectis, vota tua
altis fluctibus, avaritiam rabidam ventis
importunis, & plumbū tuum vndis credi-
disti alienis; quā lucri cupidi procuratores
tui

tui proficifcebantur, tã certum te iacturæ manere debuiffe? ſi hæc tibi in mentē veniffent, aut diligentia hãc adhibuiſſes; ſubmerſum fuiſſet tuũ deſiderium, & ſpes tua euafiſſet. Qui enim mari opes audent ſuas committere, tam përiculoſo & incerto; nõ triftari illo debent, quod ſubmergitur, ſed eo lætari, quod euadit.

Socrates ille philoſophorum antiquiſſimus & maximus, non verbo ſed factò nos docere voluit, quàm parui æſtimandã eſſent huius vitæ bona. Proiecit enim in mare non plumbum, ſed aurum; non exigui ponderis, ſed magni; non alienum, ſed ſuum; non coactus, ſed ſponte; non per tempeſtatem, ſed per prudentiã; Animum denique declarauit factò illo heroico tam excelſum, vt nullus auarũ tantopere lætatus fuiſſet, illo in terrã inuento; quãntopere exſultauit philoſophus, illo in mare demerſo. Cum autem memorabile ſit factum Socratis, longe pluris faciendã ſunt verba, quæ addidit; Abite in profundum malæ cupiditates! Ego vos mergam, ne ipſe mergar à vobis.

Et atetis & auarorum collatio. Cum ita pecunias timuërit & formidari Crates proprias; cur non timent auari poſſidere, quas furati ſunt, alienas? Nolu- it auro ſeſe puro puto ſapiens ille fidere, & tu plumbo te credebas duro! Agite iactis ambo ſortibus, ille Thebanus, tu Samnis; explo-

explore, vter recte aut secus egerit, ille-
ne aurum è terra in mare abijciens, an tu
per mare aurum in terram portans. Etsi
non dubito, quin prisca Romani, illi ;ho-
dierni auari tibi palmam sint adiudicatu-
ri. Mea tamen sic est sententia; te illud
magni æstimando contemptum, Socratem
id contemnendo gloriam ab omnibus au-
ferre.

*Pertexit & concludit Epistolam M.
Aurelius, acriter Mercurium obiu-
rans, quod tristis esset, quid fortuna
sit ostendens, & conditiones quas-
dam auarorum in fine
exponens.*



Dem tabellarius mihi signifi-
cabat, totum te mœrori dedi-
tum, de nocte vociferari, deos
incusare, vicinos excitare, & an-
te omnia querelis fortunam, quæ ita te tra-
ctauit, quotidianis ream agere. Dolet mihi
mœstitia tua. Mœstitia enim solitudinis
amica, societatis inimica, tenebrarum a-
mans, conuersationis fugitans, & despera-
tionis hæres est. Dolet mihi Vociferatio
tua nocturna: est enim stultitiæ indicium,
exiguæ tolerantia signum, prudentiæ ali-
quem deficientis nota, amentia experiri-

*Ordine ac-
cusat.*

Rr

ment utn

mentum manifestum . Qua enim hora mundus omnis tenebris operitur , solum cor tuum ad eiulatus aperitur .

Dolet mihi, quod cum dijs contendis, crudeles illos dictitans; qui quidem Si quid ob superbiam tibi ademerunt, ob humilitatem redderent. Quantum enim culpa eos offendimus, tantum patientia placamus. Ante fugit Mercuri amice, Maiorem esse patientiam, quam in dissimulandis criminibus nostris dii, quam qua homines in tolerandis ipsorum pœnis videntur? Nos enim iniuste illos offendimus, & ab illis iustissime punimur.

Dolet mihi, quod clamoribus & querelis tuis offendiculo vicinis es; Semper enim, quod nosti, vicinus vicino, maxime diuiti pauper inuidet. Itaque dissimulato dolore lætitiā ac hilaritatem in omnibus præ te feras censeo: vt Si forte inuidiam tibi cōflauit opulentia, commiserationem excitet tolerantia. Dolet mihi, quod de fortuna conquereris. Fortuna enim cum tam multis pulcre nota sit; ab vno sese infamia affici non patitur, & De Fortuna commode mitiganda, quam accusanda cogitare satius est. Multos enim valde in prædicandis ærumnis suis sollicitos, in quærendo remedio plane ignauos reperias.

O te imperitum, Mercuri, qui cum
adeo

adeo sis improuidus (obliuiofus) de integro nunc litem fortunæ intendis? Fortunam, cum qua cuncti inducias faciunt, tu bello prouocare audes? Nos arcus retendimus, tu iacula amentas? Nondum scis quid bellum sit, & victoria frui vis? Nemo non fraude irretitus est; & tu securus vis ambulare? Quid vltius dicam, cum te fortunæ videam congredi? An tu ignoras Hanc esse, quæ muros excelsos oppugnat, & parietinas defendit? quæ deserta inhabitata frequentat, & populo frequentes desolat? quæ ex inimicis amicos, ex amicis inimicos facit? quæ victores vincit, quæ ex proditoribus fideles, ex fidelibus suspectos facit? Postremo sic habeto, Fortunam illam esse, quæ regna sursum deorsum voluit, exercitus prostrat, reges diicit, tyrannos euehit, mortuis vitam dat, viuos sepelit.

Non recordaris symboli, quod secundus Spartanorum Rex portæ suæ inscripserat his verbis: Hæc domus est, ubi homo facit quod potest; Fortuna, quod vult. Verba profecto præclara, & tamen præclaro ingenio digna, & si qua mihi fides est, ab omnibus cordatis diligenter notanda; quippe quæ non supra portas, sed in ipsis scribenda sunt præcordijs. Melius ille, quàm tu, fortunam nouerat, qui se depositarium, non proprietarium statuebat, & quoties a-

liquid, perinde ac tu, perdiderat, non sur-
um tibi eripi, sed depositum repeti existi-
mabat. Nihil est quod vitam hanc acerbio-
rem hominibus reddat, quam quod ani-
mo fingunt, bona caduca, quæ ad tempus
certum fortuna apud illos deponit, per
omnem vitam tenenda ac possidenda esse.
Siue id deorum permisso, siue fatorum no-
bis in festorum nutu fiat, Quo quis in hac
vita honoratior & opulentior est, eo gra-
uiores illum fortunæ ictus sustinere video,
ut vere audeamus dicere, Solum illum à
fortunæ insultu tutum esse, qui in sepulcri
se se arcem recepit.

*Negotiatio-
nem Roma-
nam & A-
lexandri-
nam.*

Narrauit mihi tabellarius tuus, proxi-
mæ ætate Romam te venire in animo ha-
buisse; nunc vero in hyeme Alexandriam
navigare velle. O te infelicem, Mercuri!
Dic mihi obsecro, quando sensum om-
nem amisisti? quod dum vita tua desinit,
de integro auaritia incipit. Duas inuenie-
bas vrbes exercenda mercatura celeberrimas,
Romam scilicet, virtute præstanti-
um tortorem, & Alexandriam vitiorum
caput; quas si vnice charas habes, audi quæ-
so quænam ibi merces vendantur. Romæ
corpus vitij onerabis; Alexandriæ cor so-
licitudinibus implebis. At si forte aliquid
coemeris eorum, quæ ibi sunt, aut vendi-
deris aliquid eorum, quæ hinc exportas,
famem medius fidius potius auferes eius
quod

quod reliqueris, quam animum eo, quod a sportaueris, contentum.

Non meministi & hyemem iam esse, & mare transeundum, in quo, nisi nautæ me fallunt, securissima quæque malacia, maxime tempestatis præludium est. Quod si dixeris, naues tuas vacuas ituras, ideoque tutius nauigaturas, futurum respondeo, ut magis onultæ auaritia abste dimittantur, quâ serico onerata reuertantur. Quâ felix esset permutatio, si cū serico Alexandria auaritia mutaretur Italica! quod si fieret, illius serico vix vnâ nauim instrui, auaritia nostra integrâ classē armari posse iurarim. Ingēs est cupiditas, quâ nec hominū verecundia reprimat, nec mortis timor eripit; quod tua caussa dico, qui cum tali tempestate nauigare audeas, aut auaritia abundes aut prudentia careas necesse est.

Vt mihi satisfaciam, & te excusem, de te percontantibus quid respondeam nescio; nisi & dijs te ignotum, & mari notum; itemque inquietum animum inquietis vndis, cor durum duris scopulis, denique ventum vento notum esse. Dic mihi; quid quæsitum is, tali tempore domus tuæ quietem relinquens & Alexandriam nauigans? An in sinum abis Arpinum, vbi tuum nauicularij plumbum proiecerunt? Etiam atque etiam Mercuri, quid agas, vide, ne plumbum durum piscibus erepturum te

*Nauigatio.
nem prorsus
intempesti-
uam esse o-
stendit.*

cogitans, carnes illis molles prædæ reli-
quas. Multos enim Romæ vidi, qui perdi-
tum aliquid recuperaturi, reliquum omne
perdiderunt.

*Auarorum
lucrum cer-
tissimum.*

Vltimum hoc verbum imis sensibus
Mercuri reponas, ex quo intelliges, quid
auari in hac vita quærant. Tibi sollicitu-
dinem, vicinis inuidiam, stimulos alienis,
furibus inuitamenta, corpori tuo pericu-
lum, famæ tuæ labem, vitæ perniciem, a-
micis fatigationem, inimicis occasionem,
denique hæredibus execrationem, & lites
filijs acerbis quæris.

conclusio.

Propter accessionem febriculæ nihil
addere vltius possum. Itaque dijs pro-
me supplices, rogo, Samnitum. Nā si deos
habeamus infensos, parum morbis medici
profunt nostris. Salutat te Faustina, tuam-
que iacturam magno sibi dolori esse ait, &
monile filiaæ tuæ Fabiolæ preciosum mit-
tit. Ego quoque diploma mitto, vt pro
plumbi compensatione naus tibi detur,
qua nauigans caue ne Rhodum vcharis;
nos enim piratis eam Rhodijs eripuimus.
Dij te custodiant, & tibi, mihi que & Fau-
stinae meæ vitam inter nostros bonam, fa-
mamque inter externos secundam largian-
tur! Non scribo propria manu, vale-
tudine scilicet impe-
ditus.

M. A V R E L I I

I M P.

EPISTOLA:

Ad

Pyramonem amicum Consolatoria.

Arcus Orator Rom. Cælimontanus, Pyramoni Lugdunensi, amico singulari S. animique aduersus fortunam sinistram præsentiam. In literis tuis, quæ III. Calen. Ianuarias mihi redditæ, superiores meas ad te peruenisse indicant, verba non magnopere curo; sententiã vero illarum quantius æstimo. Cum autem etiam sine interprete mentem tuam assequar, & ex signis intelligam; æquum fuisset, te mentem meam, qui tam prolixus in scribendo fueram, intellexisse. Verum adeo stolidus es, ut nec vocatus audire, nec pulsatus sentire videaris.

*Literas am-
ici sibi reddi-
tas ostendis.*

Ut igitur ad rem accedam, quanta sanguinis propinquitate, quam vetusta amicitia, quam firmo amore cõiuncti simus, quam tenere inter nos amauerimus, quanta ceperimus utrinque veræ amicitiaë experimenta, nosti. Meministi enim procul

R r 4

dubio

dubio, cum Rhodi ageremus, nos & con-
tubernales & conuictores fuisse; si quid
animo concepisses, me opere (factisque)
confecisse; si quid ego dixissem, te nun-
quam aduersatum esse. Quippe meo tu
cordi, tuis ego præcordijs infixus eram; e-
go alter tu, tu alter ego eras; atque ita duo
cum videremur, vna tantum amborum
voluntas erat.

*Mæstius
causam sibi
aperiri vult.*

Quid hoc rei est, Pyramon, quod tan-
to mœrore affectû te scribis, nec cur tri-
stis sis, exprimis? Mortem imminere tibi
inquis, & quis tibi vitam adimat, taces? Si
portionem mihi impertire miseriarum
pro amicitia recusas, eam me scito iure re-
petiturum. Sic tibi velim persuadeas à dijs
immortalibus esse constitutum, vt omnes
voluptates & commoditates à mea arce-
antur domo; calamitates vero & ægritu-
dines omnes in me incumbant, posteaquã
is sum, quem omnes molestijs onerant Tu
quamuis cupias, imperium meum effuge-
re non potes. Nam si in felicitate infeli-
cem te quereris, ego in infortunijs fortu-
natum me esse gloriator.

Dicas mihi, quæso, vnquam cum esu-
reres, saturum me conspexisti? dormien-
tem, cum tu vigiles? requiescentem,
cum tu laborares? Profecto, Licet corpo-
ra & fortunæ singulorum fuerint pro-
pria, ærumnæ tamen, atque infortunia
semper

Semper communia fuerunt Vnum facias
 necesse est, Si modo in amicitia mea per-
 seuerare cupis, vt bona mea pro tuis, &
 mala tua pro meis habeas; cum ad deli-
 cias ipse natus sis, ego laboris gratia vi-
 uam. Hæc à me non simulate dici ipse te-
 stis es. Nam in obitu Ianuariæ sororis tuæ,
 præstantissimæ iuxta ac pulcerrimæ, ani-
 maduertere potuisti, dum ipsa exanimis
 terræ mandabatur, me adhuc viuentem
 sepeliri: cum ad lacrymarum mearum
 sonum tui (vt sic loquar) saltarent oculi.

Cum igitur nullam de me dubitandi
 causam habeas; dolorem tuum mihi
 tuto potes aperire. Quoties te interroga-
 ui, nunquam tibi rationes confictæ defu-
 erunt. Quare etiam te atque etiam rogo
 atque obsecro, per Deos te precor & ob-
 testor, vt ærumnarum tuarum pyxidem
 in meo deponas sinu. Quacunque enim
 perrexeris, ne latum quidem vnguem
 ab te recedam Si profectus fueris, profi-
 ciscar; si constiteris, consistam; si labora-
 ueris, laborabo; si quiesceris, quiescam.
 Si mortem optas, me vitæ minime op-
 tare probe nosti.

Delige Pyramon, quod placet, & dis-
 tribue, vt libet: Nam tuæ meæque cala-
 mitates cor vnicum duntaxat torquent.
 Si dolere vis, alienæ à me deli iæ omnes
 erunt; Si plorare, nunquam me risurum

Rr 5

juro,

*Luctus ami-
 ci paris epi-
 omnino esse
 desiderat.*

iuro; Si molem luctus deponere cupis, ego illam totam non secus ac meam humeris subibo. Si tibi solitudo placet: valeant hominum cœtus. Si cœtus hominum probantur, valeat solitudo. Quid ergo me velle vis? F quidem quicquid volueris ultro appetam.

Quod in tantis rerum difficultatibus tibi nec affinium quenquam auxilio, nec amicorum solatio esse quereris, mihi credas velim Pyramon, vtriusque rei tantam domi meæ esse penuriam, quantum intra parietes tuos mœroris est. Auxilium à locupletibus, solatium à sapientibus expectandum nosti. Cum igitur ob iniquam factorum iram defidia sapientiam mihi ademerit, & nihil mihi fortuna superesse passa fuerit; pro certo habeas, me & nimiam miseriam tuam, & minimum auxilium erga te meum deflere.

*Pollicitis di-
ues quilibet
esse potest.*

Quod populares & amicos in promittendo largos, in dando parcos fuisse scribis, minime miror. Non enim ad omnia ea facienda manus prudens obstringitur, quæ fatua lingua pollicetur. Etenim si ad linguæ sonum & pedes nostri saltarent, & manus agerent (omnia;) paucis diebus vita, paucioribus fama interiret. Vetus hoc malum est, & iam pridem ab hominibus leuissimis vsu receptum, linguam velociter loqui, manus (scro aut) segniter agere.

gere. Non est autem, quod dolcas, ut paullo pressius agamus in paucis te deprehendere, quod in te vno multi repperunt. Moris enim est, cito & alacriter accipere: at sero & ægre dare: quod in illud proteritiæ, hoc pigritiæ (& delitiæ) est.

Græci bonum amicum esse alunt, qui (cito) promittit, etiam si sero præset: nos Romani optimum esse dicimus, qui cito negat, & petentem errore liberat. Ego vero sic statuo, qui cum possit, non dat, hostem apertum, qui cito pollicetur, seroque dat, suspectum amicum esse. Quid amici nostri verbis indigent cum factis ijs succurrere possumus? Non est & quum nos ei, qui nobis cor, potissimum viscerum, dat, linguam qua nihil in vita peius, dare. Etenim nec dii volunt, nec amicitiae lex patitur, ut cum ab amico expromptum petam auxilium; is diu meditatus bene longum mihi impertiat consilium.

Plato diuinus in legibus atebat; Nos iubemus in republ. nostra feliciter agentibus consilium dari, ne corruant; miseris auxilium, ne animum despondeant. Quibus verbis multæ & egregiæ insunt sententiæ. Nosti Pyramon, Afflicto cordi verba mitia & simplicia minimum prodesse, nisi opera præclara comes adsit. Neque negare ausim, eos, qui l'us volunt, nos
nostras

nostras secundis temporibus nostris exhibuimus. astringi, vt suas nobis fortunas & præsidia in aduersis impertiant.

Verum ex te quæro, Cur tu licentiam tibi quicquam audacius petendi sumas & libertatem in alio negandi vituperes? Et enim Vt verecundus in petendo nos quasi astringit, vt nihil ipsi negemus; ita inciuilis & importunus omni indignus est beneficio. Disce ergo, si nescis, Pyramon: Obtinere, quicquid petitur, duntaxat deorum; dare quicquid postulatur, seruatorum signum; negare aliquid eorum, quæ petuntur, liberorum, flere, si quippiam negetur, tyrannorum; ingratum esse pro datis, barbarorum; negata (obsequia) magno animo ferre, Romanorum esse.

*Cæsaris vox
magnanima*

Ex ijs, quibus animi sui celsitatem C. Cæsar declarauit, & hoc fuit, quod si quippiam in Senatu sibi negaretur, tum magis lætabatur. Subinde enim aiebat, Romæ sibi nihil honorificentius & gloriosius esse, quam si quid obnixè à Senatu contenderet, & Patres essent in negando pertinaciores: In adipiscendo enim illo virium suarum robur, & Senatus in resistendo imbecillitatem spectari.

Tutius mihi videtur, quod idem tibi velim videri, virtute deorum promereri beneuolentiam, quam querelis eos magis etiam irritare. Vt animo æquiore & tranquilliore

quilliore sis, si quando ærumnis oppressus, repulsam apud deos hominesque patiaris, Fac vlna iusta metiaris, & æquali lance ponderes, quam multa tibi dederint, quam pauca non concesserint. O nos erga deos ingratos, homines immemores! qui Accepta obliuione immittimus, negata querelis exaggeramus. Quinquaginta, ni fallor, annos natus es Pyramon, quibus omnibus in muneribus semper accipiendis occupatus fuisti; at ne vnum quidem diem seruitijs impedire visus es. Quid ergo absurdius, quam de aduersa octo dierum fortuna te queri, cui totos L. annos ingratus fueris?

Quod ciuium tuorum inuidia in primis torqueri te scribis; equidem dolore tuo plurimum doleo, admirationemque tuam miror. Omnis enim admirationis causa est ignorationis excessus, & experientiae defectus. Adeo solers nunc est hominum ingenium, adeo vsque in delicias instructa mortalium vita, vt, cum de malo ingruente vix somniant, ad malum continuo sit medicina. Esurientes comedunt, algentes calefiunt; somno grauati dormiunt, defessi quiescunt, ægroti curantur, mœssi, solatia adhibent: Ita nimirum vita hæc ærumnosa inter ista abit, dum alij acides conficiunt, alij valium obijciunt, alij machinas excogitant,

De Inuidia.

alij aggeres reficiunt: hoc est, Nihil aliud mundus & caro agunt, quam vt nos oppugnent; & nos ne punctum quidem temporis liberum habemus, quo non sit de defensione cogitandum.

Hæc quidem remedia omnia carnis affectibus inuenta sunt: inter hos autem cum inuidia execranda non numeretur, quid quæro faciemus? O infelices diuitias, quibus vniuersi inuident! Profecto aduersus inuidiam propugnaculum nullum est, quo quis sese tueatur; nullus secessus, vbi delitescat; nullum cacumen, quo ascendat; nulli montes, quo se recipiat; nulla sylua, vbi latebras quærat; nullus equus, quo effugiat; nulla pecunia, qua se redimat. Inuidia est anguis adeo venenatus, vt nullus mortalium vel fuerit, vel futurus sit, quem non dentibus suis momorderit, vnguibus laniarit, pedibus conculcarit, veneno inferat. Deo testor immortales, Quo quisque amplioribus à fortuna cumulatus est opibus, hoc infestioribus illum pestis huius peti dentibus. Adeo, vt idem sæpius repetam, liuida est inuidia, vt qui ab ea longissime discedunt, eos grauioribus contundat ictibus. Itaque nihil mehercule loci est segnitiae & secordiæ, cum inuidia detestanda ijs, qui in maximis securi delitijs degunt, occultos infligat ictus.

Muitos euolui libros, Hebræos, Græ-

cos, Latinos, Chaldæos; complures item consului viros doctissimos, an ratione aliqua ab inuido homine me tueri possem, sciscitatus. Sed vera fatenti mihi credas, lectis, inspectis, inuestigatis omnibus, quæ legi, inspici, inuestigari poterant, Nullum contra inuidiæ pestem inueni remedium, nisi prosperitatis abdicationem, & aduersæ fortunæ contubernium. O infelices ergo homines fortunatos! ô miseros qui illustri loco sunt positi! Siquidem scyllam effugere non possunt, quin Charybdis vorticibus absorbeantur; nec euadere periculum, nisi opum iacturam faciant; hoc est, Talis est inuidiæ morbus, ut mortem minetur; tale pharmacum, quod adhibemus, ut vitæ securitatem minime præstet. Mihi quidem Non constat utrum melius sit, vel ut verius dicam, utrum minus malum, extrema miseria nullis obnoxia fortunæ procellis; an supremæ felicitatis fastigium, quod ruinam semper minatur. In re tam ancipiti, non me satis explico, cum in altero vita periclitetur, in altero fama minime secura sit.

Idem tibi, mi Pyramon, dicam quod Cicero ille sapientissimus, cum multorum se Romæ inuidiæ videret obnoxium, dicere solebat: Neque ego vos, Quirites, ita bonos, neq; me tam improbum censeo, ut vos omnia vera dicatis, ego (prorsû) omnia

omnia mentiar. Noui enim, vos nō inuidere mihi, quod non sum quod vos estis, sed quod vos, quod ego sum, esse nequeatis. Veruntamen inimicos mihi inuidere malo, quam amicos mei miserescere. Ad voluntatem nimirum fortunatorum locutus est Orator, de afferendo miseris nihil cogitans remedio: At mihi crede Pyramon, postquam Pharsaliæ campos Cicero vidit, quodlibet Romæ consilium remediumq; (animo lubente) accepisset. Cæsar enim etsi fortunas ei vitamque concessit, dignitatem tamen & famam non reddidit.

*Verum de
vitanda in
uidia consi-
lium.*

Quod tamen aduersus inuidiam tibi dem, profecto non inuenio, cum omnia inuidiæ plena videas. Inuidiæ filij sumus, cum inuidia nascimur, viuimus, morimur, & Quo quis ampliores diuitias (moriens) relinquit, eo maior illum sequitur inuidia. Veteres illi sapientes locupletibus consulebant, ne penes se pauperes haberent; pauperes vero ne prope diuites habitarent, monebant; sapienter sane Nam in diuitijs locupletis sementem suam pauperis inuidia facit: & ex pauperis penuria, diuitisque abundantia nascitur in populis discordia. Per deos, Pyramon, immortales iuro, quanquam improbi falso me iurare mallent, quot diuites & voluptuarios avaritia genuerit,

tot liuidos & carnifices illius pariturum inuidiam.

Veruntamen nunquam tibi suaferim, vt declinandæ inuidiæ gratia, à virtute illi inimica discedas. Homerus suo æuo duos Græcos vixisse ait in diuersissimo genere insignes: Alterum rebus præclare gestis maxime clarum, sed in primis inuidiæ obnoxium, Achillem nimirum: alterum improbitate insignem, cui nemo vnquam inuidit, nempe Thersitem. Ego vero Achilles esse malle inuidiæ obnoxius, quam Thersites ab illa immunis. Cum autem Romanos nihil præter quietem in vita, & gloriam post mortem quærere noueris; & Fieri non possit, quin is, cui vniuersi inuident, & famæ arcem teneat, & vitam degat pacatissimam; & hæc vtraque in te agnoscamus amici; rumores de te maleuolorum non magnopere curamus.

Quod Lugduni omnes bene valere ac gaudere scribis, præter te vnum, qui male affectus & æger sis: Cum eos tuo mœrore lætari non videas, caue eorum te lætitia mœrere ostendas. Fieri enim potest, vt illis aliquando mœrentibus, tu quoque lætus sis; atque ita facias æquilibrium. Nulla in perdo homine maior improbitas, nullum in viro bono maius crimen inesse potest, quam commodis dolere, & incommodis gaudere alienis. Et si autem

Inuidia quibus optabim.

omnes inuidia nos lædunt; tamen multo magis nobis amicus, quā inimicus officit. Ab hoste enim caueo, & ille timēs recedit. Amicus vero amicitiae federe me decipit, & ego nihil mali suspicans securus fio. Inter inimicos capitales nullus infestior, quā amicus qui pro fidelitate inuidiam reddit. Itaque si in cauendis inimicis extraneis vigilas Pyramon, inter domesticos tuos peruigiles hortor.

*Nota non-
nulla addit.*

Quod præterea scribam nihil est, nisi quod vices tuas ex animo doleo. Allatum ad te arbitror, Britiam neptem tuam inarritum pugione confodisse. Miseret me vitæ, quam perdidit, & nominis, quod reliquit. Flavius Priscus auunculus tuus iterum Cenfor designatus est: Litem inter fratrem tuum Phormionem & Britium Senatus composuit. Eos reconciliatos esse gaudeo; quorum vterque sententiæ Senatus se acquiescere ostendit. Libellum, qui interibitur, Consolatio miserorum, iam absolutus, & in Capitolio collocaui. Nunc Gratum facio, ideoque eum nō misi. Ensem mitto maximi precij, balteumque pulcherrimum. Faustina tibi salutem impertit, & vxori tuæ seruas duas dono dat.

Dij mihi adsint custodes, teque in præsentibus consolentur ærumnis! Vale.

M. Au-

M. A V R E L I I

I M P.

EPISTOLA:

Ad

Domitium Capuanum Consolatoria.

Rigoris hyberni asperitas ventos hic vehementes excitauit, qui maximas pepererunt inundationes, vnde multæ ortæ sunt humiditates, quæ morbos pariunt varios, ex quibus & chiragra mea est, & dolor ischiadicus. Æschines dicere solebat, Animi libertatē & corporis sanitatē nec æstimari vllō precio, nec comparari posse. Qui enim libertate caret, quid quælo potest? qui sanitate, quid valet?

Tria Platon dicebat in libris de Repub. Primum, eum Qui nemini quicquam debet, non posse de paupertate queri: Simul enim alteri pecuniam debeo, alius, non ego, meus dominus est. Deinde eum Qui nec seruus, nec captiuus esset, non recte facere, si vlla alia re sese infelicem fieri posse diceret. Nulla enim in re crudelior fortuna est, quam si vitæ huius libertatem nō-

bis adimat. Postremo, nec bonum ullum è temporaneis maius, nec felicitatem vllā pleniorē, quā sanitatis thesaurum. Qui enim morbis infestatur, insufficiētiā plenus opibus sustinet, & ex delitijs voluptatem nullam capit.

*Leges Jani-
sais.*

Maiorum nostrorum quo, cum præclare Roma gubernaretur, non solum res ad publicum statum pertinentes constituebantur, verum etiam quæ ad singulorum pertinebant sanitatem, curabantur: cum quidem in conseruandis, corporibus vigiles, in extirpandis vitijs pervigiles essent. Quare cum Cn Patroclus, & Iunius Albus Coss animaduertissent, urbem æstiuo tempore plerumque morbis tentari, edito prohibuerunt,

Primum ne Iulio & Augusto mensibus cellæ aperirentur meretriciæ; siquidem iuuenum sanguis actibus Venereis corrumpetur. Deinde ne Salona aut Campania poma Romam venalia importarentur. Delicatiores enim ob æstum, tenuiores ob egestatem æstiuo tempore pomis (& fructibus) tantum vescabantur: Itaque fora omnia pomis plena, & domus febribus infestæ erant.

Præterea ne quis ciuis noctu sub dio vagaretur; Iuvenes enim stolidi & leues, ex lasciuia & amoribus nocturnis morbos contrahabant & dolores diurnos. Adhæc,

ne

ne quis vinum Creticum aut Hispanicum in vrbe publice venale haberet : In ardore enim æstiuo, cum Sol ardentissimus est, cicutæ instar lethiferum iuuenibus vinum est. Postremo vt sterquilinia tollerentur, repurgarentur semitæ, & verrerentur domus. Aere quippe infecto cooriri solet in populis pestilentia.

Hæc omnia dum Roma & opulenta & fortunata erat, in ciuitate seruabantur. At postquam Catilina tyrannus exortus est, & Rempub. Sylla Mariusque perturbarunt, Cæsar & Pompeius tyrannice oppresserunt, Octavius & M. Antonius diripuerunt, & Caligula ac Nero infamarunt; paucis Romæ curæ fuit, ne vinum ex Hispania vel Creta inferretur aut venderetur: cū diligentiores essent singuli in vitādo gladio hostili, quā caloribus æstiuis.

Non iniuria urbem dixerunt prisci esse morbis obnoxiam : Est enim reuera talis: quod ideo dico, quoniā licet tentem ambulare, & licet velim scribere nequeo. Dū iuuenis erā, nec caput mihi sub dio dolebat, nec sanguis vino inflāmabatur, nec calore fatigabar æstiuo, nec frigore lædebar hyberno, si discalceatus in cederē. Iā vero postquā senui, nec calor est quo non ex æstue, nec frigus quo nō cohorrescā. Libidinosa & intēperans adolescentia effœtū corpus tradit senectuti. Utinā mortales

*Roma mor-
bi obnoxia*

postquam aliquandiu senes fuissent, impetrare à dijs possent, vt repuerascerent! Futurum medius fidius esset, vt cautiores, quàm fuissent, in declinandis mundi fraudibus forent, & in tuenda corporis sanitate diligentiores. Sed qui in iuuenili ætate vitiosi fuerunt, eos in senectæ ægrotare non miror. Qui enim virtutem non amarunt, quantulum est, eosdem sanitatem parui æstimasse?

Næc eo dixi, vt intelligas & credas, me valetudine prohibitum aduersa, non tam prolixum in scribendo esse posse, quam vel tu velles, vel ego optarem; Vnde fiet, vt & ego dolorem tuum complorem, & tibi podagra mea doleat.

Allatum ad me est, festo Iani die super decursione equestri, rixam inter te & Patricium vicinum tuum extitisse, tantumque inde tumultum commotum, vt & bona tua confiscata, & domus diruta, & filij relegati, & ipse in decennium senatu motus, & nepos tuus ordine senatorio deiectus, & tu in perpetuum Capua relegatus, & in custodiam Mamertinam datus antagonistes tuus fuerit : atque ita ex furore illo breuissimo, complorandi tota vita causam habeatis.

Omniū, qui instinc veniunt sermonibus, & qui instinc scribunt, literis certior fio, tanto animum tuum discrucari meo,

rore,

tore, tanteque in squalore te vitam agere
vt neque cogitationes tristiores animo elij
cias, neque amicorum admittas solatia.
Quod nequaquam à me dici putes, quod
ea re offendar. Nam pro varietate, quam
expertus sum, fortunæ, iam olim scio, quid
sit mœstitia: Qui enim vere tristis est, in
terdiu suspirat, noctu vigilat; in societate
stomachatur, in solitudine conquiescit;
lucem odit, tenebras amat; terram lacry
mâs rigat, cœlum suspirijs rumpit; de præ
teritis dolet, de futuris non cogitat; ipsis
solatijs iritatur; commemorandis dolo
ribus refocillatur. In summa, Afflictus
nulla ex re voluptatem capit, & in seipsum
morosus est.

Si viuis tibi, mi Domiti, expressisse co
loribus animum afflictum videor; non
alia, mihi crede, caussa factum, quam
quod ego, qui fatis ita volentibus omnium
illorum cepi experimentum, tam exacte
etiam describendi illa facultatem afflec
tus sum. Nam Ad animi angores & cor
poris dolores quod attinet, multum inter
est inter eum qui legit, & eum qui ipse ex
pertus est. Si perinde tu istic, atque ego hic
sentias; res est eiusmodi, vt merito & tibi
& amicis acerbissimo dolori sit, cū tam le
ui de causa & tibi & propinquis exitium te
attraxisse cogitas. Equidem vt verum fa
tear, exitio tuo plurimum doleo; Sed lon

gemagis dolco, cum aquula tam exigua te submersum video. Viros nobiles & magnanimos pares dignitati suæ inimicos decet capere: Hoc est, quando vir nobilis in aleam mittere & vitam & fortunas decreuit, in magni momenti negotio id faciat oportet. Quippe turpius est, si agricolam vincat, quam si ab equite vincatur.

*Hominum
cassitas.*

Proh quam varia est fortuna! quam magni casus paruis sæpe momentis intercedunt! In eo quod dicturus sum, meipsum condemno, te accuso, de dijs quoror, mortuos cito, viuos aduoco; vt videant, nos cum in conspectu mala habeamus, ea non agnoscere; cum ea manibus palpeamus. nō sentire; cum ea pedibus teramus, non videre; cum auribus ingerantur, non audire; cum clamor hinc inde personet, non intelligere; cum indies moneamur, non credere. In summa, tum demum periculum intelligimus, cum nullum morbus patitur remedium.

Non tradant securitati sese homines, in rebus vilibus nihil inesse periculi cogitantes. Nam quod experientia testatur, aurula vel minima poma decutiuntur; scintilla minima deflagrat sylua; in scopulum exiguum illisa naus dehiscit; in lapidem paruum pes impingit; hamo exiguo (magnus) piscis capitur; vulnere leuiculo vit
magnus

magnus moritur; Vnde intelligi datur, adeo fragilem esse vitā nostram, adeo anticipem fortunā, vt qua parte nulla erat suspicio, ea periculum omne ingruat. Senecæ ad Heluiā matrem Roma exulantem verba sunt. Tu quidem Heluia mea mater es, ego tuus sum filius; tu anus, ego nondum senex; Sed nunquā ego fortunæ credidi, etiam si videretur pacē (vel inducias) agere. Et mox: Omnia illa, quæ in me indulgentissime conferebat (pecuniam, honores, gloriā) eo loco posui, vt qualibet noctis hora, ne somno me priuaret, illa posset auferre; atque ita ex arca, non è petore illa abstulit meo. Granissima profecto & conueniens tali viro oratio.

Dominus meus Adrianus Imp. annulum in digito gestabat, quem Drusi Germanici dicebant fuisse, cui insculpta erat hæc sententia: Illis grauis est fortuna, quibus est repentina: hoc est; facile fortunam sustinere potest, qui semper expectat. Experiētia magistra disco, fistulam clausam & non apertam chirurgo periculosissimam videri; in Syrtibus, non in altis vndis formidare nautam; ab insidijs occultis diligentius sibi bonum bellatorem, quam à prælio cauere aperto: Ita virum cordatū cauere sibi decet nō ab exteris, sed à domesticis; non ab hostibus, sed ab amicis; nō à bello aspero, sed à pace simulata;

non à damno manifesto, sed à periculo occulto. Quot vidimus, quos in casuum infelicium turbinibus fortuna posternere nequiuit, & postea in securitate deprehensos supplantauit?

*Nemo cele-
rari oppri-
mitur, quā
quā nihil te-
met.*

Quam ergo sibi quietem quisquam polliceatur, quis prosperæ sese vnquam fortunæ credat; cum ex caussa tam leui tantus Caputæ tumultus ortus, tanta domui tuæ tibiue clades illata sit? Si probe fortunam nossemus, nō ita de illa quereremur. Nam, vt verum fatear, cum illa rationem habeat cum omnibus, & cunctis satisfacere cupiat, quamuis ad extremum omnes eludat; omnia bona sua nobis spectanda exhibet; nos vero illa tanquam hereditatem accipimus; quæ nobis vtenda dedit, tanquam perpetua capimus; ioco data, serio sumimus; in summa, vt est decepatrix, & nos ludibrio habet, cum aliena ab ea nobis dari putamus, propria accipimus.

Cum igitur fortuna mihi notissima sit; nec turbines, mihi crede, molestiarum ipsius timebo, nec fulgura & tonitrua expauescam, nec serenitati deliciarum ipsius credam, nec blandimentis suauissimis fidam; nec amicos ipsius magni æstimabo; nec ipsius hostibus me adiungam; neque voluptatem ex ijs, quæ mihi dat, neque dolorem ex ijs, quæ mihi eripit, capiam; nec vigilabo, quod mihi veritatem dicat,

nec

nec quod mendacium mihi dicar, pervigil ero; In summa, nec ridebo, quod mihi faueat, nec quod me repudiet, cōplorabo.

Mysterium tibi iam, Domiti, singulare aperiam, quod memoriæ abs te mandari velim. Adeo dubia est vita nostra, adeoque repentina fortuna, vt neque semper feriens minetur, neque semper minans feriat. Itaque Qui Viri prudentis sibi laudem vendicat, & cunctis in rebus circumspēctus esse cupit; neque tam attonitus incedat, vt ad singulos assultus ruinam format; neque ita securus viuat, quin in plano quoque se cespitare posse cogitet; Fortuna enim fraudulenta sæpe minatur, & non ferit; & nonnunquam ferit & non minatur.

Cum ætate annisque te antecedam, & *Exemplis* maiorem negotiorum experientiam habeam; si hætenus dicta notasti, quæ dicturus *dicta confir-* *mat.* sum, diligenter obserua, Eam scilicet vitæ pattem periculossimam esse, quam incuria securissimam facit. Vis exemplo dicta confirmem? Respice Herculem Thebanum, qui tot terra marique euasit pericula, amicæ tandē manu occidit. Agamemnon magnus Græcorum dux toto belli Troiani decennio non periclitatus, tandem domi suæ noctu trucidatus est. Alexander ille inuictus in expeditione Asiatica & Indica non perit, & Babylone mox veneni haustu

haustu exiguo perimitur Pompeius magnus prælio cum hoste dimicans non occumbit, & ab amico deinde Ptolemæo interficitur. Julius Cæsar ille magnanimus quinquaginta duobus prælijs vinci non potuit, & tribus ac viginti in curia plagis confossus est.

*Repentina
mors,*

Annibal Carthaginensium dux fortissimus, septendecim annis vita priuari à Romanis non potuit. qua se ipse tandem priuat, ne in hostium manus veniat. Asclepius Pompeij Magni frater vterinus periculum nullum adiit, dum prædonis more viginti annos maria infestat, & tandem hauriens aquam è puteo mergitur. Decem duces lectissimi, quos in bello Africano Scipio habuit, ludentes in ponte ceciderunt, & submersi sunt. Bibulus ille optimus dum curru per urbem inuehitur triumphali, tegula delapsa caput illi elidit; atque ita vana illa gloria finem illi vitæ bonæ attulit. Quid dicam? quod Lucia soror mea, cum acum in pectore haberet, & filiolum vlnis gestaret, isque infantulus ludens matrem pugno peteret; qua parte acum infixit, ea matris anima exiuit. Cn. Rufinus vir doctissimus, & meus consanguineus, dum canos pectit, & pectinis dente caput leuiter confauciat; erysipelas inde lethale enatum paullo post finem vitæ quidem, at non doctrinæ memoriæque

riæque illius attulit.

Quid tibi videtur Domiti? Equidem
 ut pauca illa recitavi, sic, Deos testor im-
 mortales! innumera alia possem referre.
 Heu quanta post tantâ felicitatem calami-
 tas! quæ ignominia post tantam gloriam!
 quod periculum post tantâ securitatem!
 quæ infortunium post tantam prosperi-
 tatem! quam misera nox post tã serenum
 diem! quam malum, post tam longum
 iter, diuerforium! quam aspera, post li-
 tem tam pertinacem sententia! quam ab-
 sona tam bono vitæ principio mors! E-
 go si illorum loco essem, Laboriosam
 potius vitam, & honoratam mortem,
 quam mortem infamem & vitã honora-
 tam eligerem. Qui viri cupit nomine
 appellari, non inter bruta numerari, &
 optare & eniti summo studio debet, ut
 bene viuat, multoque magis ut benemo-
 riatur. Nam mors mala dubiam facit vi-
 tam bonam; at bona mors vitæ malæ ex-
 cusatio est.

*Mors bona
optabilis.*

Initio epistolæ mentionem feci chira-
 græ, quæ malè me haberet. Hoc ideo re-
 peto, quia plura cupiebã ad te scribere, id-
 que propria manu. Biduum iam confli-
 gunt inter se amor quo te complector, &
 dolor, quem habeo. Gestit animus meus
 ad te scribere; at digiti calamũ tenere ne-
 queũt: Cuius mali medicina hæc est, ut cũ

*Brevitas
excusatio
conclusio.*

ego

ego (ad te consolandum) non possim;
quod volo tanquam tuus, tu velis quod
ego possum, tanquam meus. Nihil est præ-
terea quod addam, nisi quod renuncia-
tum mihi est, te domum Rhodi struere;
itaque quater mille H. S. in subsidium
sumtuum mitto.

Salutate Faustina, quæ ob morbum
meum non satis belle valet. Cicatricem
nondum vulneri inductam aiunt: Itaque
libram tibi balsami Palæstini mitto; quod
si faciem inuuxeris, ne vestigium quidem
ictus manebit. Si amygdalas virides & nu-
ces iam maturas & æuellanas sylvestres in-
uenire datur, Faustina eas secundo cursu
ad se mitti perit. Ego tibi togam &
uxorituꝝ tunicam mitto. Quod reliquum
est, deos immortales oro, ut quod tibi
opto, & quod mihi precaris, utrique no-
strum largiantur. Quanquam aliena ad te
manu scribo, tamen toto pectore te
amo, Vale.

M. A V R E L I I
I M P.

EPISTOLA:

Ad

Launiam Consolatoria.



Voties & quid ipsa merearis, & quantum marito tuo debuerim, cogitas; non dubito, quin spectam nabeas ægreque feras meam negligentiam: cum ad grauissimas plagas tuas, gemitusque acerbissimos, tardissime accedant mea solatia. Verum cum animi præsentiam, qua non potes destitui, considero, teque voluntatis meæ, tibi seruiendi semper cupidæ, memorem esse arbitror; exploratum habeo fore, ut sinistra de me suspicionem tua refutet prudentia. Et si enim ad consolandum ultimus accedo; tamen, mihi crede, inter primos doloribus tuis dolui.

*Orditur à
sic enim ex-
cusi sunt.*

Quamuis autem Ignorantia virtutum immanis (vt sic loquar) carnifex, omniumque vitiorum stimulus sit; tamen vlu nonnunquam venit, vt Nimia scientia & perturbet eruditos, & offendat imperitos: Cum ipsa testetur experientia, Qui nimi-

ant

*Vtilis vitio-
rum ignoran-
cia.*

am sibi arrogant sapientiam, in periculo sæpe grauissima incidere. Longe Latius vtilior est vitiorum ignoratio, quam Græcis fuit virtutum cognitio. In promtu causa est: Quæ enim ignoramus, ijs neque adipiscendis cruciamur, neque perdendis dolemus. Hæc ideo dixi, quoniam cognoui, quod noluissem resciscere, & audiui, quod audire noluissem; nimirum & dies & ærumnas mariti tui Claudini iam finem habere; tuas vero, quæ vxor ipsius fuisti, de integro nunc inchoari.

Iam pridem Claudini amici mei, mariti tui excessum cognoueram, licet dissimularem, non quidem, ita me Mars amet! quod deslere illum nollem; sed ne animi tibi ægritudinem augerem. Crudelissimum enim mihi videbatur, eam, quæ tanti temporis absentiam, molestissime ferebat, nunciata mariti optatissimi morte manu mea velut occidere. Præterea & iniquum erat eam, à qua tot acceperam beneficia, tam tristem à me accipere nuncium.

Lex erat apud priscos Carthaginenses, ut si filij mors patri, aut patris filio, aut vxori coniugis, aut coniugi vxoris, aut alterius mors dolenda & lamentabilis indicanda alicui foret, eius vterentur ministerio, qui in carcere iam capitis condemnatus

natus erat. Videbatur quippe Carthaginiensibus, qui fratris, aut agnati, aut amici mortem alicui nuntiaret, eum oportere vel statim occidi, vel mori, vel certe in conspectum illius non amplius venire. Si igitur æqua fuit hac in parte lex Carthaginiensium; ne pœnam illam subirem, æquum fuit, ut ego tam tristis casus nuncium non afferrem. Quoties enim rei nobis iniucundæ indicem videmus, eiu conspectu semper plaga renouatur.

Post mortem Claudii i mariti tui ne horam quidem quietam egi, dum scilicet cogito, quo pacto tam tristis & acerbus nuncius ad te peruenturus esset. Iam vero postquam rem omnem te cognouisse video, duplici afficior dolore. Nam & mors illius & mea solitudo, & tuus mœror inconsolabili, & damnum (irreparabile) quod illius morte Romano allatum est imperio, mihi dolori est. Nam ciuem amifisti, sanguine nobilem, in prosperis moderatum, in aduersis tolerantem, in ærumnis animosum, in negotijs industrium, in consilijs prudentem, erga amicos fidelem, aduersus inimicos callidum, reipub amantem, & vita integerrimum, & quod caput est, quodque maxime admiror, qui Nunquam vita quenquam offendit, nunquam lingua quenquam læsit. Tot & tam eximias virtutes raro in viro
T: vide-

videmus homine cumulas. Nam vt vere loquamur, si multorum, qui singularem sibi virtutis opinionem induerunt, vita scrupulosius examinaretur, plurime hercule reprehensione, quam laude digna reperirentur.

*Interi
m interdu
re deplora
dāo sentit.*

Cum ergo tam probum ipsa maritum, tam fidum ego amicum amiserimus, te quidem tantam deplorare iacturam, me vero tantam dulcem cum gemitu desiderare sodalem par est: non tam ipsius Claudij, qui iā quiete cum dijs iucundissimè fruatur, quam nostri causa, qui tantis malis viuimus obnoxij. Mortui namque velut in portu tuto quiescunt; nos autem mari nauigamus procelloso (& in omnes tempestates exposito.) O cor miserum! vt te video inter incudem & malleum! bonorum scilicet sodalitio destitutum, & malorum agmine cinctum. Vnde sæpe cogitare cum animo meo soleo, vtrum malos prius deplorem qui viuunt, an bonos qui mortui sunt; siquidem æque nos excruciat malum, quod inuenimus, quā bonum, quod perdimus. Acerbissimum quidem est mori videre viros virtute præstantes: verum ego acerbius dixerim, videre viuere malos & vitij deditos.

Verum enimvero, quod dii bonos, & quibus coluntur, occidunt, & vitā malis, quibus offenduntur, prorogant, res est, vt

Plato

Epistol
Modi
de de
quam alio
magis
tionis esse
migramus
nes, cum qu
uinus, hab
vt morian
cant? Vir
viuit; mal
mater am
sospitet
quod die
confider
fruentu
nis, qui
nuo di
stxam
illoru
Et
rum
essen
nulli
idci
ferr
bus
fui
qu
qu
h

Plato dicebat, tam abstrusa, vt eam quoti-
die defleamus, eiusdem mysterium nun-
quam assequamur. Dic mihi quæso Lau-
nia, iamne intelligis tam bonæ conuersa-
tionis esse Deos, ad quos morientes com-
migramus, & tam prauis esse ingenij homi-
nes, cum quibus commercium, quā diu vi-
uimus, habemus, vt sicut mali nascuntur,
vt moriantur; sic boni moriantur, vt vi-
uant? Vir enim bonus etiam si moriatur,
viuit; malus etiam si viuat, moritur. Ita me
mater amet Berecynthia! ita me magnus
fospiter Iupiter! vt citra simulationem,
quod dicturus sum, dico: quod nimirum
considerata quiete, qua cum dijs defuncti
fruentur, & perspectis angoribus & æru-
nis, quibus hic viuentes conflictamur, de-
nuo dico atque affirmo; maiori illis no-
stam vitam commiserationi, quam nobis
illorum mortem dolori esse.

Etiam si nihil hominum mors à bestia- *Non inide*
rum interitu differret, hoc est, etsi nullæ *ris maris*
essent furæ, quæ sceleratos torquerent, *tuo, quæ sit*
nulli dii, qui bonos remunerarentur; vel *tandem li-*
idcirco æquiore animo amicorum mortē *ber, tutum,*
ferre debebamus, quod à tantis iā labori- *eternum est*
bus liberatos aspiciamus. Qua læticia per-
funditur nauta. porro ingressus securum,
qui gloria dux victoriā adeptus fruitur, qua
q̄te viator, pacto itinere potitur, qui vo-
luptate artifex absoluto opere attingitur.

eadem afficiuntur mortui extra vitam hanc ærumnosam constituti. Si nascerentur homines, ut perpetuo viuerent, æquum esset nos illorum conspecta morte lacrymare. Cum autē verò riuus sit, eos ut morerentur, patos esse, & post mortē vita sua frui; non eos, qui cito moriuntur, sed qui diu viuunt, desolos dixerim.

Qui desolatus.

Pro certo scio, si maritus tuus Claudinus, cum ea recordatur, quæ in hac vita sustinuit, & quietem, qua in altera fruitur, intuetur, Romanorum à dijs Imperator declararetur, eum ne vnum quidem diem è sepulcro proditurum. Nam in vitam reuerius denuo cogeretur mori; at cum dijs agens vitam sperat immortalem. Etiam te acque etiam, Lauinia, rogo, ne tantis porro suspirijs cœlos rumpas, ne tam acerbis humum lacrymis riges; cum ibi locatum Claudinum maritum tuum esse noueris, Vbi non mœror illi, sed læticia; non dolor, sed quies est; vbi non plorat, sed ridet; non suspirat, sed cantat; non cruciatur, sed delectatur; vbi denique mortem non timet, sed vitam habet perpetuam. Quod cum ita sit, quemadmodum reuera est; æquum est vxorem viduam luctum moderari cum maritum nullo iam dolore affici recordatur.

Sæpe mecum expendere soleo, quid cogitare viduas deceat, in angustijs constitutas

tas, ut tri-
abigant; &
Non cogitar-
terici temp-
neque de pr-
tristissimam
tati ipsis in-
nem mem-
stant, futu-
vuiis quid-
is ut conu-
nus cruci-
domum
ille in su-
mibi cre-
quam
fuit. In-
non in-
fuit ign-
Ex
uis c-
cere,
vero
bitu-
Cum
ab e-
pau-
tin-
ali-
ac-
i-

tatas, vt tristitiam à sese angoremque
abigant; & ratione subducta inuenio,
Non cogitandum illis esse neque de præ-
teriti temporis societate iucundissima,
neque de præsentis temporis solitudine
tristissima: neque de vlla re, quæ volup-
tati ipsis in mundo fuit; sed recreatio-
nem memoria recolendam, quam expe-
ctant, futuram. Veram enim viduam cum
viviis quidem conuersari, at cum mortu-
is vt coniungatur, optare par est. Si hæc-
tenus cruciabar martitum expectans vt
domum tuam veniret, nunc lætare, quod
ille in suate domo præstolatur, in qua,
mihi crede, melius ipsa à dijs tractaberis,
quam ipse hic ab hominibus tractatus
fuit. In hoc enim mundo, quid gloria sit
non intelligimus, illic vero quid dolor
sit ignoratur.

Ex Licinio & Posthumio patruelibus
tuis cognoui, te nec plorandi finem fa-
cere, nec solatium vllum admittere. Ego
vero non video, cur sola ita Claudini o-
bitum lugeas, quasi sola illum amiseris.
Cum enim omnibus vita illius profuerit,
ab omnibus illius mortem complorari
par est. Nihil in terris acerbius potest con-
tingere animis mœstis & afflictis, quam si
alios doloribus suis lætari videant. Ex
aduerso Nihil in diris durisque fortunæ
ictibus, animo mœsto & afflictio maiori

*Solatij loco
est inter
multos do-
lorem quod
diuidere.*

leuamini ac solamini est, quam si alios dolore suo dolere cogitet. Quando ego dolore & mœrore opprimor, non vulgare solatium percipio ex præsentia amici quem doloris mei participem esse mihi persuasum habeo. Ita scilicet Quicquid lacrymarum amicus ex oculis profundit, quicquid doloris animo percipit, eo quemadmodum suos humeros velut onerat, ita pectus meum exonerat.

Octavius Augustus Imp. quemadmodum historiци narrant, gentem quandam inter Danubij accolas inuenit, quæ more vtebatur singulari, cuius simile quid neque oculis alibi visum, neque in libris lectum. Amici enim duo ad aras simul templorum accedebant, atque ita fedus inter se inibant, manibus inter sese deuinctis, perinde atque mariti & vxoris corpora coniugio copulantur, deos testes inuocantes & conceptis verbis iurantes, in nullo vnquam infortunio sibi oblato lacrymas sese effusuros, aut dolorem percepturos, sed si quid alterutri adiacere contingeret; tum amicum id perinde deploraturum, & remedia adhibiturum, ac si ipsi accidisse. O seculum gloriosum! o fortunatam ætatem! o gentem æternè dignam memoria! in qua viri erant adeo columbina sinceritate præditi, tamque candidi amici, vt suarum obliti ærumnarum

rum, alienis illacrymarent.

O Romam non Romā! o tempus male impensum! o vitam male apud nos collocatam! o oscitantiam omni cura vacuam! Adeone hodie pectora bona exornata, adeo corda malo immerfa esse, ut homines conditionis suae obliti & feris syluestribus peiores facti, ego quidem de morte tibi afferenda laborem; tu vero de vita mihi eripienda anxie cogites, tu plores, quod me ridentem videas, ego rideam, quod te flentem aspiciam. ego ne surgas annitar, tu quod non cadam doleas! Ii summa Sine ullo emolumento nos perditum imus, & sine vlla lucri spe, extremam nos perditioni nostrae manum iuuat imponere. Crede mihi Lauinia, si in mea manu esset, rationibus tuis consulere, quemadmodum tuus dolor cordi infixus est meo, neque tanto mihi luctus tuus dolori, neque tibi marito orbatę tantę acerbitati solitudo foret. Sed heu mihi! Animus quidem, qui illa sentiat, adest, vires, quę medeantur, defunt.

Seculi peruersitas.

Cum ergo nec tibi opitulari, nec desiderio meo satisfacere liceat, quoniam in potestate nostra non est mortuos in vitam reuocare, vel saltem alloqui: Rem omnem deorum voluntati permittamus ambo oportet, qui melius scilicet partiri, quam nos eligere, norunt. Itaque etiam

te atque etiam, mea Iauinia, rogo, & tanquam an. i. us moneo; serio tibi suadeo & toto pectore peto quæsoque, vt quod dii fecerunt boni consulas & ad deorum te voluntatem conformes, nec aliud quàm illi, velis. Ipsi enim sciunt & quidem citra erroris periculum, cur tibi præmatura marium morte eripuerint, & tam diu vitam prorogent. Cum & sapientia dii & potentia præpolleant, quis arcanorum iudiciorum suorum iudex esse audeat? Optime norunt dii, à quibus vel colantur, vel offendantur; quibus amori, quibus contentui sint; à quibus laudentur, aut contumelia afficiantur; qui denique grati vel ingrati sint. Imo sæpenumero gratiora dijs illorum, qui sepulcris clauduntur, quam qui in fanis orant vrbani obsequia sunt.

*Ab vno
quod se tor-
quet, ad plu-
rima que
cum o. an. ur
se conuerse-
re.*

Iam vero si volueris computare rationes, respice quæso & cogita, relictos tibi à dijs liberos, quorum solatio fruaris; relictas fortunas quibus tuam sustentens egestatem relictos amicos, quorum patrocinio defendaris; relictos parentes, quorum dignitate fruari; relictam famam, de qua tibi placeas; relictam sanitatem, vt viuis. Adeo nimirum exiguum est, quod dii nobis eripiunt, respectu plurimorum, quæ nobis relinquunt

Aliter cum hominibus, aliter cum dijs

agunt

agendum est. In homines enim nonnunquam nostrorum intueri respicit, ut humiliantur coram dijs vero nos supplices prosternamus oportet, ut ad nos eos attrahamus. Facilius enim, nisi Apollinis oraculo fallimur, humilitate, qua adorantur, quam victimis sumtuosis, quæ offeruntur, dii placantur. Cum ergo & viduas Lauinia, & mulier cordata; Deos precare, ut liberos tuos custodiant, famam defendant, ne amici te deserant, aut opes tuæ dissipentur ut valetudine utaris prospera, & ante omnia ipsos habeas semper propitios. Hac enim ratione non tantum in vita omni vel lucrari vel amittere poteris, quantum una hora dii tibi vel tribuere vel adimere valent.

O si intelligeret vidua, quam parum inter homines lucretur, quam multum apud deos perdat, dum patientia in rebus aduersis caret! Impatientia quippe nimia sæpe ad iram deos prouocat. Experientia docet, nonnullos in corporibus humanis morbos, qui verbis, quæ nobis dicuntur, curari minime poterant, herbis quæ (partilæ) imponuntur sanari alios contra morbos nullis medicamentis adhibitis, solis verbis curari. Hæc eo spectat comparatio, ut ostendam, quicumque ægritudine afflicti iacent, & cogitationum fluctibus iactantur, plus interdum solatij cape-

*Patientia,
ingens in-
strumentum
ad placan-
dum Deum.*

re ex vnico beneficio sibi præstito, quã ex multis, quæ ad aures accidūt verbis, alias vero cor ægrū magis vnico amici verbo, quã omnibus omnium exhilarari obsequijs.

Ego vero proh dolor! neque hoc neque illud præstare possum! Cum enim tuam excellentiam, meamque tenuitatem intueor, adeo me inhabilem agnosco, vt tum ad cõsolandum scientia, tum ad opitulandum facultatibus destituar. Verum tamen doloris abunde est, si quid dolor ad rem facit. Sed non persoluã charta & atramento, quod ipse (facto) præstare possum. Qui enim verbis tantum solatur, cū re ipsa opitulari possit, amicū sese antea fuisse simulatum, neque deinceps pro fideli habendum, ostendit. Non imitabor vsitatum Romanorum erga viduas ciues consuetudinem, quod nimirum moriente marito, viduam frequentes inuisunt, ad viduam scribūt, suam viduæ deferunt operam, viduam cuncti consolantur, cum vidua complorant vniuersi, at mox elapsis paucis diebus, vbi paruo vidua misera patrocínio in senatu indiget, à præstando iulo ita omnes subterfugiunt, ac si nunquam maritum nouerint, aut cum ipsa cõmercij nihil vnquam habuerint.

Cum autem viduarum Romanarum fama nihil sit tenerius, siquidem Ex Viduarum castitate vel lasciuia, tū ipsarum fama

fama, tum familiæ dignitas, tum filiorum
exstigmatio, tum mortuorum memoria
pendet: Recte præcipitur viris pruden-
tibus, ut in verbis erga viduas parci, in be-
nefactis largi sint. Quid enim prodest
viduis pollicationum epistolis arcas re-
fertis, & verborum blandimentis aures
plenas habere? Tu vero si hætenus me
pro populari tuo, & mariti propinquo
habuisti, porro me habes rogo, pro ma-
rito in amore, pro patre in consilio, pro
fratre in obsequijs, pro aduocato in sena-
tu, quæ omnia tam cumulate præstaban-
tur, ut vere te dicturam confidam, quic-
quid in multis perdideris, in vno te in-
uenisse M. Aurelio.

Neque ego ignoro, & ipsa probe nosti,
Animis mœrore superatis, perturbari co-
gitationes, memoriam vacillare, carnem
tremere, intellectum iacere, rationem fu-
gere. Cum igitur nunc animi ægritudo
& mœsticia, quasi tabernaculum in ædi-
bus tuis collocarint: diuine deferant, si te
deseruero! dii mei obliuiscantur, si tui ob-
litus fuero! nisi quemadmodum Clau-
dinus mortuus ad extremum vsque hali-
tum totus meus fuit, ita M. Aurelius, quæ
diu vixerit, totus tuus fuerit! Cum ergo
tantopere ego tibi faueam, & ipsa ita mi-
hi cōfidas; cum tu iā doloribus obruaris,
& meus animus curarū pōdere opprima-
tur,

tur; tibi quidē, Lauinia, potestas sit mihi non secus ac si tuus essem imperandi: mihi vero te rogare & de ijs, quæ ad te existimationemque tuam pertinent, commonefacere liceat. Nonnunquam enim non minus salutarī viduæ monito, quam medio cri indigent remedio.

*Monet, ne
viduarum
vanarum
ineptias imi-
tentur.*

Quamobrem vehementer te rogo, ne ineptias imiteris viduarum Romanarum, quæ solent claudere fores, laniare velamina capitis vestimenta præsecare nudis pedibus incedere; faciem pingere, cibum solæ capere, ad sepulcra plangere, tondere pedisequas; aquas stillicidiorum colligere; de noctu in triuijs vagari: glandibus sepulcra spargere; ungues dentibus præmordere; colla sanguine erinacei ungere. Has enim & id genus ineptias haudquaquam matronali grauitati admittere, imo ne videre quidem aut scire conuenit. Cum autem immoderatum nihil sit, quin vitiosum sit: disce, si ignoras, Lauinia, viduas, quæ modum luctui nesciunt ponere, se quidem fatigare amicis vero molestias creare, deos offendere, suos contristare. breuiter nec mortuis quicquid prodesse, & maleuolorum sermonibus ansam præbere.

Itaque censuerim, matronis ac viduis eum habitum vestitumque capiendum, quo die maritos ipsarum ex hac vita dis-

fustu-

sustulerunt, quem omni vita retinere decreuerint. Quid enim prodest viduam mentem vnum domi suæ clausam latere, & prius quam annus abeat omnes per vagari vrbis placeas? Quid prodest, eam aliquot diebus parentum & amicorum cōspectum fugere, & deinde in theatris & orchestra priuam esse? Quid viduas prodest initio viduatus sordidatas incedere, & mox cultus elegantia cum matronis maritatis certare? Quid prodest viduas aliquot dies fores claudere, si mox à pluribus illarum ædes quam aliarum frequentatur? Quid viduas ob maritorum mortem large effūseque flere prodest, cum multo largius in suis postea rideant oblectamentis? Omnino parum prodesse aio, si femina grauissimum præ se ferat mortuo marito luctum, si clam alium iam sibi quaesiuit maritum. Vidua quippe virtutis & honestati amans continuo ex ipso vesti, quas sinit, cultu cognoscitur.

Narrabo tibi hutoriolam, Lauinia, quæ Romæ accidit, ne quid me fingere putes. Fuit enim Romæ femina quædam primat ia M. Marcelli nobilis vxor, Fulvia nomine quæ cum maritum suum in campo Martio humari videret, & præ doloris magnitudine faciem sibi lantar et, comā euelleret, vellem omnem scinderet, exanimata humi sese apploderet, eiusque bra-

*Fulvia la-
tam fuit
lanti hyste-
riola.*

chia duo senatores nequid grauius in se consuleret, tenerent, Cui Flavius Censorinus, Manus, inquit. Fuluiæ soluite. Vult enim omni viduatus luctu vno eodemque die defungi Equidem haud scio num oraculum Flavius consuluerit, an vates fuerit: Euentum sane dictis ipsius respondisse certo scio.

Cum autem Fuluiā tam excellentis viri, nimirum M. Marcelli vxor fuerit, nollem rem tam indignam ab ea commissam, quod interim dum ossa M. Marcelli cremarentur, cum alio transegit marito; & quidem è senatoribus, qui illius brachia tenebant, alter ibi data acceptaque dextera fidem ei fecit coniugij. Quæ res tam fecunda, ab omnibus merito reprehensa fuit, quod omnibus illius æui matronis maculam inussit, causamque præbuit, vt nulli vnquam viduæ credatur.

Ad castitatem cohortatio.

Et si autem ista non dico quod te quoque Lauinia, idem facturam putem: quod me hercule nec animus meus suspicatur, neque tam præstantis matronæ dignitas patitur: Tu enim sola culpam sustineres, & ad me solum redundaret ignominia: tamen diligentissime tibi castitatem matrona Romana dignam, & modestam, quæ in tam generosa (nobilique) vidua requiritur commendo. Nā si te defunctorum, quos luges, absentia excruciauerit, præ-

clara

clara te solabitur, qua inter viuos frueris, opinio. Nihil nunc addam, nisi (enitendum tibi) vt talis sit inter præsentēs fama tua, atque ita de te loquantur absentes, vt improbis freno iniecto os obstruas, & bonis calcar, vt tibi inferuiant, addas. Viduam enim sinistrae famæ viuam sepeliri oportebat.

Sed contrarium tibi exemplum proponas velim. Cum Porcia Catonis Vticensis filia, incredibilem animo dolorem ex mariti vnice chari morte caperet; vt serium non simulatum illum esse ostenderet, non vt vulgo se probaret, sed vt satis amoris tam impotenti faceret; quia neque ferrum, quo se traiceret, neque laqueum quo collum implicaret, reperiēbat; ad focum se proripuit, atque inde ardentes ore carbones non minore hausit facilitate ac promptitudine; quam sanus quispiam vuas de racemo edit optimo. Nouum sane & inopinatum mortis genus, ad testificandam amoris vehementiam à Romana illa inuentum; sed ad comparandam futuris seculis memoriam immortalem accommodatissimum. Voluit enim generosæ matronæ more carbonibus ardentibus viscera, amoris æstu flagrantia exurere. Quod ego tibi exemplum non ad imitandum, sed ad admirandum propositum volo.

Nihil

Nihil est, quod præterea scribam, tum quia periculolum est epistolis res alicuius momenti credere, tum quia nouis audiendis animus iam tuus minime vacat. Illud tamen celare te non possum, nos amicos & parentes tuos à Senatu impetrasse, ut officium ac munus, quo Bizantij maritus tuusungebatur, ad filium tuū transeat quod tibi tributum magni æstimes, at pluris illud, quod de te cuncti dixere, facias, nimirum etiam si Cláudinus maritus tuus non fuisset ciuis Romanus, tamen & illud & ampliora tibi propter solam tuā famam fuisse tribuenda.

Salutat te Faustina mea, quam liquido affirmare possum, nunquam tantam lacrymarum vim profudisse, quantam propter tuā profudit calamitatem: quippe cui & iactura tua, quæ maxima, & mœror meus, qui non paruus erat, dolori esset. Mitto tibi quatuor millia H-S in numero, quā pecuniam tibi, tum ad sumtus necessarios, tum ad debita dissolueda opus fore arbitror. Nam viduæ Romanæ plures debitorum flagitatores, aut qui lites intentent, quam opes à maritis relictas habent. Dij qui Claudino marito tuo quietem dederunt, tibi Lauinia ipsius vxori consolationem tribuere dignentur.

M. A V R E L I I
I M P.

EPISTOLA:

Ad

Faustinam & Lucillam.



Um in more haberent Romani, *Iani festum*
 vt eximias mense Ianuario Im- *Romani ce-*
 peratoribus pompas pararent; *lebrant.*
 accidit, vt in ipso pompæ appa-
 ratu per crebros Faustina Augusta inter-
 nuncios Imperatorem rogaret, vti filiam
 gubernatricum custodia liberatā in pala-
 tium ad spectacula venire pateretur. Ea
 filia, Lucilla nomine, natu maior erat
 quam Commodus, gestibus decora, cor-
 pore elegans, & matri, quam pulchritu-
 dine vitæ referebat, vnice chara. Por-
 ro licet tum æqua petitio, tum internun-
 cij familiarium priui, tū qui rogabatur,
 pater, quæ rogabat, mater, pro qua roga-
 batur, filia foret; tamen vix adduci po-
 tuit pater, vt petitioni annueret. Itaque
 Faustina latissima, impetrata venia, mox
 filiam domum suam adduci iussit.

Cum ergo festus spectaculorum dies
 venisset, ipso pompæ solennis & vere
 triumphalis die Lucilla velut e custodia

Vv

emula.

emissa, & insperatam adepta licentiam, suaque freta innocentia, neque ab aliena sibi cauens malicia, ridentibus arridere, alloquentibus respondere, intuentes contra intueri, de aliorum iudicijs secura, cū ipsa neminem iudicaret. Erat autem illis temporibus æque probrosum virginī Romanę ridere cum viris ac si Græcę illuprum esset à sacerdotibus oblatum. Tanti quippe æstimabatur matronarum Romanarum pudor, & tam probrosa erat virginum lasciuia, vt duplo grauius petulantia publica, quam crimen puniretur occultum.

*Quæ matro-
ne fugienda*

Ac præter cetera, septem præcipue res fugiebant matronæ Romanæ, ne scilicet inter spectacula multa fabularentur; ne cibo in conuiujs sese ingurgitarent; ne vinum, dum recte valebant, biberent; ne secreto cum viris colloquerentur; ne oculos in fanis attollerent; ne de fenestris multum prospectarēt; ne denique domo sine maritis exirent. Quod si qua fœmina contra fecisse deprehenderetur, perpetuo infamis habebatur.

Multa in personis infimi ordinis tolerantur, quorum nihil in personis in summo dignitatis gradu positis tolerabile est. Matronæ enim generosæ ordinis sui tueri dignitatem non possunt, nisi modestissime se gerant. Quæcunque à naturæ suæ con-

conditione recedunt, merito vituperantur. At scēminam in honestam perpetua sequitur infamia. Matronæ generosæ si re ipsa tales esse cupiunt, quanto magis ceteras diuitijs vincunt, tanto minorem sibi sumant discursationis licentiam. Etenim opum abundantiam, personarumque libertatem non euagandi calcar, sed frenum, ut intra sua se contineant penetralia, esse decet.

Hæc ideo diximus, quia peractis spectaculis, Lucilla virguncula tenerrima & Faustina mater, non admodum natu grandis, modo pedibus, modo equis, modo detestæ, modo personatæ; iam solæ, iam comitatæ; iam de die, iam de nocte, per vicos vrbis oberrabant, per campos spaciabātur Vulcanios; ad ripas deambulabant Tiberis, poma in hortis Saturnini colligebant; in aquæductibus comestabantur Neronianis, alijsque id genus voluptatibus, ad quas & ætatis commoditate, & verni temporis amœnitate inuitabātur, licet scēminas illas Principes parum decerent, tempus terebant.

*Ex banamā
tre, bunā nā
scitur filia;*

Illud commune faciendi multas scēminas illustres gratia, silentio præterire nequeo, quod scilicet haud scio, utrū maior fuerit vel Faustinae & Lucillæ per vicos & plateas vrbis discursantium lasciuia, an

improborum eiusmodi personis ob-
stantium audacia. Vt solitudinis in fœ-
minis amor frenum est, ad coercendas vul-
gi linguas: ita fœminæ, quæ domi se non
continet, fama periclitatur. Malæ autem
famæ fœminam nunquam profecto na-
tam esse oportebat.

*Cornelia
gens inter
Romanos
seuissima.*

Apud Romanos gens Cornelia semper
felix habita fuit: Nam neque inter Corne-
lios ullus vnquam vecors, neque inter
Cornelias infames ullæ fuerunt. Ac histo-
rici quandam huius gentis fœminam, tã-
tum quod profana esset, parentum mani-
bus strangulatam narrant, quod profecto
facinus laudabile & vere Romanum fuit.
Neque enim vnus fœminæ infamiam to-
ti genti dedecori esse par est. Quibus no-
bilitas & pudor cordi est, in rebus ad exi-
stimationem pertinentibus, magistratus
animaduersionem non expectent; sed vi-
rum fœminamve, cuius culpa omnes fa-
ma bona orbantur, ab omnibus vita or-
bari fas est. Non satis est, vt bonus sit ali-
quis, sed omnes etiam, vnde malus haberi
possit, occasiones fugiat oportet. Omnia
quæ in bonis fortunæ quisquam potest
facere damna, ne minimæ quidem famæ
iacturæ æquari possunt. Si quis vulgi ser-
monibus famam suam, veluti scopum sa-
gittarijs obijcit, è centum sagittis vix vna
aberrabit. Kursum vero, cui pudor periit
quæque

quique nulla existimationis cura afficitur, ab eo non est quod opus vllum laudabile expectemus.

Ceterum Imperator, tanquam prouidus & peritus nauclerus, qui in maxima cœli serenitate tempestatem metuens aduersam vigilat, in summa pompæ illius gloria vehementer animo angebatur, veritus scilicet, ne quam scœminæ principes conciperent maculam: nec sane immerito. Hic enim fortunæ liuidæ mos est perpetuus, quod præsentem nobis felicitatē, velut repentinæ calamitatis augurium dat. Ita rerum natura fert vt rarissima sit in mari malacia, quam non subito grauis excipiat tempestas: Itemque mira per diem serenitas cœli, futuri circa vesperam tonitrus signum est. Quorsum ista? Vt ostendam, quādo fortuna delitijs nos præsentibus oblectat, signum esse, quo minime putaremus loco, laqueos ab ea nobis positum iri. Molendinarius in summa securitate retinacula parat; & villicus dum non pluit tectum reficit, futurum aliquādo diem cogitans, quo nubibus densatis pluat Ad eundem modum viro prudenti cogitandum, quam diu in vita moratur, prospera tanquam commodata, aduersa ceu patrimonium se habere hæreditarium.

Si quis vnquam fuit, qui prosperis vtī,

Vv 3

aduer-

aduersa tolerare didicit, is M. Aurelius Imperator fuit, qui neque plurimis fortunæ blandimentis, vt illi fideret, adduci potuit, neque aduersis, quæ in vita sustinuit plurima, fractus animum vnquam despondit.

Oratio Imperatoris.

Finita ludorum, de quibus dicebamus, celebritate, optimus Imperator animo suo morem gerere. Faustina com-monefacere, filiamque simplicem de cauenda fraude docere, nemine conscio, cupiens, ad se accersitas, remotis arbitris, sic allocutus est: Non probantur mihi, Faustina, quæ vel tua filia, vel tu mater illius facitis. Filie vt probæ sint, promte obediendi matribus, matres vero vt bonæ sint, recte educandi filias gnaræ sint oportet. Præcipiendi labore facile supersedere pater potest, vbi virtute præstans mater, & verecunda filia est. Turpe est patri, cum vir sit, committere, vt ab vxore, quæ fœmina est, filius castigetur. Vicissim vxori turpissimum est cum ipsa mater sit, à marito filiam castigari. Rhodij quidem legem habuerunt, vt neque pater filiæ, tanquam mulieris, neque mater filij tanquā mascululi curam gereret; sed à viri maribus, à fœminis fœmellas educari necesse erat; quæ lex tam sancte seruabatur vt cum vna in domo vuerent, neque patres filias, neque matres filios habere viderentur.

Non

Non ego, ô Roma, viarum strata euer-
sa, tecta pluuijs peruia, pinnas de ecetas,
nemora cæsa, ciuium que numerum im-
minutum deploro. Ista enim tibi tempus
& dedit & aufert. Sed illud desleo, neque
vquam deslere desinam, quod tantam
bonorum parentum penuriam & fundi-
tus euersam disciplinam domesticam vi-
deo. Tum patriæ interitus consumma-
tus est, cum filiorum filiarumque educa-
tio luxari cœpit. Adeo nunc tum filij pe-
tulautes, tum filiæ impudentes, tum etiam
matres inhonestæ sunt, vt cum olim XX.
filijs vnus pater, & XXX filibus vna ma-
ter satis fuerit iam XX. patres vnum fili-
um, vnamque XXX. matres filiam recte
educare nequeant.

Hæc dico, quoniã & tu Faustina, matrẽ
te esse oblita, maiorem quã par est filiæ li-
bertatem indulges, & tu Lucilla, filiam te
esse non cogitans, maiorem quã puellam
principem decet, præ te fers lascitiã. Ma-
ximũ don, quod matronis dij Romanis
dederunt, illud est, vt tũ fœminas se cogi-
tantes, modestæ, tũ Romanas, verecundæ
essent. Quo die timor deorũ fœminis in
secreto, & verecundia erga viros in pub-
lico perierit, futurũ mihi credant vnuer-
sæ, vt aut ipse mundo, aut in dijs ipsis ex-
itio sit. Nõ minus interest ciuitatis, fœmi-
nas q̃ in illa manēt honestas, quã qui ex

*Matris im-
dulgentiã,
filiæ lascitiã
aut repre-
hendit.*

prodeunt, duces fortes esse: Hi enim exeuntes ipsam defendunt; illæ manentes eam conseruant.

Quartus nunc annus agitur, ex quo post pestilentia, quam vidistis, abitum numerari populum iussi, & de CXL millibus fœminarum integræ vitæ, ad XXC millia perijisse; ex X vero millibus meretricum ferme omnes euasisse inueni. Equidem vtrum prius deplorem nescio: penuriam, qua premitur ciuitas, bonarum; an stragem, quam edunt in iuuentute Romana impudicæ! Non tantum damni dant A Etnæ incendia Siciliae habitatoribus; quantum vnica fœmina improba regionibus vrbis affert. Fœmina inhonesta, bestia truculenta hostisque perniciosus in ciuitate est. Ad malum enim inuehendū satis ingeniosa. ad bonum iaducendum plane iners est. Quot regna regesque vnus fœminæ incuria perijisse legimus? quorum salutē vt consuleretur, multorum opus fuit virorum prudentia, periculis, opibus ac fortitudine. Omnia in femina vitia virgæ viridis instar sunt, quæ flecti potest; At lasciuia & impudentia instar est pali aridi, qui frangitur; ita vt eiusmodi magis magisque luxari valeant, dirigi nunquam possint.

Nihil est, Faustina, quod honoris sit auidius, & ad parandum eum minus instructum,

structum, quam fœmina; quod verum esse res ipsa loquitur. Vir orando, scribendo, iter faciendo, res gerendo famam sibi parat; at fœmina quomodo clara evadere nisi loquendo aut garriendo possit, non video. Nam in autorum hæcenus monumentis Vel nullam vel certe paucissimas scribendo, legendo, operando, nendo, coquendo, texendo, puiendo celebrem sibi famam peperisse legimus. Sed hoc cum dico, ne illud quid diffimulabo, de multis sane nos legere, quæ quod domi se continerent, sui muneris partes obirent, in verbis moderatæ, aduersus maritos fideles, pro se bene moratæ, cum vicinis pacificæ, inter suos denique honestæ inter alienos verecundæ essent, tum famam superstites celebrem consecutæ sunt, tum æternam sui memoriam defunctis reliquerunt.

Historiam vobis narrabo, nostris iam vitijs amputandis non minus vtilem, quam augendis virtutibus fuit. Regnum Lacedæmoniorum, ut autor est Plato, *Lacedæmoniorum mores corrupti.* tum corruptissimum per fœminarum luxuriam, tum infame, per virorum crudelitatem fuit, ita ut ab omnibus populis barbari dicerentur, cum genitrix illorum Græcia philosophorum Gymnasium appellaretur.

At Lycurgus philosophus ob doctrinam sapientissimus, idem rex ob gubernandi

nandi scientiam iustissimus, laudem illam partim doctrinae sinceritate, partim vitæ sanctitate adeptus, leges ei regno dedit, quibus tum vitia extirpauit omnia, tum virtutes inseruit vniuersas; Vt haud sciam, fueritne felicior rex, qui populum habuit tam obedientem, an regnum, cui rex æqui seruantissimus obtigit.

Inter alias de fœminis legem hanc celeberrimam tulit: Nullus pater dotem filiae neque moriens relinquit, neque dum viuit, dato. Nimirum Non diuitijs sed probitate, nō pulcritudine, sed virtute conciliari volebat. Itaque vt multas iam innuptas propter paupertatem videmus; sic tum innuptæ propter infamiam & vitia manebant.

*Felicitatis
prince præ
dicatio.*

O seculum exoptabile, quo Fœminæ non diuitijs parentum labore partis, sed vintutibus propria comparatis industria confidebant! Fuit illud seculum, vt idem denuo repetam, vere aureum, quando Nec filiae, ne à patre viuo exhæredaretur, metuendum; nec parri morienti quod indotatam relinqueret, dolendum erat.

O detestabilem, qui primus aurum in tuas, ô Roma, domos intulit! o detestabilem qui primus in ærario pecunias accumulauit! Quid Romam tam opulentam diuitijs, tam pauperem virtutibus reddidit?

dit? Quid fecit vt rusticorum filia facile nubant, senatorum innuptæ maneant? Quid fecit, vt diuitis iam filia vel inuita ambiatur, pauperis filiam ne rogati quidem ducant? Quid fecit, vt prius aliqua cum D. festertijs, quam alia cum myriade virtutum nubat? Non utique carnem hic dicemus à carne victam, sed à malis vanitatem esse superatam. Auarus enim coniugem hodie diuitem & deformem, pauperi bellæ anteponebat.

O infelices fœminas quæ pariunt, infeliciores filias quæ nascuntur! quibus ad *Auro conciliatur amor* connubia nihil maiorum nobilitas, nihil parentum gratia, nihil operum solertia, nihil personæ venustas, nihil denique vitæ integritas prodest! in quo Viri boni filia nihil exploratius habet, quam nisi probe nummata sit, nunquam se maritum inuenturam. At enim olim non ita vivebatur. Priscis enim temporibus in coniugijs cōtrahendis prima de personis, vltima de facultatibus erat quæstio: At hoc seculo infelici, prima de diuitijs, vltima de personis quæstio est. Illa itidem ætate aurea primus de virtute personæ sermo erat; postea vero peractis iam nuptijs, quasi ioco de opibus quærebatur.

Camillus cum de Gallis triumphasset, vnicum habebat filium; at talem, vt tum ob ingenuam totius corporis pulchri-

pulcritudinem, tum ob patris gloriam multi illum reges adoptare, multi illum Senatores generum eligere cuperent. Is ergo cum x x x. iam annorum & pater sexagenario maior esset, tum in patria à parentibus, tum à Regibus exteris, ut uxorem duceret, plurimum sollicitabatur. Ipse vero & amicorum monita & exterorum sollicitationes constanter reijciebat. Interrogatus ergo Camillus, cur filio coniugem non eligeret, unde & illi in iuventute vita tranquilla, & ipsi in senio quies speranda esset. Ego, inquit, uxorem filio meo neque do, neque daturus sum; quia Filias alij mihi dantes, alij nobiles, alij iuenculas, alij pulcras obtulerunt; At qui filiam virtute præstantem se daturum diceret. nullus fuit. Sane Camillus, sicut triumphum rebus fortissime gestis meritus est, ita memoriam verbis, quæ protulit sempiternam meretur.

Vitare peccata est vitare occasiones peccandi.

Hæc ideo, mea Faustina, dixi, quoniam filiam in theatra adducis, illam in Capitolium comitaris, inter gladiatores versari, & pantomimis spectandis inter esse permittis; & quod indignissimum, ipsa ætate sese teneram, tu non valde prouectam te minime cogitantes, per vicos urbis ripasque fluminis discursitatis. Equidem id non vitupero, quod filiam tuam improbam esse censeam; sed quod
ansam

ansam illi, ut minime proba sit, abs te dari video. Crede mihi Faustina, Ad titillationem carnis quod attinet, neque iuuenibus nimis fidendum, neque de senibus bene sperandum: sed Tutissimum in vtrisque, ut peccandi occasiones cuncti fugiant. Ideo scilicet virgines Vestales intra parietes inclusæ continentur, ut occasiones, quæ in plateis offeruntur, vitent. Non ut solidiores secessum amant; sed ut prudentiores congressum fugiunt.

Non dicat iuuenis, se iuuenem & virtutis amantem esse; non dicat senex, se senem & lassum esse: quoniam Stipulas aridas in prunis confagrarè, palum viridem inter flammam fumigare necesse est: hoc est, Sit licet adamante aliquis durior, dum inter viros versatur; ad mulierum ignem ubi accesserit, ceræ instar remollescet. Negare non possumus, licet igni ligna subducantur, carbones extinguantur, saxa tamen semper ardere. Ad eundem modum caro hæc corrupta, etiam si affigatur morbis, multis exsiccetur laboribus, longis denique annis consumatur; semper tamen concupiscentiæ ignis sopitus in ossibus vivit.

Quid virtutem iactare, & naturam negare prodest? Quis equus adeo clumbis & mutilus, qui visis equis non semel atque iterum adhinniat? Quis senex adeo
castus,

effœtus, quis iuuenis adeo castus qui vîsîs
puellis, non semel atque iterum suspiret?
In rebus voluntarijs virtutis præstare ali-
quem posse non nego. In naturalibus ve-
ro suam quisque imbecillitatem fateatur
oportet. Igni si ligna subtrahas, ardere
desinet. Aduentante æstate, hyemis desi-
net asperitas Vbi in mari malacia & tran-
quillitas extiterit, fluctus intumescere de-
sinent. Vbi sol occiderit, terras nõ ampli-
us collustrabit. Hæc eo pertinent, vt Tum-
demum carnem ab exhibenda nobis mo-
lestia cessaturam appareat, cum in tumulo
compositam videbimus. De carne nasci-
mur, in carne viuimus, in carne morimur.
Vnde citius vitam bonam, quam car-
nem malam, finem habituram efficitur.
Sæpe cibi optimi in fœtidis corrumpun-
tur cibauis; & vina optima ingratum de
impuris contrahunt saporem dolijs; hoc
est, quantumvis puræ & heroicæ sint vi-
tæ nostræ actiones, semper tamen imbe-
cillæ pedorem carnis resipiunt. Hæc eo
dico, Faustina, quia si carnis exundatio-
nem agger argilla constructus coercere
non potuit; quomodo illi vacerra molli
texta vimine resistet? Iugum quod vacca
non portauit, multo minus vitula porta-
bit. Si tu, quæ mater es, carnem in officio
non contineres; nec ista, cum filia tua sit,
idem præstabit.

Si filias recte educare volunt matronæ Romanæ, has diligenter obseruent regulas: Si filias vagari vident, crura illis frangant; si venaturam oculis facere, oculos eruant; si auribus prurire, illas obstruant, si quid dare volunt vel accipere, manus amputent, si garrire audent, os consuant, si petulanter agere, viuas sepeliant. Filia quippe improbæ pro dote mors, pro ventribus vermes, pro domo tumulus debetur. Itaque meo Faustina vtere consilio, & Si filia tua lætari cupis, occasiones illi, *Filia quomodo habenda.* quibus corrumpi potest, adime. Ad fulciendam domum multis opus est ubicinibus: cui si vnā subducas columnam, tota corruit: hoc est, Adeo sunt imbecilles fœminæ, vt à mille custodibus vix possint custodiri, at vnica minutula occasione corrumpantur. Quam multe fuerunt improbæ, non quidem quod esse eiusmodi vellent, sed quoniam ipsæ occasionem aperuerunt, vt aliter facere non possent! In Mea potestate est prælium inire, at in mea potestate non est potiri victoria. In mea potestate est ingredi mare, at in mea potestate non est euadere periculum. In potestate mulieris est occasione se offerre, at postquam illi sese obtulit, in eius potestate non est culpam euitare.

At enim Faustina neminem dices filiam tuam alloqui, quin audias, aut videre, quin videas, neque illam se abscon-

Amoris natura

abscondere, quin abs te inueniatur, aut
 pactiones cum villo facere posse, quin a-
 nimaduertas Verum enimvero maleuo-
 lentia suffusos contumelijs inter se certa-
 re, amore vero mutuo flagrantes menti-
 bus inter se colloqui nosti. Amor nouus,
 qui in ætatis vere ex recenti pullulat san-
 guine, venenum est, quod subito per ve-
 nas manat, aconitum quod viscera confe-
 stim penetrat, spasmus quo membra subi-
 to torpescunt, angina quæ cor statim
 strangulat, bonæ denique mentis pestis est
 & interitus Quid dicam, nescio, etiamsi
 quod dicere volo sentiam Nemo enim a-
 morem in lingua habet, quin dolorem in-
 tus in pectore grauissimum percipiat. O-
 uidius libro de arte amandi dicit: Est a-
 mor, nescio quid; venit, nescio vnde; im-
 mittitur, nescio à quo; nascitur, nescio
 quomodo; capitur, nescio quibus; senti-
 tur, nescio quando; interimit, nescio quã-
 obrem. Denique amor virulentus carne
 foris illæsa, sanguinem è visceribus inti-
 mum exhaurit. Quid sibi his verbis O-
 uidius velit, non intelligo: Veruntamen
 cum verba illa proferret, mentis eum non
 magis, atque ego nunc sum, compotem
 fuisse scio. Qui inter se amant, Faustina
 cordibus velut speculæ fumant, in somno
 fermocinantur, lignis colloquuntur Mu-
 ta enim foris verba, exigui intus amoris
 indicium

indiciū , amoris interni magnitudo silentium foris imperat. Inflammata intus amore præcordia , mutam foris linguam reddunt. Qui vitam in amoribus agit , os habeat obleratum oportet.

Ac ne fabellam tibi narrari putes , historijs id vetustissimis planum faciam. In monimentis priscis anno ab V.C. c c Lxx. Hetruscum iuuenem Romanum mutum , itemque Veronam , virginem Latinarum pulcerrimam , mutam fuisse reperimus : qui cum in ludis in monte Cælio se mutuo vidissent , amore inter se non ficto exarserunt , cum mentes illorum tam ad amorem liberæ , quam linguæ ad sermonem vinctæ essent : quæ res vt tum visu mira , sic narratu nunc incredibilis est. Nā puella Salona Romam , iuuenis Roma Salonam subinde triginta annorum spacio ultro citroque commeabāt , vt nec animaduerteter quisquam , nec vnquam ipsi colloquerentur , donec mortuis Latinæ marito , & Hetrusci coniugere , patefacta , ambo matrimonium contraxerunt. Ex his mutis filius natus est , autor felicissimæ gentis Scipionum nostrorum , qui longe armis , quam maiores linguis , expeditiores fuere. Considera ergo rem singularem , quam parum ad reprimendos mutorum illorum amorēs linguæ vincula , nisi ipsa eximerentur corda , profuerit ,

*Mutorum
occultum amor.*

Quid de Masinissa Numidarum regulo & Sophonisba dicam, fœmina Carthaginenſi nobili? qui cum in limine inter ſe obuiam facti eſſent, & ille cupiditatem ſuam prodidiſſet, eamque hæc intellexiſſet, fracto formidinis remigio, ſublatis verecundię anchoris, conſeſſim cordium vela demiferunt, nauibusque inter ſe corporum concurrerunt. Vnde & primum oculorum intuitũ, & notiſſimã vtriuſque, & animorum nexum, & corporum complexum, & dignitatis iacturam, & famę labem, vno die, vna hora, vno momento, in ipſo luminis tranſitu peracta eſſe manifeſtum eſt. }

*Paridis &
Helenæ
amor.*

Quid amplius in hanc ſententiam viſ afferri? An neſcis Helenam Gręcam, Paridem Troianum, natione tam diſſimiles, terris tam diſſitos, ex vnico in fano quodam conſpectu, voluntatibus ita conglutinosos fuiſſe, vt quamuis Paris ad capiendam ipſam parum videretur animoſus & validus, ipſa tamen quo minus caperetur non valde reluſtante, & victoriam illo vrgente, hac non morante, Paris patri interitus, Helena marito probri, vterque vero ſibi mortis, regnis exitij, ſeculis omnibus ſermonis, ex vnico tantum intuitu cauſſam præbuerint.

Ad Alexandrum M. Amazonibus bellum inferentem, regina & dux illarum,
forma

forma iuxta ac virtute præstans, adeundi cognoscendique illius auida, in ripa fluvij cuiusdam venit: vbi ad horæ spacium alter alterum summo cum silentio intuentes, in castra redierunt, ducum ferocia in amantum delicias commutata.

Pyrrhus constans Tarentinorum protector, & Epeirotarū rex inclytus, bella in Italia gerens, Neapolim venit, vbi nec antea, nec postea plus vno die fuisse illum constat. Imperabat tū ciuitati illi Gemellitia, generis nobilitate, formæque præstantia præcellens, cui miseræ & prægnationem & famam in Italia sinistram, & exilium, & post partum etiam mortem, qua fratribus manu affecta fuit, dies ille attulit.

M. Antonium amatorem suum Cleopatra in Bithynia in nemore Sethim conuiuio excepit famoso: quæ licet ipsa non admodum bonæ famæ esset, gynæceum tamen habebat modestissimum. Verum enimvero cum multam in noctem producta esset comessatio, nemusque densissimum foret; ea fuit puellarū in quærendis latebris, & iuventutis Romanæ in detegendis illis solertia, vt cū sexaginta essent senatorū filix, quinquaginta quinque intra spineta illa grauidæ fierēt; quæ res & pessimi ad subditos exempli fuit, & infamiā auxit Cleopatrx, & autoritatē imminuit M. Antonij. Quod de paucis istis dico, idē

*Antonij &
Cleopatrx.*

de alijs possem dicere. Nec viri omnes viri, nec fœminę omnes fœminę sunt; quod propter ea quę dicturus sum, dico; quę mordeant sane eas, quas tetigerint, & intelligantur ab ijs, quę potuerint. Sunt naues quędam adeo leues, vt leuissima impellantur aura: sunt molendina quędam tam agilia, vt minima circumagantur aqua: Ita fœminę quędam sunt adeo fragiles, vt vitri instar digituli talitro frangantur, & tentatę in tenuissimo cœno adhærescant.

*Res tenerri-
ma est pudici-
tia.*

At enim filiam cum patruelibus tantum colloqui, vel cum consobrinis versari permissu tuo Faustina respondebis. Ergo vero hac in parte & matrem decipi, filiam præsentissimo in periculo versario An te fugit à prunę candentis ardo non solum lignum vel viride vel aridum minime tutum esse, verum petras durissimas consumi? An bestias nescis repentimè fame stimulas dentibus, quos edide fœtus laniare? An Deos legum aut omnibus rebus ignoras, præterquam moribus leges dedisse? Nullā enim amantes legem ferunt. At iustum profecto, vt cum fatuis, tanquam mente capitis leges Romanę parcant, amantibus etiā tanquam sensu orbatis, nullas dij pœ inferant.

An tu oblita es, cum in Censura

ex patre filia', ex filio mater, & ex patruo neptis peperisset, condemnatos sententia mea parentes, vt bestiis obijcerentur, liberos, vt viui sepelirentur; infantes, vt in Campo Martio comburerentur. Quæ res adeo fuit horrenda auditu, vt nec oculis *Incestus abominabilis.* aspicere abominandos illos homines sustinuerim, & edicto amplius illorum mentionem fieri vetuerim. Quæ seueritas quemadmodum pauorem viris attulit; ita fœminis Romanis castigationis loco esse debet. Quod si patris igne & filia vstulata, & propinqui infumati, & ipsemet combustus est; putasne flammæ libidinis tam acres sibi temperaturas, quo minus amitinam aut consobrinam, consanguinitatis verecundia reuinctæ, attingant? Si caro nimis contumax rationi pareret, filiæ tuæ cum consanguineis familiaritas tolerari posset. Verum cum in hoc negotio libidini ratio succumbat; filiam ne fratrum quidem fidei committendam censeo. Sane carie in lignis generata ligna absumi, & à tineis in vestimento natis ipsum vestimentum abrodi, experientia magistra discis: Ad eundem modum sæpe intra parietes aliquis cum nutrit, cuius scelere deinde & vita & dignitate spoliatur.

Quicquid hætenus, Faustina, dixi, cōmonefaciendi gratia dixi; cui verba hæc

Ocupatos
amor frē
git.

postrema consilij loco addo: Si & te Faustina curis, & filiam tuam periculis liberare cupis; vt semper aliquid agat prospice. Manibus enim exercitio laudabili occupatis, vacui sunt à vagabundis cogitationibus animi. Singula iuuentutis delicta singulas de vitæ nostræ arce pinnas deiiciunt. At ocium iners quacunque intrat, hostis instar portas vitijs aperit vniuersis. Scire cupis Faustina, vnde ista nascatur hodie in puellis Romanis corruptela; quæ vix in lucem æditæ, de amoribus iam cogitant? Ego, si audire voles dicam. Patrum negligentia, matrumque indulgentia facit, vt laborem miscellæ honestum fugiant, & in honesta amplectantur oblectamenta. Per ocium deses, & supervacaneas cogitationes oculi aberrare, mens perturbari, voluntas deprauari solet. Postremo dum se punctum rentur esse, ad quod solum amantes collineant, communis manent omnium vitiosorum scopus. Sed vt finiam, nihil est, quod in hoc ludo cogitationis pilam fortius repulset, quam manus operi admota.

M. Aurelij sollicitudo in elocandis filiabus.

Marcus Aurelius Imperator, vt ingenio acerrimus, & appetitu moderatissimus; ita & præteritorum obli-

obseruantissimus, & in præsentibus prudentissimus, & de futuris circumspectissimus erat. Itaq; imminere exitiū Principibus perspiciebat, si vel de alienis tantū solliciti, priorū curā abijcerent, vel proprijs tantū intenti, alienorū prorsus obliuiscerentur. Sic animo ad omnia parato excubabat, ut neque grauissima illum Imperij negotia ab obseruandis vel minimis domus suæ rebus auerterent, neque omnes domus suæ res impedimento essent, quo minus vnicū Imperij negotium curaret. Quamobrē cum quatuor haberet M. Aurelius filias, Lucillā, Porsenam, Matrinā & Domitiā; matrē illā potius pulcritudine eximia, quā patrem vitæ honestate prudentiaque referebant: quæ licet foris, à cōspectu patris remotæ educarentur, ex memoria tamē illius nunquā excidebant; Sed quantum anni filiarum, tantum in animo patris curæ crescebant: & simul atque ætatem puellæ nubilē attingebant, iam remedium pater inuenerat.

Erat autem non lex quidem, sed consuetudo laudabilis, ut qui munera gerebant Senatoria, non nisi data ab Imperatore licentia uxores ducerent, utque Imperatoris filiæ arbitrio nuberent Senatus. Cum ergo filiarum vna & ætate & voluntate à nuptijs non aliena esset; M. Aurelius quod animo iam dudum destina-

uerat , perficiendi occasionem nactus, quoniam valetudine erat tenui , Faustina rem cum Senatu communicare iussit. Illa vero summis contra viribus nitebatur, quippe de alio clam agens matrimonio, & hac utebatur in speciem excusatione, & teneræ puellam ætatis esse , & patre deorum beneficio superstite , nunquam defuturam rationibus filiæ prospiciendi occasionem. Quo animaduerso , Imperator uxorem in cubiculū, in quo æger decumbebat, accersitam sic allocutus est:

*Candor de-
cet Princi-
pes.*

Multa in hominibus priuatis ferimus, quorum ne minimum quidem in ijs , qui velut in specula constituti pro omnium excubant salute, toleramus : Nec vnquam promte paretur Principi, qui auctoritate parum apud subditos valet. Hæc eo dico, Faustina, quod ipsa aliud clam agens, aliud palam præ te fers, quod & fidem minuit tantæ Principis, & tanti auctoritatem Imperatoris eleuat. Si vota mea pijssima parum apud te valent ad tuorum salutem liberorum; quid abs te boni ad salutem liberorum alienorum expectabitur? Rectumne tibi videtur ijs filiam , qui à matre illam petunt dari , & quos pater elegit, negari? Vt fœmina quidem veniam mereris; vt mater vero culpam auges. An istarum nuptiarum ducem fortunam, harum prudentiam esse nescis? Qui filias à paren

parentibus petunt, oculos, mihi crede, magis in utilitate propria, quam animos in bono defigunt alieno.

Quondam te audiui dicentem, te quidem filias eniti, Deos vero illas maritare, qui pro dote incredibili illas ornaret pulchritudine. An te fugit pulchritudinem fœminis alienorum cupiditatem, vicinorum suspiciones, potentiorum vim, inferiorum inuidiam, parentum infamiam, & vitæ periculum attrahere? Difficilis est eius rei, quam multi expectant custodia. Pulchritudo certe, ut idem repetam, fœminarum nihil aliud est, quàm vagabundorum illecebra, leuiumque irritamentum; Unde à cupiditatibus alienis fama pendet propria. Equidem Homines leues in optanda coniuge formæ excellentiam vitæ integritati antepondere non nego. Veruntamen Fœminæ, quæ propter formam solam ducitur, nihil aliud quam vitam in senectute insuaue, expectandum affirmo. Ita enim comparatum est, ut cui amorem pulchritudo eximium, eidem odium deformitas acerbissimum conciliet.

Quantas pro Iuppiter, suscipit molestias, cui pulcra nubit! Ferenda est ipsius superbia: pulchritudinis enim comes indiduuus est stultitia. Toleranda profusio: Nam Stultitia in cerebro, & in facie pul-

*Forma in
commoda.*

critudo duo vermes sunt, qui & vitam arrodunt, & fortunas vorant Sustinen-
da iurgia : omnis enim fœmina pulcra sola domi imperare vult. Dissimulanda deli-
tiæ Omnis enim fœmina pulcra vitam in delilijs cupit agere. Patiendi fastus : Nul-
la enim fœmina pulcra priorem quenquã patitur. Patienda est arrogantia : Omnis
enim fœmina pulcra cunctis anteponi vult In summa, Quisquis pulcram ducit,
varijs se præparet infortunijs oportet.

Quætis quamobrem ? Non tam arête mehercule Carthago à Scipionibus ob-
fessa fuit, quam domus pulcræ fœminæ ab hominibus leuibus. Ovium infelicem !
cuius dum quiescit animus, & dormit corpus, adfunt, qui domum circumam-
bulant, qui vitæ insidiantur, qui per fe-
nestras inspeçant, qui parietes transcen-
dunt, qui diætaria scribunt, qui citharas pul-
sant, qui ad fores excubant, qui per
lenas sollicitant, qui tegulas deiiciunt, qui
angulos obsident : quæ omnia in pulcri-
tudinem quidem vxoris, tanquam sco-
pum diriguntur ; mariti vero infelicitis re-
dundant opprobrium. Cuius rei testis
locupletissimus ego sum, cui cum tua nu-
psiisti pulcritudine, & fama, qualis urbem
peruasit, mea.

Multa quidem dico, sed plura, mihi cre-
de, sentio. Nemo de dijs queratur, quod
fatis

fatis ita volentibus vxorem nactus sit deformem. Argentum nitidissimum in pice elaboratur atra : arbor tenerrima cortice nutritur scabro; Deformis coniugis maritus de fama est securus. Equidem vt liberam cuiuslibet optionem relinquo, ita Virum aio, qui pulcram ducit, & famam hastæ & vitam periculo subijcere.

Apud maiores adolescentia armis exercebatur; Hodie iuuentus Romana puellis deseruiendo tempus terit Simulatque pulcritudinis alicuius fama increbuit, certatim ab omnibus extemplo expetitur, dum & puellas demereri iuuenes fatagunt, & ipsæ spectandas se præbere non recusant. Nullam vnquam. Faustina, puellam vidi Romanam forma celebrem, quin probri aut particeps aut saltem suspecta fuerit.

Non multa quidem legi, sed hoc tamen animaduerti, quoties fœminarum forma excellentium, Græcarum, Latinarum, Spartanarum, Ægyptiarû, Romanarum mentio fit, non ob pulcritudinem earum memoriam literarum monumentis esse consecratam, sed propter pericula ipsarum grauissima, & casus, quos ob pulcritudinem ipsarum illo æuo alij perpessi sunt; miserabiles; cum & pulcritudine spectatores allexerint plurimos, & vbique terrarum in summa fuerint infamia.

*Pulcrarum
celebrius
vnde.*

Qua

Qua tempestate Carthagiensium ciuitas, vt opibus potentissima, ita armis infelicissima, philosophorum sapientum consilijs regebatur, & mercatorum impigrorum locupletabatur industria; non minus authoritate apud Pœnos Arminius philosophus, quam apud Græcos Homerus, inter Romanos Cicero, valebat. Ab illo autem tempore, quo lucis vsura ipsum frui dii voluerunt, vsque ad eum diem, quo vitam cum morte commutauit, anni intercefferunt CXXII. de quibus XXC, annos viri illius moderatissimi arbitrio gubernata fuit ætas illa fortunata.

*Vxorem
ducere cur
recusarit.*

Cum autem perinde à mulieribus abhorreret, ac librorum esset studiosissimus; Senatus eum & negotiorum publicorum cura frangi, & oblectamentis naturæ convenientibus destitui videns, vt vxorem duceret, instanter rogauit, vt scilicet viri tam insigniter sapientis memoria ad postereros propagaretur. Verum cum Senatus flagitationibus constantissime refragaretur, Nolo, inquit, vxorem ducere: Si enim deformem duxero, odium; si diuitem, seruitus; si pauperem, impensæ; si pulcram, custodiendæ illius labor me manet: quarum pestium quælibet ad perimendos mille viros satis est. Hac sapiens ille excusatione vsus est; qui tamen nimia

in studijs diligentia, oculorum in senectate hebetata, dulcique librorum sodalicio erepto, molestam coactus est amplecti mulieris societatem, quæ filiam peperit, à qua orti sunt Amilcares Cathaginienses, Scipionum Romanorum æmuli, non minus in defendenda Carthagine strenui, quam nostri in augenda Roma fortunati.

Dices forte Faustina, in filias tuas non cadere eiusmodi suspicionem, quas & virtus sua periculo liberatura & vitæ honestas sit securas redditura. Ego vero arcanum tibi quiddam patefaciam. Nihil est quod pluribus oppugnetur artibus quam mulier tum casta custodia, tum fœmineo pudore cincta: at Tepide expetit, & segniter quæritur, quod adeptu facile est Nihil exploratius quam cōmodum aliorum proprij mali causam esse, an nescis Faustina honestissimam quamq; à nostra potissimum tentari improbitate? Certe ipsarum pudor & continentia tela sunt ad expugnandam integritatem nostram Neque natalium splendorem, neque diuitias, neq; pulchritudinem incitua fuisse legimus, quæ ad Lucretiam illam infelicem quenquam inuitarent; sed potius serenitate vultus, morum gravitate, vitæ sanctimonia, seuera familiæ disciplina, exercitiorum honestate, existi-

*Quis castam
multis quæ
placet esse
putet.*

matione inter ciues & fama inter exteros illustri stimulatam Tarquinius illum stultum, vni illi intulisse. Vnde hoc ori-ri credis? Ego tibi explanabo. Ea est improborum prauitas, vt bono malè vti- mur bonorum; idque non vitio virginum Romanarum: Nam veneranda vitæ ipsarum sanctitas ream apud deos peraget sceleratam nostram prauitatem.

*Filiarum
matrimonia
parentibus
cordi esse
debet.*

Per ætatem nondum idoneam coniugio filiam esse Faustina, ais. An boni patris esse nescis, inde à pueris filios erudire, & filiarum rationibus ab incunabulis prospicere? Etenim si patres iuxta ac matres suo fungerentur officio, simulatque in lucem edita foret filia, arcanum in corde nodum neçtere illos decebat, non antè soluendum, quàm maritum filiæ conciliaf- sent. Dum enim patres auari dotare filias recusant, & matres ambitiosæ opulenti- ores expetunt nuptias, & alter hoc, alte- ra illud cøussantur; tempus elabitur, & in- terim filiæ senescunt; atque ita vt nubât, natu grandiusculæ; vt solæ habitent, ni- mis puellæ; vt seruiant, non ita assuefactæ sunt; Vnde vitam & ipsæ insuauem, & parens anxiam, & propinqui, ne fortè a- liquam concipiant maculam verentes, so- llicitam agunt. Quot Virgines, clarissi- morum Senatorum filias, non quod ob rei familiaris angustias dote carerent, aut

parum

Ep
parum vtr
negligenti
pentina m
redactas e
dum illi
obliuion

Menti
bi de ma
legisse n
pater ne
canda in
tutis fifi
aquis c
sanguir
hæreda
discrit
legis v
sus fil
filios
dum
vnic
dom
C
& a
ner
ne
qu
H
m
fe

parum virtute præstarent; sed ob solam negligentiam & procrastinationem, repentina morte parentibus orbatas, eò vidi redactas esse, vt nihil ipsis esset desertius, dum illi quidem extincti terra, hæ vero obliuione fuerunt sepultæ.

Mentiar, si me in legibus Rhodiorum, vbi de maritandis liberis agitur, hæc verba legisse negem: De maritandis decem filijs pater ne vnum quidem diem, at de collocanda in matrimonium vnica spectatæ virtutis filia, vel decennium laborato; vel si aquis oretenus immergi, guttas sudare sanguineas, humi reptare pectore, filios exhæredare, opes amittere, salutis denique discrimen adire ipsum necesse sit. Huius legis verba vt in filias mitissima, ita aduersus filios minime aspera sunt. Decem enim filios ipsa virorum conditio ad lustrandum terrarum orbem deuincit; at filiam vnicam ipsa honestatis lex ne vna quidem domo exire patitur.

Lex Rhodiorum de maritandis liberis.

Quid dicam, quod cum omnia caduca, & ad ruinam prona sint, id peculiariter teneræ ætatis virginibus accidit; quibus omne tempus vsque ad nuptiarum diem tantum quam superuacuum & inutile perit? Homerus heroinas Græcas ait solitas numerare annos vitæ, non ab eo quo natæ essent, sed ab eo quo nupsissent, die. Itaq; interrogata

rogata fœmina Græca, quot annos haberet, viginti respondebat, si tot anni post nuptias exierant, non XL. si tot anni postquam nata erat, elapsi essent; confirmans scilicet, ex quo domui regendæ & administrandæ præesse cœpisset, ex eo vitam se exorsam esse. Pepon postquam in cucumerario maturuit, aut decerpitur aut furto surripitur; Sic Virgo, quæ diu viuit innupta, aut raptus aut infamiæ periculum vix effugit. Finem faciam, vbi hoc addidero, quod sicut vineæ, simul atque vux maturescunt, mox custos & tugurio-lam additur; sic virgo

Iam matura viro, iam plenis nubilis annis
marito & custode indiget; quem illi qui conciliat pater, & domum periculo liberat, & animum suum cura leuat, &
 & rem facit filiæ gratissimam.

Antonij

DE GVEVARA

EPISTOLA:

De

Matrimonialium sacrorum ritibus.



B omnibus, qui vnquam fuere,
populis, & in omnibus mundi
regnis semper & approbatum
& receptum fuit coniugium,
cum absque eo neque hominum frequen-
tia mundus celebrari, neque gens huma-
na propagari possi. Ac sane circa appro-
bationem, commendationem & accepta-
tionem coniugij nulla fuit vllius seculi
cum altero discrepantia. In ceremonijs
vero formaque contrahendi matrimo-
nij magna fuit inter prisci æui homines
diuersitas. Non minore enim illi in con-
trahendis coniugijs varietate, quam in
liguriendis hodie edulijs lucrones, vte-
bantur.

Matrimo-
nium omniū
populorum &
civiliū
consensu
probatum.

Plato diuinus in libris de Republica
docebat ac suadebat, vt non tantum ani-
mantes ac possessiones, sed etiam mulie-
res essent communes. Duobus enim his
verbis, hoc est meum, hoc est tuum, e me-
dio sublatis, nullas fore in mundo con-

Yy

tentio.

tentiones affirmabat. Plato ob ea quæ clare dixit plurima, diuinus autor dicitur, Sed humanus optimo iure dicendus est, qui præceptum tam profanum dedit. Quid enim absurdius dici, quid à ratione alienius cogitari potest, vestes quidem proprias, vxores vero communes esse? Bruta non diutius fetus suos agnoscunt, quam donec vberibus illos nutriant. Idem vel etiam peius aliquid inter homines euenturum esset si mulieres essent in ciuitate communes. Vt enim matrem, ex qua natus esset aliquis, agnosceret, patrem certe, à quo procreatus esset, ignoraret.

Tarentum vrbs apud veteres clarissima, & non vulgaris Romanorum terror fuit. Eius incolæ in more habebant, vt iustam quærendorum liberorum gratia ducerent vxorem; sed præter eam duas voluptatis gratiæ pellices eligere licitum erat.

Spartianus Ælium Verum Imperatorem in re vxoria maxima libertate vel potius licentia fuisse usum refert, eumque vxori, quæ & ætate & forma pollebat, de extraneis conquerenti voluptatibus dixisse narrat; Non est quod de me queraris vxor: Tua quippe vt tor consuetudine, quoad ex me concipias: reliquo tempore per alias exercere cupiditates suas viris licet. Vxor enim dignitatis nomen est, non voluptatis: Alioqui sarcina est molestiæ tædijq;

dijque plena. Quod huic Imperatori Romano, idem Ptolemæo regi Ægyptiorum accidit, qui ut vberem reginæ coniugi quærimoniarum materiam præbebat; ita pellici abunde satisfaciebat.

Cum autem Græci omnes sapientes sint *Athenæ omnium doctissimumque m-*
habiti, tum præter ceteros Athenienses *ventricet:*
sapientiæ laude excelluerunt. Erant enim Athenæ tum sapientum, qui rempublicam gubernabant, tum philosophorum, qui scientias profitebatur, domicilium. Illi ergo sapientes Atheniensem statuerunt, ut singulis ciuibus duas habere iustas vxores fas esset, graui constituta pœna, si quis concubinas haberet. Si enim viri vxores sectarentur alienas, male viuendi aniam vxoribus præberi dicebant: qua in lege ferenda illud, quemadmodum in politicis Plutarchus ait, spectarunt Græci, quod absque vxoris consuetudine viuere vir nec possit nec debeat, ideoque duas voluere duci, ut si morbo vel puerperio detineatur altera, domi esset, quæ lectum occuparet, mensamque curaret. Sed hoc etiam spectarunt Athenienses legem illam ferentes, ut si altera sterilis aut effœta esset, vrbi ciues altera pareret; quod si usu veniret, eaquæ pariebat, pro domina, quæ non pariebat, ancillæ instar habebatur.

Ea lex cum ferretur, iam Socrates in matrimonio Xanthippen habebat, qui ut

legi pareret, alteram quoque ducere coactus fuit, nomine Myrto, Aristidis filiam; quæ cum subinde zelotypia quadam in contentionem ambæ venirent, ita vt molesta vicinis ipfarum eſſent iurgia: Socrates, Cum me, inquit, & oculis ſtrabonem, & repandis cruribus, & capillis criſpis, & ſtatura puſillum, & recalua fronte, & pilofis manibus & barba cana, (& ſimis naribus) eſſe videatis; cur vos, quæ pulcræ eſtis, propter me, quem adeo deformem natura finxit, iurgia, contentionesque exercetis? Quæ verba à Socrate ioco dicta tantum effecere, vt ſeriæ definirent rixæ.

*Lacedæmonie
pluribus nubunt.*

Lacedæmonij qui in pacis bellicque negotijs contrarij ſemper Athenienſibus fuere, pro lege habebant, non vt duas vir vxores duceret, ſed vt duobus fœmina viris nuberet, hanc prætexentes cauſam, vt altero in militiam profecto, domi alter maneret. Nulla enim ratione ferendum in ciuitate dicebant, vt fœmina ſola domi viueret.

Plinius ad Quadratum, & D. Hieronymus ad Ruſticum monachum ſcribēs, autor eſt Athenienſibus legitimum fuiſſe, vt fratri ſoror nuberet; vt autem patruus neptem duceret non licuiſſe, quod dicerent, ſi fratri ſoror nuberet, inter æquales matrimonium contrahi; ſin patruus nep-

ti commisceretur, perinde esse ac si patri filia nuberet. Militiada, viti inter Græcos clarissimi filius Cimon in matrimonio habuit sororem germanam suam Elpini-
cen; qui interrogatus, cur sororem duce-
ret; Mea, inquit, soror & pulcra, & pru-
dens, & diues, & genere mihi æqualis, & à
communi patre meæ fidei concredita est.
Cum ergo parentum preces pro manda-
tis esse filijs debeant; optimum factu pu-
taui, si quam natura mihi pro sorore de-
derat, ultro vxorem ducerem.

A Egyptios Diodorus Siculus ait, an-
tequam leges accepissent, singulos plures
pro voluntate & facultatum modo du-
xisse, seruata vtrunque libertate, vt à viro
vxor, vbi visum esset, discederet, & vir v-
xorem minus placentem repudiaret fieri
enim non posse dicebant, vt multos simul
annos vir & vxor citra crebras grauissi-
masque viuerent offensiones. Addit au-
tem ibidem Diodorus Siculus peculiare
quiddam, quod neque in libris vnquam
alijs legi, neque de veteribus audiui, nul-
lum scilicet apud Aegyptios discrimen
fuisse liberorum, sed promiscue pro legi-
timis habitos, etiam qui è serua emta es-
sent suscepti. Solum enim patrem existi-
mabant generis aurorem matrem & nu-
trimentum & locum infanti præbere: i-
deoque filios qui nascerentur, carnem

Polygamia

Aegyptiorum

solummodo matribus debere, honorem vero & dignitatem hæreditate paterna adipisci.

Iulius Cæsar in commentarijs Britannæ, quæ nunc Ang'ia dicitur, incolas in more habuisse refert, vt vna fœmina quinque viris nuberet, cuiusmodi fœditas de nulla gente in historijs priscis legitur. Si enim vni viro plures vxores esse turpe; annon vni fœminæ multos viros esse flagitiosum ac probrosum esset?

Fœminas nobiles & virtute præstantes propter duas cauſſas nubere decet; primum, vt liberos ex benedictione diuina nanciscantur, facultatum & nominis hæredes; deinde vt cum maritis consociatæ honoratæque in sua singulæ domo viuant. Alioquin iam nunc dico & affirmo, Fœminam vno viro non contentam, nec vniuersis eiusdem vici contentam fore.

*Finis canin
gij duplex.*

Plutarchus in apophthegmatis Cimbroſ solitos ait filias ex se genitas ducere, quam consuetudinem Marius Consul, postquam de illis in Germania victis triumphum Romæ egerat, sustulit. Filius enim tali matrimonio natus eiusdem patris & filius & nepos, eiusdem matris & filius & frater; eiusdem fratris amitinus, & nepos & frater erat: quæ consuetudo feris potius syluestribus, quam hominibus ratione præditiſ congruit. Multæ enim aut pleræque beſtiarum,

stiarum, quos superiore anno pro filiis habuerunt, hoc anno pro viris admittunt.

Strabo de situ orbis, & Seneca in Epistolis dicunt, Lydis & Armenijs morem fuisse, ut filias in portus & ad littora maris mitterent, ut idotes corporis iniuria à peregrinis contraherent, honesta nimirum tam honesto vinculo coniugia iuncturæ!

Romani ut in ceteris sapientes & moderati fuerunt, sic in matrimonijs iungendis præcellerunt. Habuerunt enim & legem antiquissimam & consuetudinem vñtatissimam, ut civium quisque vñcam duceret uxorem. Vnde quemadmodum inter Christianos peccatum mortale est digamia; sic apud Romanos eadem probrum erat & infamia.

Inter disertos ac graues Romanorum oratores fuit Metellus Numidicus, qui cum in Senatu sententiam quodam die diceret, ita locutus fertur; Diu multumque cogitavi, P. C. quidnam consilij vobis in negotio matrimoniorum darem. Nam Consilij subiti & repentini non semper felix est exitus. Neque ut uxores ducatis suadeo; neque ut nullas ducatis, vobis autor sum. Nam si sine uxore possemus esse; omnes ea molestia careremus. Sed quid faciemus? Quirites? quoniam Tales natura nos fecit, ut & habere coniuges periculosissimum, & viuere sine ijs laborissimum sit:

Ausim ego dicere, si meo locus esset confisio, non male consultum iri, ut voluptati, quippe momentaneæ, resistatur, neque vxor, ut onus perpetuum, capiatur. Hæc Metelli Numidici verba non admodum grata Patribus fuerunt, qui maluissent, quæ de incommodis rei vxoriæ dixit, silentio fuisse ab illo præterita, cum verum sit nullum omnium vitæ genus elegi posse, in quo suas fortuna vices non exerceat.

*Varii varia-
rum gentium
ritus.*

Iam vero cum magna veteres in coniugijs iungendis diuersitate vsi sint, non minorcm illos varietatem vanitatemque in iisdem auspicandis vsurpasse obseruandum est. Bocarius Florentinus libro quem de nuptijs antiquorum scripsit, multos exponit diversosque ritus, quibus in contrahendis prisca nuptijs utebantur. quorum nonnullos non approbandi vel admittendi, sed condemnandi & deridendi gratia referam. Non Aliam enim ob causam scriptores peccata ab alijs commissa literis mandarunt, quam ut tanto pulcrius veritas, quam alij amplexi sunt, elucescat.

Cimbri in more habebant, ut ipso nuptiarum die, postquam inter propinquos de matrimonio iam conuenerat, sponsus ungues sibi demeret, sponsæque præsemina mitteret, & vicissim sponsa unguum sibi demtorum præsemina sponso mitte-

mitteret; quæ si vtrunque accepissent, mox pro iustis coniugibus habebantur, & vitæ porro simul agebant conjugalem.

Teutonum ritu sponsus sponsæ, & sponsa sponsi caput radabat, quod simul atque mutuo vterque consensu fecissent, nuptias celebrabant.

Armenij lex fuit, ut dextram sponsus aurem sponsæ, ipsa vero sponsi aurem sinistram rumperet, quo facto & ipsa illius se coniugem, & ille huius se maritum testabatur.

Elamitis solenne fuit ut sponsæ digitum annularem sponsus pingeret, & sanguinem inde manantem sugeret & ipsa idem digitum sponsi annularem pingeret; & simul atque sanguinem & digitis alter alterius libassent, vitam agebant conjugalem.

Numidæ; ro more habuerunt, ut sponsus in terram expueret, idemque sponsa faceret, lutoque ex ambotum sputis temperato. mox sponsus sponsæ, & ipsa sponsi frontem collineret; ita contracti iam coniugij signum erat luum alterutrinque illitum.

Daci nuptias celebraturi certum in locum sponsum sponsamque deuehebant, quo cum conuenissent, sponsus novum sponsæ, quod libuerat, itaque sponsa sponso nomen imponebat, quæ non i-

num impositio cum ab utroque rata habebatur, signum erat contracti coniugij.

Apud Pannonas nuptiali die deum sponsus familiarem sponsæ ex argento factum, quos Lares vocabant, qui erant dii domestici, itemque sponso deum sponsæ argenteum mittebat, & postquam alterius deum alter acceperat, iam coniuges erant.

Thracæ in contrahendo matrimonio more utebantur plane barbaro. Sponsa enim ferramento subtilissimo candente quendam fronti sponsi characterem inurebat, & sponsus vicissim in fronte sponsæ ferro candente characterem imprimebat; quibus cauterijs notati coniuges habebantur.

Sicyoniorum lex nuptialis erat, ut sponsus sponsæ, & vicissim sponsa sponso calceum mitteret; quod si alter alterius accepisset calceum, signum erat contracti matrimonij.

Tarentini in more habebant, ut nupturi mensæ accumberent, & sponsus sponsæ, & sponsa vicissim sponsi tantum manu ingesta comederet. Quod si per incuriam alter eorum propria manu cibum in os ingereret, nec firmum nec ratum erat coniugium.

Scythi lex erat, ut quemadmodum nostro ævo matrimoniū inituri manus dant & acci-

accipiunt: ita pedibus sponsus sponse pedes, genua genibus, manus manibus, cubitis cubitos, capite caput tangeret; & tandem postquā inter se complexi erant, satis confirmatum habebatur matrimonium.

*Persequitur amoris coniugalīs vim
& finem.*

QUicunque in vita arduum quippiam consequi cupiunt, varias adipiscendi illius rationes inuestigant & excogitant. Multa enim solertia obtinentur, in quibus violentia frustra sit. Cum ergo religio Christiana matrimonium inter viros fœminasque sanguine cōiunctos non ferat, & ne de sexuum diuersitate dicam, quorum alter validus, alter imbecillus est, sēpe eueniat, vt maritus & vxor non minus ingenio naturaque inter se dissideant, quam genere & sanguine differunt: Consilium necessarium iuxta ac salutare fœminis Principibus & illustribus, imo ceteris etiam plebeijs dederim, vt quoniam maritos & ipsas vnā esse, dormire, conuersari, negotiari, loqui, viuere denique & mori necesse est; in hoc curas cogitationesque omnes conferant, vt mores illorum ferre assuescant. Nā vt verum dicam vxoris est mariti ingenium in vniuersum sequi; mariti vero vxoris ingenium, in nonnullis tolerare. Ita modo
hac

hac morositatem illius patienter ferente, modo illo huius importunitatem prudenter dissimulante, futurum est, vt tam concinnum & concordem seruent vitæ concentum & consensum, vt ipsorum vita & prosperitate in republica gaudeant vniuersi. Coniugum enim tumultuosorum, inquietorum & rixosorum mortem tantum abesse vt vicini desleant, vt ea nunciata euangelica mutuo petant.

*Imperium
domestici
mariti de-
betur.*

Quantumui, sit maritus in sumtu tenax, & bellu in diuiliis, ingenio durus, genere obscurus, sermone præceps, in aduersis timidos, in prosperis incautus; tamē cum maritu sit quo minus domi suæ solus imperet, prohibere non possumus. Quāobrem saluari iam consilio sunt instruendæ vxores, quo commodius graue & diuturnum onus sustinere possint. Nullum enim inuenias hodie virum tanta morum nobilitate & amabilitate conspicuum, vt nullum vxor in ipso næuum reperiatur.

Primum opera dan da vxoribus, vt serio maritos ament. atque ita se gerant, ne simulate ab illis amentur. Teste enim experientia, rarissime matrimonij vinculum vel ob paupertatem infirmum, vel ob diuitias ratum perpetuumque est Sed male coniugatos hebdomadis spacio distrahit odium; alios amor ad tumultum vsque

vsque conglutinar Carnibus siccis & insipidis vt vescare, embammare opus est vt onera coniugij, quæ & multa, & molesta, & diuturna sunt, tolerabilia reddantur, solus amor prællare potest. Vt enim Plato diuinus dicebat, Non decet quicquam altero laboriosius dici ratione contentionis adhibita, sed ratione amoris, quod id cōficimus vel feruidi vel tepidi. Quantum enim asperum & difficile sit negotium aliquod græue, si amore duce inchoatur, & progressum facilem, & exitum felicem habet. Iucundissimus enim est labor, in quo amor conciliatura in exercet.

Agnosco sane & sponte fateor, confilium esse insuaue, quo vxores insynuo, vt M. vltimus
 nimirum vxor virtute præstans maritum eius vlt.
 vitijs deditum, honesta dissolutum, prup in vxor
 dens rudem, sapiens stolidum amet Quo- p oba uiliu)
 tidiana enim experientia docet nonnullos viros tam abiecto ingenio, & nonnullas fœminas tam laudatæ esse conuersationis, vt optimo iure ipsas imperare potius viris, quam illorum imperium ferre deceat. Sed hoc licet in casibus cuiusdam certis verum esse demus; in vniversum tamen vxores ad amandos maritos deuinctas esse aio atque affirmo; quippe quibus spontaneæ non cōfectæ nupterrunt. In huiusmodi enim calamitate, Si nimirum

rum vxori coniugium parum ex sententia cedat, non tam de marito, à quo petita est, quam de seipsa, quæ petitioni locum dedit, conquerendi causam habet. Infortunia quippe, quæ nostra nobis eueniunt incuria, si iure deploranda, non minus iure dissimulanda sunt.

Quantumuis truculento & implacabili vir sit ingenio, fieri non potest, quin vxorem, si ab illa ametur, amet: Qui si forte ingenij prauitate, vt ipsum amet, inducere in animum nequeat; at causam saltem, ipsam odio persequendi, non habebit; quod quidem haud parui, sed magni potius æstimandum est. Multas enim inuenias tum ex plebeijs, tum ex nobilibus fœminas, quæ æquo animo delicijs, in quibus habendæ, & amore quo prosequendæ matris erant, carerent, dummodo verbis illi contumeliosis abstinerent & manus interdum violentas continerent.

Amoris coniugalis exempla.

Plurima fœminarum nobilium exempla, notatu dignissima historiæ suppeditant, Græcarum iuxta ac Romanarum, quæ inito semel matrimonio, tantam viris fidem constantiamque præstiterunt, vt non solum laborum comites fuerint, sed ex præsentissimis etiam periculis illos liberauerint.

Plutarchus in libro de fœminis illustribus

bus refert, cum Lacedæmonij Minyas, illustres sanguinis viros, hostes suos acerri-
mos, capite damnaſſent, coniuges eorum
publicam custodiam, ubi inclusi capitali
ſeruabantur ſupplicio, intrare decreuiſſe,
tandemque impetraſſe à custodibus adi-
tum, velut allocuturas perituros viros,
cum & lacrymas effudiſſent plurimas, &
dona custodibus non pauciora obtuliſ-
ſent; Ingreſſas autem carcerem mulieres
cum maritis ſingulas ſuis, non modo ve-
ſtimenta, verum etiam libertatem permu-
taſſe, vt illi quidem veſtitu velati muliebri
abirent, ipſæ vero veſtes indutæ viriles in
carcere manerent. Cum autem innoxie
ducerentur ad ſupplicium mulieres ab
ijs, qui viros ſe damnatos rebantur duce-
re, non ſolum ignouiſſe illis Spartanos,
ſed præmia quoque & honores decreuiſ-
ſe, non aliam ob cauſſam, quam vt exem-
plum relinqueretur laudabile probisque
imitandum coniugibus.

Vetuliſſima & nobiliſſima Panthea,
renunciata mariti in prælio occiſi morte,
ipſamet quæſitum eum abiit, cum non-
dum exſpiſſaſſe ſperans; quem cum inue-
niſſet mortuum; illius ſanguine corpus
faciemque ſuam lauit, & acinace pectus
feriens, virumque amplexa animam exha-
lauit, atque ita eidem ambo tumulo fue-
runt illati.

Diodo-

Diodorus Siculus autor est, Indorum
fœminas cum more patrio plures singu-
lis nuptæ essent, mortuo marito, in certa-
men iudiciumque venire solitas, quam
plurimum ille dil xisset, & victricem
(gaudio exultantem) vna cum viro in ro-
gum impositam fuisse Ita nimirum tunc
mulieres illæ de morte. vt de vita hodie
viri, ce tabant. Hæc de Connubialium
sacrorum ritibus, quorum conclusio est,
Felicia esse inter pares con-
iugia.

F I N I S.



INDEX RERVM PRÆ- CIPVARVM QVÆ IN HOC opere continentur.

A.

- A**braham & Ezechiel cur
proni, & cur Heli &
Iudæi, ad Chusum ca-
piendum egressi sumini in
terram prociderint. pag. 216
- Acrior est cum viuis quàm cum
hoste contentio. 546
- Acri oburgatio 579
- Adolescentes inconsulti & te-
merarii 277
- Ædes contagiosæ 161
- Ægyptiorum ritus. 709. super-
stitiones 342
- Ætas alia, alios mores postulat
119. 419. 589.
- Ætas matrimonialis quæ. 276
- Ætas peccata aggrauat. 553
- Ætatis male actæ tristis recor-
datio. 490
- Æui nostri perueritas 325
- Alphonsus primus Rex Hispa-
niæ. 273. & eius gesta & pic-
tas. ibid.
- Amalechita suis verbis se iugu-
lat. 538
- Amandum sed quid videndum.
408. amantis propria. 194.
- Amanti seria negotia non cõ-
mendanda. 144
- Amici fures temporum. 163.
- Amici officium. 148. 194 256.
- Amicus optimum vitæ condi-
mentum. 148 amicus bonus
thesaurus inestimabilis. 613.
amici quales esse debeant. 624
amicus solatium quod sit. 395.
amicus quali quærendus &
verus quis sit. 399. 473. 477
amicus pluri est quam co-
gnatus. 355. amicis quæ pre-
canda. 346. amici iactura
magna. 329
- Amicus quibus & quot modis
iuuetur. 335.
- Amicitia commoda. 114. ami-
citia vera & perfecta quæ.
114. amicitia indicia, & qua-
lis esse debeat. 632. 328
- Amicitia, & virtutis est, bene-
ficia sibi mutuo conferre. 599
- Amor mundi mors. 410. amor
patriæ magnus. 334. a-
mor paratur obsequio. 363.
amor auro conciliatur. 393
amor quæ requirat & quid
sit. 404. amor inter æqua-
les optimus. 236. amor seni-
lis, turpis. 235. 493. 495. amo-
ris veri vis. 153. 397. 402. 408
amoris vincula tenacia. 234
amoris fœdus. 662. amoris
indicia & qualitates. 402.
natura 688 amoris illiciti in
commoda 420. amoris re-
medium 238. tã amor quam

Z z idium

I N D E X

| | |
|---|--|
| odium in cordis penetrabili bus custodienda. 394. a moris Paridis & Helenæ a- mantium & aliorum exempla 690 | Auarus quis dicatur 185. 253 |
| amoris coniugalis exempla 718 amoris coniugalis vis, & finis. 715. amorem quæ soluant 360 | Auarorum conditiones 625 |
| Amari marito satius, quam merui 297 | Auarorum lucrum certissimū 630 |
| Amant multi, sed non ducūt 399 | Auaritiæ detestatio 611 |
| Androdus Dacus seruus in- troductus ad pugnam besti- arum 144 | Auaritiæ quæ mala adferat 520 |
| Animus generosus & verecun- dus quis 470 | Auaritiæ Idolorū quomodo sit seruitus 521 |
| Animum magnum quæ co- mitentur 324 | Auaritiæ reprehensio & pro- prietatum explicatio, & A- uaritiæ exempla 518 |
| Animus moderatus & sedatus summum viri decus 580 | Auaris grauior iactura meritiū quam animarum 621 |
| Animus anguste habitans fa- cile erumpit 369 | Aula quibus apta 95 |
| Annus climactericus 205 | Aula ciuiles facit 345 |
| Anni Lunares qui sunt 59 | Aulicæ elegantiae caput 465 |
| Aristonicus eloquentiam suā factis dehonestauit & infā- miam sibi maximam con- cilauit 583 | Aulicæ vitæ miseria 226 |
| Arrogantia Iul. Cæsarem per- didit 120 | Aulici morbi 102 |
| Ars amatoria reliquis difficili- or 236 | Aulæ vana omnium 246 |
| Astutia mulieris omnia vin- cit 300 | Aulæ variatio 166 |
| Athenæ omnium doctrinarū inuentrix 707 | Aula plus perditur quam con- sumitur 14 |
| | Aures a calumnia auertendæ. 537 |

B.

| |
|---|
| B abylonica turris ædificatio res lingua ab isī 536 |
| Belli tempore scribere pericu- losum 256 |
| Bella Christianorum periculo- sa 105 |
| Bellorum genera quinque, eo- rum explicatio, & quis pri- mus belli auctor 444 |
| Bellum periculosissimū quod sit 447 |
| Beneficia |

I N D E X

| | | | |
|---------------------------------------|-----|---|-----|
| Beneficia Dei gratuita | 167 | Christi iugum suauē | 152 |
| Bilis a scriptione absit | 213 | Christus in iugo perferendo | |
| Blanditur sibi quisque | 443 | locum nobis addat | 154 |
| Blasphemia Regis Sennacherib | 534 | Christus omnia, quæ nos, peccato excepto expertus | 114 |
| Boni non omnes ob bonum p. | | Christus pro crucifixoribus orat | 532 |
| 190 | | | |
| Bonorum fortunæ facilis iactura | 230 | Christianus quis & vnde dignoscatur | 14 |
| Bonos persequentium, pœna acerbissima | 133 | Cito quod fit cito perit | 279 |
| Bona coniugij | 298 | Ciborum vis deteretor, quam olim | 54 |
| Breuitatis in scribendo laus | | Comitas amorem patit | 179 |
| 66. | | Commodum nullum sine incommodo | 286 |
| | | Confabulatio cibo suauior. p. | |
| | | 249 | |
| C | | Concionatorum munus | 472 |
| Cain peccatum lingua commissum | 531 | Coniugij duplex finis | 710 |
| Calamitates quomodo ferendæ | 229 | Coniugijs iungendis veterum ritus | 712 |
| Calix iræ quid sit | 223 | Coniugium qui auerſentur. | |
| Calicem iræ qui ad faciem ex hauriunt | 224 | 401 | |
| Calix duplex | 221 | Coniugij fidem violare quam periculosum maritis | 412 |
| Calix Christi quid sit | 221 | Consalui Fernandes cordubensis laus & res gestæ | 116 |
| Calix Christi transit ad Ecclesiam | 221 | Conscientia hondij præferenda | 321 |
| Calumniatur & qui aures præbet | 163 | Cōsiderandum non tam quid quam quomodo dicatur. | |
| Calumniæ quorundam | 163 | 411 | |
| Campanarum sonus quid significet | 349 | Consilium & auxilium interſe diuerſa | 228 |
| Candor decet principes | 696 | Consilium à quo petendum | |
| Canicularum incōmoda | 429 | 266. 494 | |
| Castitatis cohortatio | 670 | Consilia secreto habenda | 168 |
| Censorum munus | 174 | | |

I N D E X

| | | |
|---------------------------------|--------------------------------|--|
| ad Consilium qui adhibendi | Deus cur votis statim non an- | |
| pag. | 108 | nuat 131 |
| Consilium è renata | p. 109 | Deus non facta, sed fontem |
| Consilium mature dandum. | spectat | 257 |
| pag. | 265 | Deus omnia iuste facit 130 |
| Consilia euentu æstimantur. | 43 | Dei ad ignoscendum facilitas |
| Consuetudo expelli non potest | 553 | |
| pag. | 390 | Deus solus verus paranym- |
| Contentio virum grauem non | phus | 401 |
| debet | 31 | Deus rogandus, & cur 27 |
| Contritionis & poenitentia vis, | Deo seruire, facilius, quam | |
| eiusque exempla | 338 | — mundo 248 |
| Contumelia quilibet impari | Deus idem omnibus | 476 |
| ens | 181 | Deus pro omnibus nil nisi gra- |
| Contumelia obliuio tutior | tum poscit animum | 12 |
| quam ultio. | 6 | Deus cur bonos affligi permit- |
| Conuersari cum quibus mole- | tat | 514 |
| stum | 329 | Deus hominum fastum tentat |
| Conuiciari quorum sit | 181 | tionibus retundit 13. |
| Cornelia gens apud Romanos | Deus, deserentes se, deserit | |
| foelicitissima | 676 | 347. 547 |
| Cratetis auarorum collatio. | Deus quibus peccatis grauissi- | |
| pag. | 624 | me offendatur. 459 |
| Crudelitas Deo hominibusq; | Deus quos amat castigat | 347 |
| inuisa | 6 | Dei beneficia grata manu ac- |
| Culpam priuatam publica res | cipienda | 1 |
| saepe luit | 44 | Dies quales olim fuerint, à no- |
| | | stris diuersi 60 |
| D. | Dies critici | 204 |
| D | Auidis perfectio 540 | eius Dissensiones & odia Magistra- |
| | præstantia 544. | adulte tuum, extinguenda 170 |
| | rium 546 | Homicid. ubi. Diues Epulo in quo potissimū |
| Delictis atrocibus atroces pec- | — peccarit | 548 |
| nae | 176 | Doctrina & Nobilitas coniun- |
| Deo recte fidit, qui mundo nō | genda | 344 |
| fidit | 339 | Dolor non eiiciendus, sed me- |
| Deus nostri curam gerit | 140 | derandus 351 |

Dome

I N D E X

Domesticus talis qualis Domi- Familiaritas nimia noxia 171
nus 165 Fama potius quam aia hone-
flum cōiug um caular. 406

E.

Educationem malam quæ Ferientia animi grauiora
sequantur 389 sunt quam quæ corpus 247

Educatio filiorum bona, patrie Fidendum, sed cui videndum
salus 679 pag. 305

Eduia Imperatricis 250 Filia quomodo habenda 67

Eleemolyua quæ sit Deo acce- Filiarum matrimonia parenti-
ptior 170 bis cordi esse deet 712

Emerius referenda gratia 169 Fœderatis priscæ prædicatione.

Epistolæ ad amicum effectus pag. 612
pag. 136 Fœmininum genus quæ dece-

Epistolam scribere quid indu- ant 288
cat 125 Fœminis quæ fugienda 298

Epistolam accipiens ad respō- Formæ gratia fluxa 285
dendum obligatur 124 Formæ speciolæ incommo-

Epistola negligenter scripta o- da 698
diofa 123 Fortis non nisi à se ipso vincit

Epitaphiorum formulæ 376 tur 40

Equitem quæ deceant & mili- Fortunæ euentus non temere
tis boni officia 322 dijudicandus 304

Error iuuenum est, prudentia Fortuna non lacessenda 117
senum 502 Fortuna magna, magna serui

Exilij fructus 336 tus 606

Existimationis iactura maior, Fortunæ varias 648
quam diuitiarum 614 Fortuna belli variabilis 118

Expeditiones aulicæ quales 101 Fronti nulla fides 116

Expeditionem cogitans quo- Fures olim qui habebantur 326
opus habeat 116 Fuluæ luctus ob mortem ma-

Exulantis consolatio 334 riti historia 669

F

G.

Factis, non ex verbis, homo G^rerosum est non accipe-
iudicandus 135 re, sed dare. 169

Febricitantis consolatio 227 Gentiles, & sua loca sacra quæ

INDEX.

| | | | |
|----------------------------------|-----|--------------------------------|-----|
| visitarunt habuerunt | 94 | Homini nihil utilius quam ip- | |
| Gothorum de Hispanis vi- | | se sibi | 353 |
| ctoria | 27 | Homines breues ad iracundiā | |
| Gothorum conuersio ad fidem | | faciles | 83 |
| Catholicam | 272 | Homines perpetuitatis audi. | |
| Gratia pro dote saepe specta- | | | 604 |
| tur | 400 | Honoratissimi olim qui fue- | |
| Gratitudo Deo grata | 167 | runt | 323 |
| Graue est viris magnis, opis pe- | | Honor honorantis | 179 |
| tendæ causa alienas fores | | Honor mulieris facilius lædi- | |
| pulsare | 168 | tur quam viri | 289 |
| Grauitas tam in verbis quam | | Honor domus à sola muliere | |
| in factis ostendenda | 356 | dependet, & quis ille honor | |
| Gubernator qualis esse debeat | 290 | | |
| 241 | | Hostes pessimi, domestici. pa. | |
| Gubernandi ars, vbi discatur. | 391 | | |
| 133 | | Humani nihil ab homine ali- | |
| ad Gubernationem qui apti, & | | enum | 405 |
| qui inepti | 172 | Humilitatis præstantia | 564 |
| Guerariorum stirps & origo. | | Humilitas quid præstet | 136 |
| 78 | | Humilitas, gemma in annulo | |
| | | virginitatis | 313 |

H.

I.

| | | | |
|-----------------------------|-----|----------------------------------|--------|
| H æroum filij noxæ | 592 | I ani festum Romani cele- | |
| Hierosolyma Calicē Dei | | brarunt | 673 |
| ad fæces vitæ exhaustiens | | Imperatores qui olim dicti | 11 |
| quid sit | 224 | Imperium administrans quo | |
| Hispania Roderico Rege cæso | | habeat opus | 191 |
| Mauris cæssit | 271 | Inane verborum solatium | 208 |
| Hispaniæ reges quo tempore, | | Incestus abominabilis | 693 |
| & quam ob causam Catho- | | Indigno supplicare nihil indi- | |
| lici dici coeperunt | 267 | gnus | 328 |
| Hominum cæcitas | 648 | Indorum longæuitas | 55. 56 |
| Homo miseris subiectus | 210 | Infantes curæ parentibus | |
| Homo calamitosus equus Se- | | & nonnunquam matribus | |
| ianus | 169 | similis | |

I N D E X

| | | | |
|----------------------------------|-------|--------------------------------|---------|
| similiores nascantur | 65.70 | ibid. | |
| Infelix felicitas semper esse | | Ira remedium | 149 |
| felicem | 132 | Iraus caute tractandus | 200 |
| Ingenij notæ quæ sint. | pag. | Ira ex animo eicienda | 262 |
| 239 | | Iudæi Christum linguis cruci- | |
| Ingenium parce victum alitur | | fixerunt | 533 |
| 27 | | Iudicia Dei arcana | 104 |
| Ingrato homine nihil detesta- | | Iudex crudelis republ. noxius | |
| bitus | 149 | 174 | |
| Iniuriarum obliuio Deo gra- | | Iudicis officium quæ requirat | |
| tissima | 4 | 344 | |
| Iniuriæ dissimulandæ | 195 | Iudex qualis esse debeat | 52 |
| Inopinantibus mors obrepit. | | Iudicis boni officia, vt famæ | |
| 482 | | obseruare debeat. p. 53. | 433 |
| Institutio nobilium puerorum | | 438. 422 | |
| & aliorum qualis esse debe- | | Iudices a iudicijs non immu- | |
| at | 183 | nes | 49 |
| Interrogare facilius quam re- | | Iudicia viris committenda, & | |
| spondere | 203 | quibus | 434 |
| Inuidia quibus optabilis | 641 | Iudici cauenda acerbitas | 426 |
| Inuidia, quibus occulta | 50 | Iugum Domini quorum cerui | |
| Inuidorum qualitates | 637 | cibus aptum | 197 |
| Inuidia execranda | 638 | Iugum Christi quid operetur. | |
| Inuidiæ medicina | 639 | 154 | |
| Inuidiæ vitandæ consilium. | | Iugum diaboli multiplex. pag | |
| 640 | | 152 | |
| Inuidia vetus malum | 61 | Iurisconsulti officium | 518 |
| Inuidorum mores | 64 | Iustitia Dei | 141 |
| Irae dissertatio | 454 | Iustitiæ munus quibus dandū. | |
| Iraescendum quando & quibus | | 175 | |
| 458 458 | | Iustitiæ pictura | 437 |
| Irae effectus externi | 197 | Iustitia non peruertenda. pag. | |
| Irae Dei & iræ hominum disse- | | 438 | |
| rentia | 224 | Iustitiæ comes misericordia. | |
| Ira quid sit & eius proprietates | | 439 | |
| 196 | | Iuuentæ & senectutis compa- | |
| ab iracundia in quo differat, | | ratio | 28 |
| | Zz | 4 | Inuicia |

I N D E X

| | | | |
|--|-----|--|----------|
| Iuuentus laudanda | 213 | dulcis est | 136 |
| Iuuenum & senum officia inter se mutua | 588 | Liber quis censeatur | 188 |
| Lacernæ pluribus nubunt | 708 | Libertate qualiter utendum | 190 |
| Lachrymarum vis | 426 | Libertas vita charior | 39 |
| Lachrymæ amorum interpretes | 427 | Libertas multis exitij causa | 188 |
| Lachrymæ mulierum quales | 427 | Liberalitatis exempla | 330 |
| Laudem qui mereantur | 600 | Linguæ diuersi effectus | p. 531. |
| Laus iustitiæ maior quam fortitudinis | 103 | 543 | |
| Lectio quid operetur, & quid audirio | 150 | Lingua muliebris pessimum | |
| Leges apud antiquos | 478 | flagellum | 293. 302 |
| Legis Christi & mundi differentia | 192 | Lingua meretricis quam innoxia | 361 |
| Legum humanarum absurditas & impietas | 156 | Litteræ asseruandæ, non vulgandæ | 263 |
| Leonis collati beneficii recognitionis | 146 | Literarum scriptura qualis esse debeat | 57 |
| Leuis sceminae difficilis custodia | 244 | Litigantium conditiones. | 127 |
| Lex Carthusianensium | 656 | Litigantium miseria | 98 |
| Lex Rhodiorum de maritandis liberis | 703 | Luciferi peccatum quale | 533 |
| Lex contra ociosos | 388 | Luctus acerbissimi solatia | 544 |
| Lex vetus in sapientum & doctorum delicta | 580 | Luctus amoris quæ demonstratio | 670 |
| Lex vetus transgressores damnat, nec tamen obseruatores saluat | 151 | Luctus ex obitu filij acerbissimam exponit, & eius remedium explicat | 587 |
| Lex Mosæica & Christianorum in quo differant | 152 | Lugentis officium | 354 |
| Lex Christi cui comparetur. | 154 | Lycurgi tempora & eius descriptio | 19 |
| Lex diuina malis aspera, bonis | | Lycurgus quomodo leges suas perpetuas confirmarit, & eius mors & Leges. 22. & seq. | |

M.

Magistratus officium, pag. 269.

Ma-

| | | | |
|---|---------|------------------------------------|------|
| Magistratus & Iudices quales esse debeant | 183 | lolyia cauenda | 208 |
| Magnatum officium | 169 | Mater qualis, talis filia | 175 |
| Magnatum in meretrices & adulatores liberalitas | 368 | Matronæ quæ fugiunt | 674 |
| Malorum noxa deploranda | 603 | Martis alea dubia | 5 |
| p. 115 | | Mercatura non vituperanda | |
| Manus & pedes osculari putidum & seruire | 468 | Meretricum descriptio | 311 |
| Marci Aurelij sollicitudo in ducendis filiabus | 696 | Meritorum conscientia | 1100 |
| Matrimonialium sacrorum ritus | 705 | ne peccandi afferat fiduciam | |
| Matrimonia vltronea | 417 | Militis officium | 41 |
| Matrimonium cum paribus contrahendum | p. 282 | Militia Christiano licita | 312 |
| in Matrimonio fides reciproca esse debet | 421 | Milites mundi feroces, Deum | |
| Matrimonium clandestinum fugiendum | 285 | tes | 107 |
| Matrimonij molestiæ | 123 | Minores sæpe maioribus | 910 |
| Matrimonij querelæ | 417 | ualere exemplis S. Sapphoræ | |
| Matrimonium cita pœnitentia | 123 | comprobat | 113 |
| Matrimonij malum perpetua miseria | 282 | Miseria propria, comparatio alienæ | 141 |
| Matronarum & virginum virtutes | 307 | Miser, cui non inuidetur | 65 |
| Mariti, & vxoris diuersa officia | 276 306 | Mœrorum deterrimum hominibus | |
| Matrisfamilias officium | 278 | malum | 595 |
| Mantio imperiū domesticum debetur | 716 | Morbi molestiæ | 227 |
| Maritum etiam vitiosum vxor proba diligit | 717 | Mores Lacedæmonum corrupti | 688 |
| Mariti quæ vxoribus obijcere soleant | 302 | Moribus debet respondere | |
| Maritis nimia erga vxores zelus | 295 | lus | 100 |
| | | Mors & vita in manibus | 111 |
| | | guæ | 517 |
| | | Mors naturæ inimica | 212 |
| | | Mortis imperium, & quid sit | |
| | | mors | 350 |
| | | Mors bona, optabilis | 613 |
| | | Mortes repentinae | 652 |
| | | Mortui qui desendi | 600 |
| | | Mulier qualis esse debeat | 287 |
| | | Mulier tacere, vir ferre diligeret | |

I N D E X

| | | | |
|--|---------|--|-----------|
| Mulieres solę rerum potiri vo- lunt | 498 | Mutationis deploratio | 483 |
| Mulier in principio qualiter tractanda | 297 | Mutorum occultus amor | 689 |
| Mulieres in absentia viri non visitandę, eiusque periculi exemplum | 332 | N | |
| Mulierum natura diuersa, & quam male cohibenda | 299 | Natura dolorem adfert | 343 |
| Mulieribus secreta non com- mittenda | 259 261 | Negligentia scriptoris vn- de aduertatur | 129 |
| Mulieres vt multa scire vide- antur multa loquuntur | 260 | Negotiationis Romanę & A- lexandrinę diuersitas | 628 |
| Mulieres verecundę, & domi assiduę esse debent | 289 | Nemo celerius opprimitur quam qui non timeret | 630 |
| Mulier suspitione carere debet | 413 | Nemo sine vitio | 280 |
| Mulier quę pudica | 289 | Nobilitatis recentioris cum antiqua comparatio | 618 |
| quę deceant | 290 | Nobilis officium | 260 |
| Mulier bona verbo, mala ne fuisse quidem domatur | 296 | Nobilis esse quid sit | 70 |
| Mulier iracunda quid lucrifa- ciat | 291 | Nobilitatem veram quę dece- ant | 105 |
| Mulieres impudicę vrbis rui- na | 680 | Nobilitatis verę insignia | 107 |
| Muliere mala & impudica ni- hil peius | 124 287 | Nobilitatem generis ornantia | 81 |
| Mulier quę maritum odit ali- um amabit | 292 | Notationes odiosę & pericu- losę | 28 36 184 |
| Mulieres zelotypia laborant | 421 | Noua nuncia | 99 |
| Mundo non fidendum | 605 | Nouissimorum meditatio vti- lior quam ad loca sacra pe- regrinatio | 89 |
| Mundus sibi seruientibus par- ce, Christus liberaliter mer- cedem soluat | 155 | Notę ingenij quales sint | 239 |
| Musica furori medetur | 138 | Numantię vrbis historia | 34 |
| | | eiusque situs & incolę | 35 |
| | | rum furor | 38 |
| | | Nuncium de re tristi conciu- non ferendum | 227 |
| | | O | |
| | | Obligatio amici | 667 |
| | | Oblivio, iniuriarum re- mediū | |

| | | | |
|---------------------------------|----------|---------------------------------|------|
| mediunt | 171 | Parentum indulgentia natos | |
| Obsequi proprium hominis | | corruptit | 363 |
| 141 | | Pari melius quam malum face | |
| Obsequij oblationes | 468 | re | 132 |
| Opera dissimulanda | 504 | Patientia, Deus placatur. pag. | |
| Obsequii hostis mortui gratifi- | 665 | | |
| mus | 339 | Patientia à Deo præmio digno | |
| Officium suum cuique facien- | | re nunceratur. | 140 |
| dum | 70. 71 | Patrisfamilias officium. | 378. |
| Officia qualiter distribuenda. | 385. 456 | | |
| 134 | | Pauperum lachrymarum vltices | |
| Officium boni Imperatoris. | | acerum | 170 |
| 105 | | Peccator sibi quisque optimus | |
| Officium virorum erga vxo- | | | 164 |
| res | 295 | Peccator est qui iustum pecca- | |
| Olympia quis primus institue- | | tozem se agnoscit. | 218 |
| rit & in quem finem institu- | | Peccatum non peccatorem o- | |
| ta | 20 | deris | 461 |
| Omnia non omnibus contin- | | Peccata occulta ad Dei, mani- | |
| gunt | 418 | festata ad Regis tribunal per- | |
| Opes alunt vitia | 241 | tinent | 15 |
| Opinionibus mundus regitur. | | Peccatum maius quod sit. pag. | |
| 243 | | | 549 |
| Orandi modus | 349 | Peccatum grauissimum alios | |
| Oratio iusti quantum valcat | | ad peccatum inducere. pa. | |
| apud Deum | 163 | | 385 |
| Os, vitæ & mortis ostium. p. | | Peccanti conniuens in se eru- | |
| 529 | | delis est | 392 |
| Otium puluinar Sathanæ. pa. | | Peccantes poenam qui incur- | |
| gina | 545 | rant | 357 |
| | | Peccat tam qui iubet quam qui | |
| | | facit | 117 |
| | | Peccatis desistendum | 552 |
| | | Peccata vitare quid sit. pagin. | |
| P | | | |
| Artis vtendum | 121 | | 684 |
| Paruitas non contemnen- | | Peccata desenda. pagin | 422 |
| da | 122 | | 430. |

| | |
|---|---------------------------------------|
| Pelagius Belli dux creatus principem quæ minus deceat | |
| Mauros vicit | 272 183 |
| Peregrina admiranda potius Principes obsequio magis quæ | |
| quam imitanda | 190 consilio delectantur 3 |
| Perseuerantia optima virtus, Principum aulæ omnis elegantiæ | |
| & eius declaratio | 556 576 tiæ officinæ 466 |
| Piorum vita etiam calamitati Priscorum philosophorū san- | |
| ctus subiecta | 209 ctitas 584 |
| Pœna culpam sequitur | 337 Pristinæ consuetudinis iucunditas |
| Pœna filij maiorum famam da memoria | 233 |
| extinguentis | 601 Procantes quæ spectent 446 |
| Pœna paterni imperij spreto prodest sæpe quod nocet | 393 |
| 286 | Proci qui cadant 206 |
| Pœna verbis non exasperanda pudicitia res tenerima | 692 |
| 535 Proci | pudicitia optima dos 287 314 |
| Pœnitentia vera nunquam se | pudor pudicitie custos 315 |
| ra | 572 pulchritudo periculosa 697 |
| Pontificis Romani dignitas pulchrarum foeminarum ce- | |
| 191 | lebritas vnde 699 |
| Potio calicis Christi amara | |
| primo, post melle dulcior | 222 |
| Preces Sathanæ plus quam Apostoli apud Deum valuerunt | 130 |
| Principis officium | 166 |
| Principi maxime convenientia | 178 |
| Princeps bonus & Tyrānus quo differant | 173 |
| Princeps magnitudo in quo posita | 180 |
| Principi iustitia administranda | 171 |
| Princeps in quo gloriari debeat | 215 |
| Principum est ignoscere | 264 |
| Principi quæ vitanda | 16 & seq. 269 |

Q

Quadragesima male à nonnullis observata 101

Quæritioniis quomodo occurrendum 176

Qui vulgo colantur 215

Quæritat videat ne cadat 217

R

Rebecca castitas & laus 312

Rebellionis quorundam causa 181

Recentiorum cum priscis colatio 582, 584

Regulæ vitæ quietæ 599

Regentium munus difficile 269

Re-

I N D E X.

| | | | |
|----------------------------------|-----|---------------------------------|-----|
| Regum appellatio & origo | 9 | Sacri Literis ad res prophanas | |
| Regum quorundam cognomina | 271 | non abutendum | 416 |
| Regum splendida seruitus | 245 | Salutandi modi | 467 |
| Rei faciundæ incumbendum | | Sanitatis leges | 644 |
| 120 | | Sapientis quod sit officium | 45 |
| Religiosos de amoribus loqui | | Sapiens paruo contentus | 140 |
| non decet | 244 | Satanicæ subagitationes | 312 |
| Remedia contra iracundiam | 138 | Saul a malo spiritu arreptus | |
| 464 | | Saulis occisi historia | 537 |
| Remedia contra amores illi | | Scriptura & verba animi indicis | 129 |
| citos | 500 | Scelera quam odiosa | 161 |
| Reprehensio alterius facilis est | | Scianus equus qualis fuerit | 158 |
| 502 | | Secreta quibus reuelanda | 304 |
| Responsio cita nimis & in | | Secreti reuelatio noxia | 261 |
| consulta stultitiæ argumen | | Seculi peruersitas | 663 |
| tum | 265 | Senectus flos animi | 586 |
| Res graues & arduæ secretum | | Senectus ara calamitatum | 218 |
| amant | 266 | Senectutis incommoda | 213 |
| Rex Sacrorum | 10 | Senex quid ab amica iuuenē ex- | |
| Rex Dei præscripto qualis | | pectare possit | 236 |
| esse debeat | 13 | Sententia ferenda cito & iuste | |
| Rixæ coniugum alijs non ma- | | 177 | |
| nifestandæ | 501 | Senum observatio & honor | 25 |
| Rodiorum lex de educandis li- | | Senum temperantia qualis, & | |
| beris | 678 | prudencia | 219 |
| Romani Reges Reipubl. bellis | | Senum proprietates 483. quali- | |
| duces fuerunt | 10 | tates | 503 |
| Roma morbis obnoxia | 645 | Sepulturæ solus homo curam | |
| Ruinæ urbis Romæ initium | | habet | 371 |
| cuiusque autores | 581 | Seruire Deo optimum | 253 |
| Rusticitatis & arrogantiae | | Seruo merces debetur | 210 |
| qui notentur | 465 | Seruus quibusdam potior li- | |
| | | bertate | 188 |
| S | | Socius culpæ socius poenæ | 386 |
| Sacrorum idem ordo qui | | Solacium in miseris | 66 |
| fuit | 45 | | |

I N D E X

| | | | |
|----------------------------------|-----|-----------------------------------|-----|
| Solarius est inter multos, do- | 661 | Victus priscorum hominū | 15 |
| lorem suum diuidere | | statura & modus | 30 |
| Somno cur alij inter audien- | | Viduarum Romanarum fama | 666 |
| dū opprimatur, alij non | 662 | niltenerius | |
| Sopor in Deum non cadit | 138 | Viduas qualis deceat habitus | |
| Sopor Domini quid significet | 668 | vndecognoscantur i- | |
| 138 | | Vindictæ cupiditas multos per- | |
| Status mundi varius | 424 | dit | 46 |
| Stulti de rebus sibi incognitis | | Vita monastica | 226 |
| temere pronunciant | 109 | Vita claustralis alia tutior | 494 |
| Superbus & stultus idem | 125 | Vitæ solitariæ felicitas | 92 |
| Superbia odium parit | 179 | Vitæ huius vel illius differentia | |
| Superstitiones quorundam | 431 | 540 | |
| Supini cadentes qui sint | 216 | Vitæ mors est mors vita | 410 |
| T | | Vitæ huius imperfectio | 414 |
| T Emeritas fugienda | 109 | Vita quibus longa & quibus bre- | |
| Temporalia incerta & ca- | | uis | 306 |
| duca sunt | 231 | Vitæ huius incommoda | 451 |
| Tentamur non & malum facia- | | 464 | |
| mus, sed vt vincamus | 139 | Vita miserij plena | 12 |
| Tentatione carnis cur Aposto- | | Vitæ aulicæ miseria | 246 |
| lus non liberatur | 130 | Vitiorum ignorantia vtilis | 654 |
| Timor virgines decet | 316 | Vitia Episcopo indecentia | 27 |
| Tolerantia magistratibus ne- | | Vitia facile discuntur, vix vn- | |
| cessaria | 269 | quam dediscuntur | 56 |
| Tributa quæ causentur | 186 | Viuere & mori quid sit | 407 |
| Tristitiæ indicia | 647 | Viu quomodo in infernum de- | |
| Tyrannis virtus formidabilis | | scendant | 83 |
| 134 | | Vltio à zelo in quo distingua- | |
| Tyrannus quis | 9 | tur | 196 |
| V. | | Voluptas honestissima quæ sit | |
| | | 264 | |
| V Aletudo præcipuum bonū | | Voluptas vna mille dolores pa- | |
| Victoria à Deo | 3 | rit | 422 |
| Victorem decet lenitas & qua- | | Voy viua afficit | 88 |
| re | 47 | Vox viua magis afficit quam | |
| Victoria vt difficilius quā vin- | | lectio | 149 |
| scere. | 121 | Vox sonus & eius vis | 11 |
| | | Vio | |

I N D E X.

| | | | |
|------------------------------------|----------|---------------------------------|----------|
| Vxor qualis ducenda | 283. 414 | virginibus quæ consideranda. | |
| Vxor cur non ducenda | 706 | | 318 |
| Vxoris bonæ amissio iactura | | virginis honestæ officium | 319 |
| reparabilis | 348 | & quæ illi propria | 320 |
| Vxoris vitia nō diuulgāda | 300 | viri felicitas in quo consistat | 322 |
| Vxorum de maritis querelæ | 302 | | 348 |
| Venter caret auribus | 142 | viri Nobilis laus | 206 |
| Vetus & cupido quos suo albo viros | | nobiles nihil ordine suo | |
| inserebant | 235 | deceat indignum suscipere | |
| Venus qualiter suos cultores | 615 | | |
| tractet | 235 | virtutis efficacia | 134. 268 |
| Verbi cōtumoliosus effectus | 198 | virtutis stabilitas | 116 |
| verba & Scriptura animi iudi | | virtutis summa capita | 24 |
| ces | 129 | virtus inuidiæ obnoxia | 340 |
| vestitus virginis qualis esse de | | | |
| beat | 317 | Y. | |
| vera dos virginis | 287 34 | | |
| virginum honestas qualiter | | Z Elotypia laborantes qui sint | |
| conseruetur | 164 | | 298 |
| virgines quales esse debeat | 311 | Zelotypus quid facere debeat | |
| virginitas vita contemplatiua, | 364 | | |
| 310 | | | |



